

नमो नमो निम्मल दंशणरुस

आगमसुत्ताणि



१८

जंबूद्वीवपत्रति

सत्तमं उवंगसुत्तं

संसोहय-संपायग

निपुण निर्यामिड पू, मुनिराज श्री सुधर्म सागरणु म. ना शिष्य

मुनि दीपरत्नसागर

ઢાલ ડલ્લઘાઢી શ્રી લેખિનાલાલ ઢમઃ

વલો વલો નિલ્લ ઢંલગલ્લ

શ્રી આનંદ-લમ-લલિલ-સુશીલ-સુધર્મસાગરગુરુલ્લો નમઃ

૪૫-આગમસુત્તાણિ

—: સં સો હ ય—સં વા ય ગ :—

પૂજ્ય મુનિરાજ શ્રી સુવર્મસાગરજી ધલારાજ સલ્લેખના શિલ્થ

મુનિ ઢીપરલ્લસાગર

ઢા. ૨૨/૭/૯૬

સોમવાર ૨૦૫૨

લલાલ સુદ : ૬

૪૫ આગમના સેટની કિંમલ - રૂ. ૧૫૦૦/-
(ભાલિ આગમ-કાર્ય ખાલે)

આગમ શ્રુલ પ્રકાશન

મુદ્રક

નવપ્રભાલ પ્રિન્ટીંગ પ્રેસ ઘીકાંટારોડ, અમદાવાદ.

કમ્પોઝ

શ્રી ગ્રાફિક્સ ૨૧, મુભાષનગર, ગિરધરનગર,
શાલીબાગ, અમદાવાદ.

[2]

આર્થિક અનુદાન દાતા

૪૫ આગમમાં મુખ્ય દ્રવ્ય સહાયક

શિવભાઈ શ્યામલાલ શ્રી સૌમ્યગુણશ્રીજીની પ્રેરણાથી

૪૫ આગમમાં મુખ્ય દ્રવ્ય સહાયક

શ્રીમતી નયનાબેન રમેશચંદ્ર શાહ - સપ્તિવાર [વડોદરા]

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં ધમેલી જ્ઞાનની ઉપજમાંથી - વડોદરા
- ૨ રત્નત્રયાશ્રીજી સાધ્વીશ્રી સૌમ્યગુણશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પરુષણ પર્વમાં ધમેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રયાંતમૂર્તિ સા.સૌમ્યગુણશ્રીજીના શિષ્યા તપસ્વી સા.સમજાશ્રીજીના ૪૫ આગમના ૪૫ ઉપવાસ નિમિત્તે શા.કે.બંગલે ધમેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરલા સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ. રત્નત્રયાશ્રીજી મ.ની દ્વિતીયપુન્યતિથિ નિમિત્તે સા.મોહરત્નાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણશ્રીજીના ઉપદેશથી શ્રી ગુજરાતી શ્વે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણશ્રીજીની પ્રેરણાથી, સ્વ.ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વિંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાણપુર તથા શ્રી જોરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ. નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્વે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-એહુલ સોસાપટી, સુભાનપુરા-જ્ઞાનખાતુ-વડોદરા હ. લાભુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દ્રોડા) અમદાવાદ

[3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગળાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોઠીપોળ, શ્વે. મૂર્તિ. જૈન સંઘ, શ્રી શાંતિનાથ જિનાલપ - જ્ઞાનખાતુ, વડોદરા
- ૧૮ શ્રી કારેલી બાગ શ્વે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્વે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્વે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છા. આ. શ્રી વિજયરામચંદ્રસૂરીશ્વરજી મ. સા. ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદેબેન વિરચંદભાઈની ક્ષુતચાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈયાવચ્ચપરામણા શ્રમશીલ્યા શ્રી અનંતગુણાશ્રીજીની પ્રેરણાથી સમ્યગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીહ સૂત્ર માટે]

● જપ - આજમ સેટ-સોજના પ્રાહરક - દાતા ●

પ. પૂ. સા. સૌમ્યગુણાશ્રી મ. ના ઉપદેશ તથા તેમના સંસારીભાઈ શ્રી ઈન્દ્રવદન રતીલાલ દામાણી (વિંછીયાવાળા) - મદ્રાસના પ્રેરક સૌજ્યથી

૧. શ્રીમતી ગુણીબેન જીવાનંદભાઈ સી. કોઠારી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, મુડા, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. મહેતા, જાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણીબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મૃદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નપનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. મે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. ખાતુશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીબાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

સા. મોક્ષરત્નાશ્રીજી તથા સા. શ્રી સમજ્ઞાશ્રીજીની પ્રેરણાથી - શાહ પુસ્તિયાવાળા

૧ કાંતિલાલ હજરીલાલ એવટીયા

૨ સંઘવી રતનલાલ ભગવાનદાસ રાઠોડ

૩ મધુમતી રાજેશ દેદાસની

૪ સરલાબેન રમેશચંદ વોરા

૫ સુખનબાઈ બાલચંદજી ચોરડીયા

૬ અ.સૌ. હંસાબેન ઉત્તમલાલ સુખડીયાના વર્ષિતપ નિમિત્તે ઉત્તમલાલ સતીલાલ ચણપુરાવાળા તરફથી

૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

૧ સુખડીયા હસમુખલાલ વનેચંદ (જમવંધલી) નંદુરબાર

૨ ગં. સ્વ. સુરજબેન પદમશી શાહ. હ. જ્યોતિબેન નંદુરબાર

૩ સા. સમજ્ઞાશ્રીજીની પ્રેરણાથી શ્રી અજિતનાથ - મંદિર એ. પૂર્તિ સંઘના શ્રાવિકામહેનો નંદુરબાર

૪ સા. સમજ્ઞાશ્રીજીની પ્રેરણાથી - શાહ મુનિલાલજી શિવલાલજી, સોનગીર

૫ સુખડીયા ચંદ્રભુજ જગમોહનદાસ હ. વીરાભાઈ - ધોરાજી

૬ શાહ મકલલાલ કકીરચંદ, વિધિકરક (ડભોઈ) શાહ-અમદાવાદ

૭ સા. શ્રી સૌમ્યગુણશ્રીજીની પ્રેરણાથી રમેશચંદ મનસુખલાલ શાહ, અમદાવાદ

૮ સા. શ્રી સૌમ્યગુણશ્રીજીની પ્રેરણાથી શ્રીમતી જસુદબેન લક્ષ્મીચંદ મેતા, હ. ઈન્દુભાઈ દામાણી, સુરત

૯ સા. શ્રી મોક્ષરત્નાશ્રીજીની પ્રેરણાથી સ્વ. સોપચંદ બોધાભાઈ પરિવાર હ. બાલુબેન, ચામપુરા

૧૦ પૂ. આગમોદ્ધારકશ્રીના સમુદાયનાં દીર્ઘસંપત્તિ વિદુષી સા. શ્રી મુલ્તારાશ્રીજી જામનગરવાળાના ઉપદેશથી તથા તેમના પદશિષ્યાની પુનિત પ્રેરણાથી

૧૧ ભોગીલાલ ત્રીભોવનદાસ શાહ, હ. નપનાબેન, વડોદરા

૧૨ સંગીતા અજમેરીયા - મોરબી

● ૪મ આમમસેટ ઓજલા-બામદાતા ●

૧ પરમાર દીપ્તી રાજેશકુમાર-વડોદરા

૨. સા. શ્રી સૌમ્યગુણશ્રીજીની પ્રેરણાથી કિરણબેન અજિતકુમાર કાપડીયા, વડોદરા

૩. સા. શ્રી સમજ્ઞાશ્રીજીની પ્રેરણાથી - શ્રી નિજામપુરા જૈન સંઘ, વડોદરા

૪. સા. શ્રી સમજ્ઞાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા

૫. સા. શ્રી મોક્ષરત્નાશ્રીજીની પ્રેરણાથી ગં. સ્વ. વસંતબેન અંબકલાલ દોશી, નંદુરબાર

૬. માણેકબેન શાહ- વડોદરા

૭. શોભનાબેન શાહ - વડોદરા


[5]

:- अ-भा-२- प्र-६-१-ली :-

- [१] अभिनव हेम लघुप्रक्रिया -१- सप्ताङ्ग विवरणम्
 [२] अभिनव हेम लघुप्रक्रिया -२- सप्ताङ्ग विवरणम्
 [३] अभिनव हेम लघुप्रक्रिया -३- सप्ताङ्ग विवरणम्
 [४] अभिनव हेम लघुप्रक्रिया -४- सप्ताङ्ग विवरणम्
 [५] वृद्धन्तमाला
 [६] चैत्यवन्दन पर्वमाला
 [७] धैत्यवन्दन सङ्ग्रह - तीर्थयजिनविशेष
 [८] धैत्यवन्दन चौविशी
 [९] शत्रुञ्जय भक्ति [आवृत्ति-दो]
 [१०] अभिनव जैन पञ्चाङ्ग - २०४६
 [११] अभिनव उपदेश प्रासाद -१- श्रावक कर्तव्य - १ वी ११
 [१२] अभिनव उपदेश प्रासाद -२- श्रावक कर्तव्य - १२ वी १५
 [१३] अभिनव उपदेश प्रासाद -३- श्रावक कर्तव्य - १६ वी ३६
 [१४] नवपद-श्रीपाल- [शाशवती ओणीना व्याख्यान रूपे]
 [१५] समाधिभरज [विधि-सूत्र-पद्य-आराधना- मरञ्जलेद-संग्रह]
 [१६] चैत्यवन्दनमाणा [७७८ चैत्यवन्दनो नो संग्रह]
 [१७] तत्त्वार्थ सूत्र प्रबोधटीका [अध्याय-१]
 [१८] तत्त्वार्थ सूत्रना आगम आधार स्थानी
 [१९] सिद्धायलनो साथी [आवृत्ति-भे]
 [२०] चैत्यपरिपाटी
 [२१] अमदावाद जिनमंदिर उपाश्रय आदि डिरेक्टरी
 [२२] शत्रुञ्जय लडित [आवृत्ति-भे]
 [२३] श्री नवकारमंत्र नवलाप ज्ञाप नौधपोथी
 [२४] श्री चरित्र पद अेक करोड ज्ञाप नौधपोथी
 [२५] श्री भारत्रत पुस्तिका तथा अन्य नियमो [आवृत्ति-भार]
 [२६] अभिनव जैन पंचांग- २०४२; [सर्व प्रथम, १३ विभागीयोंमां]
 [२७] श्री ज्ञानपद पूजा
 [२८] अंतिम आराधना तथा साधु साध्वी कणधर्म विधि
 [२९] श्रावक अंतिम आराधना [आवृत्ति-त्रय]
 [३०] वीतराग स्तुति संग्रह [११५१-त्वाववाली स्तुतिओ]
 [३१] (पूज्य आगमोद्धारकश्रीना समुदायना) कपयी संपर्क स्थणो
 [३२] तत्त्वार्थाधिगमसूत्र अभिनवटीका- अध्याय-१
 [३३] तत्त्वार्थाधिगमसूत्र अभिनवटीका - अध्याय-२
 [३४] तत्त्वार्थाधिगमसूत्र अभिनवटीका- अध्याय-३

[6]

- [३५] तत्त्वार्थविगम सूत्र अभिनवटीका- अध्याय-४
 [३६] तत्त्वार्थविगम सूत्र अभिनवटीका- अध्याय-५
 [३७] तत्त्वार्थविगम सूत्र अभिनवटीका- अध्याय-६
 [३८] तत्त्वार्थविगम सूत्र अभिनवटीका- अध्याय-७
 [३९] तत्त्वार्थविगम सूत्र अभिनवटीका- अध्याय-८
 [४०] तत्त्वार्थविगम सूत्र अभिनवटीका- अध्याय-९
 [४१] तत्त्वार्थविगमसूत्र- अभिनवटीका- अध्याय-१०



[४२] आवारौ	[आगमसुत्ताणि-१]	पदमं अंगसुत्तं
[४३] सूपगडो	[आगमसुत्ताणि-२]	धीअं अंगसुत्तं
[४४] ठाणं	[आगमसुत्ताणि-३]	तइयं अंगसुत्तं
[४५] समवाओ	[आगमसुत्ताणि-४]	चउत्थं अंगसुत्तं
[४६] विवाहपत्रत्ति	[आगमसुत्ताणि-५]	पंचमं अंगसुत्तं
[४७] नायाधम्मकहाओ	[आगमसुत्ताणि-६]	छट्ठं अंगसुत्तं
[४८] उवासगदसाओ	[आगमसुत्ताणि-७]	सत्तमं अंगसुत्तं
[४९] अंतगडदसाओ	[आगमसुत्ताणि-८]	अट्ठमं अंगसुत्तं
[५०] अनुत्तरोववाईयदसाओ	[आगमसुत्ताणि-९]	नवमं अंगसुत्तं
[५१] पण्हावागरणं	[आगमसुत्ताणि-१०]	दसमं अंगसुत्तं
[५२] विवागसूयं	[आगमसुत्ताणि-११]	एक्करसमं अंगसुत्तं
[५३] उववाइअं	[आगमसुत्ताणि-१२]	पदमं उवंगसुत्तं
[५४] रायपसेणियं	[आगमसुत्ताणि-१३]	धीअं उवंगसुत्तं
[५५] जीवाजीवाभिगम	[आगमसुत्ताणि-१४]	तइयं उवंगसुत्तं
[५६] पत्रवणा-सुत्त	[आगमसुत्ताणि-१५]	चउत्थं उवंगसुत्तं
[५७] सूरपत्रत्ति	[आगमसुत्ताणि-१६]	पंचमं उवंगसुत्तं
[५८] चंदपत्रत्ति	[आगमसुत्ताणि-१७]	छट्ठं उवंगसुत्तं
[५९] जंबूद्दीवपत्रत्ति	[आगमसुत्ताणि-१८]	सत्तमं उवंगसुत्तं
[६०] निरयावलियाणं	[आगमसुत्ताणि-१९]	अट्ठमं उवंगसुत्तं
[६१] कम्पवडिंसयाणं	[आगमसुत्ताणि-२०]	नवमं उवंगसुत्तं
[६२] पुष्फियाणं	[आगमसुत्ताणि-२१]	दसमं उवंगसुत्तं
[६३] पुष्फचूलियाणं	[आगमसुत्ताणि-२२]	एक्करसमं उवंगसुत्तं
[६४] वण्हिदसाणं	[आगमसुत्ताणि-२३]	बारसमं उवंगसुत्तं
[६५] चउसरण	[आगमसुत्ताणि-२४]	पदमं पईण्णगं
[६६] आउरपच्चक्खाण	[आगमसुत्ताणि-२५]	धीअं पईण्णगं
[६७] महापच्चक्खाण	[आगमसुत्ताणि-२६]	तइअं पईण्णगं
[६८] भत्त परिण्णा	[आगमसुत्ताणि-२७]	चउत्थं पईण्णगं

[7]

[૬૧] તંદુલલેયાલિયં	[આગમસુત્તાણિ-૨૮]	પંચમં પર્ડણ્ણગં
[૭૦] સંચારણં	[આગમસુત્તાણિ-૨૯]	છટ્ઠં પર્ડણ્ણગં
[૭૧] ગચ્છાચાર	[આગમસુત્તાણિ-૩૦-૧]	સત્તમં પર્ડણ્ણગં-૧
[૭૨] ચંદાવિજય	[આગમસુત્તાણિ-૩૦-૨]	સત્તમં પર્ડણ્ણગં-૨
[૭૩] ગણિવિજ્ઞા	[આગમસુત્તાણિ-૩૧]	અટ્ઠમં પર્ડણ્ણગં
[૭૪] દેવિંદત્યઓ	[આગમસુત્તાણિ-૩૨]	નવમં પર્ડણ્ણગં
[૭૫] મરણસમાહિ	[આગમસુત્તાણિ-૩૩/૧]	દસમં પર્ડણ્ણગં-૧
[૭૬] વીરત્યવ	[આગમસુત્તાણિ-૩૩/૨]	દસમં પર્ડણ્ણગં-૨
[૭૭] નિસીહ	[આગમસુત્તાણિ-૩૪]	પદ્મમં છેયસુતં
[૭૮] બુહત્ કપ્પો	[આગમસુત્તાણિ-૩૫]	વીજં છેયસુતં
[૭૯] ચવહાર	[આગમસુત્તાણિ-૩૬]	તદ્અં છેયસુતં
[૮૦] દસાસુયક્કંધં	[આગમસુત્તાણિ-૩૭]	ચઉત્ત્યં છેયસુતં
[૮૧] જીયકપ્પો	[આગમસુત્તાણિ-૩૮/૧]	પંચમ છેયસુતં-૧
[૮૨] પંચકમ્પપાસ	[આગમસુત્તાણિ-૩૮/૨]	પંચમ છેયસુતં-૨
[૮૩] મહાનિસીહ	[આગમસુત્તાણિ-૩૯]	છટ્ઠં છેયસુતં
[૮૪] આવસ્સયં	[આગમસુત્તાણિ-૪૦]	પદ્મમં મૂલસુતં
[૮૫] ઓહનિજ્ઞુત્તિ	[આગમસુત્તાણિ-૪૧/૧]	વીજં મૂલસુતં-૧
[૮૬] પિંડનિજ્ઞુત્તિ	[આગમસુત્તાણિ-૪૧/૨]	વીજં મૂલસતં-૨
[૮૭] દસલેયાલિઅં	[આગમસુત્તાણિ-૪૨]	તદ્અં મૂલસુતં
[૮૮] ઉત્તરજ્ઞયણં	[આગમસુત્તાણિ-૪૩]	ચઉત્ત્યં મૂલસુતં
[૮૯] નંદીસૂયં	[આગમસુત્તાણિ-૪૪]	પદ્મા ઘૂલિયા
[૯૦] અણુઓગદારાઈ	[આગમસુત્તાણિ-૪૫]	ચિત્તિયા ઘૂલિયા

નોંધ : પ્રકાશન ૧તી ૪૧ અભિનવ શ્રુત પ્રકાશને પ્રગટ કરેલ છે.

પ્રકાશન ૪૨-૮૦ આગમ શ્રુત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●

શ્રી ડી. કે. ઠક્કર ૧૬, અલકાનગર, ટ્રિપલક્ષ્મી મિલ્ક પાસે એલેમ્બિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આજાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસીડેન્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે “આગમ શ્રુત પ્રકાશન” વડોદરા નો રૂ. ૧૫૦૦/-
ની કિંમતનો પ્રકટ આપીને જ સેટ મેળવી શકશો.

[8]

-: પરિસિદ્ધ-નિદંસણં :-

- ૧ પદમં પરિસિદ્ધં - “વિસયાણુક્કમો”
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમણિકા છે. જે માટે અમારું ભાવિ પ્રકાશન “૪૫-આગમ બુહત્ વિસય કોસ” જેવું.
- ૨- બીયં પરિસિદ્ધં “વિસિદ્ધ સદાણુક્કમો”
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્ષાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન “૪૫-આગમ વિસિદ્ધ સદ્કોસ” જેવું.
- ૩- તદ્યં પરિસિદ્ધં- “વિસેસ નામાણુક્કમો”
૪૫-[૪૯] આગમમાં આવતા ખાસ નામો જેવા કે ગોયમ, સોમિલ, ...વગેરે કક્ષાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન “૪૫-આગમ વિસેસ નામ કોસ” જેવું.
- ૪- ઘડત્યં પરિસિદ્ધં - “ગાહાણુક્કમો”
૪૫-[૪૯] આગમમાં આવતી ગાથાને જ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન “૪૫-આગમ ગાહાણુક્કમો” જેવું.
- ૫- પંચમં પરિસિદ્ધં “સુત્તાણુક્કમો”
૪૫-[૪૯] આગમમાં આવતા સૂત્રોને જ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિની અંક નિર્દેશ છે. તે વૃત્તિમાં છ છેદ સૂત્રો અને ઘંદપન્તિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદય સમિતિ, (૨) દેવચંદ લાલભાઈ ફંડ (૩) ઋષભદેવ કેસરીમલ પેઢી એ ત્રણ સંસ્થાના પ્રકાશનો જ લીધા છે. - ઘંદ પન્તિ માટે હસ્ત લિખિત પ્રત લીધેલી છે, - બુહત્કમ્પો - પૂ. પુન્યવિજયજી મ.સંપાદિત, નિસીહ-પૂ.કનેપાલાલજી સંપાદિત, યવહાર, પૂ. મુનિ માસેક સંપાદિત, જીયકમ્પો. પૂ.જીનવિજયજી સંપાદિત છે મહાનિસીહ ની વૃત્તિનથી. દસાસુયકલ્પ ની ચૂર્ણિજ પળી છે. માટે તેનું ક્રમાંકન થઈ શકેલ નથી.

-: વં થા ગુ ક્ક મ :-

ક્રમંકો	અક્ષરપત્ર	શુભ	વામ	અનુસ્ક્રમ	વિદંકો
૧	પદમો	૧-૧૭	૧-૩	૧-૨૧	૨-૭
૨	ચીજો	૧૮-૪૧	૪-૮	૨૨-૫૩	૮-૨૨
૩	તરૂજો	૪૨-૭૨	૯-૪૧	૫૪-૧૨૬	૨૨-૫૬
૪	ઘડલો	૭૩-૧૧૨	૪૨-૬૧	૧૨૭-૨૧૧	૫૬-૮૫
૫	પંચમો	૧૧૩-૧૨૪	૭૦-૮૦	૨૧૨-૨૪૪	૮૫-૧૭
૬	છજો	૧૨૫-૧૨૬	૮૧-૮૨	૨૪૫-૨૪૯	૧૭-૧૯
૭	સત્તમો	૧૨૭-૩૬૩	૮૩-૧૩૧	૨૫૦-૩૬૫	૧૯-૧૨૦

પરિસિદ્ધ-નિદંસણં

ક્રમ	પરિસિદ્ધં	પિદ્ધંકો
૧	વિસયાણુક્કમો	૮
૨	વિસિદ્ધસદાણુક્કમો	૮
૩	વિસેસ નામાણુક્કમો	૮
૪	ગાહાણુક્કમો	૮
૫	સુત્તાણુક્કમો	૮

સુચના પત્ર

- આગમ સૂત્રોમાં કાલી બાજુએ છપાયેલ પ્રથમ-અંક, સૂત્ર તથા ગાથાનો સંપૂર્ણ સર્ગ ક્રમાંક સૂચવે છે. [અણુક્કમ]
- છેડે જમણી બાજુએ દર્શાવેલ સિન્દી ક્રમાંકન આગમનંજુવામાં છપાયેલ સૂત્રાંક અને ગાથાંક સૂચવે છે. [ક્રમ]
- સૂત્રને જણાવવા માટે અહીં ઉભા લીટા । । ની વચ્ચે આગમનંજુવાનો સૂત્રાંક પૂરેલો છે. [સુત્રંકો]
- ગાથાને જણાવવા માટે અહીં બે ઉભા લીટા ॥ ॥ ની વચ્ચે આગમનંજુવા નો ગાથાંક મુકેલો છે. [ગાથંકો]
- છેડે જમણી બાજુએ દર્શાવેલ અંગ્રેજી ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યાપનાદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કચી નોંધેલો છે.
- અંગ્રેજી ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજા વખત આવેલો જણવો. - શોધવો.
- જ્યાં સૂત્રોમાં [] આ રીતે ચોરસ ક્રીસ મુકેલા છે તે બે ચોરસ ક્રીસ વચ્ચેનું લખાણ જાવ વાળા પાઠોની કચેલ પૂર્તિ ધ્યાવે છે.

नमो नमो निम्नल इंसणस्स

पंचम गणधर श्री सुधर्मा स्वामिने नमः

१८ जंबुद्वीव पत्रत्ती

सत्तमं उवंगं

पढमो वक्खारो

(१) नमो अरिहंताणं, तेणं कालेणं तेणं समएणं मिहिला नामं नयरी होत्या-रिद्धत्थिमिय-समिद्धा वण्णओ तीसे णं मिहिलाए नयरीए बहिया उत्तरपुरत्थिमे दिसीभाए एत्थ णं नाणिभद्दे नामं चेइए होत्या वण्णओ जियसत्तू राया धारिणी देवी वण्णओ तेणं कालेणं तेणं समएणं सामी समोसदो परिसा निग्गया धम्मो कहिओ परिसा षडिगया ।१।-१

(२) तेणं कालेणं तेणं समएणं समणस्स भगवओ महावीरस्स जेट्ठे अंतेवासी इंदभूई नामं अणगारे गोयमे गोत्तेणं सत्तुस्सेहे समवउरससंठाणसंठिए चउनाणोवगए एवंवयासी- ।२।-२

(३) कहि णं भंते जंबुद्वीये दीये केमहालए णं भंते जंबुद्वीये दीये किसंठिए णं भंते जंबुद्वीये दीये किमागारभावपडोवारो णं भंते जंबुद्वीये दीये पत्रत्ते गोयमा अयण्णं जंबुद्वीये दीये सब्व-दीवसमुद्धानं सब्वत्थितरए सब्वखुद्दाए वट्ठे तेण्णपूयसंठाणसंठिए वट्ठे रहचक्कवालसंठाणसंठिए वट्ठे पुक्खरकण्णियासंठाणसंठिए वट्ठे षडिपुत्रचंदसंठाणसंठिए एणं जोयणसयसहस्सं आयाम-विकखंभेणं तिण्णि जोयणसयसहस्सइं सोलस सहस्साइं दोण्णि य सत्तादीसे जोयणसए तिण्णि य कोसे अट्ठावीसं च धणुसयं तेरस अंगुलाइं अद्धंगुलं च किंचिविसेसाहियं परिकखेवेणं ।३।-३

(४) से णं एग्गाए वइरामईए जगईए सब्वओ समंता संपरिक्खित्ते सा णं जगई अट्ठ जोयणाइं उद्धं उच्चत्तेणं मूले बारस जोयणाइं विकखंभेणं मज्झे अट्ठ जोयणाइं विकखंभेणं उयरिं चत्तारि जोयणाइं विकखंभेणं मूले विच्छिण्णा मज्झे संक्खित्ता उवरिं तणुया गोपुच्छसंठाणसंठिया सब्व-इरामई अच्चा सण्हा लण्हा घट्ठा मट्ठा नीरया निम्मला तिषंका निककंडच्छाया सयप्पा समिरीया सउज्जोया पासादीया दरिसणिज्जा अभिरूवा पडिरूवा सा णं जगई एगेणं महंतगवक्खकडएणं सब्व-ओ समंता संपरिक्खित्ता से णं गघक्खकडए अट्ठजोयणं उद्धं उच्चत्तेणं पंच धणुसयाइं विकखंभेणं सब्वरयणामए अच्छे जाव पडिरूवे तीसे णं जगईए उषिं बहुमज्जेदेसमाए एत्थ णं महई एगा पउमवरवेइया अट्ठजोयणं उद्धं उच्चत्तेणं पंच धणुसयाइं विकखंभेणं जगईसभिया परिकखेवेणं सब्वरयणामई अच्छा जाव पडिरूवा तीसे णं पउमवरवेइयाए अयमेयारूवे धण्णावासे तं जहा-वइरामया नेमा एवं जहा जीवाभिगमे जाव अट्ठो जाव धुवा नियया जाव निच्चा ।४।-४

(५) तीसे णं जगईए उषिं पउमवरवेइयाए बाहिं एत्थ णं महं एगे वणसंडे पत्रत्ते-देसणाइं दो जोयणाइं विकखंभेणं जगईसमए परिकखेवेणं वणसंडवण्णओ नेयव्वो ।५।-५

(६) तस्स णं वनसंडस्स अंतो बहुसमरमणिज्जे भूमिभागे पत्रत्ते से जहनामए-आलिग-पुक्खोइ वा जाव नाणाविहपंचवण्णेहिं मणीहिं य तणेहिं य उवसोमिए तं जहा-किण्णेहिं जाव सुक्किलेहिं एवं वण्णो गंधो फासो सद्दो पुक्खरिणीओ पक्वयगा घरगा मंडवगा पुढविसिलावट्टया य नेयव्वा तत्थ णं यहवे वाणमंतरा देवा य देवीओ य आसयंति सयंति चिद्धंति निसीयंति तुयद्धंति रंति

ललंति कीलंति मोहंति पुरापोराणां सुचिष्णाणं जाव कल्लाणां कल्लाणं फलवित्तिवित्सेसं पच्चणुममाणा विहरंति तीसे णं जगईए उप्पि पउमवरवेइयाए अंतो एत्थ णं महं एगे वणसंडे पन्नत्ते- देसूणाइं दो जोयणाइं विक्खंभेणं वेदियासमए परिक्खेवेणं किण्हे जाव तणविहूणे नेयव्वे । ६।-६

(७) जंबुद्दीवस्स णं भंते दीवस्स कति दारा पन्नत्ता गोयमा चत्तारि दारा पन्नत्ता तं जहा-विजए वेजयंते जयंते अपराजिते एवं चत्तारि वि दारा सराय हाणिया भाणियेव्वा । ७।-७

(८) कहि णं भंते जंबुद्दीवस्स दीवस्स विजए नामं दारे पन्नत्ते गोयमा जंबुद्दीवे दीवे मंदरस्स पव्वयस्स पुरत्थिमेणं पणयालीसं जोयणसहस्साइं वीइवइत्ता जंबुद्दीवे दीवे पुरत्थिनपेरंते लवण-समुद्दपुरत्थिमद्धस्स पच्चत्थिमेणं सीआए महानइए उप्पि एत्थ णं जंबुद्दीवस्स विजए नामं दारे पन्नत्ते- अद्द जोयणाइं उद्धं उच्चतेणं चत्तारि जोयणाइं विक्खंभेणं तावइयं चेव पवेसेणं सेए वरकणगधूमियाए जाव दारस्स वण्णओ जाव रायहाणी । ८।-८

(९) जंबुद्दीवस्स णं भंते दीवस्स दारस्स य दारस्स य केवइए अबाहाए अंतरे पन्नत्ते गोयमा अउणासीइं जोयणसहस्साइं बावण्णं च जोयणाइं देसूणं च अद्धजोयणं दारस्स य दारस्स य अथाहाए अंतरे पन्नत्ते । ९।-९

(१०) अउणासीइ सहस्सा बावण्णं चेव जोयणा हुंति

ऊणं च अद्धजोयण दारंतरं जंबुद्दीवस्स

॥११॥-१

(११) कहि णं भंते जंबुद्दीवे दीवे भरहे वासे गोयमा चुल्लहिमवंतस्स वासह- रपव्वयस्स दाहिणेणं दाहिणलवणसमुद्दस्स उत्तरेणं पुरत्थिमलवणसमुद्दस्स पच्चत्थिमेणं पच्चत्थिमलवणस- मुद्दस्स पुरत्थिमेणं एत्थ णं जंबुद्दीवे भरहे वासे खाणुवहले कंटकवहले विसमवहले दुग्गवहले पव्वयवहले पवायलवहले उच्चरवहले निच्चरवहले खड्दावहले दरिबहले नदीवहले दहवहले रुक्खवहले गुच्छवहले गुम्भवहले लयावहले वल्लीवहले अडवीवहले सावयवहले तेणवहले तक्करवहले डिंबवहले डमारवहले दुब्भिकखवहले दुक्कालवहले पासंडवहले किवणवहले वणीमगवहले ईतिवहले मारिबहले कुवुट्टिबहले अणावुट्टिबहले रायवहले रोगवहले संकिलेसवहले अभिक्खणं-अभिक्खणं संखोहवहले पादीणपडीणायए उदीणदाहिणविच्छिण्णे उत्तरओ पलियं- कसंठाणसंठिए दाहिणओ धणुपट्टसंठिए तिधा लवणसमुद्दं पुट्टे गंगासिंघूहिं महानईहिं वेयइट्ठेणं य पव्वएण छव्वागपविभत्ते जंबुद्दीवदीवणउयसयभागे पंचछवीसे जोयणसए छच्च एगूणवीसइभाए जोयणस्स विक्खंभेणं भरहस्स णं वासस्स बहुमज्झदेसभाए एत्थ णं वेयइट्ठे नामं पव्वए जे णं भरहं दुहा विमयमाणे-(२) चिट्ठई तं जहा-दाहिणइद्धभरहं च उत्तरइद्धभरहं च । १०।-१०

(१२) कहि णं भंते जंबुद्दीवे दीवे दाहिणद्धे भरहे नामं वासे० वेयइट्ठस्स पव्वयस्स दाहिणेणं दाहिणलवणसमुद्दस्स उत्तरेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरत्थि- मेणं एत्थ णं जंबुद्दीवे दीवे दाहिणद्धभरहे नामं वासे पन्नत्ते-पाईणपडीणायए उदीणदाहिणविच्छिण्णे अद्धचंदसंठाणसंठिए तिहा लवणसमुद्दं पुट्टे गंगासिंघूहिं महानईहिं तिभागपविभत्ते दोण्णि अट्टतीसे जोयणसए तिण्णि य एगूणवीसइभागे जोयणस्स विक्खंभेणं तस्स जीवा उत्तरेणं पाईणपडीणयया दुहा लवणसमुद्दं पुट्टा-पुरत्थिमिद्धाए कोडीए पुरत्थिमिद्धं लवणसमुद्दं पुट्टा पच्चत्थिमिद्धाए कोडीए पच्चत्थिमिद्धं लवणसमुद्दं पुट्टा नव जोयणसहस्साइं सत्त य अडयाले जोयणसए दुवालस य एगूणवी- सइभाए जोयणस्स आचामेणं तीसे धणुपट्टे० दाहिणेणं नव जोयणसहस्साइं सत्तजवट्ठे जोयणसए

इक्कं च एगूणवीसइभागे जौयणस्स किचिद्विसेसाहिंयं परिकखवेणं दाहिणइद्धभरहस्स णं भंते वासस्स केरिसए आगारभावपडोयारे० बहुसमरमणिजे भूमिभागे पत्रते से जहानामए-आलिङ्ग-पुक्खरेइ वा जाव नाणाविहपंचवण्णेहिं मणीहिं तणेहिं य उयसोभिए तं जहा-कितिमेहिं चेव अकितिमेहिं चेव दाहिणइद्धभरहे णं भंते वासे मणुयाणं केरिसए आगारभावपडोयारे० ते णं मणुया बहुसंघयणा बहुसंठाणा बहुउच्चत्तपज्जवा बहूइं धासाइं आउं पालेति पालेत्ता अप्पेगइया निरयगामी अप्पेगइया तिरियगामी अप्पेगइया मणुयागामी अप्पेगइया देवगामी अप्पेगइया सिञ्जति बुञ्जति मुच्चति परिणिव्वंति सब्बदुक्खाणमंतं करेति 1991-11

(१३) कहिं णं भंते जंबुद्वीवे दीवे भरहे वासे वेयड्ढे नामं पव्वए पत्रते गोयमा उत्तरद्ध-भरहवासस्स दाहिणेणं दाहिणइद्धभरहयासस्स उत्तरेणं पुरत्थिमलवणसमुद्दस्स पच्चत्थिमेणं पच्चत्थि-मलवणसमुद्दस्स पुरत्थिमेणं एत्थ णं जंबुद्वीवे दीवे भरहे वासे वेयड्ढे नामं पव्वए पत्रते-पाईण-पडीणाए उदाणदाहिणविच्छिण्णे दुहा लवणसमुद्दं पुट्टे-पुरत्थिमिस्साए कोडीए पुरत्थिमिस्सं लवण-समुद्दं पुट्टे पच्चत्थिमिस्साए कोडीए पच्चत्थिमिस्सं लवणसमुद्दं पुट्टे पणवीसं जौयणाइं उद्धं उच्चत्तेणं उच्चकोसाइं जौयणाइं उच्च्येहेणं पत्रासं जौयणाइं विक्खंमेणं तस्स बाहा पुरत्थि-मपच्चत्थिमेणं चत्तारि अट्ठासीए जौयणसए सोलस य एगूणवीसइभागे जौयणस्स अद्धभागं घ आयामेणं पत्रत्ता तस्स जीवा उत्तरेणं पाईणपडीणायाया दुहा लवणसमुद्दं पुट्टा-पुरत्थिमिस्साए कोडीए पुरत्थिमिस्सं लवण-समुद्दं पुट्टा पच्चत्थिमिस्साए कोडीए पच्चत्थिमिस्सं लवणसमुद्दं पुट्टा दस जौयणसहस्साइं सत्त य वीसे जौयणसए दुवालस य एगूणवीसइभागे जौयणस्स आयामेणं तीसे धणुपट्ठं दाहिणेणं दस जौयण-सहस्साइं सत्त य तेयाले जौयणसए पत्ररस य एगूणवीसइभागे जौयणस्स परिकखेदेणं रुयग-संठाणसंठिए सब्बरययामए अच्चे सण्हे लण्हे घट्टे मट्टे नीरए निम्मले निप्पंके निक्कं कडच्छाए सप्पभे समिरीए पासाइंए दरिसणिजे अभिरूवे पडिरूवे उभओ पासिं दोहिं पउमवरवेइयाहिं दोहिं य वणसंडेहिं सब्बओ समंता संपरिकखित्ते ताओ णं पउमवरवेइयाओ अद्धजौयणं उद्धं उच्चत्तेणं पंचधणुसयाइं विक्खंमेणं पव्वयसमियाओ आयामेणं वण्णओ भाणियव्वो ते णं वणसंडा देसूणाइं दो जौयणाइं विक्खंमेणं पउमवरवेइयासमगा आयामेणं किण्हा किण्होभासा जाव वण्णओ, वेयड्ढस्स णं पव्वयस्स पुरत्थिम-पच्चत्थिमेणं दो गुहाओ पत्रत्ताओ-उत्तरदाहिणाययाओ पाईणप-डीणविच्छिण्णाओ पत्रासं जौयणाइं आयामेणं दुवालस जौयणाइं विक्खंमेणं अद्ध जौयणाइं उद्धं उच्चत्तेणं वड्ढामयकवाडोहाडिआओ जमलजुयलकवाडधणुदुप्पवेसाओ निब्बंघयारतिमिस्साओ ववगयगहचंदसूरक्खत्तजोइयसपहाओ जाव पडिरूवाओ तं जहा-तिमिसगुहा चेव खंडप्प-वायगुहा चेव तत्थ णं दो देवा महिइिदया जाव म्हाणुभागा पलिओवमट्टिइया परिवसंति तं जहा-कयमालए चेव नट्टमालए चेव तेसिं णं वणसंडाणं बहुसमरमणिजाओ भूमिभागाओ वेयड्ढस्स पव्वयस्स उभओ पासिं दस-दस जौयणाइं उद्धं उप्पइत्ता एत्थ णं दुवे विज्जाहरसेदीओ पत्रत्ताओ-पाईणपडीणायायाओ उदीणदाहिणविच्छिण्णाओ दस-दस जौयणाइं विक्खंमेणं पव्वइसमियाओ आयामेणं उभओ पासिं दोहिं पउमवरवेइयाहिं दोहिं य वनसंडेहिं संपरिकखत्ताओ ताओ णं पउमवरवेइयाओ अद्धजौयणं उद्धं उच्चत्तेणं पंच धणुसयाइं विक्खंमेणं पव्वयसमियाओ आयामेणं वण्णओ नेयव्वो वणसंडावि पउमवरवेइयासमगा आयामेणं वण्णओ विज्जाहरसेदीणं भंते भूमिणं केरिसए आगारभावपडोयारे गोयमा बहुसमरमणिजे भूमिभागे पत्रते से जहानामए-

आलिंगपुक्खरेइ वा जाव नाणाविहपंचवण्णेहिं मणीहिं तणेहिं य उवसोभिए तं जहा-कित्तिमेहिं चैव अकित्तिमेहिं चैव तत्थ णं दक्खिणिस्सए विज्जाहरसेटीए गगणवल्लभपामोक्खा पत्रासं विज्जाहर-नगरावासा पत्रत्ता उत्तरिस्सए विज्जाहरसेटीए रहनेउरचक्कवालपामोक्खा सद्धिं विज्जाहरन-गरावासा एवामेव सपुब्बावरेणं दाहिणिस्सए उत्तरिस्सए विज्जाहरसेटीए एणं दमुत्तरं विज्जाहरन-गरावाससयं भवतीतिभक्खायं ते विज्जाहरनगरा रिद्धत्थिमिय-समिद्धा पमुइयजण-जाणवया जाव पडिरूवा तेसु णं विज्जाहरनगरेसु विज्जाहररायाणो परिवसंति-महयाहिमवंत-महंत-मलय-मंदर-महिंदसारा रायवण्णओ भाणियव्वो विज्जाहरसेटीणं भंते मणुयाणं केरिसए आगारभावपडोयारे पन्नते गोयमा ते णं मणुया बहुसंघयणा बहुसंठाणा बहुउच्चत्तपज्जवा बहुआउपज्जवा जाव सव्वदुक्खाणमंतं करीते तासि णं विज्जाहरसेटीणं बहुसमरमणिज्जाओ भूमिभागाओ वेयइढस्स पव्वयस्स उभओ पासिं दस-दस जोयणाइं उइढं उप्पइत्ता एत्थ णं दुवे आभिओग्गसेटीओ पत्र-त्ताओ-पाईणपडीणाययाओ उदीणदाहिणवित्थिण्णाओ दस-दस जोयणाइं विक्खंभेणं पव्वयसमि-याओ आयामेणं उभओ पासिं दोहिं पउमवरवेइयाहिं दोहिं य वनसंडेहिं संपरिक्खित्ताओ वण्णओ दोण्हवि पव्वयसमियाओ आयामेणं आभिओग्गसेटीणं भंते केरिसए आगारभावपडोयारे गोयमा बहुसमरमणिजे भूमिभागे पन्नते जाव तणेहि उवसोभिए वण्णाइ जाव तणाणं सदोत्ति तासि णं आभिओग्गसेटीणं तत्थ-तत्थ देसे तहिं-तहिं जाव वाणमंतरा देवा य देवीओ अ आसंयति सयंति जाव फलवित्तिविसेसं पच्चणुभदमाणा विहरंति तासु णं आभिओग्गसेटीसु सक्कस्स देविदस्स देवरण्णो सोम-जम-वरुण-वेसमणकाइयाणं आभिओग्गणं देवाणं बहवे भवणा ते णं भवणा बहिं-वइ अंतोचउरंसा वण्णओ जाव अच्छरगण-संघ-संविक्किण्णा जाव पडिरूवा तत्थ णं सक्कस्स देविदस्स देवरण्णो सोम-जम-वरुण-वेसमणकाइया बहवे आभिओग्गा देवा महिइडिया जाव महाणुभागा पलिओवमद्धिंवा परिवसंति, तासि णं आभिओग्गसेटीणं बहुसमरमणिज्जाओ भूमि-भागाओ वेयइढस्स पव्वयस्स उभओ पासिं पंच-पंच जोयणाइं उइढं उप्पइत्ता एत्थ णं वेयइढस्स पव्वयस्स सिहरतले पन्नते-पाईणपडीणायए उदाण- दाहिणविच्छिण्णे दस जोयणाइं विक्खंभेणं पव्वयसमगे आयामेणं से णं एक्काए पउमवरवेइयाए एक्केण य वनसंडेणं सव्वओ समंता संपरिक्खिते पमाणं वण्णओ दोण्हपि वेयइढस्स णं भंते पव्वयस्स सिहरतलस्स केरिसए आगारभावपडोयारे गोयमा बहुसमरमणिजे भूमिभागे पन्नते से जहानामए-आलिंगपुक्खरेइ वा जाव नाणाविहपंचवण्णेहिं मणीहिं तणेहिं य उवसोभिए जाव धावीओ पुक्खरिणीओ जाव वाणमंतरा देवा य देवीओ य आसंयति जाव फलवित्तिविसेसं भुंजमाणा विहरंति जंबुद्वीये णं भंते दीवे भारहे वासे वेयइढपव्वए कइ कूडा पन्नत्ता गोयमा नव कूडा तं जहा-सिद्धायतणकूडे दाहिणइढभरहकूडे खंडप्यवाय गुहाकूडे, माणिमद् कूडे वेयइढकूडे, पुनभद् कूडे, तिमिसगुहा कूडे, उत्तरइढ भरह कूडे वेसमणकूडे ११२-१२

(१४) कहिं णं भंते जंबुद्वीवे दीवे भारहे वासे वेयइढपव्वए सिद्धायतणकूडे नाम कूडे गोयमा पुरत्थिमलवणसमुद्दस्स पच्चत्थिमेणं दाहिणइढभरहकूडस्स पुरत्थिमेणं एत्थ णं जंबुद्वीवे दीवे भारहे वासे वेयइढपव्वए सिद्धायतणकूडे पन्नते छ सक्कोसाइं जोयणाइं उइढं उच्चतेणं मूले छ सक्कोसाइं जोयणाइं विक्खंभेणं मज्जे देसूणाइं पंच जोयणाइं विक्खंभेणं उवरि साइरोगाइं तिण्णि जोयणाइं विक्खंभेणं मूले देसूणाइं वीसं जोयणाइं परिकखेवेणं मूले विच्छिण्णे मज्जे संखिते उप्पि तणुए गो-

पुच्छसंठाणसंठिए सव्वरयणामए अच्चे सण्हे जाव पडिरुवे से णं एगाए पउमवरवेइयाए एगेण य वणसंडेणं सव्वओ समंता संपरिखित्ते पमाणं वन्नओ द्दोण्हंपि सिद्धायतणकूडस्स णं उच्चिं बहुसमरमणिञ्जे भूमिभागे पन्नत्ते से जहानामए-आलिंगपुक्खरेइ वा जाव वाणमंतरा देवा य जाव विहरंति तस्स णं बहुसमरमणिञ्जस्स भूमिभागस्स बहुमज्झदेसमागे एत्थ णं महं एगे सिद्धायतणे कोसं आयामेणं अद्धकोसं विक्खंभेणं देसुणं कोसं उड्डं उच्चत्तेणं अणेगखंभसयसत्रिविद्धे खंभुग्गयसुकयवइरवेयात्तोरण-वररइसालभंजिय-सुसिलिद्धविसिद्ध-लट्ट-संठिय-पसत्थवेरुलियवि-मल्लखंभे नाणामणिरयणखच्चिय-उज्जलबहुसमसुविभत्तभूमिभागे ईहामिग-उत्तभ तुरग-नर-मगर-विहग-यालग-किन्नर-रूठ-सरभ-चमर-कुंजर-वणलय-पउमलय-भत्तिचित्ते कंचणमणिरयणधूमि-याए नानाविहपंचवण्णघंटापडागपरिमंडियग्गसिहरे धवले मरीइकवयं विणिप्पुयंते लाउल्लोइ-यमहिए जाव झवा तस्स णं सिद्धायतणस्स तिदिसिं तओ दारा पन्नत्ता ते णं दारा पंच धणुसयाइं उड्डं उच्चत्तेणं अड्डाइज्जाइं धणुसयाइं विक्खंभेणं तावइयं चेव पवेसेणं सेया वरकणगधूमियागा दारवण्णओ जाव वणमाला तस्स णं सिद्धायतणस्स अंतो बहुसमरसणिञ्जे भूमिभागे पन्नत्ते से जहानामए-आलिंगपुक्खरेइ वा जाव- तस्स णं सिद्धायतणस्स बहुसमरमणिञ्जस्स भूमिभागस्स बहुमज्झदेसमाए एत्थ णं महं एगे देवच्छंदए पन्नत्ते-पंचधणुसयाइं आयामविक्खंभेणंसाइरेगाइं पंच-धणुसयाइं उड्डं उच्चत्तेणं सव्वरयणामए एत्थ णं अट्टसयं जिणपडिमाणं जिणुस्सेहप्पमाणं मेत्ताणं संनिक्खित्ता चिद्धइ एवं जाव धूवकडुच्छुगा ।१३।-१३

(१५) कहि णं भंते वेयइडपव्वए दाहिणइडभरहकूडे नामं कूडे पन्नत्ते गोयमा खंडप्प-वायकूडस्स पुरत्थिमेणं सिद्धायतणकूडस्स पच्चत्थिमेणं एत्थ णं वेयइडपव्वए दाहिणइडभरहकूडे नामं कूडे पन्नत्ते सिद्धायतणकूडप्पमाणसरिसे जाव-तस्स णं बहुसमरमणिञ्जस्स भूमिभागस्स बहुमज्झदेसमाए एत्थ णं महं एगे पासायवडेंसए पन्नत्ते-कोसं उड्डं उच्चत्तेणं अद्धकोसं विक्खंभेणं अब्भुग्गयसमूसियपहसिए जाव पासाइए दरिसणिञ्जे अभिरुवे पडिरुवे तस्स णं पासायवडेंसगस्स बहुमज्झदेसमाए एत्थ णं महं एगा मणिपेडिया पन्नत्ता-पंच धणुसयाइं आयामविक्खंभेणं अड्डाइज्जाइं धणुसणं सपरिवारं भाणियव्वं से केणट्टेणं भंते एवं बुच्चइ० गोयमा दाहिण-इडभरहकूडे णं दाहिणइडभरहे नामं देवे महिइडीए जाव पलिओवमट्टीइए परिवसए से णं तत्थ चउण्हं सामाणियसाहस्सीणं चउण्हं अण्यमहिसीणं सपरिवाराणं तिण्हं परिसाणं सत्तण्हं अणियाणं सत्तण्हं अणियाहिदईणं सोलसण्हं आयरक्खदेव- साहस्सीणं दाहिणइडभरहकूडस्स दाहिणइडवाए रायहाणीए अण्णेसिं च बहूणं देवाण य देवीण य जाव विहरइ कहि णं भंते दाहिणइडभरहकूडस्स देवस्स दाहिणइडवा नामं रायहाणी गोयमा मंदरस्स पव्वतस्स दक्खिणेणं तिरियमसंखेज्जदीवसमुद्धे वीइवइत्ता अण्णं जंबुदीवं दीवं दक्खिणेणं बारस जोयणसहस्साइं ओगाहिता एत्थ णं दाहिणइडभरहकूडस्स देवस्स दाहिणइडभरहा नामं रायहाणी जहा विजयस्स देवस्स एवं सव्वकूडा नेयव्वा जाव वेसमणकूडे परोप्परं पुरत्थिम-पच्चत्थिमेणं इमेसि वण्णावासे ।१४-१।-१४-१

(१६) मज्जे वेयइडस्स उ कणयमया तिण्णि होंति कूडा उ

सेसा पव्वयकूडा सव्वे रयणामया होति

॥२॥-१

(१७) जण्णामया य कूडा तत्रामा खलु हवंति ते देव

पलिओवमट्टीइया हवंति पत्तेयं पत्तेयं

॥३॥-२

(१८) माणिक्यकूडे वेयड्ढकूडे पुत्रमहकूडे-एए तिण्णि कणगामया सेसा छप्पि रयणामया छण्हं सरिणामया देया दौण्हं कयमालए चैव नट्टमालए चैव रायहाणीओ जंबुदीवे दीवे मंदरस्स पव्वयस्स दाहिणेणं तिरियं असंखेज्जदीवसमुद्वे वीईवइत्ता अन्नंमि जंबुदीवे दीवे बारस जोयणस-हस्साइं ओगाहिन्ता एत्थ णं रायहाणीओ भाणियव्वाओ विजयरायहाणीं सरिसियाओ। १४१-१४

(१९) से केणट्टेणं भंते एवं बुद्धइ-वेयड्ढे पव्वए वेयड्ढे पव्वए गोयमा वेयड्ढे णं पव्वए परहं वासं दुहा विभयमाणे-विभयमाणे चिट्ठइ तं जहा-दाहिणइद्धभरहं च उत्तरइद्धभरहं च वेयड्ढगिरिकुमारो य एत्थ देवे महिड्डीए जाव पल्लिओवमड्डिंए परिवसइ से तेणट्टेणं गोयमा एवं बुद्धइ-वेयड्ढे पव्वए वेयड्ढे पव्वए अदुत्तरो च णं गोयमा वेयड्ढसस्स पव्वयस्स सासए नामधेअै पत्रत्ते-जं न कयाइ न आसि न कयाइ न अत्थि न कयाइ न भविस्सइ मुवि च भवइ य भविस्सइ य धुवे नियए सासए अक्खए अव्वए अट्टिणं निच्छे। १५१-१५

(२०) कहि णं भंते जंबुदीवे दीवे उत्तरइद्धभरहे नामं वासे पत्रत्ते गोयमा चुल्लहिमवंतस्स वासहरपव्वयस्स दाहिणेणं वेयड्ढस्स पव्वयस्स उत्तरोणं पुरत्थिमलवणसमुद्वस्स पच्चत्थिमेणं पच्चत्थिमलवणसमुद्वस्स पुरत्थिमेणं एत्थ णं जंबुदीवे दीवे उत्तरइद्धभरहे नामं वासे पत्रत्ते-पाईणपडीणायए उदीणदाहिणविच्छिण्णे पलियंकसंठिए दुहा लवणसमुद्वे पुट्टे-पुरत्थिमिद्व्याए को-डीए पुरत्थिमिद्वं लवणसमुद्वे पुट्टे पच्चत्थिमिद्व्याए जाव पुट्टे गंगासिंघूहिं महानईहिं तिभागपदिभत्ते दौण्णि अट्टतीसे जोयणसए तिण्णि य एगुणवीसइभागे जोयणस्स विक्खंभेणं तस्स बाहा पुरत्थिम-पच्चत्थिमेणं अट्टारस बाणउए जोयणसए सत्त य एगुणवीसइभागे जोयणस्स अट्टभागं च आयामेणं तस्स जीवा उत्तरोणं पाईणपडीणायया दुहा लवणसमुद्वे पुट्टा तहेव जाव चोइस जोयणसहस्साइं चत्तारि य एककहस्ते जोयणसए छड्ड एगुणवीसइभाए जोयणस्स किंचिविसेसूणे आयामेणं पत्रत्ता तीसे धणुपुट्टे दाहिणेणं चोइस जोयणसहस्साइं पंच अट्टावीसे जोयणसए एककारस य एगुणवी-सइभाए जोयणस्स परिक्खेवेणं उत्तरइद्धभरहस्स णं भंते वासस्स केरिसए अगारभावपडोयारे पत्रत्ते गोयमा बहुसमरमणिज्जे भूमिमागे पत्रत्तते से जहाणामए आलिंगपुक्खरेइ वा जाव नाणाविहपंचवण्णेहिं मणीहिं तणेहिं य उवसोमिए तं जहा-कित्तिमेहिं चैव अकित्तिमेहिं चैव उत्तरइद्धभरहे णं भंते वासे मणुयाणं केरिसए अगारभावपडोयारे पत्रत्ते गोयमा ते णं मणुया बहुसंघयणा जाव अप्पेगइया सिज्झंति जाव सव्वदुक्खणमंतं करेत्ति। १६१-१६

(२१) कहि णं भंते जंबुदीवे दीवे उत्तरइद्धभरहे वासे उत्तमकूडे नामं पव्वए पत्रत्ते गोयमा गंगाकुंडस्स पच्चत्थिमेणं सिंधुकुंडस्स पुरत्थिमेणं चुल्लहिमवंतस्स वासहरपव्वयस्स दाहिणेणं निंतंवे एत्थ णं जंबुदीवे दीवे उत्तरइद्धभरहे वासे उत्तमकूडे नामं पव्वए पत्रत्ते-अट्ट जोयणाइं उड्ढं उच्चत्तेणं दो जोयणाइं उव्वेहेणं मूले अट्ट जोयणाइं विक्खंभेणं मज्झे छ जोयणाइं विक्खंभेणं उवरिं चत्तारि जोयणाइं विक्खंभेणं मूले साइरेगाइं पणवीसं जोयणाइं परिक्खेवेणं मज्झे साइरेगाइं अट्टारस जोयणाइं परिक्खेवेणं उवरिं साइरेगाइं दुबालस जोयणाइं परिक्खेवेणं मूले विच्छिण्णे मज्झे संक्खित्ते उप्पि तणुए गोपुच्छसंठाणसंठिए सव्वजंबूणयामए अच्छे सण्हे जाव पडिरूवे से णं एगाए पउमवरवेइयाए तहेव जाव भवणं कोसं आयामेणं अट्टकोसं विक्खंभेणं देसूणं कोसं उड्ढं उच्चत्तेणं अट्टो तहेव उप्पलाप्पि पउमाणि जाव उत्तमे य एत्थ देवे महिड्डीए जाव दाहिणेणं रायहाणी तहेव मंदरस्स पव्वयस्स जहा विजयस्स अविसेसियं। १७१-१७

● पढनो वृत्तारो समतो ●

बीओ-वक्खारो

(२२) जंबुद्वीपे णं भंते दीवे भारहे वासे कतिविहे काले पत्रत्ते गोयमा दुविहे काले पत्रत्ते तं जहा-ओसप्पिणिकाले य उस्सप्पिणिकाले य ओसप्पिणिकाले णं० छव्विहे सुसममुसमाकाले सुसमाकाले सुसमदुस्समाकाले दुस्समसुसमाकाले दुस्समाकाले दुस्समदुस्समाकाले उस्सप्पिणिकाले० छव्विहे दुस्समदुस्समाकाले जाव सुसमसुसमाकाले एगमेगस णं भंते मुहुत्तस्स केवइया उस्सासद्धा विआहिया गोयमा असंखेज्जाणं समयाणं समुदय-समिइ-समागमेणं सा एगा आवल्लि-अत्ति बुच्चइ संखेज्जाओ आवल्लियाओ ऊसासो संखेज्जाओ आवल्लियाओ नीसासो । १८-११-१८-१

- (२३) हड्डस्स अणवगल्लस्स निरुवकिड्डस्स जंतुणो
एगे ऊसासनीसासे एस पाणुत्ति बुच्चइ ॥४॥-१
- (२४) सत्त पाणूइं से धोवे सत्त धोवाइं से लवे
लवाणं सत्तहत्तरीए एस मुहुत्तेति आहिए ॥५॥-२
- (२५) तिण्णि सहस्सा सत्त य सयाइं तेवत्तरीं च ऊसासा
एस मुहुत्तो भणिओ सव्वेहिं अनंतनाणीहिं ॥६॥-३

(२६) एएणं मुहुत्तप्पमाणेणं तीसंमुहुत्ता अहोरेत्ते पत्ररसअहोरेत्ता पक्खो दोपक्खा मासो दो-मासा उदू तिण्णि उदूअयणे दोअयणा संबच्छरे पंचसंबच्छरिए जुगे वीसंजुगाइं वाससए दस वाससयाइं वाससहस्से सयंवाससहस्साणं वाससयसहस्से चउरासीइंवाससयसहस्साइं से एगे पुव्वंगे चउरासीइंपुव्वंगसयसहस्साइं से एगे पुव्वे एवं बिगुणं बिगुणं नेयव्वं-तुडियंगे तुडिए अडडंगे अडडे अववंगे अववे हुहुयंगे हुहुए उप्पलंगे उप्पले पउमंगे पउमे नल्लिणंगे नल्लिणे अत्थि णिउरंगे उत्थिनिउरे अउयंगे अउए नउयंगे नउए पउचंगे पउए चूलियंगे जाव चउरासीइं सीसपहेलियंगसयसहस्साइं सा एगा सीसपहेलिया एतावताए गणिए एतावताव गणियस्स विसए तेणं परं ओवमिए । १९-८१-१८

(२७) से किं तं ओवमिए ओवमिए दुविहे पलिओवमे य सागरोवमे य पलिओवमस्स परू-वणं करिस्सामि-परमाणुं दुविहे पत्रत्ते तं जहा-सुहुमे य वावहारिए य अनंताणं सुहुमपरमाणुपोग्ग-लाणं समुदयसमिइ-समागमेणं वावहारिए परमाणुं निष्कज्जइ तत्थ नो सत्थं कमइ- । १९-११-१९-१

- (२८) सत्थेणं सुत्तिक्खेणवि छेत्तुं भित्तुं च जं किर न सक्का
तं परमाणुं सिद्धा वयंति आदिं पमाणानं ॥७॥-१

(२९) अनंताणं वावहारियपरमाणूणं समुदय-समिइ-समागमेणं सा एगा उस्सण्हसण्हिआइ वा सण्हसण्हियाइ वा उद्धरेणूइ वा तसरेणूइ वा रहरेणूइ वा वालगेइ वा लिक्खाइ वा जूयाइ वा जवमज्जेइ वा उस्सेहंगुत्तेण वा अट्ट उस्सण्हसण्हियाओ सा एगा सण्हसण्हिया अट्ट सण्हसण्हियाओ सा एगा उद्धरेणू अट्ट उद्धरेणूओ सा एगा तसरेणू अट्ट तसरेणूओ सा एगा रहरेणू अट्ट रहरेणूओ से एगे देवकुरुत्तरकुराणं मणुस्साणं वालगे अट्ट देवकुरुत्तरकुराणं मणुस्साणं वालगा से एगे हरियास-रम्पयदासाणं मणुस्साणं वालगे अट्ट हेमवय-एरण्णवयाणं मणुस्साणं वालगा से एगे पुव्वविदेह-अवरविदेहाणं मणुस्साणं वालगे अट्ट पुव्वविदेह-अवरविदेहाणं मणुस्साणं वालगा सा एगा लिक्खा अट्ट लिक्खाओओ सा एगा जूया अट्ट जूयाओ से एगे जवमज्जे अट्ट जवमज्जा से एगे अंगुले एतेणं अंगुलप्पमाणेणं छ अंगुलाइं पाओ बारस अंगुलाइ वितत्थी चउवीसं अंगुलाइ रयणी अडवालीसं अंगुलाइं कुच्छी छण्णउइं अंगुलाइं से एगे अक्खेइ वा दंडेइ वा धणूइ वा जुगेइ वा मुसलेइ

वा नालिआइ या एतेणं धणुप्पमाणेणं दो धणुसहस्साइं गाउयं चत्तारि गाउयाइं जोयणं एएणं जोयणप्पमाणेणं जे पल्ले जोयणं आयाम-विक्खंमेणं जोयणं उड्डं उच्चतेणं तं तिगुणं सविसेसं परिक्खेवेणं से णं पल्ले एगाहिय-बेहिय-तेहिय उक्कोसेणं सत्तरत्तपरुद्धाणं संमद्धे सण्णिचिए भरिए वासग्ग कोडीणं ते णं वालग्गा नो कुच्छेज्जा नो परिविद्धंसेज्जा नो अग्गी डहेज्जा नो वाए हरेज्जा नो पूइत्ताए हव्वमागच्छेज्जा तओ णं वाससए-थाससए एगमेणं वालग्गं अवहाय जावइएणं कालेणं से पल्ले खीणे नीए निद्धेवे निद्धिए मवइ से तं पलिओवमे ।१९-२।-१९-२

(३०) एएसिं पल्लणं कोडाकोडी हवेज्जा दसगुणिआ

तं सागरोवमस्स उ एगस्स भवे परीमाणं

॥८॥-१

(३१) एएणं सागरोवमप्पमाणेणं चत्तारि सागरोवमकोडाकोडीओ कालो सुसमसुसमा तिण्णि सागरोवमकोडाकोडीओ कालो सुसमा दो सागरोवमकोडाकोडीओ कालो सुसमदुस्समा एगा सागरोवमकोडाकोडीओ बायालीसाए वाससहस्सेहिं ऊणिया कालो दुस्समसुसमा एकक्वीसं वाससहस्साइं कालो दुस्समा एकक्वीसं वाससहस्साइं कालो दुस्समदुस्समा पुणरवि उस्सप्पिणीए एकक्वीसं वाससहस्साइं कालो दुस्समदुस्समा एवं पडिलोमं नेयव्वं जाव चत्तारि सागरोवम-कोडाकोडीओ कालो सुसमसुसमा दसागरोवमकोडाकोडीओ कालो ओसप्पिणी दसागरोवम-कोडाकोडीओकालो उस्सप्पिणी वीसंसागरोवमकोडाकोडीओकालो ओस० उस्सप्पिणी ।१९।-१९

(३२) जंबुद्दीवे णं मंते दीये भरहे वासे इमीसे ओसप्पिणीए सुसमसुसमाए समाए

उत्तमकट्टपत्ताए भरहस्स वासस्स केरिसए आगारभावपडोयारे होत्था गोयमा बहुसमरमणिजे भूमिभागे होत्था से जहानामए आलिगपुक्खरेइ वा जाव नाणाविधपंचवण्णेहिं तणेहि य मणीहि य उवसोभिए तं जहा-किण्हेहिं जाव सुक्किलेहिं एवं वण्णो गंधो फासो सद्दो य तणाण य भाणिअव्वो जाव तत्थ णं वहवे मणुस्सा मणुस्सीओ य आसपंति सयंति जाव ललंति तीसे णं समाए भरहे वासे यहवे उद्दाला कोद्दाला मोद्दाला कयमाला नट्टमाला दंतमाला नागमाला सिंगमाला संखमाला सेयंमाला नामं दुमगणा पत्रत्ता कुस-विकुस-विसुद्धरुक्खमूला पत्तेहिं य पुप्फेहिं य फलेहिं य उच्छण्ण-पडिच्छण्णा सिरीए अईव-अईव उवसोभेमाणा चिद्धंति तीसे णं समाए भरहे वासे तत्थ-तत्थ बहवे सेरुतालवणाइं हेरुतालवणाइं भेरुतालवणाइं भेरुतालवणाइं पयालवणाइं सालवणाइं सरलवणाइं सत्तिवण्णवणाइं पूअफलवणाइं खजूरीवणाइं नालिएरीवणाइं कुस-विकुस-विसुद्धरुक्खमूलाइं जाव चिद्धंति तीसे णं समाए भरहे वासे तत्थ-तत्थ बहवे सेरियागुम्मा नोमालियागुम्मा कोरंटयगुम्मा बंधुजीवगुम्मा मणोज्जगुम्मा बीयगुम्मा बाणगुम्मा कणइरगुम्मा कुञ्जायगुम्मा सिंदुवारगुम्मा जातिगुम्मा मोग्गरगुम्मा जूहियागुम्मा मल्लियागुम्मा वासंतियगुम्मा वत्थु-लगुम्मा कत्थुलगुम्मा सेवालगुम्मा अगत्थियगुम्मा मगदंतियागुम्मा चंपकगुम्मा जातिगुम्मा नवणीइ-यागुम्मा कुंदगुम्मा महाजाइगुम्मा रम्मा महामेहणिकुरंबभूया दसद्धवण्णं कुसुमं कुसुमेति जे णं भरहे वासे बहुसमरमणिजे भूमिभागं वायविधुअग्गसाला मुक्कपुप्फपुंजोवयारकलियं करंति तीसे णं समाए भरहे वासे तत्थ-तत्थ बहुइओ वणराइओ पत्रत्तओ-किण्हाओ किण्होमासाओ जाव मणोह-राओ रयमत्तछप्पय-कोरग-भिगारग-कोंडलग-जीवंजीवग-नंदीमुह-कदिल-पिंगलक्खग-कारंडव-चक्कवाय-कलहंस-हंस-सारसअणेगसउण-गणमिहुणवियरियाओ सहुण्णइयमहुरसरणाइयाओ संपिंडियदरियभमरमहुयरिपहकरपरिलित्तमत्तछप्पय-कुसुमसवलोलमहुरगुमगुमंतगुंजंतदेसभागा-

ओ नाणाविहगुच्छ-गुम्म-मंडवगसोहियाओ थावीपुक्खरणीदीहियाहि य सुणिवेसियरम्मजालघर-
गाओ विचित्तसुहकेउ भूयाओ अम्भितरपुष्फफलाओ बाहिरप- तच्छण्णाओ पत्तेहि य पुष्फेहि य
ओच्छण्णपरिच्छण्णाओ साउफलाओ निरोगयाओ अकंटयाओ सव्वोउयपुष्फफलसमिद्धाओ
पिंडिम जाव पासादीयाओ दरिसणिजाओ अभिरूवाओ पडिरूवाओ ।२०।-१७

(३३) तीसे णं समाए भरहे थासे तत्थ-तत्थ मत्तंगाणाणं दुमगणा पन्नत्ता जहा से चंदप्पम
जाव ओच्छण्णपडिच्छण्णा चिट्ठंति एवं जाव अणिगणा नामं दुमगणा पन्नत्ता ।२१।-२०

(३४) तीसे णं भंते समाए भरहे थासे मणुयाणं केरिसए आगारभावपडोयारे गीयमा तेणं
मणुया सुपइड्डियेकुम्मचारुचलणा जाव लक्खण-वंजण-गुणववेया सुजाय-सुविभत्त-संगवंगा पा-
सादीया [दरिसणिजा अभिरूवा] पडिरूवा तीसे णं भंते समाए भरहे थासे मणुईणं केरिसए
आगारभावपडोयारे पन्नत्ते गीयमा ताओ णं मणुईओ सुजायसव्वंगसुंदरीओ पहाणमहिलागुणेहिं
जुत्ताओ अइकंत-विसप्पमाणमउय-सुकुमाल-कुम्मसंठिय-विसिद्धचलणाओ उज्जु-मउय-पीवर-
सुसाहयंगुलीओ अब्भुण्णय-रइय-तल्लिण-तंब-गुइ निद्धणक्खा रोमरहिय-वट्ट-त्तइसंठिय-अज-
हण्ण-पसत्थलक्खण-अक्कोप्पजंघजुयला सुणिम्मिय-सुगुदसुजाणू मंसलसुबद्धसंधीओ कय-
लीखंभाइकेसंठिय-निव्वण-सुकुमाल - मउय - मंसलअविरलसमसंहियसुजायवट्टपीवरणिरंतरोरु
अट्टावयवीचिपडुसंठिय-पसत्थ-विच्छिण्ण-पिहुलसोणी वयणायामप्पमाणदुगणियविसाल-मंसल-
सुबद्धजहणवरधारिणीओ वज्रविराइय-पसत्थलक्खणनिरोदरा तिवलियबलिय-तणुणमियमज्झि-
याओ उज्जुय-सम-सहिय-जइत्तणु-कसिण-निद्ध-अदेज्ज-त्तइह-सुजाय-सुविभत्त-कंत-सोभंत-रइ-
लरमणिज्जरोमराई गंगावत्त-पयाहिणावत्त - तरंगभंगुर - रयिकिरण-तरुणवोहिय-आकोसायंतप-
उम-गंधीरवियडणाभा अपुब्बड-पसत्थ-पीणकुच्छी सण्णयपासा संगयपासा सुजायपासा मियमइ-
यपीणरइयपासा अकरंडुय-कणगरुयगनिम्मलसुजाय-निरुवहयगायलट्टी कंचणकल- सप्पमाण-
सम - सहित-त्तइ - चूउयआमेलग - जमलजुयल-चट्टिय-अब्भुण्णयपीणरइपीवरपयो- हराओ
भुजंगअणुपुव्वतणुय-गोपुच्छवट्टसम-संहिय-नभिय-आदेज्ज-त्तलियबाहा तंबणहा मंसलागहत्था
पीयरकोमलबरंगुलीया निद्धपाणिलेहा रवि-ससि-संख-घक्क-सोत्थिय-विभत्तसुवि- रइयपाणि-
लेहा पीणुण्णयक्ख-वक्ख-वत्थिप्पएसा पडिपुण्णगलकवोला चउरंगुलसुप्पमाण-कंबुरवरिसगीवा
मंसल-संठिय-पसत्थहणुगा दाडिमपुष्फगास-पीवरपलंबकुंचियवराधरा सुंदरुत्तरोद्धा दहिंदगरय-
चंदकुंदवासंतिमउलधवल-अच्छिद्विमलदसणा रत्तुप्पलपत्त-मउयसुकुमालतालुजीहा कणवीरम-
उल - अकुडिलअब्भुण्णय - उज्जुत्तुण्णासा सारदणवकमलकुमुयतुवलयविमलदलणियरसरिस-
लक्खणपसत्थअजिम्हकंतनयणा पत्तल-घवलायंत-तंबतोयणाओ आणामियचावरुइल-किणह-
व्वराइ-संगय-सुजाय-भुमगा अल्लीण-पमाणजुत्तसवणा सुसवणा पीण-मट्ट-गंडतेहा चउरंस-
पसत्थ-समणिडाला कोमुईरयणियर-विमलपडिपुन्नसोमवयणा छत्तुण्णउत्तिमंगा अकविल-सुसि-
णिद्ध-सुगंधदीहसिरया छत्त-ज्झय-जूय-धूम-दाभिणि-कमंडलु-कलस-वावि-सोत्थिय-पडाग-जव-
मच्छ-कुम्म - रहवर-मगरज्झइ-अंक-थाल-अंकुस-अट्टावय-सुपइड्डग-मयूर-सिरियाभिसेय - तोरण
- मेइणि-उदहि-वरभवण-गिरि-वरआयंस-सलीलगय-उसभ-सीह-चामरउ- तमपसत्थवतीसल-
क्खणधरीओ हंससरिसगईओ कोइलमहुरगिरिसुस्सराओ कंता सव्वस्स अनुमयाओ ववग-
यवलिपलियं-वंग-दुव्वण-वाहि-दोहग्ग-सोगमुक्का उच्चत्तेणं य नराण थोवूणमुस्सिआओ समा-

वसिंगारचारुवेसा संगयगय-इसिय-पणिय-चिड्डिय-विलास-संलाव-निउणजुतो- वयार- कुसला सुंदरयण-जहण-वयण-कर-चलण-नयण-लावण-रूव-जोव्यण-विलासकलिया नंद- भवनविवर-चारिणीउव्व अच्छराओ भरहवासमाणुसच्छराओ अच्छेरगपेच्छणिज्जाओ पासार्इयाओ जाव पडिरूवाओ ते णं मणुया ओहस्सरा हंसस्सरा कोंचस्सरा नंदिस्सरा नंदिधोसा सीहस्सरा सीहधोसा सुसरा सुसरणिधोसा छयाउज्जीवियंगमंगा वज्जरिसहन्नाराय- संघयणा समचउरसंठाणसंठिया छवि-निरातंका अनुलोभववाउवेगा कंकग्गहणी कवोयपरिणामा सउण्णिपोसपिड्डं-तरोरुपरिणया छद्धणुसहस्सभूसिया तेसि णं मणुयाणं वे छप्पणा पिड्डिकरंडकसया पत्रत्ता समणाउसो पउमुप्पलगंधसरिसणीसाससुरभिवयणा ते णं मणुया पगइउवसंता पगइपयणुकोहमानमाया-लोभा मिउमहवसंपत्रा अल्लीणा भद्दगा विणीया अप्पिच्छा असण्णिविसंचया विडिमंतरपरिसवणा जहिच्छियकामकामिणो ।२२।-२१

(३५) तेसि णं भंते मणुआणं केवइकालस्स आहारुडे समुप्पजइ गोयमा अट्टमभत्तस्स आहारुडे समुप्पजइ पुढवी पुप्फफलाहारा णं ते मणुआ पन्त्ता समणाउसो तीसे णं भंते पुढवीए केरिसए आसाए पत्रत्ते गोयमा से जहाणामए गुलेइ वा खंडेइ वा सक्कराइ वा मच्छंडियाइ वा पप्पडमोयएइ वा भिसेइ वा पुप्फुत्तराइ वा पउमुत्तराइ वा विजयाइ वा महाविजयाइ वा आकासियाइ वा आदंसियाइ वा आगासफलोवमाइ वा उग्गाइ वा अणोवमाइ वा भवे एवारूवे नो इण्ठे समट्ठे सा णं पुढवी इत्तो इड्डतरिया चैव जाव मणा भतरिया चैव आसाएणं पत्रत्ता तेसि णं भंते पुप्फफलाणं केरिसए आसाए पन्त्ते गोयमा से जहाणामए रण्णो चाउरंतचक्कवट्टिस्स कल्लाणे मोयणजाए सयसहस्सनिप्फत्रे वण्णेणुववेए जाव फासेणुववेए आसायणिज्जे विसायणिज्जे दीवणिज्जे दप्पणिज्जे मचणिज्जे विंहणिज्जे सव्विदिअगाय- पल्हायणिज्जे भवे एवारूवे नो इण्ठे समट्ठे तेसि णं पुप्फफलाणं एत्तो इड्डतराए जाव मणामतराए चैव आसाए पत्रत्ते ।२३।-२२

(३६) ते णं भंते मणुया तमाहारमाहारेत्ता कहिं यसहिं उव्वेति गोयमा रुक्ख गेहालया णं ते मणुया पत्रत्ता समणाउसो तेसि णं भंते रुक्खाणं केरिसए आगारभावपडोयारे पत्रत्ते गोयमा कूडागारसंठिया पेच्छा-च्छत्त-झय-यूभ-त्तोरण-नोपुर-वेइया-चोप्पालग-अट्टलग-पासाय-हम्मिय-गवक्ख-यालयगगोइया-वलभीघरसंठिया अण्णे इत्थ दहवे वरभदणविसिद्धसंठाणसंठिया दुम्म-गणा सुहसीयलच्छाया पत्रत्ता समणाउसो ।२४।-२३

(३७) अत्थि णं भंते तीसे समाए भरहे वासे गोहाइ वा गेहावणाइअ वा गोयमा नो इण्ठे समट्ठे रुक्खगेहालया णं ते मणुया पत्रत्ता समणाउसो अत्थि णं भंते तीसे समाए भरहे वासे गामाइ वा जाव सण्णिवेसाइ वा गोयमा नो इण्ठे समट्ठे जहिच्छिय कामगामिणो णं ते मणुया पत्रत्ता अत्थि णं भंते तीसे समाए भरहे वासे असीइ वा मसीइ वा किसीइ वा वणिएत्ति वा पणिएत्ति वा वाणिजेइ वा गोयमा नो इण्ठे समट्ठे ववगयअसि-मसि-किसि वणिय-पणिय-वाणिज्जा णं ते मणुया पत्रत्ता समणाउसो अत्थि णं भंते तीसे समाए भरहे वासे हिरण्णेइ वा सुवण्णेइ वा कंसेइ वा दूसेइ वा मणि-मोत्तिय-संख-सिल-प्पवाल-रत्तरयण-सावज्जेइ वा हंता अत्थि नो चैव णं तेसि मणुयाणं परिभोगत्ताए हव्वामागच्छइ अत्थि णं भंते तीसे समाए भरहे वासे रायाइ वा जुवराया इ वा ईसर-तलवर-माडंविद्य-कोडुंविद्य इब्भ-सेड्डि-सेणावड-सत्थवाहाइ वा गोयमा नो इण्ठे समट्ठे ववगयइडिड-सक्कारा णं ते मणुया पत्रत्ता समणाउसो अत्थि णं भंते तीसे समाए भरहे वासे दासेइ वा पेसेइ वा

सिस्सेइ वा भयगेइ वा भाइल्लएइ वा कम्मरएइ वा नो इण्ठे समट्ठे ववगयआधिओगा णं ते मणुया पन्नत्ता समणाउसो अत्थि णं भंते तीसे सप्पाए भरहे वासे मायाइ वा पियाइ वा भाया-भगिणि-भज्जा-पुत्त-धूया-सुण्हाइ वा हंता अत्थि नो चेव णं तिव्वे पेम्मबंधणे समुप्पज्जइ अत्थि णं भंते तीसे सप्पाए भरहे वासे अरीइ वा वेरिएइ वा धायएइ वा बहएइ वा पडिणीयए वा पच्चामित्तेइ वा नो इण्ठे समट्ठे ववगयवेराणुसया णं ते मणुया पन्नत्ता समणाउसो अत्थि णं भंते तीसे सप्पाए भरहे वासे मित्ताइ वा वयंसाइ वा नायएइ वा पाडिएइ वा सहाइ वा सुहीइ वा संगइएति वा हंता अत्थि नो चेव णं तेसिं मणुयाणं तिव्वे रागबंधणे समुप्पज्जइ अत्थि णं भंते तीसे सप्पाए भरहे वासे आवाहाइ वा वीवाहाइ वा जण्णाइ वा सद्धाइ वा धालीपागाइ वा पिति-पिंडनिवेदणाइ वा नो इण्ठे समट्ठे ववगयआवाह-जाव पितिपिंडनि-वेदणा णं ते मणुया पन्नत्ता समणाउसो अत्थि णं भंते तीसे सप्पाए भरहे वासे इंदमहाति ना खंद-नाग-जकख-भूच-अगड-त्तलाग-दह-नदि-रुक्ख-पव्वच-थूभ-चेइयमहाइ वा नो इण्ठे समट्ठे ववगय-महिमा णं ते मणुया पन्नत्ता समणाउसो अत्थि णं भंते तीसे सप्पाए भरहे वासे नडपेच्छाइ वा नट्ट-जल्ल-मल्ल-मुट्ठिये-वेलंबग-कहग-पवग-लासगपेच्छाइ वा नो इण्ठे समट्ठे ववगयकोउहल्ला णं ते मणुया पन्नत्ता समणाउसो अत्थि णं भंते तीसे सप्पाए भरहे वासे सगडाइ वा रहाइ वा जाणाइ वा जुग्ग-गिल्लि-थिल्लि-सीअ-संदमाणिआइ वा नो इण्ठे समट्ठे पायचारविहारा णं ते मणुया पन्नत्ता समणाउसो अत्थि णं भंते तीसे सप्पाए भरहे वासे गावीइ वा महिसीइ वा अयाइ वा एलगाइ वा हंता अत्थि नो चेव णं तेसिं मणुयाणं परिभोगत्ताए हव्वामागच्छति अत्थि णं भंते तीसे सप्पाए भरहे वासे आसाइ वा हत्थि-उट्ट-गोण-गवय-अय-एलग-पसय-मिय-वराहरुरु-सरभ-चमर-कुरंग-गोकण्ण-माइया हंता अत्थि नो चेव णं तेसिं मणुयाणं परिभोगत्ताए हव्वामागच्छति अत्थि णं भंते तीसे सप्पाए भरहे वासे सीहाइ वा वण्णाइ वा विग-दीविग-अच्छ-तरच्छ-सियाल-बिडाल-सुणग-कोकतिय-कोलसुणमाइ वा हंता अत्थि नो चेय णं ते अण्णमण्णस्स तेसिं वा मणुयाणं आबाहं वा वाबाहं वा छि-वच्छेयं वा उप्पाएति पगइभइया णं ते सावयग्गणा पन्नत्ता समणाउसो अत्थि णं भंते तीसे सप्पाए भरहे वासे सालीति वा वीहि-गोहूम-जय-जवजवाइ वा कल-मसूर-मुग्ग-मास-तिल-कुलत्थ-निष्पावग-आलिसंदग-अय-सि-कुसुंभ-कोद्व-कंगु-वरग-रालग-सण-सरिसव-मूलाहीआइ वा हंता अत्थि नो चेव णं तेसिं मणुयाणं परिभोगत्ताए हव्वामागच्छति अत्थि णं भंते तीसे सप्पाए भरहे वासे गड्ढाइ वा दरी-ओवाय-पवाय-विसम-विज्जलाइ वा नो इण्ठे समट्ठे भरहे वासे बहुसमरमणिजे भूमिभागे पन्नत्ते से जहानामए आलिंगपुकखरेइ वा अत्थि णं भंते तीसे सप्पाए भरहे वासे खाणूइ वा कंटग-तणय-कयवराइ वा पत्तकयवराइ वा नो इण्ठे समट्ठे ववगयखाणुकंटगतणकयवर-पत्तकयवरा णं सा समा पन्नत्ता समणाउसो अत्थि णं भंते तीसे सप्पाए भरहे वासे डंसाइ वा मसगाइ वा जूआइ वा लिक्खाइ वा ठिकुणाइ वा पितुआइ वा नो इण्ठे समट्ठे ववगय इंस-मसग-जाव उवद्ववदिरहिया णं सा समा पन्नत्ता समणाउसो अत्थि णं भंते तीसे सप्पाए भरहे वासेअहीइ वा अयगराइ वा हंता अत्थि नो चेय णं तेसिं मणुयाणं आबाहं वा वाबाहं वा छिविच्छेयं वा पगइभइया णं ते वालगग्गणा पन्नत्ता समणाउसो अत्थि णं भंते तीसे सप्पाए भरहे वासे डिंबाइ वा डमराइ वा कलह-बोल-खार-वेर-महाजुद्धाइ वा महासंगापाइ वा महासत्यपडणाइ वा महापुरिसपडणाइ वा महारुधिरपडणाति वा गोचमा नो इण्ठे समट्ठे ववगयवेराणुबंधा णं ते मणुया पन्नत्ता समणाउसो अत्थि णं भंते तीसे सप्पाए भरहे वासे दुब्बुयाति वा कुलरोगाइ वा गामरोगाइ वा मंडलरोगाइ वा पोट्ट-सीसवेयणाइ वा कण्णोट्ट-अच्छि-

नह-दंतयेयणाइ वा कासाइ वा सासाइ वासोसाइ वा जराइ धा दाहाइ वा अरिसाइ वा अजीरगाइ वा दओदराइ वा पंडुरोगाइ वा भगंदराइ वा एगाहियाइ वा बेयाहियाइ वा तेयाहियाइ वा चउत्याहियाइ वा धणुगहाइ वा ईदग्गहाइ वा खंदग्गहाइ वा कुमारगहाइ वा जक्खग्गहाइ वा मत्थगसुलाइ वा हियसुलाइ वा पोह-कुच्छि-जोणिसुलाइ वा गगमारीइ वा जाव सण्णियेसमारीइ वा पाणक्खयजण-क्खया कुलक्खया वसणब्भूयमणारिआ नो इण्ठे सम्भे ववगयरोगायंका णं ते मणुया०।२५।-२४

(३८) तीसे णं समाए भरहे यासे मणुयाणं केवइयं कालं ठिई पन्नता गोयमा जहण्णेणं देसूणाइं तिण्णि पलिओवमाइं उक्कोसेणं तिण्णि पलिओवमाइं तीसे णं समाए भरहे बासे मयुयाणं सरीरा केवइयं उच्चतेणं, गोयमा जहण्णेणं देसूणाइं तिण्णि गाउयाइं ते णं भंते मणुया किं संघयणी, वड्रोसभनारायसंघयणी पत्रत्ता तैसि णं भंते मणुयाणं सरीरा किसंठिया गोयमा समच्चउरंसंठाण-संठिया पत्रत्ता तैसि णं मणुयाणं वेउप्पणा पिड्डिकरंडगसया पत्रत्ता समणाउसो ते णं भंते मणुया कालमासे कालं किच्चा क्किं गच्छंति क्किं उववज्जंति गोयमा छम्मासावसेसाउया जुयलगं पसवंति एगूणवण्णं राइंदियाइं सारक्खंति संगोवेति सारविक्खत्ता संगोवेत्ता कासित्ता छीइत्ता जंभाइत्ता उक्किक्कहा अक्वहिया अपरित्तविया कालमासे कालं किच्चा देवलोएसु उववज्जंति देवलोगपरिग्गहा णं ते मणुया पत्रत्ता समणाउसो तीसे णं समाए भरहे बासे कइविहा मणुस्सा अणुसज्जित्ता गोयमा छव्विहा तं जहा-पद्मगंधा मियगंधा अममा तेतली सहा सण्णिवारी।२६।-२५

(३९) तीसे णं समाए चउहिं सागरोवमकोडाकोडीहिं काले वीइक्कंते अनंतेहिं वण्ण-पज्जवेहिं जाव अनंतेहिं फासपज्जवेहिं अनंतेहिं संघयणपज्जवेहिं अनंतेहिं संठाणपज्जवेहिं अनंतेहिं उच्चत्तपज्जवेहिं अनंतेहिं आउपज्जवेहिं अनंतेहिं गरुयलहुयपज्जवेहिं अनंतेहिं अगरुलहुयपज्जवेहिं अनंतेहिं उट्ठाण-कम्म-बल-वीरिय-पुरिसक्कार-परक्कमपज्जवेहिं अनंतगुणपरिहाणीए परिहाय-माणे-परिहायमाणे एत्थ णं सुसभा नामं समा काले पडिवज्जिसु समणाउसो जंबुदीवे णं भंते दीवे इमी-से ओसप्पिणीए सुसमाए समाए उत्तमकट्टपत्ताए भरहस्स वासस्स केरिसए आगारभावपडोयारे होत्था गोयमा बहुसमरमणिजे भूमिभागे होत्था से जहानापए आलिंगपुक्खरेइ वा तं चेव जं सुसमसुसमाए पुव्ववण्णियं नवरं-नाणत्तं चउघणुसहस्समूसिया एगे अट्ठावीसे पिड्डिकरंडुकसए उट्टभत्तस्स आहारइ घउसइं राइंदियाइं सारक्खंति दो पलिओवमाइं आऊ सेसं तं चेव तीसे णं समाए चउव्विहा मणुस्सा अनुसज्जित्ता तं जहा-एका पउरजंघा कुसुमा सुसमणा।२७।-२६

(४०) तीसे णं समाए तिहिं सागरोवमकोडाकोडीहिं काले वीइक्कंते अनंतेहिं वण्णपज्जवेहिं जाव अनंतगुणे परिहाणीए परिहायमाणे-परिहायमाणे एत्थ णं सुसमदुस्समा नामं समा काले पडिवज्जिसु समणाउसो सा णं समा तिहा विभज्जइ-पढमे तिभाए मज्जिमे तिभाए पच्छिमे तिभाए जंबुदीवे णं भंते दीवे इमीसे ओसप्पिणीए सुसमदुस्समाए समाए पढममज्जिमेसु तिभाएसु भरहस्स वासस्स केरिसए आगारभावपडोयारे होत्था गोयमा बहुसमरमणिजे भूमिभागे होत्था सो चेव गमो नेयव्यो नाणत्तं-दो धणुसहस्साइं उट्टं उच्चतेणं तैसि घ मणुयाणंचउसइं पिड्डिकरंडुगा चउत्य-भत्तस्स आहारत्ये सणुपज्जइ ठिई पलिओवमं एगूणावीसइं राइंदियाइं सारक्खंति संगोवेति जाव देवलोगपरिग्गहिया णं ते मणुया पत्रत्ता समणाउसो तीसे णं भंते समाए पच्छिमे तिभाए भरहस्स वासस्स केरिसए आगारभावपडोयारे होत्था गोयमा बहुसमरमणिजे भूमिभागे होत्था से जहानापए आलिंगपुक्खरेइ वा जाव नाणत्तविह पंचवण्णेहि मणीहिं तणेहिं य उवसोमिए तं जहा-कित्तिमेहिं चेव

अकितिमेहिं चैव तीसे णं भंते समाए पच्छिमे तिभागे मरहे वासे मणुयाणं केरिसए आगारभावपडोयारे होत्या गोयमा तेसिं मणुयाणं छव्विहे संघयणे छव्विहे संठाणे बहूणि घणुसयाणि उद्धं उच्चतेणं जहण्णेणं संखेज्जाणि वासाणि उक्कोसेणं असंखेज्जाणिवासाणि आउयं पालोति पालेत्ता अप्पेगइयानिरयगामी अप्पेगइयातिरियगामी अप्पेगइयामणुस्सगामी अप्पेगइया देवगामी अप्पेगइया सिज्झंति जाव सव्वदुक्खाणमंतं करेति ।२८१-२७

(४१) तीसे णं समाए पच्छिमे तिभाए पलिओवमट्टभागावसेसे एत्थ णं इमे पन्नरस कुलगरा समुप्पज्जित्था तं जहा-सम्मूती पडिस्सुई सीमंकरे सीमंधरे खेमंकरे खेमंधरे विमलवाहणे चक्रुमुं जसमं अभिचंदे चंदाभे पसेणई मरुदेवे नाभी उसभेति ।२९१-२८

(४२) तत्थ णं सम्मुति-जाव खेमंकरणं-एतेसिं पंचण्हं कुलगराणं हक्कारे नामं दण्डनीई होत्या ते णं मणुया हक्कारेणं दंडेणं हया समाणा लज्जिया विलिया वेह्हा भीया तुसिणीया विण-ओणया चिड्ढंति तत्थ णं खेमंधर-जाव अभिचंदा-एतेसिं णं पंचण्हं कुलगराणं मक्कारे नामं दंडनीई होत्या ते णं मणुया मक्कारेणं दंडेणं हया समाणा जाव विणओणया चिड्ढंति तत्थ णं चंदाभ-जाव उसमाणं-एतेसिं णं पंचण्हं कुलगराणं धिक्कारे नामं दंडणीइ होत्या ते णं मणुया धिक्कारेणं दंडेणं हया समाणा जाव चिड्ढंति ।३०१-२९

(४३) नाभिस्स णं कुलगरस्स मरुदेवाए भारियाए कुच्छिसि एत्थ णं उसहे नामं अरहा कोसलिए पढमराया पढमजिने पढनकेवली पढमतित्यकरे पढमधम्मयरचक्कवट्ठी समुप्पज्जित्था तए णं उसभे अरहा कोसलिए वीसं पुव्वसयसहस्साई कुमारवासमज्जावसइ अज्जावसित्ता तेवट्ठिं पुव्वसयसहस्साई महारायवासमज्जावसइ तेवट्ठिं पुव्वसयसहस्साई महारावासमज्जावसमाणे तेहाइयाओ ण्णियप्पहाणाओ सउणरुयपज्जवसाणाओ बावत्तारिं कलाओ चौसट्ठिं महिलागुणे सिप्पसयं च कम्माणं तिण्णि वि पयाहियाए उवदिसइ उवदिसित्ता पुत्तसयं रज्जसए अभिसिंचइ अभिसिंचित्ता तेसीई पुव्वसयसहस्साई महारायवासमज्जावसइ अज्जावसत्ता जेसे गिम्हाणं पढमे मासे पढमे पक्खे चित्तबहुले तस्स णं चित्तबहुलस्स नवमीपक्खेणं दिवसस्स पच्छिमे भागे चइत्ता हिरण्णंचइत्ता सुवण्णंचइत्ता कोसंचइत्ता कोट्टागारंचइत्ता बलंचइत्ता वाहणंचइत्ता पुरंचइत्ता अंतेउरं चइत्ता विउलधण - कणग - रयण - मणि - मोत्तिय - संख-सिल-प्पवाल-रत्तरयण-संतसार-सावइजं विच्छइयित्ता विगोवइत्ता दायं डाइयाणं परिभाएत्ता सुदंसणाए सीयाए सदेवमणुथासुराए परिसाए समणुगम्ममाणमग्गे संखिय-चक्किक्कय-णंगलिय-मुहंगलिय-पूसमाणव चद्धमाणग-आइक्खग-लंख-मंख-घंटियगणेहिं ताहिं इट्ठाहिं जाव सस्सिरियाहिं हिययगमणिज्जाहिं हिययपल्हायणिज्जाहिं कण्णमण्णिव्वुइकरीहिं अपुणरुत्ताहिं अट्ठसइयाहिं वग्गूहिं अणवरयं अभिनंदंता य अभियुणंता य एवं वयासी-जय जय नंदा जय जय भद्दा धम्मंणं अभीए परीसहोवसग्गाणं खंतिखमे भयभेरावाणं धम्मे ते अविघं च भवउत्ति कट्टु अभिनंदंति य अभियुणंति य तए णं उसभे अरहा कोसलिए नयणमालासहस्सेहिं पेच्छिज्जमाणे-पेच्छिज्जमाणे एवं जाव निग्गच्छइ जहा उववाइए आउल-बोलवहुलं नमं करेते विणीयाए रायहणीए मज्झंमज्जेणं निग्गच्छइ निग्गच्छित्ता आसिय-समंज्जिया-सत्तमुइकपुण्णोदयारकलियं सिद्धत्ववण -विउलरायमाणं करेमाणे हयगयरहपहकरेण पाइक्कचडकरेण य मंदं मंदायं उद्धतरेणुयं करेमाणे-करेमाणे जेणेव सिद्धत्ववणे उज्जाणे जेणेव असोणवरपायवे तेणेव उवागच्छति उवागच्छित्ता असोणवरपायवस्स अहे सीयं ठवेइ ठवेत्ता सीया-

ओ पञ्चोरुहइ पञ्चोरुहिता सयमेवाभरणालंकारं ओमुयइ ओमुइता सयमेव चउहिं अट्टाहिं लोयं कोइ करेता छट्टे भतेणं अपाणएणं आसादाहिं नक्खतेणं जोगमुवागएणं उग्गणं भोगाणं राइण्णाणं खत्तियाभं चउहिं सहस्सेहिं सद्धिं एगं देवदूसमादाय मुडे भविता० पव्वइए।३१।-३०

(४) उसमे षं अरहा कोसलिए संवच्छरं साहियं चीवरधारी होत्या तेणं परं अचेलण जप्पभिइं च षं उसमे अरहा कोसलिए मुंडे भविता अगाराओ अणगारियं पव्वइए तप्पभिइं चं षं उसमे अरहा कोसलिए निघ्नं वोसट्टकाए चियत्तदेहे जे केइ उवसग्गा उप्पज्जति तं जहा-दिव्वा वा [माणुस्सा वा तिरिक्खजोगिया वा] पडिलोमा वा अनुलोमा वा तत्थ पडिलोमा-व्तेणेण वा [तयाए वा छियाए वा लयाए वा] कसेण वा काए अउट्टेज्जा अणुलोमा-वंदेज्ज वा जाव पज्जुवासेज्ज वा ते सब्बे सम्मं सहइ [खमइ तितिक्खइ] अहियासेइ तए षं से भगवं समणे जाए ईरियासमिए जाव पारिड्ढाणियासमिए मणसमिए [वइसमिए] कायसमिए मणगुते जाव गुत्तिदिए गुत्तवंभयारी अकोहे [अमाणे अमाए] अलोहे संते पसंते उवसंते परिणिव्वुडे छिण्णसोए निरुवलेवे संखमिय निरंजणे उच्चकणगमिव जायरूवे आदरिसपलिभागे इव पागडभागे कुम्भे इव गुत्तिदिए पुक्खरपत्तमिव निरुवलेवे गगणमिव निरालंबणे अणिले इव निरालए चंदो इव सोमदंसणे सुरो विव तेयसी विहगो विव अपडिवद्धगामी सागरो विव गंभीरे मंदरो विव अकंपे पुढवी विव सब्बफासविसहे जीवो विव अप्पडिहयगती नत्थि षं तस्स भगवंतस्स कत्थइ पडिबंधे तं जहा-दव्वओ खेतओ कालओ भावओ दव्वओ-इह खलु माया मे पिया मे भाया मे षगिणी मे जाव संगंधसंयुया मे हिरण्णं मे वण्णं मे जाव उवगरणं मे अहवा समासओ सच्चित्ते वा अचित्ते वा मीसए वा दव्वजाए सेवं तस्स न भवइ खेतओ गामे वा नगरे वा अरण्णे वा खेत्ते वा खले वा गेहे वा अंगणे वा एवं तस्स न भवइ कालओ-थोवे वा लवे वा मुहुत्ते वा अहोरत्ते वा पक्खे वा मासे वा उऊ वा अयणे वा संवच्छरे वा अण्णयरे वा दीहकालपडिबंधे एवं तस्स न भवइ भावओ-कोहे वा [माणे वा मायाए वा] लोहे वा भए वा हासे वा एवं तस्स न भवइ से षं भगवं वासावासवज्जं हेमंत-गिण्हासु गामे एगराइए नगरे पंचराइए दव्वगयहास-सोगअरइ-भयपरित्तासे निम्ममे निरहंकारे लहुभूए अगंथे वासीतच्छणे अदुट्टे चंदण्णुलेवणे अरत्ते लेट्टुमि कंचर्णमि य समे इहपरलोए य अपडिवद्धे जीवियमरणे निरवकंखे संसारपारगामी कम्मसंगणिग्घायणट्टाए अब्बुट्टिए विहरइ, तस्स षं भगवंतस्स एतेणं विहारेणं विहरमाणस्स एगे वाससहस्से विइक्कंते समाणे पुरिमतातस्स नगरस्स बहिया सगडमुहंसि उज्जाणंसि नग्गोहवरपायवस्स अहे ज्ञाणंतरीयाए वट्टमाणस्स फग्गुणबहुलस्स इक्कासीए पुव्वण्हकालसमयंसि अट्टमेणं भतेणं अपाणएणं उत्तरासादानक्खतेणं जोगमुवागएणं अनुत्तरेणं नाणेणं जाव चरित्तेणं अनुत्तरेणं तवेणं वीरिएणं आलएणं विहारेणं भावणाए खंतीए गुत्तीए मुत्तीए तुट्टीए अज्जवेणं महदवेणं लाघवेणं सुचरियसोवचियफलनिव्वाणमग्गेणं अप्पाणं भावेमाणस्स अनंते अनुत्तरे निव्वाधाए निरायरणे कसिणे पडिपुण्णे केवलवरनाणदंसणे समुप्पन्ने जिने जाए केवली सब्बणू सब्बदरिसी सनेरइयतिरियनरामरस्स लोगस्स पज्जवे जाणइ पासइ तं जहा-आगइं गइं टिई उववायं भुत्तं कडं पडिसेवियं आवीकम्मं र्होकम्मं तं तं कालं मणवइकाइए जो-गे एवमादी जीवाणवि सब्बभावे अजीवाणवि सब्बभावे मोक्खमग्गस्स विसुद्धतराए भावे जाणमाणे पासमाणे एस खलु मोक्खमग्गे मम अण्णेसिं च जीवाणं हियसुहिस्सेसकरे सब्बदुक्ख-विमोक्खणे परमसुहसमाणे भविस्सइ तते षं से भगवं समणार्णं निग्गंथाणं य निग्गंथीणं य पंच

महव्वयाइं सभावणगाइं छच्च जीवणिकाए धम्मं देसमाणे विहरति तं जहा-पुढविकाइए माव-
णागमेणं पंच महव्वयाइं सभावणगाइं भाणियव्वाइं उसभस्स णं अरहओ कोसलियस्स चउरासीतिं
गणहरा होत्था उसभस्स णं अरहओ कोसलियस्स उसभसेणपामोक्खाओ चुलसीइं समणसा-
हस्सीओ उक्कोसिया समणसंपया होत्था उसभस्स णं अरहओ कोसलियस्स बंभी-सुंदरीपा-
मोक्खाओ तिण्णि अज्जियासयसाहस्सीओ उक्कोसिया अज्जियासंपया होत्था उसभस्स णं अरहओ
कोसलियस्स सेज्जंसपामोक्खाओ तिण्णि समणोवासगसयसाहस्सीओ पंच य साहस्सीओ
उक्कोसिया समणोवासगसंपया होत्था उसभस्स णं अर- हओ कोसलियस्स सुभहापामोक्खाओ
पंच समणोवासियासयसाहस्सीओ चउपत्रं च सहसा उक्कोसिया समणोवासियासंपया होत्था
उसभस्स णं अरहओ कोसलियस्स अजिणाणं जिणसंकासाणं सब्बक्खरसत्रियाइंणं जिणो विव
अहितहं वागरमाणणं चत्तारि चउदमपुब्बीसहसा अद्धडुमा य सया उक्कोसिया चउदसपुब्बी-
संपया होत्था उसभस्स णं अरहओ कोसलियस्स नव ओहिनाणिसहसा उक्कोसिया ओहिना-
णिसंपया होत्था उसभस्स णं अरहओ कोसलियस्स-वीसं जिणसहसा वीसं देउव्वियसहसा छच्च
सया उक्कोसिया धारस विउलमईसहसा छच्च सया पत्रासा बारस वाईसहसा छच्च सया पत्रासा
उसभस्स णं अरहओ कोसलियस्स गइकल्लाणणं ठिइकल्लाणणं आगमेसिभद्धानं बावीसं
अनुत्तरोववाइयाणं सहसा नव य सया उसभस्स णं अरहओ कोसलियस्स वीसं समणसहसा
सिद्धा चत्तालीसं अज्जियसहसा सिद्धा-सद्धिं अंतेवा- सीसहसा सिद्धा अरहओ णं उसभस्स बहवे
अंतेवासी अणगारा भगवंतो अप्पेगइया मासपरियाया एवं जहा ओववाइए सधेव अणगारवण्णओ
जाय उड्ढं जाणू अहोसिरा ज्ञाणकोट्टोवगया संजमेणं तवसा अप्पाणं भावेमाणा विहरति अरहओ
णं उसभस्स दुविहा अंतकरभूमी होत्था तं जहा-जुगंतकरभूमी य परियायंतकरभूमी य जुगंत-
करभूमी जाव असंखेजाइं पुरिसजुगाइं परियायंतरकरभूमी अंतोमुहुत्तपरियाए अंतमकासी ।३२।-३३।
(४५) उसभे णं अरहा पंचउत्तरासाढे अभीइच्छे होत्था उत्तरासाढाहिं चुए चइत्ता
गर्भवंककंते उत्तरासाढाहिं जाए उत्तरासाढाहिं रायाभिसेयं पते उत्तरासाढाहिं मुंडे भविता जाव
पव्वइए उत्तरासाढाहिं अनंते जाय केवलवरनाणदंसणे समुप्पत्रे अभीइणा परिणिव्वुए ।३३।-३४।
(४६) उसभे णं अरहा कोसलिए वज्जरिसनारायसंधयणे सभचउरससंठाणसंठिए पंच धणु-
सयाइं उब्ढं उच्चतेणं होत्था उसभे णं अरहा कोसलिए वीसं पुव्वसयसहस्साइं कुमारवास-
मज्जावसित्ता तेवद्धि पुव्वसयसहस्साइं रज्जयासमज्जावसित्ता तेसीइं पुव्वसयसहस्साइं अगारवा-
समज्जावसित्ता मुंडे भविता अगाराओ अणगारियं पव्वइए उसभे णं अरहा कोसलिए एणं
वाससहस्सं छउमत्थपरियायं पाउणित्ता एणं पुव्वसयसहस्सं वाससहस्सूणं केवलिपरियायं पाउ-
णित्ता एणं पुव्वसयसहस्सं बहुपडिपुत्रं सामण्णपरियायं पाउणित्ता चउरासीइं पुव्वसयसहस्साइं
सव्वाउयं पालइत्ता जेसे हेमंताणं तच्चे मासे पंचमे पक्खे माहबहुले तस्स णं माहबहुलस तेरसी-
पक्खेणं दसहिं अणगारसहस्सेहिं सद्धिं संपरिवुडे अट्ठावयसेलसिहरंसि चोइसमेणं भत्तेणं
अपाणएणं संपलियं कणिसण्णे पुव्वण्हकालसमयंसि अभीइणा नक्खत्तेणं जोगमुक्काएणं
सुसमदूसमाए समाए एण्णणउतीहि पक्खेहिं सेसेहिं कालगए वीइककंते जाव सब्बदुक्खप्पहीणे जं
समयं च णं उसभे अरहा कोसलिए कालगए वीइककंते समुज्जाए छिण्णजाइ-जरा-मरण-बंधणे
सिद्धे बुद्धे मुत्ते अंतकडे परिनिव्वुडे सब्ब- दुक्कप्पहीणे तं समयं च णं सक्कस्स देविदस्स देवरण्णे

आसणे चलिए तए णं से सकूके देविंदे देवराया आसणं चलियं पासइ पासिता ओहिं पउंजइ पउंजिता भयवं तित्ययरं ओहिणा आभोएइ आभोएत्ता एवं वयासी-परिणिव्युए खलु जंबुदीवे दीवे भरहे वासे उसहे अरहा कोसलिए तं जीयमेयं तीयपच्चुप्यणमणागयाणं सकूकाणं देविंदाणं देवरा-ईणं तित्यगरामं परिनिव्वाणमहिहं करेत्तए तं मच्छामि णं अहंपि भगवतो तित्यगरस्स परि-निव्वाणमहिहं करेनिति कट्टु एवं वंदइ नमंसइ वंदित्ता नमंसित्ता चउरासीईए सामाणियसाहस्सीहिं तायतीसाए तावतीसएहिं घउहिं लोगपालेहिं जाव घउहिं घउरासीईहिं आयरक्खदेवसाहस्सीहिं अण्णेहिं य बहूहिं सोहम्मकप्पवासीहिं वेमाणिएहिं देवेहिं देविहिं य सद्धिं संपरिदुडे ताए उक्किक्खाए जाव तिरियमसंखेज्जाणं दीवसमुद्धानं मज्झमज्जेणं वीईवयमाणे-वीईवयमाणे जेणेव अद्वावयपव्वए जेणेव भगवओ तित्यगरस्स सरीरए तेणेव उवागच्छइ उवागच्छित्ता विमणे निराणंदे अंसुपुत्रनयणे तित्ययरसरीरयं तिक्खुत्तो आयाहिण-पयाहिणं करेइ करेत्ता जाव पज्जुवासइ तेणं कालेणं तेणं समएणं ईसाणे देविंदे देवराया उत्तरद्धलोगाहिवई अद्वावीसविमाणसयसहस्साहिवई सुलपाणी वसह्वाहणे सुरिंदे अरयंबरवत्थधरे जाव विउलाइं भोगभागोइं भुंजमाणे विहरइ तए णं तस्स ईसाणस्स देविंदस्स देवराणो आसणं चलइ तए णं से ईसाणे देविंदे देवराया आसणं चलियं पासइ पासित्ता ओहिं पउंजइ पउंजित्ता भगवं तित्यगरं ओहिणा आभोएइ आभोएत्ता जहा सकूके नियगपरिवारेणं भाणेयव्वो जाव पज्जुवासइ एवं सब्बे देविंदा जाव अच्चुए नियगपरिवारेणं आणेयव्वा एवं जाव भवणावासीणं इहा याणमंतराणं सोलस जोइसियाणं दोण्णि नियगपरिवारा नेयव्वा तए णं सकूके देविंदे देवराया बहवे भवणवइ-वाणमंतर-जोइस-वेमाणिए देवे एवं वयासी-खिप्पामेव भो देवाणुप्पिया नंदणवणाओ सरसाइं गोसीसवरचंदणकट्टाइं साहरठ साहरित्ता तओ चियगाओ एहए-एणं भगवओ तित्यगरस्स एणं गणहराणं एणं अवसेसाणं अणगाराणं तए णं ते भवणवइ-वाणमंतराइ-जोइस-वेमाणिया देवा नंदनवणाओ सरसाइं गोसीसवरचंदणकट्टाणं साहरंति साहरित्ता तओ चियगाओ एरंति-एणं भगवओ तित्यगरस्स एणं गणहराणं एणं अवसेसाणं अणगाराणं तए णं से सकूके देविंदे देवराया आभिओगे देवे सद्दावेइ सद्दावेत्ता एवं वयासी खिप्पामेव भो देवाणुप्पिया खीरोदसमुद्दाओ खीरोदगं साहरह तए णं ते आभिओगा देवा खीरोदसमुद्दाओ खीरोदगं साहरंति तए णं सकूके देविंदे देवराया तित्यगरसरीरयं खीरोदगेणं ण्हाणेति ण्हाणेत्ता सरसेणं गोसीसरचंदणेणं अनुलिंपइ अनुलिंपित्ता हंसलक्खणं पडसाइयं नियंसेइ नियंसेत्ता सब्बालंकारविभूसियं करेति तए णं ते भवणवइ-वाणमंतर-जोइस-वेमाणिया देवा गणहरसरीरगाइं अणगारसरीरगाणि य खीरोदगेणं ण्हावेति ण्हावेत्ता सरसेणं गोसीसवरचंदणेणं अनुलिंपंति अनुलिंपित्ता अहताइं दिव्वाइं देव-दूसजुयलाइं नियंसंति नियंसित्ता सब्बालंकार-विभूसियाइं करेति तए णं से सकूके देविंदे देवराया ते बहवे भवणवइ-[वाणमंतर-जोइस]-वेमाणिए देवे एवं वयासी-खिप्पामेव भो देवाणुप्पिया ईहापिग-उसभ-तुरग-जाव भत्ति-चित्ताओ तओ सिबियाओ विउव्वए-एणं भगवओ तित्यगरस्स एणं गणहराणं एणं अवसेसाणं अणगाराणं तए णं ते बहवे भवणवइ-[वाणमंतर-जोइस]-वेमाणिया देवा तओ सिबियाओविउव्वंति-एणं भगवओ तित्यगरस्स एणं गणहराणं एणं अवसेसाणं अणगाराणं तए णं से सकूके देविंदे देवराया विमणे निराणंदे अंसुपुत्रनयणे भगवओ तित्यगरस्स विण्डुजम्भजराभरणस्स सरीरयं सीयं आरुहेति आरुहेत्ता चियगाए ठयेइ तए णं बहवे भवणवइ-[वाणमंतर-जोइस]-वेमाणिया देवा गणहराणं अणगाराणं य

विण्डुजम्भजराभरणं सरीरगाइं सीयाओ आरुहेति आरुहेत्ता चियगए ठवेति तए णं से सक्के देविंदे देवराया अग्गिकुमारे देवे सद्दावेइ सद्दावेत्ता एवं वयासी-खिप्पामेव भो देवाणुप्पिया तित्थगरचियगाए [गणहरचियगाए] अणगारचियगाए अगणिकायं विउव्वह विउव्वित्ता एयमाण-त्तियं पच्चप्पिणह तए णं ते अग्गिकुमारा देया विमणा निराणंदा अंसुपुन्ननयणा तित्थगरचियगाए [गणहरचियगाए] अणगारचियगाए य अगणिकायं विउव्वंति तए णं से सक्के देविंदे देवराया वाउकुमारे देवे सद्दावेइ सद्दावेत्ता एवं वयासी-खिप्पामेव भो देवाणुप्पिया तित्थगरचियगाए [गणहरचियगाए] अणगारचियगाए य वाउक्कायं विउव्वह विउव्वित्ता अगणिकायं उज्जालेह तित्थगरसरीरगं गणहरसरीरगाइं अणगारसरीरगाइं च ज्ञामेह तए णं ते वाउकुमारा देया विमणा जाव वाउक्कायं विउव्वंति अगणिकायं उज्जालेति तित्थगरसरीरगं [गणहरसरीरगाइं] अणगार-सरीरगाणि य ज्ञामेति तए णं से सक्के देविंदे देवराया ते बहवे भवणवइ-[वाणमंतर-जोइस]-वेमाणिए देवे एवं वयासी-खिप्पामेव भो देवाणुप्पिया तित्थगरचियगाए [गणहरचियगाए] अणगारचियगाए य अगुरु-तुरुक्क-चय-मधुं च कुंभग्गसो य साहरह तए णं ते भवणवइ-जाव पारग्गसो य साहरंति तए णं से सक्के देविंदे देवराया मेहकुमारे देवे सद्दावेइ सद्दावेत्ता एवं वयासी-खिप्पामेव भो देवाणुप्पिया तित्थगरचियगं [गणहरचियगं] अणगारचियगं घ छीरोदगेणं निव्वावेह तए णं ते मेहकुमारा देवा तित्थगरचियगं जाव निव्वावेति तए णं से सक्के देविंदे देवराया भगवओ तित्थगरस्स उवरिल्लं दाहिणं सकहं गेण्हइ ईसाणे देविंदे देवराया उवरिल्लं वामं सकहं गेण्हइ चमरे असुरिदे असुरराया हेड्डिल्लं दाहिणं सकहं गेण्हइ बली वड्ढोयणिंदे वड्ढोयणाराया हेड्डिल्लं वामं सकहं गेण्हइ अवसेसा भवणवइ-[वाणमंतर-जोइस]-वेमाणिया देवा जहारिहं अवसेसाइं अंगमगाइं-केइ जिणभतीए केइ जीयमेयंतिकड्डु केइ धम्मोत्तिकड्डु-गेण्हंति तए णं से सक्के देविंदे देवराया बहवे भवणवइ-[वाणमंतर-जोइस]-वेमाणिए देवे एवं वयासी-खिप्पामेव भो देवाणुप्पिया सब्बरयणाणे महइमहालए तओ चेइयधूमे करेह-एगं भगवओ तित्थगरस्स चियगए जाव अणगाराणं चियगए तए णं ते बहवे जाव एवं करेति तए णं ते बहवे भवणवइ-[वाणमंतर-जोइस]-वेमाणिया देया तित्थगरस्स परिणिव्वाणमहिमं करेति करेत्ता जेणेव नंदीसारवारे दीवे तेणेव उवागच्छंति तए णं से सक्के देविंदे देवराया पुरत्थिमिल्ले अंजणगपव्वए अट्टाहियं महामहिमं करोति तए णं सक्कस्स देविंदस्स देवरण्णो चत्तारि लोगपाला चउसु दहिमुहपव्वएसु अट्टाहियं महामहिमं करेति ईसाणे देविंदे देवराया उत्तरिल्ले अंजणगे अट्टाहियं तस्स लोगपाला चउसु दहिमुहेसु अट्टाहियं घमरो य दाहिणिल्ले अंजणगे तस्स लोगपाला दहिमुहपव्वएसु बली पच्चत्थिमिल्ले अंजणगे तस्स लोगपाला दहिमुहेसु तए णं बहवे देया अट्टाहियाओ महामहिमाओ करेति करेत्ता जेणेव साइं-साइं विमाणाइं जेणेव साओ-साओ सभ्रओ सुहम्माओ जेणेव सगा-सगा माणवगा वेइयलंभा तेणेव उवागच्छंति उवागच्छित्ता घड्ढरामएसु गोलवड्डसमुग्गएसु जिण-सकहाओ पक्खिवंति पक्खिवित्ता अग्गेहिं वरेहिं मल्लेहि य गंधेहि य अच्चेति अच्चेत्ता विउलाइं भोगभोगाइं भुंजमाणा विहरंति । ३४।-३३

(४७) तीसे णं समाए दोहिं सागरोवमकोडाकोडीहिं काले धीइक्कंते अनंतंहे वण्णपज्जवेहिं जाव परिहायमाणे-परिहायमाणे एत्थ णं दूसमसुसमाणां समा काले पडिबज्जिसु सण्णउसो तीसे णं धंते समाए भरहस्स बसस्स केरिसए आगारभावपडोयारे पन्नते गोयमा बहुसमरमणिञ्जे भूमिभागे पन्नते से जहानामए आलिगपुक्खोइ धा जाव नानाविहपंचवण्णेहिं मणीहिं तणेहिं य

उवसोमि ए तं जहा-कृतिमेहिं चैव अकृतिमेहिं चैव तीसे णं भंते समाए भरहे वासे मणुयाणं केरिसए आगारभावपडोयारे पत्रत्ते गोयमा तेसिं मणुयाणं छव्विहेसंघयणे छव्विहे संठाणे बहूइं घणूइं उद्धं उच्चतेणं जहण्णेणं जहण्णेणं अंतोमुहुत्तं उक्कोसेणं पुव्वकोडिं आउयं पालेतिं पालेत्ता अप्पेगइया निरयगामी जाव देवगामी अप्पेगइया सिज्झतिं जाव सब्बदुक्खाणमंतं करोतिं तीसे णं समाए भरहे वासे तजो वंसा समुप्पजित्वा तं जहा-अरहंतयंसे चक्कवट्टियंसे दसारवंसे तीसे णं समाए भरहे वासे तेवीसं तित्थकरा एक्कारस चक्कवट्टी नव बलदेवा नव वासुदेवा समुप्पजित्वा ।३५।३४

(४८) तीसे णं समाए भरहे वासे सागरोवमकोडाकोडीए वायालीसाए वाससहस्सेहिं ऊणियाए काले वीइक्कंते अनंतेहिं वण्णपञ्जवेहिं जाव परिहाणीए परिहायमाणे-परिहाय- माणे एत्थ णं दूसमा नामं समा काले पडिवज्जिस्सइ समणाउसो तीसे णं भंते समाए भरहस्स वासस्स केरिसए आगारभावपडोयारे भविस्सइ गोयमा बहुसमरमणिजे भूमिमागे भविस्सइ से जहानामए आलिंगपुक्खरेइ वा मुइंगपुक्खरेइ वा जाव नाणाचिह्नपंचवण्णेहिं जाव कृतिमेहिं चैव अकृतिमेहिं चैव तीसे णं भंते समाए भरहस्स वासस्स मणुयाणं केरिसए आगारभावपडोयारे पत्रत्ते गोयमा तेसिं मणुयाणं छव्विहे संघयणे छव्विहे संठाणे बहुइंओ रयणीओ उद्धं उच्चतेणं जहण्णेणं अंतोमुहुत्तं उक्कोसेणं साइरेणं वाससयं आउयं पालेतिं पालेत्ता अप्पेगइया निरयगामी जाव करोतिं तीसे णं समाए पच्छिमेतिं भागेगणधम्मं पासंडधम्मं रायधम्मं जायतोए धम्मचरणेयवोच्छिज्जिस्सइ ।३६।३५

(४९) तीसे णं समाए एक्कवीसाए वाससहस्सेहिं काले विइक्कंते अनंतेहिं वण्णपञ्जवेहिं जाव परिहायमाणे-परिहायमाणे एत्थ णं दूसमदूसमणामं समा काले पडिवज्जिस्सइ समणा- उसो तीसे णं भंते समाए उत्तमकट्टपत्ताए वासस्स केरिसए आगारभावपडोयारे भविस्सइ गोयमा काले भविस्सइ हाहाभूए थंभाभूए कोलाहलभूए समाणुभावेणं य णं खरकरुसधूलिमइला दुव्विसहा थाउला भयंकरा य वाया संबट्टाया य याहिंति इह अभिक्खं धूमाहिंति य दिसा समंता रउस्सला रेणुकलुस-तमपडल-निरालोया समयलुक्खयाए य णं अहियं चंदा सीयं मोच्छिहिंति अहियं सूरिया त्विस्संति अदुत्तरं च णं गोयमा अभिक्खणं अरसमेहा विरसमेहा खारमेहा खत्तमेहा अग्गिमेहा विञ्जुमेहा विसमेहा असणिमेहा अजवणिञ्जोदगा वाहिरोगवेदणोदीरण-परिणामसलिला अमणुण्ण-पाणिगया चंडानिलपहत-तिक्रद्धार-निवात्तपउरं वासं वासिहिंति जेणं भरहे वासे गामागर-नगर-खेड-कब्बड-मडंब-दोणमुह-पट्टणासमगयं जणवयं चउप्पयगवेलए खहयरे पक्खिसंघे गामा-रण्णप्पयारिणरे तसे य पाणे बहुप्पयारे रुक्ख-गुच्छ-गुम्भ-लय-बलि-पयालं कुर-मादीए तणयण-स्सइकाइए ओसहीओ य विद्धंसेहिंति पव्वय-गिरि-डोंगरुत्थलभट्टिमादीए य वेयइदगिरिवज्जे विरावेहिंति सलिलबिल-विसम-गङ्ग-निण्णुण्णयाणि य गंगासिधुवज्जाइं समीकरोहिंतो तीसे णं भंते समाए भरहस्स वासस्स भूमीए केरिसए आगारभावपडोयारे भविस्सइ गोयमा भूमी भविस्सइ इंगालभूया मुम्मूरभूया छारियभूया तत्तकवेसुपभूया तत्तसमजोइभूया धूलिबहुला रेणुबहुला पंकबहुला पणयबहुला चलणिबहुला बहूणं धरणिगोयराणं सत्ताणं दुत्तिकम्मा यावि भविस्सइ तीसे णं भंते समाए भरहे वासे मणुयाणं केरिसए आगारभावपडोयारे भविस्सइ गोयमा मणुया भविस्संति दुस्वा दुवण्णा दुग्गंधा दुरसा दुफासा अणिट्टा अकंता अप्पिया असुभा अमणुण्णा अमणात्ता हीणस्सरा दीणस्सरा अणिट्टस्सरा अकंतस्सरा अपियस्सरा अमणुण्णस्सरा अमणामस्सरा अणादेअ-वयणपद्यायाता निल्लज्जा कूड-कवड-कलह-यह-बंध-वेरनिरया मज्जायातिककमप्पहाणा अकऊणि-

शुजाया गुरुणिओग-विणय-रहिया य विकलरूवा परूढणह-केस-मंसु-रोमा काला खर-फरुस-सामवण्णा फुट्टिसिा कविलपलियकेसा बहुण्हारुणिसंपिणद्ध-दुइंसणिज्जरूवा संकुडियवलीतरंग-परिवेदिअंग-मंगा जरापरिणयव्व धेरग-नरा-पविरस-परिसडिय-दंतसेठी उब्भडघडामुहा विसमणयण-वंकण्णासा वंक्-वलीविगय-भेसणमुहा दहु-किटिभ-सिब्भ-फुडियफरुसच्छवी चित्त-लंगमंगा कच्छूखसरामिभूया खरतिकखणख-कंडूइय-विक्खयतणू टोलाकित-विसमसंधिबंधण-उक्कुइयड्विविभत्त-दुब्बल-कुसंधयण-कुप्पमाणकुसंठिया कुरूवा कुड्डाणासण-कुसेज्ज-कुमोइणो असुइणो अण्णेगवाहिरिपीलिअंगमंगा खलंत-विब्भलगई निरुच्छाहा सत्तरिबज्जिता विगयचेड्डा नड्डतेया अभिक्खणं सीउण्ह-खरफरुसवायविज्जडिय-मलिणपंसुरओगुंडिअंगमंगा बहुकोहमान-मायालोभा बहुभोहा असुभदुक्खभागी ओसण्णं धम्मसण्ण-सम्मत्तपरिभट्टा उक्कोसेणं रयणिय-माणमेत्ता सोलस-वीसइवास-परमाउसो बहुपुत्तणत्तुपरियाल-पणय-बहुयला गंगासिंधूओ महान-ईओ वेयइद्धं च पव्वयं नीसाए बावत्तरिं निगोया बीयं बीयमेत्ता बिलवासिणो मणुया भविस्संति ते णं भंते मणुया किमाहारिस्संति गोयमा तेणं कालेणं तेणं समएणं गंगासिंधूओ महानईओ रहपहमित्तवित्तराओ अक्खलोयप्पमाणमेत्तं जलं वोज्जिंहंति सेवि च णं जले बहुमच्छकच्छ-भाइण्णे नो चेव णं आउबहुले भविस्सइ तए णं ते मणुया सुरूगमणमुहुत्तंसि य सूरत्थमणमुहुत्तंसि य विलेहंति नो निदाइस्संति निद्धाइत्ता मच्छकच्छभे यत्ताइं गाहेहंति गाहेत्ता सीयातवततेहं मच्छ-कच्छभेहं इक्कवीसं वाससहस्साइं वित्तिं कप्पेमाणा विहरिस्संति ते णं भंते मणुया निस्सीला निव्वया निग्गुणा निम्भेरा निप्पच्चक्खाण पोसहोववासा ओसण्णं मंसाहारा मच्छाहारा खोद्दाहारा कुणिमाहारा कालमासे कालं किच्चा कहिं गच्छिंहंति कहिं उववज्जिंहंति गोयमा ओसण्णं नरगतिरिक्खजोणिएसु उववज्जिंहंति ते णं भंते सीहा वग्घा वगा दीविया अच्छा तरच्छा परस्सरा सियाल-विराल-सुण्णा कोलसुण्णा ससगा चित्तलगा चिल्ललगा ओसण्णं मंसाहारा मच्छाहारा खोद्दाहारा कुणिमाहारा कालमासे कालं किच्चा कहिं गच्छिंहंति कहिं उववज्जिंहंति गोयमा ओसण्णं नरगतिरिक्खजोणिएसु उववज्जिंहंति ते णं भंते ढंका कंका पिलगा मट्टुगा सिही ओसण्णं मंसाहारा जाव कालमासे कालं किच्चा गोयमा ओसण्णं नरगतिरिक्खजोणिएसु उववज्जिंहंति ।३७।-३८

(५०) तीसे णं समाए एकूक्वीसाए वाससहस्सेहिं काले वीइक्कंते आगमेस्साए उस्स-प्पिणीए सावणबहुलपडिवए बालवकरणांसि अभीइनक्खत्ते चोइसपढमसमये अनंतैहिं वण्णपज्ज-वेहिं जाव अनंतगुणपरियड्डीए परिवड्ढेमाणे-परिवड्ढेमाणे एत्थ णं दूसमदूसमाणामं समा काले पडिवज्जिस्सइ समणाउसो तीसे णं भंते समाए भरहस्स वासस्स कैरिसए आगारभावपडोयारे भविस्सइ गोयमा काले भविस्सइ हाहाभूए भंभामूए एवं सो चेव दूसमदूसमावेदो नेयव्वो तीसे णं समाए एकूक्वीसाए वाससहस्सेहिं काले विइक्कंते अनंतैहिं वण्णपज्जवेहिं जाव अनंतगुण-परिवड्डीए परिवड्ढेमाणे- (२) एत्थ णं दूसमाणामं समा काले पडिवज्जिस्सइ समणाउसो ।३८।-३७

(५१) तेणं कालेणं तेणं समएणं पुक्खलंसवइए नामं महामेहे पाउब्भविस्सइ-मारहप्प-माणमेत्ते आयामेणं तदणुरूवं च णं विकखंभे-बाहल्लेणं तए णं से पुक्खलंसंयइए महामेहे खिप्पामेव पतणतणाइस्सइ पतणतणाइत्ता खिप्पामेव पविज्जुयाइस्सइ पविज्जुयाइत्ता खिप्पामेव जुग-मुसल-मुट्ठिप्पमाणमेत्ताहिं धाराहिं ओघनेघं सत्तरत्तं वासं वासिस्सइ जेणं भरहस्स वासस्स भूमिभागं इंगालभूयं मुप्पुरभूयं छारियभूयं तत्तकवेल्लगभूयं तत्तसमजोइभूयं निव्वविस्सति तंसि च णं

पुक्खलसंवट्टांसि महामेहंसि सत्तरत्तं निवतितंसि समाणंसि एत्थ णं खीरमेहे नामं महामेहे पाउब्भविस्सइ-भरप्पमाणमेते आयामेणं तदणुरूवं च णं विकखंभवाहल्लेणं तए णं से खीरमेहे नामं महामेहे खिप्पामेव पतणतणाइस्सइ खिप्पामेव जुग-मुसल-मुड्ढिं सत्तरत्तं वासं वासिस्सइ जेणं भरहस्स वासस्स भूमिए वण्णं गंधं रसं फासं च जणइस्सइ तंसि च णं खीरमेहंसि सत्तरत्तं निवतितंसि समाणंसि एत्थ णं घयमेहे नामं महामेहे पाउब्भविस्सइ-भरहप्पमाणमेते आयामेणं तदणुरूवं च णं विकखंभ-बाहल्लेणं तए णं से घयमेहे महामेहे खिप्पामेव पतणतणाइस्सइ जाव वासं वासिस्सइ जेणं भरहस्स वासस्स भूमिए सिणेह्ममावं जणइस्सइ तंसि च णं घयमेहंसि सत्तरत्तं निवतितंसि समाणंसि एत्थ णं अमयमेहे नामं महामेहे पाउब्भविस्सइ-भरहप्पमाणमेते आयामेणं जाव वासं वासिस्सइ जेणं भरहे वासे रुक्ख-गुच्छ-गुम्म-लय-वड्ढि-तण-पव्वग-हरित-ओसहि-पवालंकुरमाईए तणवणस्सइ-काइए जणइस्सइ तंसि च णं अमयमेहंसि सत्तरत्तं निवतितंसि समाणंसि एत्थ णं रसमेहे नामं महामेहे पाउब्भविस्सइ-भरहप्पमाणमेते आयामेणं जाव वासं वासिस्सइ जेणं तेंसि बहूणं रुक्ख-गुच्छ-गुम्म-लय-वड्ढि-तण-पव्वग-हरित-ओसहि-पवालंमादीणं तित्त-कडुय-कसाय-अदिल-महुरे पंचविहे रसविसेसे जणइस्सइ तए णं भरहे वासे भविस्सइ परूढरुक्ख-गुच्छ-गुम्म-लय-वड्ढि-तणपव्वग-हरिय-ओसहिए उवचियतय-पत्त-पवालंकुर-पुफ-फलसमुइए सुहोवभोगे यावि भविस्सइ ।३१।-३४

(५२) तए णं ते मणुया भरहं वासं परूढरुक्ख-गुच्छ-गुम्म-लय-वड्ढि-तण-पव्वय-हरिय-ओसहीयं उवचियतय-पत्त-पवालंकुर-पुप्प-फलसमुइयं सुहोवभोगं जायं चावि पासिहंति पासित्ता बिलेहंति तो निद्धाइस्संति निद्धाइत्ता हड्डुत्ता अण्णमण्णं सदाविस्संति सदावित्ता एवं वदिस्संति-जाते णं देवाणुप्पिया भरहे वासे परूढरुक्ख-गुच्छ-गुम्म-लय-वड्ढि-तण-पव्वय-हरिय-जाव सुहोवभोगे तं जे णं देवाणुप्पिया अन्हं केइ अल्लप्पभिइ असुभं कुणिमं आहारं आहारिस्सइ से णं अणेगाहिं छायाहिं यज्जणित्तिक्कट्टुसंठिति ठवेस्संति ठवेत्ता भरहे वासे सुहंसुहेणं अभिरममाण्णा(२) विहरिस्संति ।४०।३४

(५३) तीसे णं भंते समाए भरहस्स वासस्स केरिसए आगारभावपडोयारे भविस्सइ गोयमा बहुसमरमणिजे भूमिभागे भविस्सइ से जहानामए आलिंगपुक्खोइ वा जाय नानाविहपंचववण्णेहिं मणीहिं तणेहिं य उवसोभिए तं जहा-कित्तिमेहिं चेव अकित्तिमेहिं चेव तीसे णं भंते समाए मणुयाणं केरिसए आगारभावपडोयारे भविस्सइ गोयमा तेंसि णं मणुयाणं छव्विहे संघयणे छव्विहे संठाणे बहूओ रयणीओ उड्डं उच्चत्तेणं जहण्णेणं अंतोमुहुत्तं उक्कोसेणं साइरेणं वाससयं आउयं पालेहंति पालेत्ता अप्पेगइया निरयगामी अप्पेगइया तिरियगामी जाव देवगामी न सिज्झंति तीसे णं समाए एककथीसाए वाससहस्सेहिं काले वीइक्कंते अनंतोहिं यण्णपज्जवेहिं जाव अनंतगुणपरिवड्ढीए परिवड्ढेमाणे परिवड्ढेमाणे एत्थ णं दुसमसूतनाणामं समा काले पडिवज्जिस्सइ समणाउसो तीसे णं भंते समाए भरहस्स वासस्स केरिसए आगारभावपडोयारे भविस्सइ गोयमा बहुसमरमणिजे भूमिभागे भविस्सइ से जहानामए आलिंगपुक्खोइ वा जाव नानाविहपंचववण्णेहिं मणीहिं तणेहिं य उवसोभिए तं जहा-कित्तिमेहिं चेव अकित्तिमेहिं चेव तेंसि णं भंते मणुयाणं केरिसए आगारभावपडोयारे भविस्सइ गोयमा तेंसि णं मणुयाणं छव्विहे संघयणे छव्विहे संठाणे बहूइं धणूइं उड्डं उच्चत्तेणं जहण्णेणं अंतोमुहुत्तं उक्कोसेणं पुव्वकोडिं आउयं पालेहंति पालेत्ता अप्पेगइया निरयगामी जाव अंतं करेहंति तीसे णं समाए तओ वंसा समुप्पज्जिस्संति तं जहा-तित्थगरवंसे चक्कवट्टिवंसे दसारवंसे तीसे णं समाए तेवीसं तित्थगर एक्कारस चक्कवट्टी नव बलदेवा नव

वासुदेवा समुप्पञ्जिस्संति तीसे णं सनाए सागरोवमकोडाकोडीए बायलीसाए वाससहस्सेहिं ऊणियाए काले वीइक्कंते अनंतेहिं वण्णपञ्जवेहिं जाव अनंतगुणपरिवड्डीए परिवड्ढेमाणे-परिवड्ढेमाणे एत्थ णं सुसमदूसमाणामं समा काले पडियञ्जिस्सइ समणाउसो सा णं समा तिहा विभजिस्सइ तं जहा-पढमे तिभागे मञ्जिमे तिभागे पच्छिमे तिभागे तीसे णं भंते सनाए पढमे तिभाए भरहस्स वासस्स केरिसए आगारभावपडोयारे भविस्सइ गोयमा बहुसमरमणिञ्जे भूमिभागे भविस्सइ से जहाणामए आलिंग-पुक्खरेइ वा जाव नानाविहपंचवण्णेहिं मणीहिं तणेहि य उवसो-भिए तं जहा-कित्तिमेहिं चैव अकित्तिमेहिं चैव तीसे णं भंते समाए पढमे तिभागे भरहे वासे मणुयाणं केरिसए आगारभावपडोयारे भविस्सइ गोयमा तेसिं मणुयाणं छव्विहे संघयणे छव्विहे संठाणे बहुणि धणुसयाणि उद्धं उद्धत्तेणं जहण्णेणं संखेज्जाणि वासाणि उक्कोसेणं असंखेज्जाणि वासाणि आउयं पालेहिंति पालेत्ता अप्पेगइयानिरचगानी जाव करेहिंति। तीसे णं समाए पढमे तिभाए रायधम्मं जायतेए धम्मचरणे य वोच्छिञ्जिस्सइ तीसे णं सनाए मञ्जिम-पच्छिमेसु तिभागेषु [भरहस्स वासस्स केरिसए आगारभावपडोयारे भविस्सइ गोयमा बहुसमरमणिञ्जे भूमिभागे भविस्सइ सो चैव गमो नेयव्वो नाणत्तं-दो धणुसहस्साइ उद्धं उद्धत्तेणं तेसिं च मणुयाणं चउसट्ठि पिड्ठिकरडंगा चउत्थभत्तस्स आहारत्थे समुप्पञ्जिस्सइ ठिई पलिओवमं एगूणासीई राईदियाइं सारक्खिस्संति संगो-वेस्संति जाव देवलोगपरिग्गहिया णं ते मणुया पत्रत्ता समणाउसो तीसे णं समाए दोहिं सागरोवम-कोडाकोडीहिं काले वीइक्कंते अनंतेहिं वण्णपञ्जवेहिं जाव परिवड्ढेमाणे एत्थ णं सुसमाणामं समा काले पडियञ्जिस्सइ समणाउसो जंबुद्वीवे णं भंते दीवे आगमेस्ताए उस्सप्पिणीए सुसमाए समाए उत्तमकट्टपत्ताए भरहस्स वास्स केरिसए आगारभावपडोयारे भविस्सइ गोयमा बहुसमरमणिञ्जे भूमिभागे भविस्सइ से जहानामए आलिंगपुक्खरेइ वा तं चैव जं सुसमसुसमाए पुव्ववण्णियं नवरं-नाणत्तं चउय- णुसहस्समूसिया एगे अट्टावीसे पिड्ठिकरंडुकसए छट्टभत्तस्स आहारडे चउसट्ठि राईदियाइं सारक्खिस्संति दो पलिओवमाइं आऊ सेसं तं चैव तीसे णं समाए चउव्विहा मणुस्सा अनुसञ्जिस्संति तं जहा-एका पउरजंघा कुसमा सुसमणा तीसे णं समाए तिहिं सागरोवमकोडाक-ोडिहिं काले वीइक्कंते अनंतेहिं वण्णपञ्जवेहिं जाव परिवड्ढेमाणे एत्थ णं सुसमसुसमाणामं समा काले पडियञ्जिस्सइ समणाउसो जंबुद्वीवे णं भंते दीवे भरहे वासे इमीसे उस्सप्पिणीए सुसमसुसमाए समाए उत्तमकट्टपत्ताए भरहस्स वासस्स केरिसए आगारभावपडोयारे भविस्सइ गोयमा बहुसमरमणिञ्जे भूमिभागे भविस्सइ जे जहानामए आलिंगपुक्खरेइ वा जाव नानाविहपंचवण्णेहिं मणीहिं तणेहि य उवसोभिए तं जहा-किण्हेहिं जाव सुक्किलेहिं। तहेव जाव छव्विहा मणुस्सा अनुसञ्जिस्संति [तं जहा-पन्हंगंधा भियगंधा अममा तेतली सहा] सणिचारी।४१-४०

● वीओ बक्खारो सप्तो ●

—: त इ ओ—व क्खा रो :—

(५४) से केणट्टेणं भंते एवं दुच्चइ- भरहे वासे भरहे वासे गोयमा भरहे णं वासे येयड्ढस्स पव्वयस्स दाहिणेणं चोइसुत्तरं जोयणसयं एगारस य एगूणवीसइभाए जोयणस्स अवाहाए लवणसमुद्दस्स उत्तरेणं चोइसुत्तरं जोयणसयं एगारस य एगूणवीसइभाए जोयणस्स अवाहाए गंगाए महानईए पच्चत्थिमेणं सिंधूए महानईए पुरत्थिमेणंदाहिणइड्ढभरहमञ्जिस्सतिभागस्स वहुमञ्जदेसपाए एत्थ णं विणीया नामं रायहाणी पत्रत्ता-पाईणपडीणायया उदीणदाहिणविच्छिण्णा दुवालसजोयणायामा नवजोयणविच्छिण्णा धणवइमति-निम्मया चामीकरपागारा नानामणिपंच-

वष्णकविदीसगपरिमंडियाभिरामा अलकापुरीसंकासा पमुइयपक्कीलिया पञ्चकखं देवलोगभूया रिद्धित्थिमिय-समिद्धा पमुइय-जण-जाणवया जाव पडिस्वा ।४२।-41

(५५) तत्थ णं विणीयाए रायहाणीए भरहे नामं राया चाउरंतचक्कवट्टी समुप्पञ्जित्या-महयाहिमवंत-महंत-मलय-मंदर-महिंदसारे जाव रउं पसासेमाणे विहरइ बिइओ गयो राय-वष्णगस्स इमो-तत्थ असंखेज्जकालवासंतरेणं उपज्जाए जसंसी उत्तमे अभिजाए सत्त-वीरियप-रक्कमगुणे पसत्थवष्ण-सर-सार-संघयण-बुद्धि-धारण-मेहा-संठाण-सीलप्पगई पहागणारवच्छा-यागइए अणेगदयणप्पहाणे तेय-आउ-बल-वीरियजुत्ते अज्झुसिरधणणिचियलोहसंकल-नाराय-वइरउसहसंघयणदेहधारी झस-जुग-भिंजार-यद्धमाणग-महासण-संख-उत्त-वीयणि-पडागचक्क-पंगल-मुसल-रह-सोत्थिय-अंकुस-चंदाइइ-अग्गि-जूव-सागर-ईदअइ-गुहवि-पउम-कुंजार-सीहा-सण-दंड-कुम्भ-गिरिवर-गुरग-वर-मउड-कुंडल-नंदावत्त-धणु-कौत-गामर-भदण-विमाण-नेगल-क्खणपसत्थसुविभत्तचित्त-करघरणदेसभागे उइढमुहलोमजात-सुकुमाल-गिद्धमउयावत्तपसत्थ-लोमविरइयसिरिवच्छ-च्छण्णविउलवच्छे देसखेत्तसुविभत्तदेहधारी तरुणवरिरस्सिबोहिय-वर-कमलविदुद्धुगळ्मवण्णे हयपोसण-कौससण्णिभ पसत्थपिद्धंतगिरुवलेवे पउ-मुष्पल-कुंद-जाइ-जूहिय-वरचंपग-नागपुष्क-सारंग-तुलुंधी-उत्तीसाहियपसत्थपत्थिवगुणेहिं जुत्ते अब्बोच्छिण्णात-पत्ते पागड उभयजोणी विसुद्धणियगकुलगयणपुन्नचंदे चंदे इव सोमयाए नयणमण्णिव्बुईकरे अक्खोभे सागरोब्बथिमिए धणवइव्व भोगसमुदयसहव्वयाए समरे अपराइए परमविक्कमगुणे अमरवइसमाणसरिसरुवे मणुयवई भरहचक्कवट्टी भरहं मुंजइ पन्नइसत्तु ।४३।-42

(५६) ताए णं तस्स भरहस्स रण्णो अण्णया कयाइ आउहघरसालाए दिव्वे चक्करयणे समुप्पञ्जित्या ताए णं से आउहघरिए भरहस्स रण्णो आउहघरसालाए दिव्वं चक्करयणं समुप्पञ्जं पासाइ पासित्ता हट्टतुट्ट-चित्तमाण्णिदिए नंदए पीइमणे परमसोमणस्सिए हरिसदसविसप्पमाणहियए जेणामेव से दिव्वे चक्करयणे तेणामेव उवागच्छइ उवागच्छित्ता तिक्कुत्तो आयाहिण-पयाहिणं करेइ करेत्ता करयल जाव कट्ट चक्करयणस्स पणामं करेइ करेत्ता आउघरसालाओ पडिणिक्खमइ पडिणिक्खमित्ता जेणावमेव छाहिरिया उवट्टाणसाला जेणामेव भरहे राया तेणेव उवागच्छइ उवागच्छित्ता करयल जाव कट्ट जएणं विजएणं वद्धावेइ वद्धावेत्ता एवं वयासी-एवं खलु देवाणुप्पियाणं आउहघरसालाए दिव्वे चक्करयणे समुप्पञ्जे तं एयण्णं देवाणुप्पियाणं पिपट्टायाए पियं निवेदेमो पियं मे भवउ तते णं से भरहे राया तस्स आउहघरियस्स अंतिए एयमट्टं सोब्बा निसम्पं हट्ट जाव वियसियवरकमलनयणवयणे पयलियवरकडग तुडियकरेऊर-मउड-कुंडल-हारविरायं-तरइयवच्छे पालंबपलंबमाणघोलंतभूसणधरे ससंभमं तुरियं चवलं नरिदे सीहासणाओ अब्बुट्टेइ अब्बुट्टेत्ता पायपीढाओ पच्चोरुहइ पच्चोरोहिता पाउयाओ ओमुयइ ओमुइत्ता एगसाहियं उतरासंगं करेइ करेत्ता अंजलिमउलियग्गहत्थे चक्करयणाभिमुहे स्तत्तपयाइ अणुगच्छइ अणुगच्छित्ता वामं जाणुं अंचेइ अंचेत्ता दाहिणं जाणुं धरणितलंसि निहट्ट करयल-[परिगहियं सिरसावत्तं मत्थए] अंजलिं कट्ट चक्करयणस्स पणामं करेइ करेत्ता तस्स आउहघरियस्स अहामालियं मउडवज्जं ओ-मोयं दलयइ दलइत्ता विउलं जीवियारिहं पीइदाणं दलयइ दलइत्ता सक्कारेइ सम्माणेइ सक्कारेत्ता सम्माणेत्ता पडिविसज्जेइ पडिविसज्जेत्ता सीहासणवरगए पुरत्थाभिमुहे सण्णिसण्णे ताए णं से भरहे राया कोडुंबियपुरिसे सदावेइ सदावेत्ता एवं वयासी-खिप्पामेव भो देवाणुप्पिया वीणीयं रायहाणिं

सक्थिंतरबाहिरियं आसिय-संमञ्जिय-सित्त-सुइग-संपट्ट-रत्थंतरवीहियं मंघाइमंचकलियं नाना-
विहरागवसण-ऊसियइयपडागाइपडागमंडिय लाउल्लोइयमहियं गोसीसरसरत्तदहरदिण्णपंच-
गुलितलं उवचियवंदणकलसं वंचणघडसुकय-जाव गंधुद्धुयाभिरामं सुगंधवरगंधियं गंधवट्टिमूयं
करेह कारवेह करेता कारवेता य एयमाणसियं पच्चप्पिणह तए णं से कोडुबियपुरिसा भरहेणं रण्णा
एवं धुता समाणा हट्ट जाव एवं सामिति आणाए विणएणं वयणं पडिसुणेति पडिसुणेता भरहस्स
रण्णो अंतियाओ पडिणिक्खमंति पडिणिक्खमिता विणीयं रायहाणिं जाव करेता कारवेता य
तमाणसियं पच्चप्पिणंति तए णं से भरहे राया जेणेव मज्जणघरे तेणेव उवागच्छइ उवागच्छिता
मज्जणघरं अणुपविसइ अनुपविसिता समुत्तजालाकुलाभिरामे विचित्तमणिरयणकुट्टिमत्तले रम-
णिज्जे ण्हाणमंडवंसि नाणामणिरयण-भत्तिवित्तंसि ण्हाणपीठंसि सुहणिसण्णे सुहोदएहिं गंधोदएहिं
पुष्पोदएहिं सुखोदएहिं य पुत्रे कल्लाणगपवरमज्जणविहीए मञ्जिए तत्थ खोउयसएहिं बहुविहेहिं
कल्लाणगपवरमज्जणावसाणे पन्हलसुकुमाल- गंधकासाइय-लूहियंगे सरससुराहिगोसीसचंदणाणु-
लित्तगतते अहयसुमहग्घूसुरायणसुसंबुए सुइमाला-यण्णग-विलेवणे आविद्धमणिसुवण्णे कप्पिय-
हारत्थहार-तिसरय-पालंबपालंबमाण-कडिसुत्तसुकयसोहे पिणद्धगेविज्जगअंगुलिज्जग-लत्तितंगयल-
लियकयाभरणे नानामणिकडगतुडिययंभियभुए अहियरुव-सस्तिरीए कुंडलउज्जोइयाणणे मउड-
दित्तिसिरिए हारोत्थयसुकयइयवच्छे पालंबपालंबमाणसुकयपडउत्तरिज्जे मुहियापिगलंगुलीए ना-
णामणिकणग-विमल-महरिए निउणोविय-मिसिमिसेंत-विइयसुसिलिद्धविसिद्धलद्धसंठियप- सत्थ-
आविद्धवीरलए किं बहुणा कप्प-रुक्खए चेव अलंक्रियविभूसिए नरिदे सकोरंत [मल्लदामेणं छतेणं
धरिज्जमाणेणं] चउचामरवालवीइअंगे मंगलजयसदकयालोए अणेगणणायाग-दंडनायाग-जाव
दूय-संधिवालसद्धि संपरिवुडे धवल-महामेहणिगए इव [गहगण-दिप्यंत-रिक्ख-तारागणाण मज्जे]
ससिव्य पियदंसणे नरदई धूवपुष्फगंधमल्लहत्तगए मज्जणघराओ पडिणिक्खमइ पडिणिक्खमिता
जेणेव आउहघरसाला जेणेव चक्करयणे तेणामेव पहारेत्थ गमणाए तए णं तस्स भरहस्स रण्णो
बहवे ईसर-जाव पभित्तओ-अप्पेगइया पउमहत्थगया जाव अप्पेगइया सहस्स- पत्तहत्थगया भरहं
रायाणं पिट्ठओ-पिट्ठओ अणुगच्छंति, तए णं तस्स भरहस्स रण्णो बहुओ |४४-१।-४३-१

- (५९) खुल्ल चिलाइ चामणि बडभीओ बब्बरी पउसियाओ
जोगियपल्लवियाओ ईसिणिय थारुकिनियाओ ॥९॥-१
(६०) लासिय लउसिय दमिली सिंहलि तह आरबी पुलिंदी य
पक्कणि वहलि मुरंडी सबरीओ पारसीओ य ॥१०॥-२
(५९) तेले कोडुसमुणे पत्ते चोए य तगरमेला य
हरियाले हिं गुलए मणोसिला सासवसमुणे ॥११॥-३

(६०) अप्पेगइयाओ वंदणकलसहत्थगयाओ भिगार-आदंस-थाल-पति-सुपइह्ग-
वायकरग-रयण-करंड-पुष्फचंगेरी-मल्ल-वण्ण-चुण्ण-गंधहत्थगयाओ वत्थ-आभरणलोमहत्थय-
चंगेरी-पुष्फपडलहत्थगयाओ जाव लोमहत्थगपडलहत्थगयाओ अप्पेगइयाओ सीहासणहत्थगया-
ओ छत्त-चामर-हत्थगयाओ तेल्लसमुग्गयहत्थगयाओ कोडुसमुग्गयहत्थगयाओ जाव सासवस-
मुग्गयहत्थगयाओ अप्पेगइयाओ तालियंतहत्थगयाओ धूवकडुक्कुयहत्थगयाओ भरहं रायाणं
पिट्ठओ-पिट्ठओ अणुगच्छंति तए णं से भरहे राया सव्विइदीए सव्वजुईए सव्वबलेणं सव्वसमुदएणं
सव्वाधरेणं सव्वविभूसाए सव्वविभूईए सव्ववत्थ-पुष्फ-गंध-मल्लालंकारविभूसाए सव्वुतरिय-

सहस्रणि-नाएणं महया इड्डीए जाव महया धरतुरियजमगस- मगपवाइएणं संख-पणव-पडग-
 मेरि-झलरि-खरपुहि-मुरव-मुइंग-दुंदुहिनिगधोसणाइएणं जेणेव आउहधरसाला तेणेव उवागच्छइ
 उवागच्छिता आलए चक्करयणस पणामं करेइ करेता जेणेव चक्करयणे तेणेव उवागच्छइ
 उवागच्छिता लोमहत्ययं परामुसइ परामुसिता चक्करयणं पमझइ पमझिता दिव्वाए दगधाराए
 अब्भुक्खेइ अब्भुक्खेता सरसेणं गोसीसचंदणेमं अनुलिंपइ अनुलिंपिता अग्गेहिं वरेहिं गंधेहिं
 मल्लेहिं य अच्चिणइ पुप्फारुहणं मल्ल-गंध-चण्ण-चुण्ण-वत्थारुहणं आभरणारुहणं करेइ करेता
 अच्छेहिं सण्हेहिं सेतेहिं रययानएहिं अच्छरसातं-डुलेहिं चक्करयणस पुरओ अड्डु मंगलए
 आलिणइ तं जहा-सौत्थिय सिरिवच्छ नंदियावत्त यद्धमाणाग भद्दासण मच्छ कलस दप्पण
 अट्टमंगलए आलिहिता काऊणं करेइ उवयारं किं ते पाडल-मल्लिय-चंपग-असोग-पुत्रग-चूयमंजरि-
 नवमालिय-बकुल-तिलग-क्कणवीर-कुंद-कोज्ज-कोरंटय-पत्त-दमणय-वरसुराहिसुगंधगंधियस
 कयगहगहिय-करयलपवमइविप्पमुक्कसस दसद्धवण्णसस कुसुमणिगरसस तथ चित्तं जण्णुस्से-
 हप्पमाणमेत्तं ओहिनिगरं करेता चंदप्पभ-वइर-वेरुलियविमलदंडं कंचणमणि- रयणपत्तिचित्तं
 कालागुरु-पवरकुंदुरुक्क-तुरुक्क-धुवंगधुत्तमाणुविद्धं ध धूमवट्टिं विणिम्भुयंतं वेरुलियमयं कडु-
 च्छुयं पगहेत्तु पयते धूवं दहइ दहितासत्तइपयाइं पधोसक्कइ पधोसक्किक्ता वामं जाणु अंचेइ
 जाव पणामं करेइ करेता आउहधरसालाओ पडिणिक्खमइ पडिणिक्खमिता जेणेव बाहिरिया उव-
 द्धानसाला जेणेव सीहासणे तेणेव उवागच्छइ उवागच्छिता सीहासणवरगए पुरत्याभिमुहे सण्णि-
 सीयइ सण्णिसीयिता अट्टारस सेणिपसेणीओ सद्दावेइ सद्दावेत्ता एवं वयासी-खिप्पामेव भो देवाणु-
 प्पिया उस्सुक्कं उक्करं उक्किइ अदिजं अमिजं अभडप्पवेसं अदंडकोदंडिमं अधरिमं गणिया-
 वरणाडइज्जकलियं अणेगतालायराणुचरियं अनुद्धयमुइंगं अमिलायमल्लदामं पमुइयपक्कीलिय-
 सपुरजणजाणवयं विजयवेजइयं चक्करयणस अट्टाहियं महामहिमं करेइ करेता ममेयमाणत्तियं
 खिप्पामेव पच्चप्पिणह तए णं तओ अट्टारस सेणिपसेणीओ भरहेणं रण्णा एवं दुत्ताओ समाणीओ
 हट्टाओ जाव विणएणं वयणं पडिसुणोति पडिसुणेता भरहसस रण्णो अंतियाओ पडिणिक्खमेति
 पडिणिक्खमेत्ता उस्सुक्कं उक्करं जाव अट्टाहियं महामहिमं करेति य कारवेति य करेता य
 कारवेत्ता य जेणेव भरहे राया तेणेव उवागच्छंति उयागच्छिता तमाणत्तियं पच्चप्पिणंति ।४४।४९

(६९) तए णं से दिव्वं चक्करयणे अट्टाहियाए महापहिमाए निव्वत्ताए समाणीए आउ-
 हधरसालाओ पडिणिक्खमइ पडिणिक्खमिता अंतलिक्खपडिवण्णे जक्खसहससंपरिवुडे दिव्व-
 तुडियसहस्रणिणाएणं आपुरेते चेव अंबरतलं विणीयाए रायहाणीए मज्झमज्झेणं निग्गच्छइ
 निग्गच्छिता गंगाए महानईए दाहिणिण्णेणं कूलेणं पुरत्थिमं दिंसि मागहतित्याभिमुहे पयाते यावि
 होत्था तए णं से भरहे राया तं दिव्वं चक्करयणं गंगाए महानईए दाहिणिण्णेणं कूलेणं पुरत्थिमं दिंसि
 मागहतित्याभिमुहं पयातं पासइ पासिता हट्टुत्तुइ-जाव हियए कोडुंबियपुरिसे सद्दावेइ सद्दावेत्ता एवं
 वयासी-खिप्पामेव भो देवाणुप्पिया आभिसेक्कं हत्थिरयणं पडिकप्पेह हयगयरह-पवरजोहकलियं
 चाउरंगिणिं सेण्णं सण्णाहेह एतमाणत्तियं पच्चप्पिणह तए णं ते कोडुंबियपुरिसा जाव पच्चप्पिणंति
 तए णं से भरहे राया जेणेव मज्जणघरे तेणेव उवागच्छइ उवागच्छिता मज्जणघरं अनुपविसइ
 अनुपविसिता समुत्त- जालाकुलाभिरामे तहेव जाव धवल-महामेहनिग्गए इव जाव ससिक्ख
 पियदंसणे नरवई मज्जणघराओ पडिनिक्खमइ पडिणिक्खमिता हय-गय-रह-पवरवाहण-भड-

चडगर-पहकरसंकुलाए सेणाए पहियकित्ती जेणेव बाहिरिया उवट्टाणसाला जेणेव आभिसेक्के हत्थिरयणे तेणेव उवागच्छइ उवागच्छिता अंजणगिरिकडगसण्णिभं गयवइं नरवईं दुरुढे तए णं से भरहाहिवे नरिदे हारोत्थयसुकयरइयवच्छे कुंडलउज्जोइयाणणे मउडदित्तिसिए नरसीहे नरवईं नरिदे नरवसभे मरुयरायवसभकमे अब्भहियरायतेचलच्छिए दिप्पमाणे पसत्थमंगलसएहिं संधुव्वमाणे जयसहकयालोए हत्थिखंधवरगए संकोरंटमल्लदामेणं छतेणं धरिज्जमाणेणं सेयवरचामराहिं उद्धुव्वमाणीहिं-उद्धुव्वमाणहीहिं जकखसहस्ससंपरिवुडे वेसमाणे चेव धणवईं अमरवइसण्णिमाए इड्डीए पहियकित्ती गंगाए महानईए दाहिणिल्लेणं कूलेणं गानागर-नगर-खेड-कब्बड-मंडव-दोणमुह-पट्टणासम-संबाह-सहस्समंडियं थिमियमेइणीयं वसुहं अभिजिणमाणे-अभिजिणमाणे अगइं वराइं रयणाइं पडिच्छमाणे-पडिच्छमाणे तं दिव्वं चक्करयणं अनुगच्छमाणे-अनुगच्छमाणे जोयणंतारियाहिं वसहीहिं वसमाणे-वसमाणे जेणेव मागहतित्ये तेणेव उवागच्छइ उवागच्छिता मागहतित्यस्स अदूरसामंते दुवालसजोयणायामं नवजोयणविच्छिण्णं वरणगरसरिच्छं विजय-खंधावारनियेसं करेइ करेता वड्ढइरयणं सद्दावेइं सद्दावेत्ता एवं वयासी-खिप्पामेव भो देवाणुप्पिया मम आवासं पोसहसालं च करेहि करेता ममेयमाणत्तियं पच्चप्पिणाहि तए णं से वड्ढइरयणे भरहेणं रण्णा एवं वुत्ते समाणे हड्डुतुडु-जाव अंजलिं कट्टु एवं सामी तहत्ति आणाए विणएणं वयमं पडिसुणेइ पडिसुणेत्ता भरहस्स रण्णे आवसहं पोसहसालं च करेइ करेता एयमाणत्तियं खिप्पामेव पच्चप्पिणत्ति तए णं से भरहे राया आभिसेक्काओ हत्थिरयणाओ पच्चोहइ पच्चोहत्तिता जेणेव पोसहसाला तेणेव उवागच्छइ उवागच्छिता पोसहसालं अनुपविसइ अनुपविसिता पोसहसालं पमज्जइ पमज्जिता दब्भसंधारणं संधरइ संधरिता दब्भसंधारणं दुरुहइ दुरिहत्तिता मागहतित्यकुमारस्स देवस्स अट्टमभत्तं पगिण्हइ पगिण्हित्ता पोसहसालाए पोसहिए बंधयारी उम्मुक्कमणिसुवण्णे ववगयमालावण्ण-गविलेवणे निक्खित्तसत्थमुसले दब्भसंधरोवगए एगे अभीए अट्टमभत्तं पडिजागरमाणे-पडिजा-गरमाणे विहरइ तए णं से भरहे राया अट्टमभत्तंसि परिणममाणंसि पोसहसालाओ पडिणिक्खमइ पडिणिक्खमित्ता जेणेव बाहिरिया उवट्टाणसाला तेणेव उवागच्छइ उवागच्छिता कोडुंबिय-पुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया हय-गय-रह-पवरजोह-कलियं चाउरं-गिणिं सेण्णं सण्णाहेइ चाउग्धं अस्सरहं पडिकप्पेहत्ति कट्टु मज्जणघरं अनुपविसइ अनुपविसिता समुत्तजालाकुलाभिरामे तहेव जाव धवल-महामेहणिग्गए जाव मज्जणघराओ पडिणिक्खमइ पडिणिक्खमित्ता हय-गय-रह-पवरयाहण-सेणाए पहियकित्ति जेणेव बाहिरिया उवट्टाणसाला जेणेव चाउग्धं अस्सरहे तेणेव उवागच्छइ उवागच्छिता चाउग्धं अस्सरहं दुरुढे १४५।-४४

(६२) तए णं से भरहे राया चाउग्धं अस्सरहं दुरुढे समाणे हय-गय-रह-पवरजोह-कलियाए सद्धिं संपरिवुडे महयाभड-चडग-पहगरवंदपरिकिखत्ते चक्करयणदेसियमग्गे अनेग-रायवरसहस्साणुजायमग्गे महया उक्किड्ढि-सीहनाय-बोल-कलकलरवेणं पक्खुभिय-महास-मुद्दवभूयं पिव करेमाणे-पुरत्थिमदिसाभिमुहे मागहतित्येणं लवणसमुद्दे ओगाहइ जाव से रहवरस्स कुप्परा उल्ला तए णं से भरहे राया तुरगे निगिण्हइ निगिण्हित्ता रहं ठवेइ ठवेत्ता धणुं परामुसइ तए णं तं अइरुग्गयबालवंद-इंदधणु-सन्निकासं वरमहिस-दरिय-दप्पिय-दद-घणसिगंगारइयसारं उरग-वर-पवरगवल-पवरपरहुय-ममरकुल-नीलि-निद्ध-धंत-धोय-पट्टं निउणोविय-मिसिमिसेंत-मणिर-यण-घंटियाजालपरिक्खित्तं तडित्तरुणकिरण-त्तवणिज्ज-वड्ढविंधं दहरमलयगिरिसिहर-केसरचाम-

रवालद्धचंदविंधं काल-हरिय-रत्त-पीय-सुक्किल-बहुण्हरुणि-संपणद्धजीव जलजीवं जीवियत-करणं धणुं गहिऊण से नरवई उसुं च वावइरकोडियं वइरसारतुंडं कंचणमणिकणगरयण-धोइइसुकयपुंखं अणेगमणिरयण-विविह-सुविरइयनामविंधं वइसाहं ठाईऊण ठाणं आयतकण्णायतं च काऊण उसुमुदारं इमाइं वयणाइं तत्थ भाणिय से नरवई-१४६-११-४६-२

- (६३) हंदि सुणंतु भवंतो बाहिरओ खलु सरस्स जे देवा
नागासुरा सुवण्णा तेसिं खु नमो पणिवयामि 119२11-1
- (६४) हंदि सुणंतु भवंतो अक्खितरओ सरस्स जे देवा
नागासुरा सुवण्णा सव्वे मे ते विसयवासीइतिकडु उसुं निसिरइ 119३11-2
- (६५) परिगरणिरियमज्झो दाउद्धुयसोभमाणकोसेओ
चित्तेण सोभते धणुवरेणं इंदोव्व पच्चक्खं 119४11-3
- (६६) तं चंचलायमाणं पंचपिचंदोवमं महाचावं
छअइ वामे हत्थे नरवइणो तंमि विजयंमि 119५11-4

(६७) तए णं से सरं भरहेणं एण्णा निसट्ठे समाणे खिप्पामेव दुवालस जोयणाइं गंता मागहतित्थाधिपत्तिस्स देयस्स भवणंसि निवइए तए णं से मागहतित्थिहिवई देवे भवणंसि सरं निवइयं पासइ पासिता आसुरुत्ते रुट्ठे चंडिकिकए कुयिए भिसिमिसेमाणे तिबलियं भिउडिं निडाले साहरइ साइरिता एवं वयासी-केस णं भो एस अपत्थियपत्थए दुरंतपंतलकखणे हीणपुन्नचाउइसे हिरि-सिरिपरिचजिए जे णं मम इभाए एयालूवाए दिव्वाए देवइडीए दिव्वाए देवजुईए दिव्वेणं दिवाणु-भावेणं लद्धाए पत्ताए अभिसमण्णागयाए उप्पि उप्पुस्सुए भवणंसि सरं निसिरइत्ति-कडु सीहास-णाओ अब्भुट्ठेइ अब्भुट्ठेत्ता जेणेव से नामाहयके सरं तेणेव उवागच्छइ उवागच्छिता तं नामाहयकं सरं गेण्हइ गेण्हिता नामकं अनुप्पवाएइ नामकं अनुप्पवाएमाणस्स इमे एयालूवे अज्झत्थिए चित्तिए पत्थिए मणोगए संकपे समुप्पञ्जित्था-उप्पन्ने खलु भो जंबुदीवे दीवे भरहे वासे भरहे नामं राया चाउरंतचक्कवइी तं जीयमेयं तीयपच्चुप्पन्नमणागयाणं मागहतित्थकुमारणं देवाणं राईणमु-वत्थापियं करेत्ताए तं गच्छामि णं अहंपि भरहस्स एण्णे उवत्थाणियं करेमिक्कडु एवं संपेहेइ संपे-हेत्ता हारं मउडं कुंडलाणि कडगाणि य तुडियाणि य वत्थाणि य आपरणाणि य सरं च नामाहयं मागहतित्थोदगं च गेण्हइ गेण्हिता ताए उक्किक्कए तुरियाए जाव देवगईए वीईवयमाणे-वीईवय-माणे जेणेव भरहे राया तेणेव उवागच्छइ उदागच्छिता अंतलिकखपडिवण्णे संखिखिणीयाइं पंचवण्णाइं वत्थाइं पवर परिहिए करयल- परिगहियं जाव अंजलिं कडु भरहं रायं जएणं विजएणं वद्धावेइ वद्धावेत्ता एवं वयासी-अभिजिए णं देवाणुप्पिपहिं केवलकपे भरहे वासे पुरत्थिमेणं मागहतित्थमेराए तं अहण्णं देवाणुप्पियाणं विसयवासी अहण्णं देवाणुप्पियाणं आणती-किंकरे अहण्णं देवाणुप्पियाणं पुरत्थिमिल्ले अंतवाले तं पडिच्छंतु णं देवाणुप्पिया ममं इमेयालूवं पीइदाणंति-कडु हारं मउडं कुंडलाणि कडगाणि य जाव मागहतित्थोदगं च उवणेइ तए णं से भरहे राया मागहतित्थकुमारस्स देयस्स इमेयालूवं पीइदाणं पडिच्छइ पडिच्छिता मागहतित्थकुमारं देवं सक्कारेइ जाव पडिविसउडेइ तए णं से भरहे राया रहं परावत्तेइ परावत्तेत्ता मागहतित्थेणं लवणसमुदाओ पच्चुत्तरइ पच्चुत्तरिता जेणेव विजयखंधावारणिवेसे जेणेव बाहिरिया उवट्ठणासाला तेणेव उवागच्छइ उवागच्छिता तुरगे निगिण्हिता रहं ठवेइ ठवेत्ता रहाओ पच्चोरुहति पच्चोरुहिता

जेणेव मज्जणपरे तेणेव उवागच्छति उवागच्छिता मज्जणघरं अनुपविसइ अनुपविसिता जाव ससिच्च पियदंसणे नरवई मज्जणघराओ पडिणिक्खमइ पडिणिक्खमिता जेणेव बाहिरिया उवट्ठाण-साला जेणेव सीहासणे तेणेव उवागच्छइ उवागच्छिता सीहासणवरगए पुरत्याभिमुहे निसीयइ निसीइत्ता अट्टारस सेणि-प्पसेणीओ सदावेइ सदावेत्ता एवं वयासी-खिप्पमेव भो देवाणुप्पिया उस्सुककं उक्करं जाय मागहतित्यकुमारस्स देवस्स अट्टारिहियं महामहिमं करेह करेत्ता मम एयमाणत्तियं पच्चप्पिणह तए णं ताओ अट्टारस सेणिप्पसेणीओ भरहेणं रण्णा एवं युत्ताओ समाणीओ हट्टतुट्टाओ जाव करेति करेत्ता एयमाणत्तियं पच्चप्पिणंति तएणं से दिव्वे चक्करयणे वइरामयतुंवे लोहियक्खमयारए जंबूणयनेमीए नाणामणिखुरप्पवालपरिगए मणिमुत्ताजाल-भूसिए सणंदिधोसे सखिंखिणीए दिव्वे तरुणरविमंडलणिभे नानामणिरयणघंटियाजालपरिक्खिते सव्वोउयसुरभिकुसुमआसत्तमएयामे अंतलिकखपडिवणे जक्खसहस्ससंपरिवुडे दिव्वतुडिय-सहसण्णिणादेणं पूरेंते चेव अंबरतलं नामेणं सुदंसणे नवरवइस्स पढमे चक्करयणे मागहतित्य-कुमारस्स देवस्स अट्टारियाए महामहिमाए निव्वत्ताए समाणीए आउहघरसालाओ पडिणिक्कमइ पडिणिक्खमिता दाहिनपच्चत्थियं दिसिं वरदामतित्याभिमुहे पयाए यावि होत्था ।४६।-४५

(६८) तए णं से भारहे राया तं दिव्वं चक्करयणं दाहिनपच्चत्थियं दिसिं वरदामतित्याभिमुहं पयातं चायि पासइ पासिता हट्टतुट्ट-जाव कोडुंबियपुरिसे सदावेइ सदावेत्ता एवं वयासी-खिप्पामेव भो देवाणुप्पिया हय-गय-रह-पवरजोहकलियं चाउरंगिणिं सेण्णं सण्णाहेह आभिसेक्कं हत्थिरयणं पडिक्कपेहत्तिकट्टु मज्जणघरं अनुपविसइ अनुपविसिता तेणेव कमेणं जाव धवल-महामेहणिगए जाव सेयवरचामराहिं उदुव्वमाणीहिं-उदुव्वमाणीहिं मगइयवरफलग-पवरपरिगरखेडय-वरवम्प-कयय-माढी-सहस्सकलिए उक्कडवरमउड-तिरीड-पडाग-झय-वेजंयति-चामरचलंत-छत्तंधयार-कलिए असि-खेवणि-खग-चाव-नाराय-कणय-कप्पणि-सूल-त्तउड-भिडिमाल-धणुह-तोण-सरप-हरणेहि य काल-नील-रुहिर-पीय-सुक्किल-अणेगचिंधसयसंविणद्धे अप्फोडियसीहणाय-छेलिय-हय-हेसिय-हत्थिगुलुगुलाइय-अणेगारहसयसहस्सघणघणेत-नीहम्ममाणसइसहिएण जमगसभग-भंमा-होरंभ-किणित्तखरमुहि-मुगुंद-संखिय-पिरिलि-पव्वग-परिवायणि-वंस-वेणु-बिंबंवि-महत्ति-कच्छ-भि-रिगिसिगि-कलताल-कंसताल-करधाणुब्बिद्धेण महत्ता सहसण्णिणादेण सयलमयि जीवलोगं पूरयंते बलवाहणसमुदएणं एवं जक्खसहस्ससंपरिवुडे वेसमणे चेव धणवई अमरपतिसण्णिभाए इइदीए पहियकित्ती गामागर-नगर-तहेव सेसं जाव विजयखंधावारणिवेसं करेइ करेत्ता वइड-इरयणं सदावेइ सदावेत्ता एवं वयासी-खिप्पामेव भो देवाणुप्पिया मम आवसहं पोसहसालं च करेहि ममेयमाणत्तियं पच्चप्पिणाहिं ।४७।-४६

(६९) तए णं से आसम-दोणमुह-गाम-पट्टण-पुरवर-खंधावार-गिहावणविभागकुसले एगासीतिपदेसु सव्वेसु धेव वत्थूसु नेगगुणजाणए पंडिए विहिण्णू पणयालीसाए देवयाणं वत्थुप-रिच्छाए नेमिपासेसु भत्तसालासु कोट्टणिसु य वासधरेसु य विभागकुसले छेजे वेज्जे य दाणकम्पे पहाणवुद्धी जलयाणं भूमियाणं य भायणे जलथलगुहासु जंतैसु परिहासु य कालनाणे तहेव सहे वत्थुप्पएसे पहाणे गब्धिणि-कण्ण-रुक्ख-वलिंवेडिय-गुणदोसवियाणए गुणइडे सोलत्तपासाय-करणकुसले चउसट्टिविकप्पवित्थयमई णंदावत्ते य वत्थुमाणे सोत्थियरुयग तह सव्वओमइ-सण्णिवेसे य वहुविसेसे उइंडिय-देव-कोइ-दारु-गिरिखाय-वाहण-विभागकुसले ।४८-१।-४७-१

(७०) इय तस्स बहुगुणइद्द थवईरयणे नरिंदचंदस्स
तवसंजमनिव्विद्धे किं करवाणीतुवइत्ताई ॥१६॥-१

(७१) सो देवकम्मविहिणा खंधावारं नरिंदवयणेणं
आवसहभवणकलियं कोइ सव्वं मुहुत्तेणं ॥१७॥-२

(७२) कोरत्ता पवारपोसहघरं कोइ करत्ता जेणेव भरहे राया जाव तमाणत्तियं खिप्पमेग
पच्चप्पिणइ सेसं तहेव जाव मज्जणघराओ पडिणिक्खणइ पडिणिक्खमित्ता जेणेव बाहिरिया
उवट्टाणसाला जेणेव चाउग्घंटे आसरहे तेणेव उवागच्छइ ॥४८॥-४७

(७३) तते णं तं धरणिगतलगमणलहु-त्ततोव्विद्ध-लक्खणपसत्तयं हिमवंत-कंतंरतर-निवाय-
संवद्धिय-चित्त-तिणिसदलियं जंबूणयसुकयकुव्वरं काणयदंडियारं पुलय-वइर-इंदणील-सासग-
पवाल-फलहयर-रयण-लेट्ट-मणि-विट्ठमविभूसियं अडयालीःसारइय-तवाणिअपट्टसंगहिय-जुत्त-
तुंबं पघसियपसियनिम्मियनवपट्ट-पुट्ट-परिणिद्धियं विसिद्धलट्टणवलोहवद्धकम्मं हरिपहरणरयण-
सरिसचक्कं कक्केयणइंदणी सासगसुसमाहिय-बद्धजालकंकडं पसत्यविच्छिण्णसम-धुरं पुरवं
व गुत्तं सुकरणतवणिअजुत्तकलियं कंकडगणिजुत्तकप्पणं पहरणाणुजायं खेडग-कणग-धणु-
पंडलग-वरसत्ति-कोत्ति-तोमर-सरसयबत्तीसतोणपरिमंडियं कणगरयणचित्तं जुत्तं हलीमुह-
बलाग-गयदंत-चंद-भोत्तिय-त्तणसोल्लिय-कुंद-कुडय-वरसि-दुवार-कंदल-वरफेणणिगर-हार-कास-
प्पासाधवलेहिं अमरमणपवणजइण-चवलसिग्घगामीहिं चउहिं चामराकणगभूसियंगेहिं तुरगेहि
सच्छत्तं सज्जयं सघटं सपडगं सुकयसंधिकम्मं सुसमाहियसमारकणग-गंभीरतुल्लघोसं वरकुप्परं
सुचक्कं वरनेमीपंडलं वरधुरातोडं वरवइरबद्धतुंबं वरकंचणभूसियं वरायरियणिम्मियं वरतुर-
गसंपउत्तं वरसारहिसुसंपग्गहियं वरपुरिसे वरमहारहं दुरुढे आरूढे पवररयणपरिमंडियं कणय-
खिखिणीजालसोभियं अयोज्जं सोयामणि-कणगतविय-पंकय-जासुयण-जलयणजलिय-सुयतोड-
रागं गुंजद्ध-बंधुजीवग-रत्त-हुंगुलुगणिगर-सिंदूर-रुइलकुंकुम-पारेवयचलण-नयणकोइल-दलणा-
वरणइत्तातिरेग-रत्तासोग-कणग-केसुय-गयतालु-सुरिंदगोवग-समप्पभप्पगासं बिंबफल-सिलप्प-
वाल-उट्टेत्त-सूरसरिसंसव्वोउयसुरहिकुसुम-आसत्तमल्लदामं ऊसियसेयज्जयं महामेहरसिय-गंभीर-
णिद्धघोसं सत्तुहिययकंपणं पमाए य सस्सिरीयं नामेणं पुहविविजयलंभति वीसुत्तं लोगविसुत्तजसो
अहत्तं चाउग्घंटे आसरहं पोसहिए नरवई दुरुढे तए णं से भरहे राया चाउग्घंटे आसरहं दुरुढे समाणे
सेसं तहेव दाहिणाभिमुहे वरदापतित्वेणं लयणसमुद्दं ओगाहइ जाव से रहवरस्स कुप्परा उच्चा ते णं से
भरहे राया तुरगे निगिण्हई निगिच्छत्ता रहं ठवेइ ठवेत्ता धणुं परामुसइ जाव उसुं निसिरइ-
परिगरणिगरियमज्जो वाउद्धुयसोभमाणकोसेओ चित्तेणं सोभते घणुवरेण इंदोव्व पच्चक्खं तं
चंचलायमाणं पंचमिचंदोवमं महाचावं छज्जइ वामे हत्थे नरवइणे तंमि विजयंमि तए णं से सरे
भरहेणं रण्णा निसट्टे समाणे खिप्पामेव दुवालस जोयणाइ गंता वरदामतित्याधिपतिस्स देवस्स
भवणंसि निवइए तए णं से वरदामतित्याहिबई देवे भवणंसि सरं निवइयं पासइ पासित्ता आसुरुत्ते
रुद्धे चंडिकिक्कए कुविए मिसिमिसेमाणे तिवलियं मिउडिं निडाले साहरइ साहरित्ता एवं वयासी-केस
णं भो एस अपत्थियपत्थए दुरंतपंतलक्खणे हीणपुत्रयाउहसे हिरिसिरिपरिवज्जिए जे णं मम इमाए
एयाह्वाए दिव्वाए देवइदीए दिव्वाए देवजुईए दिव्वेणं देवाणुभायेणं लद्धाए पत्ताए अभि-
समण्णागयाए उप्पि उप्पुसुए भवणंसि सरं निसिरइत्तिकट्टु सीहासणाओ अब्भुट्टेइ अब्भुट्टेत्ता जेणेव

से नामाहयके सरे तेणेव उवागच्छइ उवागच्छिता तं नामाहयकं सरं गेण्हइ गेण्हिता नामकं अनुप्पयाएइ नामकं अनुप्पयाएमाणस्स इमे एयारूवे अण्हत्थिए चित्तिए पत्थिए मणोगए संकम्ये समुप्पज्जित्या-उप्पत्रे खलु भो जंबुद्वीवे दीवे भरहे वासे भरहे नामं राया चाउरंतघक्कवड्डी तं जीयमेयं तीयपच्चुप्पन्नमणागयाणं वरदामतित्थकुमारणं देवाणं राईणमुवत्थाणियं करेत्तए तं गच्छामि णं अहंपि भरहस्स रणो उवत्थाणियं करेमिक्कइ एवं संपेहेइ संपेहेत्ता जूडामणिं च दिव्वं उरत्थगेविज्जगं सोणियसुत्तगं कडगाणि य तुडियाणि य वत्थाणि य आभरणाणि य सरं च नामाहयं वरदामतित्थोदगं गेण्हइ गेण्हिता ताए उक्किक्काए तुरियाए जाव वीईवयमाणे जेणेव भरहे राया तेणेव उवागच्छइ उवागच्छिता अंतलिक्खपडिवण्णे संखिखिणीयाइ पंचवण्णाइ वत्थाइ पवर परिहिए करयलपरिग्गहियं दसणहं सिरसावत्तं मत्थए अंजलिं कइ भरहं रायं जएणं विजएणं वद्धावेइ चद्धावेत्ता एवं वयासी-अभिजिए णं देवाणुप्पिएहिं केवलकम्ये भरहे वासे दाहिणिल्ले वरदामतित्थमेराए तं अहण्णं देवाणुप्पियाणं विसयवासी अहण्णं देवाणुप्पियाणं आणत्ती-किंकोरे अहण्णं देवाणुप्पियाणं दाहिणिल्ले अंतवाले तं पडिच्छंतु णं देवाणुप्पिया ममं इमेयारूवं पीइदाणंतिकइ चूडामणिं च दिव्वं उरत्थगेविज्जगं सोणियसुत्तगं कडगाणि य तुडियाणि य वत्थाणि य आभरणाणि य सरं च नामाहयं वरदामतित्थोदगं च उषणेइ तए णं से भरहे राया वरदामतित्थकुमारस्स देवस्स इमेयारूवं पीइदाणं पडिच्छइ पडिच्छिता वरदामतित्थकुमारं देवं सक्कारेइ सम्माणेइ सक्कारेत्ता सम्माणेत्ता पडिविसउदेइ तए णं से भरहे राया रहं परावत्तेइ परावत्तेत्ता वरदामतित्थेणं लवणसमुद्दाओ पच्चुत्तरइ पच्चुत्तरिता जेणेव विजयखंधाद्वारणिवेसे जेणेव बाहिरिया उवड्डाणसाला तेणेव उवागच्छइ उवागच्छिता तुरगे निगिण्हइ निगिण्हिता रहं ठवेइ ठवेत्ता रहाओ पच्चोरुहति पच्चोरुहिता जेणेव मज्जणघरे तेणेव उवागच्छति उवागच्छिता मज्जणघरं अनुपविसइ अनुपविसिता जाव ससिब्ब पियदंसणे नरवई मज्जणघराओ पडिणिक्खणइ पडिणिक्खमिता जेणेव भोयणमंडवे तेणेव उवागच्छइ उवागच्छिता भोयणमंडवंसि सुहासण-वरगए अट्टमभत्तं पारेइ पारेत्ता भोयणमंडवाओ पडिणिक्खमइ पडिणिक्खमिता जेणेव बाहिरिया उवड्डाणसाला जेणेव सीहासणे तेणेव उवागच्छइ उवागच्छिता सीहासणवरगए पुरत्थाभिमुहे नी-सीयइ निसीइत्ता अट्टारस सेणियसेणीओ सद्दावेइ सद्दावेत्ता एवं वयासी-खिप्पामेव भो देवाणु-प्पिया उस्सुककं उक्करं उक्किक्कं अदिज्जं अमिज्जं अण्णपेवं अदंडकोदंडिं अघरिं गणिया-वरणाडइज्जकलियं अणेगतालायरणुचरियं अनुद्धुयमुड्गं अमिलायमल्लदामं पमुइयपक्कीलिय-सपुरजणजाणवयं विजयवेजइयं वरदामतित्थकुमारस्स देवस्स अट्टाहियं महामहिंमं करेहं करेत्ता एयमाणत्तियं पच्चप्पिण्ह तए णं ताओ अट्टारस सेणियसेणीओ भरहेणं रण्णा एवं युत्ताओ सभाणीओ हड्डुत्ताओ जाव अट्टाहियं माहमहिंमं करेत्ति करेत्ता एयमाणत्तियं पच्चप्पिण्हितं तए णं से दिव्वे चक्करयणे वरदामतित्थकुमारस्स देवस्स अट्टाहियाए महामहिमाए निव्वत्ताए सभाणीए आउहघरसालाओ पडिणिक्खमइ पडिणिक्खमिता अंतलिक्खपडिवण्णे [जक्खसहस्ससंपरिवुडे दिव्वतुडियसहसण्णिणादेणं] पूरंते चेव अंवरतलं उत्तरपच्चत्थियं दिसिं पभासतित्थाभिमुहे पयाते यावि होत्था तए णं से भरहे राया तं दिव्वं चक्करयणं उत्तरपच्चत्थियं दिसिं पभासतित्थाभिमुहं पयातं चावि पासइ पासिता तहेव जाव पच्चत्थिमदिसाभिमुहे पभासतित्थेणं लवणसमुद्दं ओगाहेइ जाव से रहवरस्स कुप्परा उज्जा जाव पीइदाणं से नवरं मालं मउडिं मुत्ताजालं हेमजालं कडगाणि य

तुडियाणि य आभरणाणि य सरं च नामाहयं पभासतित्योदगं च गिण्हइ ता जाव पच्चत्थिमिणं पभासतित्यमेराए अहण्णं देवाणुप्पियाणं विसयवासी जाव पच्चत्थिमिल्ले अंतवाले सेसं तहेव जाव अट्टाहिया निव्वत्ता [तए णं से भरहे राया तुरगे निगिण्हइ निगिण्हत्ता रहं ठवेइ ठवेत्ता धणुं परामुसइ जाव उसुं निसिरइ- परिगरणिगरियमज्जो वाउयखुसोभमाणकोसेजो चित्तेणं सोभते धणुवरेणं इंदोव्व पच्चक्खं तं घंचलायमाणं पंचमिघंदोव्वमं महाचावं छज्जइ धामे हत्थे नरवइणो तंमि विजयंमि तए णं से सरे भरहेणं रण्णा निसइे समाणे खिप्पामेव दुयालस जोयणाइं गंता पभासतित्याधिपतिस्स देवस्स भवणंसि निवइए ताए णं से पभासतित्याहिवई देवे भवणंसि सरं निवइयं पासइ पासित्ता आसुरते रुट्ठे जाव एवं वयासी-केस णं भो एस अपत्थियपत्तए जे णं मम इमाए एयारूवाए दिव्वाए देयइदीए दिव्वाए देवजुईए दिव्वेणं देवाणुभावेणं लद्धाए पत्ताए अभिसमण्णागयाए उप्पि अप्पुस्सुए भवणंसि सरं निसिरइत्ति-कट्टु सीहासणाओ अब्भुट्ठेइ अब्भुट्ठेत्ता जेणेव से नामाहयके सरे तेणेव उवागच्छइ उवागच्छित्ता तं नामाहयकं सरं गेण्हइ गेण्हित्ता नामकं अनुप्पवाएइ नामकं अनुप्पवाएमाणस्स इमे एयारूवे० संकप्पे समुप्पञ्जित्वा-उप्पञ्जे खलु भो जंबुद्दीवे दीये भरहे वासे भरहे नामं राया चाउरंतचक्कवट्ठी तं जीयमेयं तीयपच्चुप्पत्र- भणागयाणं पभासतित्यकुमारणं देवाणं राईणमुवत्थाणियं करेत्तए तं गच्छामि णं अहंमि भरहस्स रण्णे उवत्थाणियं करेमिक्कट्टु एवं संपेहेइ संपेहेत्ता मालं मउडिं मुत्ताजालं जाव पभासतित्योदगं गेण्हइ गेण्हित्ता ताए उक्किक्कट्टाए तुरियाए० थीडयचमाणे जेणेव भरहे राया तेणेव उवागच्छइ उवागच्छित्ता अंतलिकख- पडिवण्णे संखिखिणीय- इइ पंचवण्णाइं वत्थाइं पवर परिहिए करयलपरिगहियं दसणाहं सिरसावत्तं मत्तए अंजलिं कट्टु भरहं राथं जएणं विजएणं यद्धावेइ यद्धावेत्ता एवं वयासी-अभिजिए णं देवाणुप्पिएहिं केवलकप्पे भरहे वासे पच्चत्थिमिल्ले पभासतित्यमेराए तं अहण्णं देवाणुप्पियाणं विसयवासी अहण्णं देवाणुप्पियाणं आणती-किंकरे अहण्णं देवाणुप्पियाणं पच्चत्थिमिल्ले अंतवाले तं पडिच्छंतु णं देवाणुप्पिया ममं इमेयारूवं पीइदाणंतिकट्टु मालं मउडिं मुत्ताजालं जाव पभासतित्योदगं च उवणेइ तए णं से भरहे राया पभासतित्यकुमारस्स देवस्स इमेयारूवं पीइदामं पडिच्छइ पडिच्छित्ता पभासतित्यकुमारं देवं सक्कारेइ जाव पडिविसज्जेइ तए णं से भरहे राया रहं पराक्त्तेइ पराक्त्तेत्ता पभासतित्येणं लवणसमुद्दाओ पच्चुतरइ पच्चुतरित्ता जेणेव विजयखंधावारणिवेसे जेणेव बाहिरिया उवट्टाणसाला तेणेव उवागच्छइ उवागच्छित्ता० जेणेव मज्जणधरे तेणेव उवागच्छइ जाव ससिच्च पियदंसणे नरवई मज्जणधराओ पडिणिक्खमइ पडिणिक्खमिता जेणेव भोयणमंडवे तेणेव उवागच्छइ० अट्टमभत्तं पारेइ पारेत्ता भोयणमंडवाओ पडिणिक्खमइ पडिणिक्खमिता जेणेव बाहिरिया उवट्टाणसाला जेणेव सीहासणे तेणेव उवागच्छइ उवागच्छित्ता सीहासणवरणए पुरत्थाभिमुहे निसीयइ नीसिइत्ता अट्टारस सेणि-प्पसेणीओ सद्धावेइ सद्धावेत्ता एवं वयासी खिप्पामेव भो देवाणुप्पिया उस्सुककं उक्करं उक्किक्कं जाव अट्टाहियं महामहिमं करेह करेत्ता मम एयमाणत्तियं पच्चप्पिण्ह तए णं ताओ अट्टारस सेणि-प्पसेणीओ भरहेणं रण्णा एवं वुत्ताओ समाणीओ हट्टुट्टाओ जाव अट्टाहियं महामहिमं करेत्ति करेत्ता एयमाणत्तियं पच्चप्पिणंति । ४९।-४७

(७४) तए णं से दिव्वे चक्करयणे पभासतित्यकुमारस्स देवस्स अट्टाहियाए महामहिमाए निव्वत्ताए समाणीए आउहधरसालाओ पडिणिक्खमइ पडिणिक्खमिता । अंतलिकखपडिवण्णे जक्खसहस्ससंपरिवुडे दिव्वतुडियसइसणियादेणं । पूरेतं चैव अंबरतलं सिंघूए महानईए दाहि-

णिल्लेणं कूलेणं पुरत्थिमं दिसिं सिंधुदेवीभवणाभिमुहं पयाते यावि होत्या तए णं से भरहे राया तं दिव्वं चक्करयणं सिंधूए महाणइए दाहिणिल्लेणं कूलेणं पुरत्थिमं दिसिं सिंधुदेवीभवणाभिमुहं पयातं पासइ पासिता हट्टतुट्ट-चित्तमाणंदिए तहेव जाव जेणेव सिंधूए देवीए भवणं तेणेव उवाच्छइ उवागच्छिता सिंधूए देवीए भवणस्स अदूरसामंते दुवालसजोयणायायं नवजोयणविच्छिण्णं वरण-गरसरिच्छं विजयखंधावारणिवेसं करेइ करेता [वड्डइरयणं सहावेइ सहावेता एवं घयासी-खिप्पामेव भो देवाणुप्पिया ममं आवासं पोसहसालं च करेहि करेता ममेयमाणत्तियं पच्चप्पिणाहि तए णं से वड्डइरयणे भरहेणं रण्णा एवं वुत्ते समाणे हट्टतुट्ट-चित्तमाणंदिए नंदिए पीइमणे परम-सोमणस्सिए हरिसवसविसप्पमाणहियाए करयलपरिग्गहियं सिरसावत्तं मत्थए अंजलिं कट्टु एवं सामी तहत्ति आणाए विणएणं वयणं पडिसुणेइ पडिसुणेता भरहस्स रण्णे आवसहं पोसहसालं च करेइ करेता एयमाणत्तियं खिप्पामेव पच्चप्पिणत्ति तए णं से भरहे राया आभिसेक्काओ हत्थिरयणाओ पच्चोरुहइ पच्चोरुहिता जेणेव पोसहसाला तेणेव उवागच्छइ उवागच्छिता पोसहसालं अनुपविसइ अनुपविसिता पोसहसालं पमउइ पमउत्ता दब्बसंधारगं संथरइ संथरिता दब्ब-संधारगं दुरुहइ दुरुहिता] सिंधूए देवीए अट्टमभत्तं पगिण्हइ पगिण्हता पोसहसालाए पोसहिए वंभयारी उम्मुक्कमणिसुवण्णे ववगयमालावण्णगविलेदणे निक्खित्तसत्थमुसले दब्बसंथरोवगए अट्टमभत्तिए सिंधुदेविं मणसीकरेमाणे-मणसीकरेमाणे चिट्ठइ तए णं सा तस्स भरहस्स रण्णे अट्टमभत्तंसि परिणममाणंसि सिंधूए देवीए आसणं चलइ तए णं सा सिंधु देवी आसणं चलियं पासइ पासिता ओहिं पउंजइ पउंजिता भरहं रायं ओहिणा आपोएइ आपोएता इमे एयारूवे अज्झत्थिए चित्तिए पत्थिए मणोगए संकप्पे समुप्पज्जित्था-उप्पन्ने खलु भो जंबुद्वीवे दीवे भरहे वासे भरहे नामं राया चाउरंतचक्कवट्ठी तं जीयमेयं तीयपच्चुप्पन्नमणागयाणं सिंधूणं देवीणं भरहाणं राईणं उवत्थाणियं करेताए तं गच्छामि णं अहंपि भरहस्स रण्णे उवत्थाणियं करेमिन्ति कट्टु कुंभट्टसहस्सं रयणचित्तं नाणामणिकणगरयणभत्तिचित्ताणि य दुवे कणगमहासणाणि य कडगाणि य तुडियाणि य वत्थाणि य आभरणाणि य गेण्हइ गेण्हिता ताए उक्किट्ठाए जाव एवं वयासी-अभिजिए णं देवाणुप्पिएहिं केवलकप्पे भरहे वासे अहण्णं देवाणुप्पियाणं विसयवासिणो अहण्णं देवाणुप्पियाणं आणत्ति-किंकरी तं पडिच्छंतु णं देवाणुप्पिया मम इमं एयारूवं पीइदाणंतिकट्टु कुंभट्टसहस्सं रयणचित्तं नानामणिकणगरयणभत्तिचित्ताणि य दुवे कणकभदा- सणाणि य कडगाणि य [तुडियाणि य वत्थाणि य आभरणाणि य उवणेइ तए णं से भरहे राया सिंधूए देवीए इमेयारूवं पीइदानं पडिच्छइ पडिच्छिता सिंधुं देविं सक्कारेइ सम्माणेइ सक्कारेता सम्माणेता] पडिविसअेइ तए णं से भरहे राया पोसहसालाओ पडिणिक्खमइ पडिणिक्खमित्ता जेणेव मउणधरे तेणेव उवागच्छइ उवागच्छिता ण्हाए कयबलिकम्मे जाव जेणेव भोयणमंडवे तेणेव उवागच्छइ उवागच्छिता भोयणमंडवसिं सुहाणसवरगए अट्टमभत्तं पारेइ पारेता जाव अट्टाहियं महामहिमं करेत्ति करेता तमाणत्तियं पच्चप्पिणत्ति ।५०।-६०

(७५) तए णं से दिव्वे चक्करयणे सिंधूए देवीए अट्टाहियाए महामहिमाए निव्वत्ताए समाणीए आउहवरसालाओ [पडिणिक्खमइ पडिणिक्खमित्ता अंतलिक्खपडिवण्णे जक्खसहस्स-संपरिवुडे दिव्वतुडियसहसण्णिणादेणं पूरेंते चेव अंबरतलं] उत्तरपुरत्थिमं दिसिं वेयड्डपव्ययभिमुहे पयाए यावि होत्या तए णं से भरहे राया तं दिव्वं चक्करयणं उत्तरपुरत्थिमंदिसिं वेयड्डपव्ययभि

मुहं पयातं चावि पासइ पासिता हट्टुडु-चित्तमाणंदिए जाव जेणेव वेयइदुपुव्वए जेणेव वेयइदुसस पव्वयस्स दाहिणिल्ले नितंवे तेणेव उवागच्छइ उवागच्छिता वेयइदुसस पव्वयस्स दाहिणिल्ले नितंवे दुवालसजोयणायामं नवजोयणविविच्छिणं वरणगरसरिच्छं विजयखंधा धारनिवेसं करेइ करेत्ता जाव वेयइदुगिरिकुमारस्स देवस्स अट्टममत्तं पणिण्हइ पणिणिहेत्ता पोसहसालाए पोसहिए बंधयारी उम्मुक्कमणिसुवण्णे बवगयमालावण्णगविलेवणे णिक्खित्तसत्थमुसले दब्बसंधारोयगए अट्टममत्तिए वेयइदुगिरिकुमारं देवं मणसीकरेमाणे-मणसीकरेमाणे चिदुइ तए णं तस्स भरहस्स रण्णो अट्टमत्तंसि परिणममाणंसि वेय- इदुगिरिकुमारस्स देवस्स आसणं चलइ एवं सिंधुगमो नेयव्वो पीइदाणं-आभिसेक्कं रयणालंकारं कडगाणि य तुडियाणि य वत्थाणि य आभरणाणि य गेण्हइ गेण्हिता ताए उक्किट्ठाए [तुरियाए चवलाए जइणाए सीहाए सिग्घाए उन्दुयाए दिव्वाए देवगईए दीईवमाणे-दीईवयमाणे जेणेव भरहे राया तेणेव उवागच्छइ उवागच्छिता अंतलिकखपडिवण्णे संखिखिणीयाइं पंचवण्णाइं वत्थाइं पवर परिहिए करयलपरिगहियं दसणहं सिरसावत्तं मत्थए अंजलि कट्टु भरहं रायं जएणं विजएणं वद्धावेइ वद्धावेत्ता एवं वयासी-अभिजिए णं देवाणुप्पिएहिं केवलकप्पे भरहे वासे अहण्णं देवाणुप्पियाणं विसयवासी अहण्णं देवाणुप्पियाणं आणत्ति-किंकरे तं पडिच्छंतु णं देवाणुप्पिया मम इमं एयारूवं पीइदाणंतिकट्टु आभिसेक्कं रयणालंकारं कडगाणि य तुडियाणि य वत्थाणि य आभरणाणि य उवणेइ तए णं से भरहे राया वेयइदुगिरिकुमारस्स देवस्स इमेयारूवं पीइदाणं पडिच्छइ पडिच्छिता वेयइदुगिरिकुमारं देव सक्कारेइ सम्माणेइ सक्कारेत्ता सम्माणेत्ता पडिविसज्जेइ तए णं से भरहे राया पोसहसालाओ पडिणिक्खमइ पडिणिक्खमिता जेणेव मज्जणघरे तेणेव उवागच्छइ उवागच्छिता ण्हाए कयबलिकप्पे जाव जेणेव भोयणमंडवे तेणेव उवागच्छइ उवागच्छिता भोयणमंडवंसि सुहासणवरगए अट्टममत्तं पारेइ पारेत्ता भोयणमंडवाओ पडिणिक्खमइ पडिणिक्खमिता जेणेव बाहिरिया उवट्ठाणसाला जेणेव सीहासणे तेणेव उवागच्छइ उवागच्छिता सीहासणवरगए पुरत्याभिमुहे निसीयइ निसीइत्ता अट्टारस सेणि-प्पसेणीओ सहावेइ सहावेत्ता एवं वयासी-खिप्पामेव भो देवाणुप्पिया उस्सुक्कं उक्करं उक्किट्टं अदिजं अमिजं अमडप्पवेसं अदंडकोदंडिमं अधरिमं गणियावरणाडइज्जकलियं अनेगतालायराणुचरियं अनुन्दुय-मुइं अमिलायमल्लदामं पमुइयपक्कीलिय-सपुरजणजाणवयं विजयवेजइयं वेइदुगिरिकुमारस्स देवस्स अट्टाहियं महामहिमं करेइ करेत्ता मम एयमाणत्तियं पच्चप्पिणह तए णं ताओ अट्टारस सेणि-प्पसेणीओ भरहेणं रण्णा एवं वुत्ताओ समाणीओ हट्टुट्टाओ जाव अट्टाहियं महामहिमं करेति करेत्ता तमाणत्तियं पच्चप्पिणत्ति तए णं से दिव्वे चक्करयणे वेयइदुगिरिकुमारस्स देवस्स अट्टाहियाए महामहिमाए निव्वत्ताए समाणीए [आउहभरसालाओ पडिणिक्खमइ पडिणिक्खमिता अंत-लिकखपडिवण्णे जक्खसहस्ससंपरिवुडे दिव्वतुडियसदुसण्णिणाणादेणं पूरंते चेव अंवरतंलं] पच्चत्थिमं दिसिं तिमिसगुहाभिमुहे पयाए आवि होत्था तए णं से भरहे राया तं दिव्वं चक्करयणं पच्चत्थिमं दिसिं तिमिसगुहाभिमुहं पयातं चावि पासइ पासिता हट्टुडु-चित्तमाणंदिए जाव तिमिसगुहाए अट्टारसामंते दुवालस-जोयणायामं नवयोजणविविच्छिणं [वरणगरसरिच्छं विजयखंधाधारनिवेसं करेइ करेत्ता वइदुइरयणं सहावेइं सहावेत्ता एवं वयासी-खिप्पामेव भो देवाणुप्पिया मम आवासं पोसहसालं च करेहि करेत्ता ममेत्थमाणत्तियं पच्चप्पिणाहिं तए णं से वइदुइरयणे भरहेणं रण्णा एवं वुत्ते समाणे हट्टुट्टु-चित्तमाणंदिए नंदिए पीइमणे परमसोमणस्सिए हरिसवसविसव-

माणहियाए करयलपरिगहियं सिरसावत्तं मत्थए अंजलिं कड्डु एवं सामी तहति आणाए विणएणं वयणं पडिसुणेइ पडिसुणेत्ता भरहस्स रण्णो आवसहं पोसहसालं च करेइ करेत्ता एयमाणतियं खिप्पामेव पच्चप्पिणति तए णं से भरहे राया अभिसेक्काओ हत्थिरयणाओ पच्चोरुहइ पच्चोरुहिता जेणेव पोसहसाला तेणेव उवागच्छइ उवागच्छिता पोसहसालं अनुपविसइ अनुपविसिता पोसहसालं पमअइ पमअिता दब्बसंधारणं संघरइ संघरिता दब्बसंधारणं दुरुहइ दुरिहिता। कयमालस्स देवस्स अट्टमभत्तं पगिण्हइ पगिण्हिता पोसहसालाए पोसहिए बंभयारी [उम्मुक्कमणिसुवण्णे ववगयमालावण्णगविलेवणे निक्खित्तसत्थमुसले दब्बसंधारोवगए अट्टमभतिए] कयमालं देवं मणसीकरेमाणे-मणसीकरेमाणे चिद्धइ तए णं तस्स भरहस्स रण्णो अट्टमभत्तंसि परिणममाणंसि कयमालस्स देवस्स आसणं घलइ तहेव जाव वेयइद्वगिरिकुमारस्स नवरं-पीइदाणं-इत्थीरयणस्स तिलग-चोइसं-मंडालंकारं कडगाणि य [तुडियाणि य वत्थाणि य] आभरणणि य गेण्हइ गेण्हिता ताए उक्किड्डाए तुरियाए जाव इमेयारूवं पीइदाणं पडिच्छइ पडिच्छिता कयमालं देयं सक्कारेइ सम्माणेइ सक्कारेत्ता सम्माणेत्ता पडिविसअेइ तए णं से भरहे राया पोसहसालाओ पडिणिकखमइ पडिणिकखमिता जेणेव मज्जणघरे तेणेव उवागच्छइ उवागच्छिता णहाए कयबलिकम्मे जाव जेणेव भोयणमंडवें तेणेव उवागच्छइ उवागच्छिता भोयणमंडवंसि सुहासणवरगए अट्टमभत्तं पारेइ पारेत्ता भोयणमंडवाओ पडिणिकखमइ पडिणिकखमिता जेणेव धारिरिया उवट्ठाणसाला जेणेव सीहासणे तेणेव उवागच्छइ उवागच्छिता सीहासणवरगए पुरत्याभिनुहे निसीयइ निसीइत्ता अट्टारस सेणि-प्पसेणीओ सदावेइ सदावेत्ता एवं वयासी-खिप्पामेव भो देवाणुप्पिया अट्टाहियं महामहिमं करेइ करेत्ता मम एयमाणतियं पच्चप्पिणह तए णं ताओ अट्टारस सेणि-प्पसेणीओ भरहेणं रण्णा एवं वुत्ताओ समाणीओ रुद्ध जाव अट्टाहियं महामहिमं करेति करेत्ता तमाणतियं पच्चप्पिणति। १५१-५१

(७६) तए णं से भरहे राया कयमालस्स देवस्स अट्टाहियाए महामहिमाए निव्वत्ताए समाणीए सुसेणं सेणावई सदावेइ सदावेत्ता एवं वयासी-गच्छाहि णं भो देवाणुप्पिया सिंधूए महानइ-ए पच्चत्थिमिद्धं निक्खुडं ससिंधुसागरगिरिमेराणं समविसमणिक्कुडगाणि य ओयवेहि ओयवेत्ता अग्गाइं वराइं रयणाइं पडिच्छाहि पडिच्छिता ममेयमाणतियं पच्चप्पिणाहि तते णं से सेणावई बलस्स नेया भरहे वासंमि विस्सुयजसे महाबलपरक्कमे महप्पा ओयंसी तेयंसी लक्खणजुत्ते मिलक्कुभासाविसारए चित्तचारुमासी भरहे वासंमि निक्खुडणं निण्णाणं य दुग्गमाण य दुक्खप्प-वेसाणं य विद्याणए अत्थसत्थकुसले रयणं सेणावई सुसेणे भरहेणं रण्णा एवं वुत्ते समाणे हट्टुड्ड- [वित्तमाणंदिए नंदिए पीइमणे परमसोमणस्सिए हरिसवसविसम्पमाणहियाए] करयलपरिगहियं दसण्हं सिरसावत्तं मत्थए अंजलिं कड्डु एवं सामी तहति आणाए विणएणं वयणं पडिसुणेइ पडिसुणेत्ता भरहस्स रण्णो अंतियाओ पडिणिकखमइ पडिणिकखमिता जेणेव सए आवासे तेणेव उवागच्छइ उवागच्छिता कोडुबियपुरिसे सदावेइ सदावेत्ता एवं वयासी-खिप्पामेव भो देवाणुप्पिया अभिसेक्कं हत्थिरयणं पडिकप्पेह हय-गय-रह-पवर-जोहकलियं चाउरंगिणि सेणं सण्णा-हेतिकड्डु जेणेव मज्जणघरे तेणेव उवागच्छइ उवागच्छिता मज्जणघरं अनुपविसइ अनुपविसिता णहाए कयबलिकम्मे कयकोउय-मंगल-पायच्छित्ते सन्नद्धबद्धवम्मिय-कवए उप्पीलियसता-सणपट्टिए पिणद्धगेवेइ-शद्धआविद्धविमलवरचिंद्धपट्टे गहियाउहप्पहरणे अनेगगणनायण-दंडनायण- [राईसर-तलवर-माडबिय-कोडुबिय-मंति-महामंति-गणग-दोवारिय-अपद्य-वेइ-पीद-

मह-नगर-निगम-सेडि-सेणावई-सत्यवाह-दूय-संधिवाल] सद्धिं संपरिवुडे संकोरंटमल्लदामेणं छत्तेणं धरिज्जमाणेणं मंगलजयसद्दकयालोए मज्जणाघराओ पडिणिक्खमइ पडिणिक्खमित्ता जेणेव बाहि-रिया उवट्टाणसाला जेणेव आभिसेक्के हत्थिरयणे तेणेव उवागच्छइ उवागच्छित्ता आभिसेक्कं हत्थिरयणं दुट्ठे तए णं से सुसेणे सेणावई हत्थिखंधवरगए सकोरंटमल्लदामेणं छत्तेणं धरिज्जमाणेणं हय-गय-रह-पवरजोहकलियाए चाउरंगिणीए सेणाए सद्धिं संपरिवुडे महया-भडचडगर-पहगरवंदपरिकूखते महयाउक्किड्ढिसीहणायबोलकलकलसद्धेणं पक्खुभियमहास-सुहरवभूयंपि-व करेमाणे-करेमाणे सव्विड्ढीए सव्वज्जुईए सव्वबलेणं जाव दुंदुहि-निग्घोसनाइएणं जेणेव सिंधू महानई तेणेव उवागच्छइ उवागच्छित्ता चम्मरयणं परामुसइ तए णं सिरिवच्छसरिसरुवं मुत्तातारद्धचंदचित्तं अयलमकं अमेज्जकवयं जंतं सलिलासु सागरेसु य उत्तरणं दिव्वं चम्मरयणं सणसत्तरसाइं सव्वधण्णाइं जत्थ रोहंति एगदिवसेणं वावियाइं यासं नाऊण चक्कवट्टिणा परामुट्ठे दिव्वे चम्मरयणे दुवालस जोयणाइं तिरियं पदित्थरइ तत्थ साहियाइं तए णं से दिव्वे चम्मरयणे सुसेणसेणावइणा परामुट्ठे समाणे खिप्पामेव नावामूए जाए यावि होत्था तए णं से सुसेणे सेणावई सखंधावारबलयाहणे नावाभूयं चम्मरयणं दुरुहइ दुरुहिता सिंधुं महानइं विमल-जलतुंगवीचिं नावाभूएणं चम्मरयणेणं सबलवाहणे ससासणे समुत्तिण्णे तओ महानइमुत्तरित्तु सिंधुं अप्पडिहय-सासणे य सेणावई कर्हिंचि गामागरणगरपव्वयाणि खेडमडंवाणि पट्टणाणि य सिंहलए बब्बरए य सव्वं च अंगलोयं बलावलोयं च परमरम्मं जवणदीवं च पवरमणिकणगरयणकोसागारसम्मिदं आरयके रोमके य अलसं-डविसयवासी य पिक्खुरे कालमुहे जोणए य उत्तर-वेयइदसंसियाओ य मेच्छजाई बहुप्पगारा दाहिणअवरेण जाव सिंधुसागरंतोत्ति सव्वपवरकरच्छं च ओयवेऊण पडिणियतो बहुसमरमणिञ्जे य भूमिभागे तस्स कच्छस्स सुहणिसण्णे ताहे ते जणवयाण नगराण पट्टणाण य जे य तर्हिं सामिया पमूया आगरपती य मंडलुती य पट्टणपती य सव्वे धेतूण पाहुडाइं आमरणाणि भूसणाणि रयणाणि य वत्थाणि य महरिहाणि अण्णं च णं वरिड्ढं रायारिहं जं च इच्छियव्वं एयं सेणावइस्स उवणेत्ति मत्थयकयंजलिपुडा पुणरवि काऊण अंजलिं मत्थयंमि पणया तुब्बे अन्हत्थ सामिया देवयं व सरणागया मो तुब्बं विसयवासित्ति विजयं जंपमाणा सेणावइणा जहारिहं ठविय पूइय विसज्जिया नियता सगाणि नगराणि पट्टणाणि अनुपविट्ठा ताहे सेणावई सविणओ धेतूण पाहुडाइं आमरणाणि भूसणाणि रयणाणि य पुणरवि तं सिंधुणामधेज्जं उत्तिण्णे अणहसासणबले तहेव रण्णो भरहाहिवस्स निवेएइ निवेइत्ता य अपप्फिणित्ता य पाहुडाइं सक्कारियसम्माणिए सहरिसे विसज्जिए सगं पडमंडमइए तते णं सुसेणे सेणावई ण्हाए कय-बलिकम्मे कयकोउय-मंगल-पायच्छित्ते जिमियभुत्तुत्तरागए समाणे [आयंते चौक्खे परमसुइमुए] सरसगोसीसचंदणुक्किण्णगायसरीरे उप्पिं पासायवरगए फुट्टमाणेहिं मुइंगमत्थएहिं बत्तीसइबद्धेहिं नाहएहिं वरतरुणीसंपउत्तेहिं उवणञ्चिज्जमाणे-उवणञ्चिज्जमाणे उवगिज्जमाणे-उवगिज्जमाणे उवला-लिज्जमाणे-उवलालिज्जमाणे महयाहयनइ-गीय-वाइय-तंती-तल-ताल-तुडिय-घण-मुइंग-पडुप्प वाइयरवेणं इट्ठे सहफरिसरुवगंधे पंचविहे माणुस्सए कामभोगे भुंजमाणे विहरइ।५२।६२

(७७) तए णं से भरहे राया अण्णया कयाइ सुसेणं सेणावई सद्दावेइ सद्दावेत्ता एवं वयासी-गच्छ णं खिप्पामेव भो देवाणुप्पिया तिमिसगुहाए दाहिणल्लस्स दुवारस्स कवाडे विहाडेहिं विहाडेत्ता मम एयमाणत्तियं पच्चप्पिणाहिं तए णं से सुसेणे सेणावई भरहेणं रण्णा एवं वुत्ते समाणे हइतुड-

चित्तमाणदिए [नंदिए पीडमणे परमसोमणस्सिए हरिसवसविसवप्पमाणहियए] करयलपरिग्गहियं सिरसावत्तं मत्थए अंजलिं कट्ठु [एवं सामी तहत्ति आणाए विणएणं वचणं] पडिसुणेइ पडिसुणेत्ता भरहस्स रण्णो अंतियाओ पडिणिक्खमइ पडिणिक्खमिन्ता जेणेव सए आवासे जेणेव पोस- हसाला तेणेव उवागच्छइ उवागच्छित्ता दब्बसंथारंगं संथरइ [संथरित्ता दब्बसंथारंगं दुरुहइ दुरुहित्ता] कयमालस्स देवस्स अट्टमभत्तं पणिण्हइ पोसहसालाए पोसहिए बंधयारी जाव अट्टमभत्तंसि परिणममाणंसि पोसहसालाओ पडिणिक्खमइ-पडिणिक्खमिन्ता जेणेव मज्जणधरे तेणेव उवा- गच्छइ उवागच्छित्ता ण्हाए कयवलिकम्भे कयकोउय-मंगल-पायच्छित्ते सुद्धप्पावेसाइं मंगल्लाइं वत्थाइं पवर परिहिए अप्पमहग्घाभरणालं कियसरीरे धूवपुष्कगंधमल्लहत्थगए मज्जणधराओ पडिणिक्खमइ पडिणिक्खमिन्ता जेणेव तिमिसगुहाए दाहिणिण्लस्स दुवारस्स कवाडा तेणेव पहारेत्थ गमणाए तए णं तस्स सुसेणस्स सेणावइस्स वहवे [राईसर-तलवर-मांडबिय-कोडुंबिय-इत्थ-सेट्टि-सेणावइ]-सत्थवाहम्पभियओ-अप्पेगइया उप्पलहत्थगया जाव अप्पेगइया सहस्सपत्तहत्थगया सुसेणं सेणावइ पिट्ठुओ-पिट्ठुओ अनुगच्छति तए णं तस्स सुसेणस्स सेणावइस्स बहूओ खुज्जाओ चिल्लाइयाओ जाव इंगियचिंतिय-पत्थिय-विआणियाओ निउणकुसलाओ विणीयाओ अप्पेगइ- याओ वंदणकलसहत्थगयाओ जाव सुसेणं सेणावइ पिट्ठुओ-पिट्ठुओ अणुगच्छति तए णं से सुसेणे सेणावइ सव्विड्डीए सव्वजुईए जाव निग्घोसणाइएणं जेणेव तिमिसगुहाए दाहिणिण्लस्स दुवारस्स कवाडा तेणेव उवागच्छइ उवागच्छित्ता आलोए पणामं करेइ करेत्ता लोमहत्थगं परामुसइ परामुसित्ता तिमिसगुहाए दाहिणिण्लस्स दुवारस्स कवाडे लोमहत्थेणं पमज्जइ पमज्जित्ता दिव्वाए उदगधाराए अब्भुक्खेइ अब्भुक्खेत्ता सरसेणं गोसीसचंदणेणं पंचंगुलितले चच्चए य दलयति दलयित्ता अग्गेहिं वरेहिं गंधेहि य मल्लेहि य अच्चिणेइ अच्चिणेत्ता पुष्करुहणं [मल्ल-गंध-वण्ण]-चुण्ण- वत्थारुहणं करेइ करेत्ता आसत्तोसत्तविपुलवट्ट-वग्घारियमल्लदामकलावं पंचवण्णसरससुर- भिमुककपुष्कपुंजोवदारकलियं कालागुरु-पवरकुंदुरुकक-तुरुकक-धूवमपमपेंत-गंधुद्धुयाभिरामं सुगंधवरगंधिययं गंधवट्टिमूयं] करेइ करेत्ता अच्छेहिं सण्हेहिं सेतेहिंरिययामएहिं अच्छरसातंडुलेहिं तिमिस्सगुहाए दाहिणिण्लस्स दुवारस्स कवाडाणं पुरओ अट्टु मंगलए आलिहइ तं जहा-सोत्थिय सिरिवच्छ [नंदियावत्त वद्धमाणग मद्दासण मच्छ कलस दम्पण अट्टमंगलए] आलिहित्ता काऊणं करेइ उवयारं किं ते पाडल-मल्लिय-चंपग-असोग-पुण्णाग चूयमंजरि-नवमालिय-बकुल-तिलग- कणवीर-कुंद-कोज्जय-कोरंटय-पत्त-दमणय-वरसुरहिसुगंधगंधियस्स कयग्ग-ह्गहिय-करयल- पब्भट्ट विष्पमुक्कस्स दसद्धवण्णस्स कुसुमणिगरस्स तत्थ चित्तं जण्णुस्सेहप्पमाणमेत्तं ओहिनिगरं करेत्ता चंदप्पभइवरवेरुलियविमलदंडं [कंचणमणिरयणमत्तिचित्तं कालागुरु-पवरकुंदुरुकक- तुरुकक-धूवगंधुत्तमाणुविद्धं च धूपवट्टिं विणिम्मयंतं वेरुलियमयं कडुच्छुयं पग्गहेत्तु पपत्ते] धूवं दलयइ दलयित्ता वामं जाणुं अंचेइ अंचेत्ता करयल परिग्गहियं सिरसावत्तं मत्थए अंजलि कट्ठु कवाडाणं पणामं करेइ करेत्ता दंडरयणं परामुसइ तए णं तं दंडरयणं पंचलइयं यइरसारमइयं विमासणं सव्वसत्तुसेण्णाणं खंधावारे नरवइस्स गट्ठ-दरि-विसम-पब्भार-गिरीवर-पवायाणं समी- करणं संतिकरं सुभकरं हितकरं रण्णो हियइच्छियमणोरहपूरणं दिव्वमप्पडिहयं दंडरयणं गहाय सत्तइ पयाइं पच्चोसककइ पच्चोसक्किक्ता तिमिसगुहाए दाहिणिण्लस्स दुवारस्स कवाडे दंडरयणेणं महया-महया सदेणं तिक्खुत्तो आउडेइ तए णं तिमिसगुहाए दाहिणिण्लस्स दुवारस्स सुसेणसेणा-

वङ्गा दंडरयणेणं महया-महया सद्देणं तिक्खुत्तो आउडिया समाणा महया-महया सद्देणं कौचारवं करेमाणा सरसरस्स सगाइं-सगाइं ठाणाइं पच्चोसक्किक्खा तए णं से सुसेणे सेणावई तिमिसगुहाए दाहिणिल्लस्स दुवारस्स कवाडै विहाडेइ विहाडेत्ता जेणेव भरहे राया तेणेव उवागच्छइ उवागच्छिता भरहं रायं करयलपरिग्गहियं सिरसायत्तं मत्थए अंजलिं कट्टु जएणं विजएणं वद्धावेइ वद्धावेत्ता एवं वयासी-विहाडिया णं देवाणुप्पिया तिमिसगुहाए दाहिणिल्लस्स दुवारस्स कवाडा एयण्णं देवाणु - प्पियाणं पियं निवेदेमो पियं भे भवउ तए णं से भरहे राया सुसेणस्स सेणावइस्स अंतिए एयमइं सौच्च निसम्भ हइ-तुइ-दित्तमाणंदिए [नंदिए पीइमणे परमसोमणस्सिए हरिसवसविसप्पमाणा] हियए सुसेणं सेणावई सक्कारेइ सम्माणेइ सक्कारेत्ता सम्माणेत्ता कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया आभिसेक्कं हत्थिरयणं पडिकपेह हय-गय-रह-पवरजो- हक-लियं चाउरंगिणि सेण्णं सण्णाहेह तहेव जाव अंजणगिरिकूडसण्णिभं गयवरं नरवई दुरुडे।५३।-६३

(७८) तए णं से भरहे राया मणिरयणं परामुसइ-तो तं चउरंगुलप्पमाणमित्तं च अण्णधियं तंस-च्छलंस अणोवमजुइं दिव्वं मणिरयणपतिसमं वेरुलियं सब्वभूयकत्तं वेढो- जेणं य मुद्धाणएणा दुक्खं न किंचि जायइ हवइ आरोगे च सब्वकालं तेरिच्छिय-देवमाणुसकया च उयसग्गा सब्वे न कोत्ति तस्स दुक्खं संगामे वि असत्थवज्जो होइ नरो मणिवरं धरंतो ठियजोव्वण-क्केसअवट्टियणहो हवइ च सब्वभयविष्पमुक्को तं मणियरयणं गहाय से नरवई हत्थिरयणस्स दाहिणिल्लाए कुंभीए निक्खिवइ तए णं से भरहाविहे नरिंदै हारोत्थयसुकयरइयवच्छे जाव अमरवइसण्णिमाए इइढीए पहियकित्ती मणिरयणकउज्जोए चक्करयणदेसियमग्गे अणेगरायवरसहस्साणुयायमग्गे महयाउ-क्किट्टिसीहमायबोलकलकलरवेणं पक्खुभियमहासमुद्दरवभूयंपिव करेमाणे-करेमाणे जेणेव तिमिसगुहाए दाहिणिल्ले दुवारे तेणेव उवागच्छइ उवागच्छिता तिमिसगुहं दाहिणिल्लेणं दुवारेणं अतीति ससिच्च मेहंधकारनिवहं तए णं से भरहे राया छत्तलं दुवालसंसियं अट्टकण्णियं अहिगरणिसंठिं अट्टसोवण्णियं कागणिरयणं परामुसइ तए णं तं चउरंगुलप्पमाणमित्तं अट्टसुवण्णं च विसहरणं अउलं चउरंससंठाण-संठियं समतलं माणुप्पाणजोगा जतो लोगे चरंति सब्वजणपन्नावगा नवि चंदो नवि तत्थ सूरुो नवि अग्गी नवि तत्थ मणिणो तिमिरं नासेंति अंधकारे जत्थ तक् दिव्वप्पभापुवजुत्तं दुवालसजोयणाइं तस्स लेस्ताओ विवइइंति तिमिरिण- रपडिसेहि-याओ रत्तिं च सब्वकालं खंधावारे करेइ आलोयं दिवसभूयजस्स पभावेणं चक्कवट्टी तिमिसगुह-मतीति सेण्णसहिए अपिजेतुं वित्तियमद्धभरहं रायपवरे कागणिं गहाय तिमिसगुहाए पुरत्थिमिल्ल-पच्चत्थिमिल्लेसु कडएसु जोयणंतरियाइं पंचधणुसयायापविक्खंभाई जोयणुज्जोयकराई चक्कने-मीसंठियाइं चंदमंडलपडिणिकासाइं एग्गणपन्नं मंडलाइं आलिहमाणे-आलिहमाणे अनुप्पविसइ तए णं सा तिमिसगुहा भरहेणं रण्णा तेहिं जोयणंतरिएहिं [पंचधणुसयायापविक्खंभाई] जोय-णुज्जोयकरेहिं एग्गणपन्नाए मंडलेहिं आलिहिज्जमाणेहिं-आलिहिज्जमाणेहिं खिप्पामेव आलीगभूया उज्जोयभूया दिवसभूया जाया यावि होत्था।५४।-६४

(७९) तीसे णं तिमिसगुहाए बहुमज्जदेसभाए एत्थ णं उम्मुग्ग-निमुग्गजलाओ नामं दुवे महानईओ पन्नताओ जाओ णं तिमिसगुहाए पुरत्थिमिल्लाओ भित्तिकडगाओ पव्वाओ समाणीओ पच्चत्थिमेणं सिंघु महानईं समपेत्ति से केण्डेणं पंते एवं वुच्चइ-उम्मुग्ग-निमुग्गजलाओ महानईओ गोयमा जण्णं उम्मुग्गजलाए महानईए तणं वा पत्तं वा कट्टं वा सक्करा वा आसे वा हत्थी वा रहे वा

जोहे वा मणुस्से वा पक्खिष्पइ तण्णं उम्मुग्गजला महानई तिव्खुत्तो आहुणिय-आहुणिय एगंते धलंसि एडेइ जण्णं निमुग्गजलाए महानईए तणं वा पत्तं वा कट्ठं वा सककुरा वा [आसे वा हत्थी वा रहे वा जोहे वा] मणुस्से वा पक्खिष्पइ तण्णं निमुग्गजला महानई तिव्खुत्तो आहुणिय-आहुणिय अंतो जलंसि निमज्जावेइ से तेण्डेणं गोयमा एवं वुच्चइ-उम्मुग्गणिमुग्गजलाओ महानईओ तए णं से भरहे राया चक्कूरयणदेसियमग्गे अणेगरायवरसहस्साणुयायमग्गे महया उक्किक्खिसीहणायं [बोलकलकलरवेणं पक्खुभियमहासमुद्धरवभूर्यपिव] करेमाणे-करेमाणे सिंघूए महानईए पुरत्थि-मिद्धेणं कूलेणं जेणेव उम्मुग्गणिमुग्गजलाओ महानईओ तेणेव उवागच्छइ उवागच्छिता वड्ढरयणं सद्दावेइ सद्दावेत्ता एवं वयासी-खिप्पामेव भो देवाणुप्पिया उम्मुग्गणिमुग्गजलासु महानईसु अणेग-खंभसयसण्णिविद्धे अचलकंपे अभेज्जकवए सालंबणवाहाए सव्वरयणामए सुहसंकमे करेइ करेत्ता मम एयमाणत्तियं खिप्पामेव पच्चप्पिण्णाहिं तए णं से वड्ढरयणे भरहेणं रण्णा एवं वुत्ते समाणे हट्ठतुड्ढ-चित्तमाणंदिए [नंदिए पीइमणे परमसोमणस्सिए हरिसवसविसप्पमाणहियए करयल-परिग्गहियं सिरसावत्तं मत्थए अंजलि कट्ठ एवं सामी तहत्ति आणाए] विणएणं वयणं पडिसुणेइ पडिसुणेत्ता खिप्पामेव उम्मुग्गणिमुग्गजलासु महानईसु अणेगखंभसयसण्णिविद्धे [अचलमकंपे अभे-ज्जकवए सालंबणवाहाए सव्वरयणामए] सुहसंकमे करेइ करेत्ता जेणेव भरहे राया तेणेव उवागच्छइ उवागच्छिता एयमाणत्तियं पच्चप्पिण्णइ तए णं से भरहे राया संखधावरवले उम्मुग्गणि-मुग्गजलाओ महानईओ तेहिं अणेगखंभसयसण्णिविद्धेहिं [अचलमकंपेहिं अभेज्जकवएहिं सव्वरयणामएहिं] सुहसंकमेहिं उत्तरइ तए णं तीसे तिमिसगुहाए उत्तरिल्लस्स दुवास्स कवाडा सयमेव महया-महया कौंचारवं करेमाणा सरसरस्स सगाइं सगाइं ठाणाइं पच्चोसकिकत्था।१५।-५५

(८०) तेणं कालेणं तेणं समएणं उत्तरइड्ढभरहे वासे वहवे आवाडा नामं चिलाया परियसंति-अइदा दित्ता वित्ता विच्छिण्णविउलभवण-सयणासण-जाणवाहणाइण्णा बहुधण-वहुजायूर-वारयया आओगएओगसंपउत्ता विच्छइड्ढियपउरभत्तपाणा बहुदासीदास-गो-महिस-गवेलगप्पभूया वहुजणस्स अपरिभूया सुरा वीरा विक्कंता विच्छिण्णविउलवलवाहणा बहुसु समरसंपराएसु लद्धलवखा यावि होत्था तए णं तेसिमावाडचिलायाणं अण्णया कयाइ विसयंसि वहुइं उप्पाइ-यसयाइं पाउब्भवित्था तं जहा-अकाले गज्जियं अकाले विज्जुयं अकाले पायवा पुप्फंति अभिक्खणं-अभिक्खणं आगासे देवयाओ नच्चंति तए णं ते आवाडचिलाया विसयंसि वहुइं उप्पाइयसयाइं पाउब्भूयाइं पासंति पासित्ता अण्णमण्णं सद्दावेत्ति सद्दावेत्ता एवं वयासी-एवं खलु देवाणुप्पिया अन्हं विसयंसि वहुइं उप्पाइयसयाइं पाउब्भूयाइं तं जहा-अकाले गज्जियं अकाले विज्जुयं अकाले पायवा पुप्फंति अभिक्खणं-अभिक्खणं आगासे देवयाओ नच्चंति तं णं नज्जइ णं देवाणुप्पिया अन्हं विसयस्स के मत्ते उवहवे भविस्सइत्ति कट्ठ ओहयमणसंकप्पा चित्तासोगसागां पविद्धा करयलपल्लत्थगुहा अद्दन्नाणोवगया भूमिगयदिद्धिया झियायंति तए णं से भरहे राया चक्कूरयणदेसियमग्गे जाव समुद्धरवभूर्य पिव करेमाणे-करेमाणे तिमिसगुहाओ उत्तरिल्लेणं दारेणं नीत्ति ससिक्ख मेहंधवार-णिवहा तए णं ते आवाडचिलाया भरहस्स रण्णो अग्गाणीयं एज्जमाणं पासंति पासित्ता आसुरुत्ता रुद्धा चंडिकिकया कुविया मिसिमिसेमाणे अन्नमण्णं सद्दावेत्ति सद्दावेत्ता एवं वयासी-एस णं देवाणु-प्पिया केइ अण्णत्थियपत्थए दुरंतपंतलक्खणे हीणपुत्रचाउइस्से हिरिसिरिपरिवज्जिए जे णं अन्हं विस-यस्स उवारिं विरिएणं हव्वमागच्छइ तं तथा णं धत्ताओ देवाणुप्पिया जहा णं एस अन्हं विसयस्स

उवरिं विरिणं नो हव्यमागच्छइतिकट्टु अण्णमण्णस्स अंतिए एयमट्ठं पडिसुणेति पडिसुणेता सण्ण-
द्धबद्धवम्मियकवया उष्णीलियसरासणपट्टिया पिणद्धगेवेज्जा बद्धाआविद्धविमलवरचिधपट्टा गहि-
आउहण्णहरणा जेणेव भरहस्स रण्णो अग्गाणीयं तेणेव उवागच्छंति उवागच्छित्ता भरहस्स रण्णो
अग्गाणीएण सद्धि संपलग्गा यावि होत्था तए णं ते आवाडचिलाया भरहस्स रण्णो अग्गाणीयं ह्य-
महियपवरवीरघाइय विवडियचिधद्धयपडागं किच्छप्पाणोवगहयं दिसोदिसिं पडिसेहेति । १६।-५७

(८१) तए णं से सेणावतस्स नेया वेढो जाव भरहस्स रण्णो अग्गाणीयं आवाडचिलाएहिं
हयमहियपवरवीरं घाइयविवडियचिधद्धयपडागं किच्छप्पाणोवगयं दिसोदिसिं पडिसेहियं पासइ
पासित्ता आसुरुत्ते रुट्टे चंडिकिए कुविए मिसिमिसेमाणे कमलामेलं आसरयणं दुरुहइ तए णं तं
असीइमंगुलमूसियं नवणउइमंगुलपरिणाहं अट्टसयमंगुलमायतं बत्तीसमंगुलमूसियसिरं चउरंगुल-
कण्णाकं वीसइअंगुलबाहाकं चउरंगुलजण्णुकं सोलसअंगुलजंघाकं चउरंगुलमूसियखुरं मुत्तोली-
संवत्तवलियमज्झं ईसिं अंगुडुपणयपट्टं सणयपट्टं संगयपट्टं सुजायपट्टं पसत्थपट्टं विसिद्धपट्टं
एणीजण्णुणय-वित्थय-यद्धपट्टं वित्तलय-कसणिवाय-अकेल्लणपहार-परिवज्जिअंगं तवणिज्जया-
सगाहित्ताणं बरकण्णसुप्फुल्लयासग-विचित्तरयणरज्जुपासं कंचणमणिकणगपयरग-नाणाविहवंति-
जाल-मुत्तियाजालएहिं परिमंडिएणं पट्टेणं सोममाणेणं सोममाणं कक्केयण-इंदनील-भरगय-
पसारगल्ल-मुहमंडपरइयं आविद्धमाणिककसुत्तगविभूसियं कणगामयपउमसुकयतिलकं देव-
मइविककप्पियं सुरवरिंदवाहणजोगं च तं सुखवं दुइज्जमाणपंचचारुचामरामेलगं धरंतं अणदब्ब-
बाहं अभेलयणं कोकासियबहलपत्तलच्छं सयावरणनवकणग-तवियतवणिज्जतालु-जीहासयं
सिरिआभिसेयघोणं पोक्खरपत्तमिव सलिलविंदु अचंचलं चंचलसरीरं चोक्ख-चरग-परिव्वायगो
विव हिलीयमाणं-हिलीयमाणं खुरचलणचच्चपुडेहिं धरणिगतं अभिहणमाणं-अभिहणमाणं दोवि य
चलणे जमगसमगं मुहाओ विणिग्गमंतं व सिग्घयाए मुणाल-तंतुउदगमवि निस्साए पक्कमंतं
जाइकुलरूपपच्चय-पसत्थबारसावत्तगविसुद्धलक्खणं सुकुलप्प-सूयं मेहाविं भइयं विणीयं अनुकत-
णुकसुकुमालोमनिद्धच्छविं सुयातं अमर-भण-पवण-गरुल- जइणचवलसिग्घगाभिं इसिमिव
खंतिखमाए सुसीसमिव पच्चक्खययाविणीयं उदग-हुतवह-पासाण-पंसु-कद्धम-ससक्कर-सवा-
लुइल्ल-तड-कडग-विसम-पत्थार-गिरिदरीसु लंघण-पिल्लण-नित्थारणासमत्थं अचंडापडियं दंडपातिं
अणसुपातिं अकालतालुं च कालहेसिं जियनिहं गवेसगं जियपरिसहं जच्चजातीयं मल्लिहाणिं
सुगपत्तसुवण्ण-कोमलं मणाभिरामं कमलामेलं नामेणं आसरयणं सेणावई कमेणं समभिरूढे
कुवलयदलसामलं च रयणिकरमण्डलनिभं सत्तूजणविणासणं कणगरयणदंडं नवमालियपुप्फ-
सुरभिगंधिं नानामणिलय-मत्तिचित्तं च पथोत्त-मिसि- मिसित्त-तिक्खधारं दिव्वं खणरयणं लोके
अणोवमाणं तं च पुणो वंस-रुक्ख-सिगडि-दंत-कालायस विपुललोहदंडक-वरवइरभेदकं जाव
सव्वत्थअप्पडिहयं किं पुण देहेसुं जंगमाणं । १७-१।५७-१

(८२) पत्रासंगुलदीहो सोलंस सो अंगुलाइं विच्छिण्णो

अद्धंगुलासोणीको जेड्डपमाणो असी भणिओ

॥१८॥-१

(८३) असिरयणं नरवइस्स हत्थाओ तं गहिऊणं जेणेव आवाडचिलाया तेणेव उवागच्छइ
उवागच्छित्ता आवाडचिलाएहिं सद्धि संपलग्गे आवि होत्था तए णं से सुसेणे सेणावई ते आवा-
डचिलाए हयमहियपवरवीरघाइय जाव दिसोदिसिं पडिसेहेइ । १७।-५७

(८४) तए णं ते आवाडचिलाया सुसेणसेणावइणा ह्यमहिय जाव पडिसेहिया सभाणा भीया तत्या वहिया उच्चिग्गा संजायभया अत्यामा अबला अवीरिया अपुरिसक्कारपरक्कमा अधार-णिज्जमित्तकट्टु अपेणाइं जोयणाइं अवक्कमंति अवक्कमिता एगयओ मिलायंति मिलायित्ता जेणेव सिंधू महानईं तेणेव उवागच्छंति उवागच्छित्ता धालुपसंधारए संघरोति संघरेत्ता वालुयासंधारए दुरुहंति दुरिहत्ता अट्टमभत्ताइं पणिण्हंति पणिण्हित्ता वालुयसंधारोवगया उत्ताणगा अवसणा अट्टमभत्तिया जे तेसिं कुलदेवया मेहमुहा नामं नागकुमारा देवा ते मणसीकरेमाणा-मणसीकरेमाणा चिद्धंति तए णं तेसिमावडचिलायाणं अट्टमभत्तंसि परिणमभाणंसि मेहमुहाणं नागकुमाराणं आसणाइं चलंति तए णं मेहमुहा नागकुमारा देवा आसणाइं चलियाइं पासंति पासित्ता ओहिं पउंजंति पउंजित्ता आवाडचिलाए ओहिणा आभोएंति आभोएत्ता अण्णमण्णं सद्दावेति सद्दावेत्ता एवं वयासी-एवं खलु देवाणुप्पिया जंबुद्वीवे दीवे उत्तरइद्धभरहे वासे आवाडचिलाया सिंधूए महानईंए वालुयासंधा- रोवगया उत्ताणगा अवसणा अट्टमभत्तिया अन्हे कुलदेवए मेहमुहे नागकुमारे देवे मणीसकरेमाणा-मणीसकरेमाणा चिद्धंति तं सेयं खलु देवाणुप्पिया अन्हं आवाडचिलायाणं अंतिए पाउब्भवित्तएत्तिकट्टु अण्णमण्णस्स अंतिए एयमट्ठं पडिसुणोति पडिसुणेत्ता ताए उक्किट्ठाए तुरियाए जाव वीतिवयमाणा-वीतिवयमाणा जेणेव जंबुद्वीवे दीवे उत्तरइद्धभरहे वासे जेणेव सिंधू महानईं जेणेव आवाडचिलाया तेणेव उवागच्छंति उवागच्छित्ता अंतलिक्खपडिचण्णा संखिखिणयाइं पंचषण्णाइं बत्याइं पवर परिहिया ते आवाडचिलाए एवं वयासी-हं भो आवाडचिलाया जण्णं तुब्भे देवणुप्पिया वालुयासंधारोवगया उत्ताणगा अवसणा अट्टमभत्तिया अन्हे कुलदेवए मेहमुहे नागकुमारे देवे मनसीकरेमाणा-मनसीकरेमाणा चिद्धह तए णं अन्हे मेहमुहा नागकुमारा देवा तुब्भं कुलदेवया तुब्भं अंतियण्णं पाउब्भूया तं वदह णं देवाणुप्पिया किं करोमो किं आचिद्धामो के व मे मणसाइए तए णं ते आवाडचिलाया मेहमुहाणं नागकुमाराणं देवाणं अंतिए एयमट्ठं सोच्चा निसम्भ हइतुट्ठ-चित्तमाणंदिया जाव मेहमुहे नागकुमारे देवे जएणं विजएणं वद्धावेति वद्धावेत्ता एवं वयासी-एस णं देवाणुप्पिया केइ अपत्थियपत्थए दुरंतपंतलक्खणे हीणपुत्रचाउइसे हरिसिरिपरिवज्जिए जे णं अन्हं विसयस्स उवरिं विरिएणं हव्व- मागच्छइ तं तहा णं छतेह देवाणुप्पिया जहा णं एस अन्हं विसयस्स उवरिं विरिएणं नो हव्वमागच्छइ तए णं ते मेहमुहा नागकुमारा देवा ते आवाडचिलाए एवं वयासी-एस णं भो देवाणुप्पिया भरहेनामं रावा चाउरंतचक्कवट्ठी महिइट्ठीए [महज्जुईए महाबले महायसे] महासोक्खे महाणुमागे नो खलु एस सक्को केणइ देवेण वा दानवेणं वा किन्नेरेण वा किंपुरिसेणं वा महोरणेणं वा गंधव्देण वा सत्यप्पओगेण वा अग्गिप्पओगेणं वा मंतप्पओगेण वा उइवित्तए वा पडिसेहित्तए वा तहावि य णं तुब्भं पियइयाए भरहस्स रण्णे उवसग्गं करोमोत्तिकट्टु तेसिं आवाडचिलायाणं अंतियाओ अवक्कमंति अवक्कामेत्ता वेउच्चियसमुग्घाएणं समोहण्णांति समोहणित्ता मेहाणीयं विउच्च्यंति विउच्चित्ता जेणेव भरहस्स रण्णे विजयखंधावारणिवेसे तेणेव उवागच्छंति उवागच्छित्ता उप्पिं विजयखंधावारनिवेसस्स खिप्पामेव पतणतणायंति पतणतणायित्ता खिप्पामेव पविज्जुयायंति पविज्जुयायित्ता खिप्पामेव जुगमुसल्लमुट्ठिप्पमाणमेत्ताहिं धाराहिं ओघमेघं सत्तरत्तं वासं वासिउं पवत्तायावि होत्था।५८१-५८

(८५) तए णं से भरहे राया उप्पिं विजयखंधावरस्स जुगमुसल्लमुट्ठिप्पमाणमेत्ताहिं धाराहिं

ओघमेयं सत्तरत्तं वासं वासमाणंपासइ पासिता चम्बरयणं परामुसइ-तए णं तं सिरिचच्छसरिसरूवं वेढो माणियव्वो जाव दुवालसजोयणाइं तिरियं पवित्थरइ तव्य साहियाइं तए णं से भरहे राया सखंधारबले चम्बरयणं दुहइ दुरुहिता दिव्वं छत्तरयणं परामुसइ-तए णं नवणउइसहस्सकंचण-सलागपरिमंडियं महरिहं अओञ्झं निव्वण-सुपसत्थ-विसिइलइ-कंचणसुपुइइदं मिउरायत-वइलइअरविंदकणिय-समाणरूवं वत्थिपएसे य पंजरविआइं विविहभत्तिचित्तं मणि-मुत्त-पवाल-तत्ततयणिज्ज-पंचवणियधोतरयणरूवरइयं रयणमिरीईसमोष्णाकाक्यकारमणुरंजिएल्लियं रायल-च्छिचिंधं अज्जुणसुवण्णपंडुरपद्यत्थुपयइदेसभागं तहेव तवणिज्जपट्टधम्मंतपरिगयं अहियसत्सिरीयं सारययणियरविमलपडिपुत्रचंदमण्डलसमाणरूवं नरिंदवामप्पमाणपगइवित्थइं कुमुदसंडथवलं रण्णो संचारिमं विमाणं सुरातववायवुड्ढिदोसाणं य खयकरं तवगुणेहिं लद्धं- 1५९-१1-5७-1

(८६) अहयं बहुगुणदाणं उऊण विवरीयसुकयच्छयं

छत्तरयणं पहाणं सुदुल्लहं अप्पुणाणं

11११11-1

(८७) पमाणराईणं तवगुणाणं फलेगदेसभागं विमाणवासेवि दुल्लहतरं वग्घारियमल्लदाम-कलायं सारयधवलदम-रयणियगरप्पगालसं दिव्वं छत्तरयणं महिवइस्स धरणियलपुत्रचंदो तए णं से दिव्वे छत्तरतणे भरहेणं रण्णा परामुडे समाणे खिप्पामेव दुवालस जोयणाइं पवित्थरइ साहियाइं तिरियं 1५९1-5७

(८८) तए णं से भरहे राया छत्तरयणं खंधावारस्सुवरिं ठवेइ ठवेत्ता मणिरयणं परामुसइ-वेढो जाव छत्तरयणस्स वत्थिभागंसि ठवेइ तस्स य अणतिवरं चारुखं सिलणिहियत्थमंतसित्त-सालि-जव-गोहूम-मुग्ग-मास-तिल-कुलत्थ-सड्ढिगेनिष्फाय-चणग-कोहव-कौत्थुंभरि-कंगु-वरग-रालग-अणेगधण्णावरण-हरितग-अल्लग-मूलग-हलिहि-लाउय-तउस-तुंब-कालिं-कविइ-अंब-अवि-लिय-सव्वणिष्फायए सुकुसले गाहावइरयणेति सव्वजणवीसुतगुणे तए णं से गाहावइरयणे भरहस्स रण्णो तद्विवसप्पइण्ण-निष्फइय-पूयाणं सव्वधण्णाणं अणेगाइं कुंभसहस्साइं उवइवेति तए णं से भरहे राया चम्बरयणसमारूढे छत्तरयणसमोच्छत्रे मणिरयणकउज्जोए समुग्गयभूएणं सुहंसुहेणं सत्तरत्तं परिवसइ- 1६०1-60

(८९) नवि से खुड्ढा न तण्हा नेव भयं नेव विज्जए दुक्खं

भरहाहिवस्स रण्णो खंधावारस्सवि तहेव

11२०11-1

(९०) तए णं तस्स भरहस्स रण्णो सत्तरत्तंसि परिणममाणंसि इमेयारूवे अज्झत्थिए चिंत्तिए पत्थिए मणोगए संकप्ये समुप्पजित्था-केस णं मो अपत्थियपत्थए दुरंतपंतलक्खणे [हीणपुत्रचाउइसे हिरिसिरी] परिवज्जिए जे णं ममं इमाए एयारूवाए [दिव्वाए देवइडीए दिव्वाए देवजुईए दिव्वेणं देवाणुभावेणं लद्धाए पत्ताए] अभिसमण्णागयाए उप्पिं विजयखंधावारस्स जुगमुसल्लमुट्ठिं पमाण-मेत्ताहिं धाराहिं ओघमेयं सत्तरत्तं वासं वासइ तए णं तस्स भरहस्स रण्णो इमेयारूवं अज्झत्थियं चिंतियं पत्थियं मणोगयं संकप्यं समुप्पणं जाणित्ता सोलस देवसहस्सा सण्णज्जिउं पवत्ता यावि होत्था तए णं ते देवा सण्णद्धबद्धवाम्भियकवया [उप्पीलियसरासाणपट्टिया पिणद्धगेवेज्ज-बद्धआ-विद्धविमलवरविंधपट्टा गहियाउहप्पहरणा जेणेव ते मेहमुहा नागकुमारा देवा तेणेव उवागच्छंति उवागच्छित्ता मेहमुहे नागकुमारे देवे एवं वयासी-हं भो मेहमुहा नागकुमारा देवा अपत्थियपत्थया [दुरंतपंतलक्खणा हीणपुत्रचाउइसा हिरिसिरी] परिवज्जिया किण्णं तुब्भे न याणह भरहं रायं चाउरंतचक्कवट्ठिं महिइदीयं जाव उइवित्तए वा पडिसेहित्तए वा तहावि णं तुब्भे भरहस्स रण्णो

विजयखंधावारस्स उप्पि जुगमुसलमुद्धिप्पमाणमेत्ताहिं धाराहिं औघमेघं सत्तरत्तं वासं वासह तं एवमवि गते इतो खिप्पामेव अयक्कमह अहव णं अज्ज पासह चित्तं जीवलोणं कए थं ते मेहमुहा नागकुमारा देवा तेहिं देवेहिं एवं वुत्ता समाणा भीया तत्था वहिया उक्खिग्गा संजायभया मेहाणीकं पडिसाहरंति पडिसाहरित्ता जेणेव आवाडचिलाया तेणेव उवागच्छंति उवागच्छित्ता आवाडचिलाए एवं वयासी-एस णं देवाणुप्पिया भरहे राया महिइडीए [महजुईए महाबले महापसे महासोकखे] महाणुभागे नो खलु एस सक्को केणइ देवेण वा [दानवेण वा किण्णरेण वा किंपुरिसेण वा महोरगेण वा गंधव्वेण वा सत्थप्पओगेण वा अग्गिप्पओगेण वा मंतप्पओगेण वा] उद्वित्तए वा पडिसेहितए वा तहाविय णं अहेहिं देवाणुप्पिया तुब्भं पियइयाए भरहस्स रण्णो उवसग्गे कए तं गच्छह णं तुब्भे देवाणुप्पिया ण्हाया कयबलिकम्मा कयकोउय-मंगल-पायच्छित्ता उल्लपडसाडगा ओचूलगणियत्था अग्गाइं वराइं रयणाइं गहाय पंजलिउडा पायवडिया भरहं रायाणं सरणं उवेह पणिवइयवच्छला खलु उत्तमपुरिसा नत्थि भे भरहस्स रण्णो अंतियाओ भयमितिकइ एवं वदिता जामेव दिसिं पाउब्भूया तामेव दिसिं पडिगया तए थं ते आवाडचिलाया मेहमुहेहिं नागकुमारेहिं देवेहिं एवं वुत्ता समाणा उट्ठाए उट्ठेति उट्ठेत्ता ण्हाया कयबलिकम्मा कयकोउय-मंगल-पायच्छित्ता उल्लपडसाडगा ओचूलगणियत्था अग्गाइं वराइं रयणाइं गहाय जेणेव भरहे राया तेणेव उवागच्छंति उवागच्छित्ता करयलपरिग्गहियं सिरसावत्तं मत्थए अंजलिं कइ भरहं रायं जएणं विजएणं वद्धावेत्ति वद्धावेत्ता अग्गाइं वराइं रयणाइं उवणेत्ति उवणेत्ता एवं वयासी- 169-91-61-1

- | | | |
|------|---|----------|
| (११) | वसुहर गुणहर जयहर हिरिसिरिधीकित्तिधारकणरिंद
लक्खणसहस्सधारक रायमिणं ने चिरं धारे | 112911-1 |
| (१२) | हयवति गयवति नरवति नवणिहिवति भरहवासपढमवति
वत्तीसजणवयसहस्सराय सामी चिरं जीव | 112211-2 |
| (१३) | पढमनरीसर ईसर हियईसर महिलियासहस्साणं
देवसयसहस्सीर चोदसरयणीसर जसंसी | 112311-3 |
| (१४) | सागरगिरिपेरंतं उत्तरपाईणमभियं तुमए
ता अन्हे देवाणुप्पियस्स विसए परिवसामो | 112411-4 |

(१५) अहो णं देवाणुप्पियाणं इइडी जुई जसे बले वीरिए पुरिसक्कार-परक्कमे दिव्वा देव-जुई दिव्वे देवाणुभागे लद्धे पत्ते अभिसमण्णागए तं दिद्धा णं देवाणुप्पियाणं इइडी जाव अभिसमण्णागए तं खामेमु णं देवाणुप्पिया खमंतु णं देवाणुप्पिया खंतु भरुहंतु णं देवाणुप्पिया नाइ भुज्जो-भुज्जो एवं करणयाएत्तिकइ पंजलिउडा पायवडिया भरहं रायं सरणं उवेत्ति तए णं से भरहे राया तेसिं आवाडचिलायाणं अग्गाइं वराइं रयणाइं पडिच्छंति पडिच्छित्ता ते आवाडचिलाए एवं वयासी-गच्छह णं भो तुब्भे ममं बाहुच्छायपरिग्गहिथा निठ्मया निरुव्विग्गा सुहंसुहेणं परिवसह नत्थि भे कत्तोवि भयमितिकइ सक्कारेइ सम्माणेइ सक्कारेत्ता सम्माणेत्ता पडिविसज्जेइ तए णं से भरहे राया सुसेण सेणावइं सहावेइं सहावेत्ता एवं वयासी-गच्छाहि णं भो देवाणुप्पिया दोद्धं पि सिंधूए महानईए पच्चत्थिमं निक्खुडं ससिन्धुसागरगिरिमेराणं समवि-समणिक्खुडाणि य ओयवेहि ओय-वेत्ता अग्गाइं वराइं रयणाइं पडिच्छाहिं पडिच्छित्ता मम एयमाणतियं खिप्पामेव पच्चम्पिणाहि तए णं से सेणावइं बलस्स नेथा भरहे वासंभे विस्सुयजसे महाबलपरक्कमे जहा दाहिणिल्लस्स ओपवणं

तहा सव्वं भाणियव्वं जाव पच्चणुभवमाणे विहरति । ६१-६१

(९६) तए णं दिव्वे चक्करयणे अण्णया कयाइ आउहरसालाओ पडिणिक्खमइ पडि-
णिक्खमित्ता अंतलिक्खपडिववणे [जक्खसहस्ससंपरिवुडे दिव्वतुडियसइसण्णिणादेणं पूरेंते चेव
अंवरतलं उत्तरपुरत्थियं दिंसिं चुल्लहिमवंतपव्वयाभिमुहे पयाते यावि होत्था तए णं से भरहे राया तं
दिव्वं चक्करयणं उत्तरपुरत्थियं दिंसिं चुल्लहिमवंत-पव्वयाभिमुहं पयातं पासइ जाव जेणेव
चुल्लहिमवंतपव्वए तेणेव उवागच्छइ उवागच्छित्ता चुल्लहिमवंतवासहरपव्वयस्स अदूरसामंते
दुवालसजोयणायामं नदजोयणविच्छिण्णं वरणगरसरिच्छं विजयखंधावारनिवेसं कोइ जाव
चुल्लहिमवंतगिरिकुमारस्स देवस्स अट्टभभत्तं पणिण्हइ तहेव जहा मागहकुमारस्स नवरं-उत्तर-
दिसाभिमुहे जेणेव चुल्लहिमवंतवासहपव्वए तेणेव उवागच्छइ उवागच्छित्ता चुल्लहिमवंतवा-
सहरपव्वयं तिक्खुतो रहसिरेणं फुसइ फुसित्ता तुरए निगिण्हइ निगिण्हित्ता रहं ठवेइ ठवेत्ता धणुं
परामुसइ तहेव जाव आयातकण्णायत्तं च काऊण्य उसुमुदारं इमाणे ववणाणि तव्व भाणीय से
नरवई-[हंदि सुणंतु भवंतो अक्खितरओ सरस्स जे देवा नागासुरा सुवण्णा तेसिं खु नमो पणिवयाभि
हंदि सुणंतु भवंतो अक्खितरओ सरस्स जे देवा नागासुरा सुवण्णा] सव्वे मे ते विसयवासी इतिकइ
उड्ढं वेहासं उंसुं निसरइ-परिगरणिरियमज्झो [वाउखुयसोभमाणकोसेज्जोचितेण सोभते
धणुवरेणं इंदोव्व पच्चक्खं तं चंचलायमाणं पंचविमचंदोवमं महाचावं छज्जइ वामे हत्थे नरवइणो तंमि
विजयंमि] तए णं से सरे भरहेणं रण्णा उड्ढं वेहासं निसट्ठे समाणे खिप्पामेव वावत्तरिं जोयणाइ गंता
चुल्लहिमवंतगिरिकुमारस्स देवस्स मेराए निवइए तए णं से चुल्लहिमवंतगिरिकुमारे देवे मेराए सरं
निवइवं पासइ पासित्ता आपुरुत्ते रुट्ठे जाव पीइदानं सव्वोसहिं च मारलं गोसीसचंदणं कडगाणि जाव
दहोदगं च गेण्हइ गेण्हित्ता ताए उक्किक्काए [तुरियाए चबलाए जइणाए सीहाए सिग्घाए उखुयाए
दिव्वाए देवगईए वीईवयमाणे-वीईवयमाणे जेणेव भरहे राया तेणेव उवागच्छइ उवागच्छित्ता
अंतलिक्खपडिववणे संखिखिणीयाइं पंचवण्णाइं यत्थाइं पवर परिहिए करयलपरिण्हियं दसण्णहं
सिरसावत्तं मत्थए अंजलिं कइ भरहं रायं जएणं विजएणं वद्धावेइं वद्धावेत्ता एवं वयासी-अभिजिए
णं देवाणुप्पिएहिं केवलकप्पे भरहे वासे] उत्तरेणं चुल्लहिमवंतगिरिमेराए अहण्णं देवाणुप्पियाणं
विसयवासी [अहण्णं देवाणुप्पियाणं आणत्ती-किंकरे] अहण्णं देवाणुप्पियाणं उत्तरिल्ले अंतवाले तं
चेव जाव पडिविसज्जेइ । ६२-१-६२

(९७) तए णं से भरहे राया तुरए निगिण्हइ निगिण्हित्ता रहं परावत्तेइ परावत्तेत्ता जेणेव
उसहकूडे तेणेव उवागच्छइ उवागच्छित्ता उसहकूडं पव्वयं तिक्खुतो रहसिरेणं फुसइ फुसित्ता तुरए
निगिण्हइ निगिण्हित्ता रहं ठवेइ ठवेत्ता छत्तलं दुवालसंसियं अट्टकण्णियं अह्णिगरणिसंठियं
सोवण्णियं कागणिरवणं परामुसइ परामुसित्ता उसभकूडस्स पव्वयस्स पुरत्थिमिल्लसि कडगंसि
नामगं आउडेइ-१६३-१-६३-१

(९८) ओसप्पिणी इमीसे तइयाए समाइ पच्छिमे भाए

अहमंसि चक्कवट्ठी भरहो इति नामधेज्जेणं

॥२५॥-१

(९९) अहमंसि पढमराया इहइं भरहाहवो नरवरिंदो

नत्थि महं पडिसत्तू जियं मए भारहं वासं

॥२६॥-२

(१००) इतिकइ नामगं आउडेइ आउडेत्ता रहं परावत्तेइ परावत्तेत्ता जेणेव विजयखंधावार

निवेसे जेणेव वाहिरिया उवट्टाणसाला तेणेव उवागच्छइ उवागच्छिता जाव-तए णं से दिव्वे चक्करयणे चुल्लहिमवंतगिरिकुमारस्स देवस्स अट्टाहियाए महामहिमाए निच्चत्ताए समाणीए आउहघरसालाओ पडिणिक्खमइ पडिणिक्खमित्ता जाव दाहिणं दिसिं वेयइडपव्वयाभिमुहे पयाते यायि होत्था ।६३।-६३

(१०१) तए णं से भरहे राया तं दिव्वं चक्करयणं दाहिणं दिसिं वेयइडपव्वयाभिमुह पयातं चावि पासइ पासित्ता हट्टतुट्ट-चित्तमाणंदिए जाव जेणेव वेयइडपव्वए जेणेव वेयइडस्स पव्वयस्स उत्तरिल्ले नितंबे तेणेव उवागच्छइ उवागच्छिता वेयइडस्स पव्वयस्स उत्तरिल्ले नितंबे तेणेव उवागच्छइ उवागच्छिता वेयइडस्स पव्वयस्स उत्तरिल्ले नितंबे दुवालसजोयणायामं नवजोयण-विच्छिण्णं वरणगरसरिच्छं विजयखंधावारनिवेसं करेइ जाव पोसहसालं अनुपविसइ [अनुपवि-सित्ता पोसहसालं पमज्जइ पमज्जिता दब्भसंधारणं संधारइ संधरित्ता दब्भसंधारणं दुरुहइ दुरुहित्ता] नमिदिनमीणं विज्जाहरराईणं अट्टमभत्तं पगिण्हइ पगिण्हित्ता पोसहसालाए जाव नमि-विनमि-विज्जाहररायणो मणसीकरेमाणे-मणसीकरेमाणे चिद्धइ तए णं तस्स भरहस्स रण्णो अट्टमभत्तंसि परिणममाणंसि नमि विनमी विज्जाहररायाणो दिव्वाए मईए चोइयमई अण्णमण्णस्स अंतियं पाउब्भवंति पाउब्भवित्ता एवं वयासी-उप्पन्ने खलु भो देवाणुप्पिया जंबुद्वीवे दीवे भरहे वासे भरहे राया चाउरंतचक्कवट्टी तं जीयमेयं तीयपच्चुप्पन्नमणागयाणं विज्जाहरराईणं चक्कवट्टीणं उवत्थाणियं करेतए तं गच्छामो णं देवाणुप्पिया अम्हेवि भरहस्स रण्णो उवत्थाणियं करोमोत्तिकट्टु विनमी नाऊणं चक्कवट्टीं दिव्वाए मईए चोइयमई माणुम्माणप्पमाणजुत्तं तेयस्सि रूवलकखणजुत्तं ठियजुव्वणकेसवट्टियनहं सव्वाभयणासणिं वलकरिं इच्छियसीउण्हफासजुत्तं- ।६४-१।-६४-१

(१०२) तिसु तणुयं तिसु तं तिवलीणं तितुण्णयं तिगंभीरं

तिसु कालं तिसु सेयं तियायतं तिसु च विच्छिण्णं

॥२७॥-१

(१०३) समसरीरं भरहे वासंपि सव्वमहिलप्पहाणं सुंदरधण-जघण-वरकर-चरण-नयण-सिरसिज-दसण-जणहिदयरमण-मणहरिं सिंगारागार [चारुवेसं संगवयग-हसिय-भणिय-चिद्धिय विलास-संलाव-निउण] जुत्तोवयारकुसलं अमरबहूणं सुरूवं रूवेणं अनुहरंति सुभट्टं भदंमि जोव्वणे वट्टमाणि इत्थीरयणं नमी य रयणाणि य कडगाणि य तुडियाणि य गेण्हइ गेण्हिता ताए उक्किट्टाए तुरियाए [धवलाए जइणाए सीहए सिग्घाए] उट्टुयाए विज्जाहरराईए जेणेव भरहे राया तेणेव उवागच्छंति उवागच्छिता अंतलिक्खपडिवण्णा संखिखिणीयाइ [पंचवण्णाइ वत्थाइ पवर परिहिया करयलपरिण्हियं दसणहं सिरसावत्तं मत्थए अंजलि कट्टु भरहं रायं] जएणं विजएणं वट्टावेति वट्टावेत्ता एवं वयासी-अभिजिए णं देवाणुप्पिएहिं [केवलकप्ये भरहे वासे उत्तरेणं चुल्लहि-मवंतगिरिमेराए तं अम्हे णं देवाणुप्पियाणं विसयवासिणो] अम्हे णं देवाणुप्पियाणं आणत्ति-किंकरा तं पडिच्छंतु णं देवाणुप्पिया अम्हं इमं एयारूवं पीइदाणत्तिकट्टु विनमी इत्थीरयणं नमी रयणाइ समप्पेइ तए णं से भरहे राया नमि-विनमि-विज्जाहरराएहिं इमेयारूवं पीइदाणं पडिच्छइ पडिच्छत्ता नमि-विनमि-विज्जाहररायाणो सक्कारेइ सम्माणेइ सक्कारेत्ता सम्माणेत्ता पडिविसज्जेइ पडिवि-सज्जेत्ता पोसहसालाओ पडिणिक्खमइ पडिणिक्खमित्ता मज्जणघरं अनुपविसइ अनुपविसित्ता जाव ससिच्च पियदंसणे नरवई मज्जणघराओ पडिणिक्खमइ पडिणिक्खमित्ता तेणेव उवागच्छइ उवागच्छिता भोयणमंडवंसि सुहासणवरगए अट्टमभत्तं पारेइ जाव नमि-विनमीणं विज्जाहरराईणं

अद्वाहिय-महामहिमं करोति तए णं से दिव्वे चक्करयणे आउहघरसालाओ पडिणिक्खमइ पडिणिक्खमिता जाव उत्तरपुरत्थियं दिंसि गंगादेवी भवणाभिमुहे पयाए यावि होत्था सञ्जेव सव्वा सिंधुवत्तव्वया जाव नवरं कुंभद्वसहस्सं रयणचित्तं नाणामणिकणगरयण मत्तिचित्ताणि य दुवे कणगसीहासणाइं सेसं तं चेव जाव महिमति 1६४1-64

(१०४) तए णं से दिव्वे चक्करयणे गंगाए देवीए अद्वाहियाए महामहिमाए निव्वत्ताए समाणीए आउहघरसालाओ पडिणिक्खमइ पडिणिक्खमिता [अंतलिकवपडिवण्णे जक्खसहस्स-संपरिपुडे दिव्वतुडियसहसण्णिणादेणं पुरंते चेव अंबरतलं] गंगाए महानईए पच्चत्थिमिल्लेणं कूलेणं दाहिणदिंसि खंडप्पवायगुहाभिमुहे पयाए यावि होत्था तते णं से भरहे राया तं दिव्वं चक्करयणं गंगाए महानईए पच्चत्थिमिल्लेणं कूलेणं दाहिणदिंसि खंडप्पवायगुहाभिमुहं पयातं चादि पासइ पासिता हइतुदु-चित्तमाणंदिए जाव जेणेव खंडप्पवायगुहा तेणेव उवागच्छइ उवागच्छिता सव्वा कयमालकवत्तव्वया नेवव्वा नवरि-नट्टपालगे देवे पीत्तिदाणं से आलंकारियभंडं कडगाणि य सेसं सव्वं तहेव जाव अद्वाहिया महामहिमा तए णं से भरहे राया नट्टमालगस्स देवस्स अद्वाहियाए महामहिमाए निव्वत्ताए समाणीए सुसेणं सेणावईं सद्दावेइं सद्दावेत्ता एवं वयासी-गच्छाहिं णं भो देवानुप्पिया गंगाए महानईए पुरत्थिमिदं निक्कूडं संगंगासागरगिरिमेरागं समविसमणिक्खुडाणि य ओयवेहि ओयवेत्ता अग्गाइं वराइं रयणाइं पडिच्छाहिं पडिच्छिता ममयमाणत्तियं पच्चप्पिणाहि जाव सिंधुगमो नेयव्वो जाव तओ महानइमुत्तरित्तु गंगं अप्पडिहयसासणे य सेणावईं गंगाए महान-ईए पुरत्थिमिदं निक्कूडं संगंगासागरगिरिमेरागं समविसमणिक्खुडाणि य ओयवेइ ओयवेत्ता अग्गाणि वराणि रयणाणि पडिच्छइ पडिच्छिता जेणेव गंगा महानई तेणेव उवागच्छइ उवागच्छिता दोच्चं पि सखंधावारवले गंगामहानई विमलजलतुंगवीइं नावाभूएणं चम्मरयणेणं उत्तरइ उत्तरित्ता जेणेव मरहस्स रण्णो विजयखंधावारणिवेसे जेणेव बाहिरिया उवड्डाणसाला तेणेव उवागच्छइ उवागच्छिता आभिसेक्काओ हत्थिरयणाओ पच्चोरुहइ पच्चोरुहिता अग्गाइं वराइं रयणाइं गहाय जेणेव भरहे राया तेणेव उवागच्छइ उवागच्छिता करयलपरिग्गहियं सिरसावत्तं मत्थए अंजलिं कट्टु भरहं रायां जएणं विजएणं वद्धावेइ वद्धावेत्ता अग्गाइं वराइं रयणाइं उवणेइ तए णं से भरहे राया सुसेणस्स सेणावइस्स अग्गाइं वराइं रयणाइं पडिच्छइ पडिच्छिता सुसेणं सेणावईं सकृत्कारेइ सम्भाणेइ सकृत्कारेत्ता सम्माणेत्ता पडिविसज्जेइ तए णं से सुसेणे सेणावईं मरहस्स रण्णो अंतियाओ पडिणिक्खमति पडिणिक्खमिता जेणेव सए आवासे तेणेव उवागच्छइ उवागच्छिता मज्जणघ-रमणुपविसति अनुपवसित्ता ष्हाए सेसंपि तहेव जाव विहरइ तए णं से भरहे राया अण्णया कयाइ सुसेणं सेणावइरयणं सद्दावइ सद्दावेत्ता एवं वयासी-गच्छणं भो देवानुप्पिया खंडगप्पवायगुहाए उत्तरिल्लस्स दुवारस्स कवाडे विहाडेहि विहाडेत्ति मम एयमाणत्तियं पच्चप्पिणाहि तए णं से सुसेणे सेणावईं जहा तिभिसगुहाए तहा भाणियव्वं जाव दंडरयणं गहाय सत्ताट्टपवाइं पच्चोसक्कइ पच्चोसक्कित्ता खंडप्पवायगुहाए उत्तरिल्लस्स दुवारस्स कवाडे दंडरयणेणं महया-महया सद्देणं तिखुत्तो आउडेइ तए णं खंडप्पवायगुहाए उत्तरिल्लस्स दुवारस्स कवाडा सुसेणसेणावइणा दंडर-यणेणं महया-महया सद्देणं तिखुत्तो आउडिया समाणा महया-महया सद्देणं कौंचारवं करेमाणा सरसरस्स सगाइं-सगाइं ठाणाइं पच्चोसक्कित्था तए णं से सुसेणे सेणावईं खंडप्पवाहगुहाए उत्तरिल्लस्स दुवारस्स कवाडे विहाडेइ विहाडेत्ता जेणेव भरहे राया तेणेव उवागच्छइ उवागच्छिता

भरहं रायं करयलपरिग्हियं सिरसावत्तं मत्थए अंजलिं कड्डु जएणं विजाएणं वड्ढावेइ वड्ढावेत्ता एवं वयासी-विहाडिया णं देवाणुप्पिया खंडप्पयायगुहाए उत्तरिण्णस्स दुवारस्स कवाडा एयप्पं देवाणुप्पियाणं पियं निवेदेमो पियं भे भवउ सेसं तहेव जाव भरहो उत्तरिण्णं दुवारेणं अईइ ससिच्च पेहंधकारनिवहं [तए णं से भरहे राया छत्तलं दुवालसंसियं अट्टकण्णियं अहिगरणिसंठियं अट्टसोवण्णियं कागणिरयणं परापुसइ तए णं तं चउरंगुलप्पमाणमित्तं अट्टसुवण्णं च विसहरणं अउलं चउरंसंठाणसंठियं समतलं माणुम्माणजोगा जतो लोगे चरंति सब्बजणपन्नवगा नवि चंदो नवि तत्थ सूरो नवि अग्गी नवि तत्थ मणिणो तिमिरं नासेंति अंधकारे जत्थ तक्कं दिव्वप्पभावजुत्तं दुवालसजोयणाइं तस्स लेसाओ विवड्ढंति तिमिरणिगरपडिसेहियाओ रंति च सब्बकालं खंधावारे करेइ आलोयं दियसभूयं जस्स पभावेणं चक्कवट्ठी खंडप्पवायगुहमतीति सेण्णसहिए रायपवो कागणि गहाय खंडप्पवायगुहाए पच्चत्थिमिल्ल-पुरत्थिमिल्लेसु कडएसु जोयणंतरियाइं पंचधणुसया-यामविकखंभाइं जोयणुज्जोयकराइं चक्कनेमीसंठियाइं चंदमंडल-पडिणिकासाइं एगू- णपत्रं मंडलाइं आलिहमाणे-आलिहमाणे अनुप्पविसइ तए णं सा खंडप्पवायगुहा भरहेणं रण्णा तेहिं जोयणंतरिएहिं पंचधणुसयायामविकखंभेहिं जोयणुज्जोयकरेहिं एगूणपत्राए मंडलेहिं आलिहि-ज्जमाणेहिं-आलिहिज्जमाणेहिं खिप्पामेव आलोगभूया उज्जोयभूया दिवसभूया जाया यावि होत्था। तीसे णं खंडप्पवायगुहाए बहुमज्झदेसभाए एत्थ णं उम्मुग्ग-निमुग्ग-जलाओ नामं दुवे महानईओ पन्नताओ जाओ णं खंडप्पवायगुहाए पच्चत्थिमिल्लाओ कडगओ पवुढाओ समाणीओ पुरत्थिमेणं गंगं महानईं समप्पेति सेसं तहेव नवरिं-पच्चत्थिमिल्लेणं कूलेणं गंगाए संकमवत्तच्चया तहेव तए णं तीसे खंडगप्पवायगुहाए दाहिणिण्णस्स दुवारस्स कवाडा सयमेव महया-महया कोंचारवं करेमाण-करेमाण ससरस्स सगाइं-सगाइं ठाणाइं पच्चोसविकत्था तए णं से भरहे राया चक्ककरणदेसिय-मग्गे [अणेगरायवरसहस्साणुयावमग्गे महयाउक्किट्टिसीहनायबोलकलकलरवेणं पक्खुभिय-महा-समुद्दरवभूयंपिव करेमाणे-करेमाणे] खंडगप्पवायगुहाओ दक्खिणिल्लेणं दारेणं नीणेइ ससिच्च पेहंधकारनिवहाओ। ६५।-६५

(१०५) तए णं से भरहे राया गंगाए महानईए पच्चत्थिमिल्ले कूले दुवालसजोयणायामं नवजोयणविच्छिण्णं वरणगरसरिच्छं विजयखंधावारणिवेसं करेइ [करेता वड्ढइरणं सदावेइ सदावेत्ता एवं वयासी-खिप्पामेव भो देवाणुप्पिया मम आवासं पोसहसालं च करेहिं करेता मनेयमाणत्तियं पच्चप्पिणाहि तए णं से वड्ढइरणे भरहेणं रण्णा एवं युत्ते समाणे हट्टुट्ट-चित्त-माणंदिए नंदिए पीइमणे परमसोमणस्सिए हरिसवसविसप्पमाणहियए करयलपरिग्हियं सिरसा-वत्तं मत्थए अंजलिं कड्डु एवं सामी तहत्ति आणाए विणएणं वयणं पडिसुणेइ पडिसुणेता भरहस्स रण्णो आवसहं पोसहसालं च करेइ करेता एयमाणत्तियं खिप्पामेव पच्चप्पिणत्ति तए णं से भरहे राया अभिसक्काओ हत्थिरचनाओ पच्चोरुहइ पच्चोरुहिता जेणेव पोसहसाला तेणेव उवागच्छइ उवागच्छिता पोसहसालं अनुपविसइ अनुपविसित्ता पोसहसालं पमज्जइ पमज्जित्ता दब्बसंधारणं संथरइ संथरित्ता दब्बसंधारणं दुरुहइ दुरुहिता। निहिरयणाणं अट्टमभत्तं पणिण्हइ तए णं से भरहे राया पोसहसालाए पोसहिए बंभयारी उम्मुक्कमणिसुवण्णे दवगयमालावण्णगविलेवणे निक्खि-त्तसत्थमुसले दब्बसंधारोवगाए अट्टमभत्तियं निहिरयणे मणसीकरेमाणे-मणसीकरेमाणे चिट्ठइ तस्स य अपरिभियरत्तरयणा धुवमक्खयमव्वया सदेवा लोकोपचयंकरा उवगया नव निहिओ लोग-

विस्तुयजसा [तं जहा]- 1६६-१1-७७-1

- (१०६) नेसप्ये पंडुयए पिंगलए सच्चरयण महापउमे
काले य महाकाले माणवग महानिही संखे 11२८11-1
- (१०७) नेसप्यमि निवेसा गामागरणगरपट्टणाणं च
दोणमुहमडंबाणं खंधावारावणगिहाणं 11२९11-1-R
- (१०८) गणियस्स य उप्पत्ती माणुम्माणस्स जं पमाणं च
धण्णस्स य वीचाण य उप्पत्ती पंडुए भणिया 11३०11-2
- (१०९) सच्चा आभरणविही पुरिसाणं जा य होइ महिलाणं
आसाण य हत्थीण य पिंगलगणिहिमि सा भणिय 11३१11-3
- (११०) रयणाइं सच्चरयणे चोइस्स पवराइं चक्कवट्टिस्स
उप्पज्जेतंगिदियाइं पंचइंदियाइं च 11३२11-4
- (१११) वत्थाण य उप्पत्ती निष्कत्ती चेव सच्चरयणीं
रंगाण य धोच्चाण य सच्चाएसा महापउमे 11३३11-5
- (११२) काले कालण्णाणं भव्वपुराणं य तिसुवि वासेसु
सिप्पसचं कम्माणि य तिण्णि पयाए हियकराणि 11३४11-6
- (११३) लोहस्स य उप्पत्ती होइ महाकाले आगराणं च
रुप्पस्स सुवण्णस्स य मणि-मोत्ति-सिल-प्पवालाणं 11३५11-7
- (११४) जोहाण य उप्पत्ती आवरणाणं च पहरणाणं च
सच्चा य जुद्धणीइं माणवगे दंडणीइं य 11३६11-8
- (११५) नट्टविही नाडगविही कच्चस्स चउच्चिहस्स उप्पत्ती
संखे महाणिहिमी तुडियंगाणं च सच्चरसिं 11३७11-9
- (११६) चक्कइपड्डाणा अट्टुसेहा य नव य चिक्खंभे
बारसदीहा मंजूससंठिया जण्हवीइमुहे 11३८11-10
- (११७) वेरुलियमणिकवाडा कणगमया विविहरयणपडिपुत्रा
ससिसूरचक्कलक्खण अनुसमवयणोदवत्तीया 11३९11-11
- (११८) पलिओवमड्डिइया निहिसरिणामा य तेसु खलु देवा
जेसिं ते आवासा अक्किज्ज आहिवच्चा य 11४०11-12
- (११८) एए नव निहिरयणा पभूयधणरयणासंचयमिद्धा
जे वसभुपगच्छंति भरहाविचक्कवट्टीणं 11४१11-13
- (१२०) तए णं से भरहे राया अट्टमभत्तंसि परिणममाणंसि पोसहसालाओ पडिणिक्खमइ
एवं मज्जणपरपवेसो जाव [अट्टारस सेणि-प्पेसेणीओ सदावेइ सदावेत्ता एवं वयासी-खिप्पामेव भो
देवाणुप्पिया उस्सुककं उक्करं उक्किट्टं अदिज्जं अपिज्जं अमहप्पवेसं अदंडकोदंडिमं अधरिमं
गणियावरणाडइज्जकलियं अणेगतालायराणुचरियं अनुत्तुयमुइंगं अमिलायमल्लदामं पमुइयपक्-
कीलिय-सपुरजणजाणवयं विजयवेजइयं निहिरयणाणं अट्टाहियं महापहिमं करेह करेत्ता मम
एयमाणत्तियं पच्चप्पिणह तए णं ताओ अट्टारस-सेणि-प्पेसीणो भरहेण रण्णा एवं वुत्ताओ समणीओ
हट्टतुट्टाओ जाव अट्टाहियं महामहिमं करेति करेत्ता तमाणत्तियं पच्चप्पिणंति] तए णं से भरहे राया

निहिरयणाणं अद्वाहियाए महामहिमाए निव्वत्ताए समाणीए सुसेणं सेणावडरयणं सद्दावेइ सद्दावेत्ता एवं वयासी-गच्छणं भो देवाणुप्पिया गंगामहानईए पुरत्थिमिल्लं निक्खुडं दौच्चपि सगंगासा-गरगिरिमेराणं समविसमनिक्खुडाणि य ओयवेहि ओयवेत्ता एयमाणत्तियं पच्चप्पिणाहि तए णं से सुसेणे तं चैव पुव्वदणियं भाणियव्वं जाव ओयवित्ता तमाणत्तियं पच्चप्पिणइ पडिविसज्जिए जाव भोगभोगाइं मुंजमाणे विहरइ तए णं से दिव्वे चक्करयणे अन्नया कयाइ आउहघरसालाओ पडिनिक्खमइ पडिनिक्खमिक्खिता अंतलिकखपडिवण्णे जक्खसहस्ससंपरिवुडे दिव्वतुडिय सद्दस-प्पिणाएणं आपुरेंतं चैव अंबरतलं विजयखंधावारणिवेसं मज्झमज्जेणं निग्गच्छइ निग्गच्छित्ता दाहिणपच्चत्थिमं दिसिं विणीयं रायहाणिं अभिमुहे पयाए यावि होत्था तए णं से भरहे राया [तं दिव्वं चक्करयणं दाहिणपच्चत्थिमं दिसिं विणीयाए रायगाणीए अभिमुहं पयातं चावि] पासइ पासित्ता हट्टतुड-जाव कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया आभिसेक्कं [हत्थिरयणं पडिकप्पेह हय-गव-रह-पवरजोहकलियं चाउरंगिणिं सेण्णं सण्णाहेह एतमाणत्तियं पच्चप्पिणह तए णं ते कोडुंबियपुरिसा] जाव पच्चप्पिणंति । ६६।-६६

(१२१) तए णं से भरहे राया अज्जियरज्जो निज्जियसत्तु उप्पन्नसमत्तरयणे चक्करयणप्पहाणे नवनिहिवई समिद्धकोसे बत्तीसरायवरसहस्साणुयायमग्गे सट्ठीए वरिससहस्सेहिं केवलकप्पं भरहं वासं ओयवेइ ओयवेत्ता कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया आभिसेक्कं हत्थिरयणं पडिकप्पेह हय-गव-रह-तहेय अंजणगिरिकूडसण्णिभं गयवइं नरवईं दुरुदे तए णं तस्स भरहस्स रण्णो आभिसेक्कं हत्थिरयणं दुरुदस्स समाणस्स इमे अट्टमंगलगा पुरओ अहाणुपुव्वीए संपट्टिया तं जहा-सोत्थिय-सिरिवच्छ-[नंदियावत्त-वट्टमाणग-भद्दासण-मच्छ-कलस]-दप्पणे तयणंतरं च णं पुन्नकलसभिंणारं दिव्वा य छत्तपडागा [सचामरा दंसण-रइय-आलोय-दरिसणिज्जा वाउब्बूय-विजयवेजयंती य ऊसिया गगणतलमणुलिहंती पुरओ अहाणु-पुव्वीए] संपट्टिया तयणंतरं च णं वेरुलिय-पिसंत-विमलडदंड [पलंबकोरं टमल्लदामोवसोभिंयं चंदमंडलणिं समूसियं विमलं आचवत्तं पवरं सीहासणं वरमणिरयणपादपीढं सपाउयाजोयस-माउत्तं बहुक्किर-कम्मकर-पुरिस-पयात्तपरिक्खित्तं पुरओ] अहाणुपुव्वीए संपट्टियं तयणंतरं च णं सत्त एगिदियरयणा पुरओ अहाणुपुव्वीए संपट्टिया तं जहा-चक्करयणे छत्तरयणे चम्मरयणे दंडयरणे असिरयणे मणिरयणे कागणिरयणे तयणंतरं च णं नय महानिहिओ पुरओ अहाणुपुव्वीए संपट्टिया तं जहा-नेसप्पे पंडुयए पिंगलए सव्वरयणे महापउमे काले महाकाले माणवगे संखे तयणंतरं च णं सोलस देवसहस्सा पुरओ अहाणुपुव्वीए संपट्टिया तयणंतरं च णं बत्तीसं रायवरसहस्सा अहाणुपुव्वीए संपट्टिया तयणंतरं च णं सेणावडरयणे पुरओ अहाणुप्पिवीए संपट्टिए एवं माहावडरयणे वड्डइरयणे पुरोहियरयणे तयणंतरं च णं इत्थिरयणे पुरओ अहाणुपुव्वीए संपट्टिया तयणंतरं च णं बत्तीसं जणवयकल्लणियासहस्सा पुरओ अहाणुपुव्वीए संपट्टिया तयणंतरं च णं बत्तीसं जणवयकल्लणियासहस्सा पुरओ अहाणुपुव्वीए संपट्टी तयणंतरं च णं बत्तीसं बत्तीसइवच्छ नाडगसहस्सा पुरओ अहाणुपुव्वीए संपट्टिया तयणंतरं च णं तिण्णि सद्दा सूयसया पुरओ अहाणुपुव्वीए संपट्टिया तयणंतरं च णं अट्टारस सेणिप्पसेणीओ पुरओ अहाणुपुव्वीए संपट्टियाओ तयणंतरं च णं चउरासीइं आससयसहस्सा पुरओ अहाणुपुव्वीए संपट्टिया तयणंतरं च णं चउरासीइं हत्थिसयसहस्सा पुरओ अहाणुपुव्वीए संपट्टिया तयणंतरं च णं चउरासीइं

रहस्यसहस्त्रा पुरओ अहाणुपुव्वीए संपट्टिया तयणंतरं च णं छण्णउई मणुस्सकोडीओ पुरओ अहाणुपुव्वीए संपट्टियाए तयणंतरं च णं बहवे राईसर-तलवर-[माडंबिय-कोडुंबिय-इब्ब-सेट्टि-सेणावड]-सत्यवाहम्पभितओ पुरओ संपट्टिया तयणंतरं च णं बहवेअसि-त्तट्टिगाहा कुंतगाहा चावग्गाहा चामरग्गाहा पीढग्गाहा पासग्गाहा फलग्गाहा पोत्थग्गाहा वीमग्गाहा कूवग्गाहा हडम्पग्गाहा दीवियग्गाहा-सएहिं-सएहिं कूदेहिं एवं वेसेहिं चिंघेहि निओएहिं सएहिं-सएहिं नेवत्येहिं पुरओ अहाणुपुव्वीए संपट्टिया तयणंतरं च णं बहवे दंडिणो मुंडिओ सिहंडिणो जडिणो पिच्छिणो हासकारगा खेहकारगा दवकारगा चाडुकारगा कंदप्पिया कोकुइया मोहरिया गायंता य वायंता य नद्धंता य हसं य रमंता य कीलंता य सासेंताय सावेंता य जावेंता य रावेंता य सोमंता य सोमावेंता य आलोयंता य जयजयसद्दं च पउंजमाणा पुरओ अहाणुपुव्वीए संपट्टिया [तयणंतरं च णं जच्चाण तरमल्लिहायणाणं हरिमेलामउल-मल्लिअच्छीणं चंचुच्चिय-त्तलिय-पुलिय-चल-चयल-चंचलगईणं लंघण-वग्गण-धावण-घोरण-तिवड-जइण-सिक्खियगईणं ललंत-त्ताम-गललाय-वरभूसणाणं मुहं-डग-ओचूलण-थासग-अहिलाण-चमरीगंडपरिमंडियकडीणं किंकरवरतरुणपरिग्गहियाणं अट्टसयं वरतुरगाणं पुरओ अहाणुपुव्वीए संपट्टियं तयणंतरं च णं ईसिदंताणं ईसिमत्ताणं ईसितुंगाणं ईसि-उच्छंगविसाल-धवलदंताणं कंचणकोसी-पविट्टदंताणं कंचणमणिरयणभूसियाणं वरपुरिसारोह-गसंपउत्ताणं अट्टसयं गयाणं पुरओ अहाणुपुव्वीए संपट्टियं तयणंतरं च णं सच्छत्ताणं सच्छायणं सघंताणं सपडागाणं सतोरणवाराणं सनंदियोसाणं सखिंखिणीजालपरिक्खित्ताणं हेमवयचित्ति-णिसकणगणिजुत्तादारुगाणं कालायससुकयनेमिजंतकम्माणं सुसिलिट्टवत्तमंडलधुराणं आइण्ण-वरतुरगसुसंपउत्ताणं कुसलनरच्छेयसारहिसुसंपग्गहियाणं बत्तीसतोण-परिमंडियाणं सकंकडव-डेसगाणं सचावसरपहरणावरणभरिय-जुद्धसज्जाणं अट्टसयं रहाणं पुरओ अहाणुपुव्वीए संपट्टियं तयणंतरं च णं असि-सत्ति-कुंत-तोमर-सूल-लउल-भिंडिमाल-धणुपाणिसज्जं पायत्ताणीयं पुरओ अहाणुपुव्वीए संपट्टियं तए णं] तस्स भरहस्स रण्णो पुरओ महआसा आसधरा उभओ पात्ति नागा नागधरा रिट्टओ रहा रहसंगेल्ली अहाणुपुव्वीए संपट्टिया त णं से भरहाहिदे नरिदे हारोत्थसुकय-रइयवच्छे [कुंडलउज्जोइयाणणे मउडदित्तिसिए नत्सीहे नरवई नरिदे नरवसभे मरुवारायवसभकप्पे अब्बहियरायतेयलच्छीए दिप्पमाणे पसत्थमंगलसएहिं संथुव्वमाणे जयसद्दकपालोए हत्थिखंध-वरगए संकोरंटमल्लदामेणं छत्तेणं धरिज्जमाणेणं सेयवरचामराहिं उदुव्व्यमाणीहिं-उदुव्व्यमाणीहिं जक्खसहस्ससंपरिवुडे वेसमणे चेव धणवई] अमरवइण्णिभाए इइटीए पहेयकित्ती घक्करयण-देसियमाणे अणेगरायवरसहस्साणुयायमाणे महयाउक्किक्कड्डीसीहनयाबोलकलकलरवेणं पक्खुभि-यमहा समुद्दरवभूयं पिब करमाणे-कोमाणे सव्विइटीए सव्वजुईए सव्वबलेणं सव्वसमुदएणं सव्वावरेणं सव्वविभूसाए सव्वविभूईए सव्ववत्थ-पुप्फ-गंध-मल्लालंकारविभूसाए सव्वतुरिय-सद्दसण्णिणाएणंमहया इइटीए जाव महया वरतुरिय-जमगसमगपवाइएणं संख-पणव-पडह-मेरि-झल्लरि-खरमुहिमुलमुडंग-दुंदुहि निग्घोसनाइयरवेणं गामागर-नगर-खेड-कब्बड-मडंब-[दोणमुह-पट्टणासम-संवाहसहस्स- मंडियं थिमियमेइणीयं वसुहं अभिजिणमाणे-अभिजिणमाणे अगाइं वराइं रयपाइं पडिच्छमाणे-पडिच्छमाणे तं दिव्वं चक्करयणं अणुगच्छमाणे-अणुगच्छमाणे] जोयणंतरियाहिं वसीहीहिं वसमाणे-वसमाणे जेणेव विणीया रायहाणी तेणेव उवागच्छइ उवागच्छित्ता विणीयाए रायहाणीए अदूरसामंते दुवालसजोयणायामं नवजोयणविच्छिणं वरण-

गरसरिच्छं विजय-खंधाचारनिवेशं करोइ क्रोत्ता वड्डइरयणं सद्दावेइ सद्दावेत्ता जाव पोसहसालं अनुपविसइ अनुपविसिता विणीयाए रायहाणीओ अट्टमभत्तं पगिण्हइ पगिण्हिता [पोसहसालाए पोसहिए बंधयारी उम्मुक्कमणिसुवण्णे धवगयमालाचण्णगविलेवणे निक्खित्तसत्थमुसले दब्भसंधारोवगए एगे अब्बीए] अट्टमभत्तं पडिजागरमाणे-पडिजागरमाणे विहरइ तए णं से भरहे राया अट्टमभत्तंसि परिणममाणंसि पोसहसालाओ पडिणिक्खमइ पडिणिक्खमिता कोडुंबियपरिसे सद्दावेइ सद्दावेत्ता एवं वयासी-खिप्पामेव धो देवाणुप्पिया आभिसेक्कं हत्थिरयणं पडिक्कप्पेह जाव तहेव अंजगणिरिकूडसण्णिभं गयवई नरवई दुरुढे तं चेव सच्चं जहा हेड्ढा नवरिं नव महाणिहिओ चत्तारि सेणाओ णं पविसंति सेसो सो चेव गनो जाव निग्घोसणाइवरवेणं विणीयाए रायहाणीए मज्झमज्जेणं जेणेव सए गिहे जेणेव भवणवरडेंस -गपडिदुवारे तेणेव पहारेत्थ गमणाए ते णं तस्स भरहस्स रण्णो विणियं रायहाणिं मज्झमज्जेणं अनुपविसमाणस्स अप्पेगइया देवा विणीयं रायहाणिं सच्चंतवाहिरियं आसियसंमज्जिओवलित्तं करेति अप्पेगइया मंचाइमंचकलियं करेति अप्पेगइया नाणाविहरागवसणुस्सियधयपडागाइ-पडागापडित्तं करेति अप्पेगइया लाउल्लोइयमहियं करेति अप्पेगइया गोसीससरसत्तद्दइ-दिण्णपंचंगुलित्तलं जाव गंधवट्ठिभूयं करेति अप्पेगइया हिरण्ण-वासं वासंति अप्पेगइया सुवण्ण-रयण-वइर-आभरणवासं वासंति तए णं तस्स भरहस्स रण्णो विणीयं रायहाणिं मज्झमज्जेणं अनुपविसमाणस्स सिंघागड-[तिग-चउक्क-चच्चर-चउम्मुह]-महापह-पहेसु बहवे अत्थिया कामत्थिया भोगत्थिया लाभत्थिया इड्ढिसिया किब्बसिया कारोडिया कारभारिया संखिया चक्किया नंगलिया मुहमंगलिया पूसमाणया वद्धमाणया लंखमंखमाइया ताहिं ओरालाहिं इड्ढाहिं कंताहिं पियाहिं मणुण्णाहिं मणामाहिं सिवाहिं धण्णाहिं मंगल्लाहिं सत्तिरीयाहिं हिययगमणिज्जाहिं हिययपल्हायणिज्जाहिं वग्गुहिं अणवरचं अभिनंदता य अभियुणंता य एवं वयासी-जय-जय नंदा जय-जय भद्दा जय-जय नंदा भद्दं ते अजियं जिणाहिं जियं पालयाहिं जियमज्जे वसाहिं इंदो विव देवाणं चंदो विव ताराणं चमरो विव असुराणं धरणो विव नागाणं बहूइं पुव्वसयसहस्साइं बहूईओ पुव्वकोडीओ बहूईओ पुव्वकोडाकोडीओ विणीयाए रायहाणीओ चुल्लहिमवंतगिरिसागरभेरागस्स य केवलकप्पस्स भरहस्स वासस्स गामागर-नगर-खेड-कब्बड-मडंब-दोणमुह-पट्टणासम-सण्णिवेसेसु सम्मं पयापालणोवज्जियलद्धजसे महया [हयनइ-गीय-वाइय-तंती-तल-ताल-तुडिय-घण-मुइंग-पडुप्पवाइयरवेणं विउलाइंभोगभोगाइं भुंजमाणे आहो-वच्चं पोरेवच्चं सामित्तं मट्ठित्तं महत्तरगतं आण्ण-ईसर-सेणावच्चं कारेमाणे पालेमाणे] विहराहित्तिकइ जयजयसइं पउंजंति तए णं से भरहे राया नयणमालासहस्सेहिं पेच्छिज्जमाणे-पेच्छिज्जमाणे वयण-मालासहस्सेहिं अभियुव्वमाणे-अभियुव्वामे हिययमालासहस्सेहिं उण्णंदिज्जमाणे-उण्णं-दिज्ज-माणे मणोरहमालासहस्सेहिं विच्छिप्पामे-विच्छिप्पामे कंतिरुवसोहग्गुणेहिं पत्थिज्जमाणे-पत्थिज्जमाणे अंगुलियमालासहस्सेहिं दाइज्जमाणे-दाइज्जमाणे दाहिणहत्थेणं बहूणं नरनारीसहस्साणं अंजलिमालासहस्साइं पडिच्छमाणे-पडिच्छमाणे भवणपत्तिसहस्साइं समइच्छमाणे-समइच्छमाणे तंती-तल-ताल-तुडिय-गीय-वाइयरवेणं मधुरेणं मणहरेणं मंजुमंजुणा घोसेणं अपडिबुज्जमाणे-अपडिबुज्जमाणे जेणेव सए गिहे जेणेव सए भवणवरवडेंसयदुवारे तेणेव उवागच्छइ भवण-वरवंडेंसयदुवारे आभिसेक्कं हत्थिरयणं ठवेइ ठवेत्ता आभिसेक्काओ हत्थिरयणाओ पच्चोरुहइ पच्चोरुहिता सोलस देवसहस्से सक्कारेइ सम्माणेइ सक्कारेत्ता सम्माणेत्ता वत्तीसं रायसहस्से

सक्कारेइ सम्माणेइ सक्कारेता सम्माणेता सेणावइरयणं सक्कारेइ सम्माणेइ सक्कारेता सम्माणेता एवं गाहावइरयणं वड्डइरयणं पुरोहियरयणं सक्कारेइ सम्माणेइ सक्कारेता सम्माणेता तिण्णि सट्ठे सूसए सक्कारेइ सम्माणेइ सक्कारेता सम्माणेता अट्टारस सेण्णि-प्पसेणीओ सक्कारेइ सम्माणेइ सक्कारेता सम्माणेता अण्णे वि बहवे । राईसर-तलवर-माडंबिय-कोडुंबिय-इब्ब-सेट्टि-सेणावइ]-सत्यवाहप्पभितओ सक्कारेइ सम्माणेइ सक्कारेता सम्माणेता पडिधिसजेइ इत्थीरयणेणं बत्तीसाए उडुकल्लाणियासहस्सेहिं बत्तीसाए जणवयकल्लाणियासहस्सेहिं बत्तीसाए बत्तीसइवद्धेहिं नाडयसहस्सेहिं सट्ठि संपरिवुडे भवणवरवड्डेसंगं अईइ जहा धुबेरो च्च देवराया केलाससिहरिसिंगभूतं तए णं से भरहे राया मित्त-नाइ-नियग-सयण-संबंधियपरियणं पच्चुवेक्खइ पच्चुवेक्खिता जेणेव मज्जणघरे तेणेव उवागच्छइ उवागच्छिता जाव मज्जणघराओ पडिणिक्खमइ पडिणिक्खमिता जेणेव भोयणमंडवे तेणेव उवागच्छइ उवागच्छिता भोयणमंडवंसि सुहासणवरगए अट्टमभत्तं पारेइ पारेता उप्पि पासायवरगए फुट्टमाणेहिं मुंडंगमत्थएहिं बत्तीसइवद्धेहिं नाडएहिं घरतरुणीसंपउत्तेहिं उवत्तालिज्जमाणे-उवत्तालिज्जमाणे उवणच्चिज्जमाणे-उवणच्चिज्जमाणे उवगिज्जमाणे-उवगिज्जमाणे महाय जाव कामभोगे भुंजमाणे विहरइ । ६७।-६७

(१२२) तए णं तस्स भरहस्स रण्णो अण्णया कयाइ रज्जधुरं चित्तेमामस्स इमेयारूवे [अज्जत्थिए चितिए पत्थिए मणोगए संकप्पे] समुप्पज्जित्था-अभिजिए णं मए नियगबल-वीरिय-पुरिसक्कार-परक्कमेणं चुल्ल हिमंवतगिरिसागरमेराए केवलकप्पे भरहे वासे तं सेयं खलु मे अण्णाणं महयारायाभिसेएणं अभिसिंचावित्तएत्तिकट्टु एवं संपेहेति संपेहेता कल्लं पाउप्पभाए [रयणीए फुल्लुप्पल-कमल-कोमलुम्मिलियंमि अहंपंडुरे पहाए रत्तासोगप्पगास-किसुय-सुयमुह-गुंजद्धराग- सरिसे कमलागरसंडबोहए उट्टियम्मि सूरे सहस्सरसिंसि दिणघरे तेयसा जलंते जेणेव मज्जणघरे तेणेव उवागच्छइ उवागच्छिता जाव मज्जणघराओ पडिणिक्खमइ पडिणिक्खमिता जेणेव बाहिरिया उवट्टाणसाला जेणेव सीहासणे तेणेव उवागच्छइ उवागच्छिता सीहासणवरगए पुरत्थाभिमुहे निसीयति निसीइत्ता सोलसदेवसहस्से बत्तीसं रायवरसहस्से सेणावइरयणे गाहावइरयणे वड्डइ- रयणे पुरोहियरयणे तिण्णि सट्ठे सूयसए अट्टारस सेण्णिप्पसेणीओ अन्ने य बहवे राईसर तलवर-[माडंबिय-कोडुंबिय-इब्ब-सेट्टि-सेणावइ]-सत्यवाहप्पभियो सद्दावेइ सद्दावेत्ता एवं वयासी-अभिजिए णं देवाणुप्पिया मए नियगबल-वीरिय-[पुरिस्काकर-परक्कमेणं चुल्लहिमवंत-गिरिसागरमेराए] केवलकप्पे भरहे वासे तं तुब्बे णं देवाणुप्पिया ममं महयारायाभिसेयं वियरह तए णं ते सोलस देवसहस्सा जाव सत्यवाहप्पभिइओ भरहेणं रण्णा एवं वुत्ता समाणा हट्टतुट्ट-चित्त-माणंदिया नंदिया पीइमणा परमसोमणस्सिया हरिसवसविसप्पमाणहियया करयलपरिग्गहियं दसनहं सिरसावतं मत्थए अंजलिं कट्टु भरहस्स रण्णो एयमट्टं सम्मं विणएणं पडिसुणेति ते णं से भरहे राया जेणेव पोसहसाला तेणेव उवागच्छइ उवागच्छिता जाव अट्टमभत्तिए पडिजागरमाणे विहरइ तए णं से भरहे राया अट्टमभत्तंसि परिणममाणंसि आभिओग्गे देवे सद्दावेइ सद्दावेत्ता एवं वयासि-खिप्पामेव भो देवाणुप्पिया विणीयाए रायहाणीए उत्तरपुरत्थिये दिसीमाए एगं महं अभिसेयमंडवं विउब्बेह विउब्बेत्ता मम एयमाणतियं पच्चप्पिणह तए णं ते आभिओग्गा देवा भरहेणं रण्णा एवं वुत्ता समाणा हट्टतुट्टा जाव एवं सामित्ति आणाए विणएणं वयणं पडिसुणेति पडिसुणेत्ता विणीयाए रायहाणीए उत्तरपुरत्थियं दिसीभागं अवक्कमंति अवक्कमिता वेउब्बियसमुग्घाएणं समोहणंति

समोहणिता संखिज्जाइं जोयणाइं दंडं निसिरंति तं जहा-रयणाणं जाव रिद्धाणं अहाबायरे पोगले परिसाडेति परिसाडेत्ता अहासुहुमे पोगले परियादियंति परियादिता दोधंपि वेउच्चियं [समुग्धाएणं] समोहणंति समोहणिता बहुसमरमणिज्जं भूमिभागं विउच्चंति से जहानामए आलिंगपुक्खरेइ वा जाव नानाविधपंचवण्णेहिं तणेहि य मणीहि य उवसोभिए तस्स णं बहुसमरमणिज्जस्स भूमिभागस्स बहुमज्जदेसभाए एत्थ णं महं एगं अभिसेयमंडवं विउच्चंति-अणेगसंखमसयसण्णिविडुं जाव गंधवट्टिभूयं पेच्छाधरमंडववण्णो तस्स णं अभिसेयमंडवस्स बहुमज्जदेसभाए एत्थ णं महं एगं अभिसेयपीढं विउच्चंति-अच्छं सण्हं तस्स णं अभिसेयपीढस्स तिदिंसि तओ तिसोवाणपडिरूवए विउच्चंति तैसि णं तिसोवाणपडिरूवगाणं अयमेयारूवे वण्णावासे पन्नते जाव तोरणा तस्स णं अभिसेयपीढस्स बहुसमरमणिज्जे भूमिभागे पन्नते तस्स णं बहुसमरमणिज्जस्स भूमिभागस्स बहुमज्जदेसभाए एत्थ णं महं एगं सीहासणं विउच्चंति तस्स णं सीहासणस्स अयमेयारूवे वण्णावासे पन्नते जाव दामवण्णं सभत्तं तए णं ते देवा अभिसेयमंडवं विउच्चंति विउच्चिता जेणेव भरहे राया तेणेव उवागच्छंति उवागच्छिता तमराणत्तियं पच्चप्पिणंति तए णं से भरहे राया आभिओग्गाणं देवाणं अंतिए एयमट्टं सोद्धा निसम्पं हट्टुठ- [चित्तमाणंदिए नंदिए पीइमणे परमसोमणस्सिए हरिसवस- विसम्पमाणहियए] पोसहसालाओ पडिणिक्खमइ पडिणिक्खमिता कोडुंबियपुरिसे सहावेइ सदावेत्ता एवं वयासी-खिप्पामेव भो देवाण्णिया आभिसेक्कं हत्थिरयणं पडिक्खेह पडिक्खेत्ता ह्य-गय-[रह-पवरजोहकलियं चाउरंगिणि सेणं सण्णाहेह] सण्णाहेत्ता एयमाणत्तियं पच्चप्पिणह तए णं ते कोडुंबियपुरिसा जाव पच्चप्पिणंति तए णं से भरहे राया मज्जणधरं अनुपविसइ जाव अंजणगिरिकूडसण्णिभं गयवइ नरवइ दुरुढे तए णं तस्स भरहस्स रण्णो आभिसेक्कं हत्थिरयणं दुरुढस्स समाणस्स इमे अट्टमंगलगा पुरओ अहाणुपुब्बीए संपड्डिया जो चेव गमो विणीयं पविसमाणस्स सो चेव निक्कममाणस्सवि जाव अप्पडिबुज्जमाणे-अप्पडिबुज्जमाणे विणीयं राय- हाणिं मज्जमज्जेणं निगच्छइ निगच्छिता जेणेव विणीयाए रायहाणीए उत्तरपुरत्थिये दिसीभाए जेणेव अभिसेयमंडवे तेणेव उवागच्छइ उवागच्छिता अभिसेयमंडवदुवारे आभिसेक्कं हत्थिरयणं ठवेइ ठवेत्ता आभि- सेक्काओ हत्थिरयणाओ पच्चोरुहइ पच्चोरुहिता इत्थिरयणं बत्तीसाए उडुकल्लाणियासहस्सेहिं बत्तीसाए जणवयकल्लाणियासहस्सेहिं बत्तीसाए बत्तीसइ बद्धेहिं नाडगस- हस्सेहिं सद्धि संपरिवुडे अभिसेयमंडवं अनुपविसइ अनुविसिता जेणेव अभिसेयपीढे तेणेव उवागच्छइ उवागच्छिता अभिसेयपीढं अनुप्पदाहिणीकरेमाणे-अनुप्पदाहिणीकरेमाणे पुरित्थिमि- ष्सेणं तिसोवाणपडिरूवएणं दुरुहइ दुरुहिता जेणेव सीहासणे तेणेव उवागच्छइ उवागच्छिता पुरत्थाभिमुहे सण्णिसण्णे तए णं तस्स पभरहस्स रण्णो बत्तीसं रायसहस्सा जेणेव अभिसेयमंडवे तेणेव उवागच्छइ उवागच्छिता अभिसेयमंडवं अनुपविसंति अनुपविसिता अभिसेयपीढं अनुप्प- दाहिणीकरेमाणे-अनुप्पदाहिणी- करेमाणे उत्तरिल्लेणं तिसोवाणपडिरूवएणं जेणेव भरहे राया तेणेव उवागच्छंति उवागच्छिता करयल परिग्गहियं सिरसावत्तं मत्थए अंजलि कट्ट भरहं रायाणं जएणं विजएणं दग्धावेति दग्धावेत्ता भरहस्स रण्णो नद्यासण्णे नाइदरे मुत्सूसमाणा नमंसमाणा अभिमुहा विणाएणं पंजलियडा पञ्जुवासंति तए मं तस्स भरहस्स रण्णो सेणावइरयणे [गाहावइरयणे वइइइरयणे पुरोहियरयणे तिण्णि सट्टे सुयसए अट्टारस सेणि-प्पसेणीओ अन्ने य बहवे राईसर- तलवर-माडंबिय-कोडुंबिय-इम्म-सेट्टि-सेणावइ]-सत्थावाहप्पभिइओ जेणेव अभिसेयमंडवे तेणेव

उवागच्छंति उवागच्छिता अभिसेयमंडयं अनुपविसंति अनुपविसिता अभिसेयपीठं अनुप्यदाहिणीकरेमाणा-अनुप्यदाहिणी- करेमाणा दाहिणिलेणं तिसोवाणपडिरूवएणं जेणेव भरहे राया तेणेव उवागच्छंति उवागच्छिता करयलपरिगहियं सिरसावतं मत्पए अंजलिं कट्टु भरहं रायाणं जएणं विजएणं वद्धवेति वद्धावेत्ता भरहस्स रण्णो नच्चासण्णे नाइदूरे सुस्ससमाणा नमंसमाणा अभिमुहा विणएणं पंजलियडा पञ्जुवासंति तए णं से भरहे राया आभिओग्गे देवे सद्दावेइ सद्दावेत्ता एवं वयासी-खिप्पामेव भो देवाणुप्पिया तं महत्थं महग्धं महरिहं महारायाभिसेयं उवद्धवेह तए णं ते आभिओग्गा देवा भरहेणं रण्णा एवं दुत्ता समाणा हट्टुद्विचिता जाव उत्तरपुरत्थिमं दिसीमागं अवक्कमंति अवक्कमिता वेउब्बियसमुग्घाएणं समोहण्णंति एवं जहा विजयस्स तथा इत्थंपि जाव पंडगवणे एगओ मिलायंति मिलाइत्ता जेणेव दाहिणइडभरहे वासे जेणेव विणीया रायहाणी तेणेव उवागच्छंति उवागच्छिता विणीयं रायहाणि अनुप्ययाहिणीकरेमाणा-अनुप्ययाहिणीकरेमाणा जेणेव अभिसेयमंडवे जेणेवे भरहे राया तेणेव उवागच्छंति उवागच्छिता तं महत्थं महग्धं महरिहं महाराया भिसेयं उवद्धवेति तए णं तं भरहं रायाणं बत्तीसं रायसहस्सा सोमणंति तिहि-करण-दियस-नक्खत्त-मुहुत्तंसि उत्तरपोट्टवया-विजयंसि तेहिं सामाविएहि य उत्तरेवेउब्बिएहि य वरकमलपडिद्वारेहिं सुरभिवरवारिपडिपुन्नेहिं [चंदणकयचच्चाएहिं अविद्धकंठेगुणेहिं पउमुप्पलपिधणेहिं सुकुमालकरतलपरिगहिएहिं अट्टस- हस्सेणं सोवण्णियाणं कलसाणं रुप्पमयाणं मणिमयाणं जाव अट्टसहस्सेणं भोमेज्जाणं कलसाणं सब्बोदएहिं सब्बनट्टियाहिं सब्बतुवरेहिं सब्बपुप्फेहिं सब्बगंधेहिं सब्बमल्लेहिं सब्बोसहिसिद्धत्थएहिं य सव्विइटीए सब्बजुतीए सब्बवलेणं सब्बसमुदएणं सब्बायरेणं सब्बविभूतीए सब्बविभूसाए सब्बसंभणेणं सब्बपुप्फगंधमल्लालंकारेणं सब्बदिव्वतुडियसहसण्णि-पाएणं महया इइटीए महया जुतीए महया बलेणं महया समुदएणं महया वरतुरियजमगसमग-पडुप्पवादितरवेणं संख-पणव-पडह-भेरि-झल्लरि-खरमुहि-हुडक्क-मुरव-मुइंग-दुंदुहि-निग्घोसना-दितरवेणं] महया महया रायाभि- सेएणं अभिसिंचंति अभिसेओ जहा विजयस्स अभिसिंचिता पत्तेय-पत्तेयं [करतलपरिगहियं सिरसावतं मत्पए] अंजलिं कट्टु ताहिं इट्टाहिं [कताहिं पियाहिं-मणुण्णाहिं मणामाहिं सिवाहिं धण्णाहिं मंगल्लाहिं सस्सिरीयाहिं हिययमणिज्जाहिं हिययपल्ला-यणिज्जाहिं वाग्गहिं अणवरयं अभिणंदंता य अभियुणंता य एवं वयासी-जय जय नंदा जय जय महा जय जय नंदा भदं ते अजियं जिणाहिं जियं पालयाहिं जियमज्जे वसाहिं इंदो विव देवाणं चंदो विव ताराणं चमरो चिव असुराणं धरणो विव नागाणं बहूइं पुब्बसयसहस्साइं बहूईओ पुब्बकोडीओ बहूईओ पुब्बकोडाकोडीओ विणीयाए रायहाणीओ चुल्लहिमवंतगिरिसागरमेरागास्स य केवल-कप्पस्स भरहस्स वासस्स गामागर-नगर-खेड-कब्बड-मडंव-दोणमुह-पट्टणासम-सण्णिवेसेसु सम्मं पयापालणोवज्जियलद्धजसे महयाहयनइ-गीय-वाइय-तंती-तल-ताल-तुडिय-धणमुइंगपडुप्पवाइ-यरवेणं विउलाइं भोगभोगाईं भुंजमाणे आहेवच्चं पोरेवच्चं सापित्तं भट्टित्तं महत्तरगतं आणा-ईसर-सेणावच्चं करेमाणे पालेमाणे] विहराहित्तिकट्टु जयजयसदं पउंजंति तए णं तं भरहं रायाणं सेणा-वइरयणे गाहावइरयणे वइइइरयणे पुरोहियरयणे तिण्णि य सट्टा सूससया अट्टारस सेणि-प्पसेणीओ अण्णे य बहूये राईसर-तलवर-माडंबिय-कोडुंबिय-इब्ब-सेट्टि-सेणावइ]-सत्यवाहप्प-भिइओ एवं चेव अभिसिंचंति तेहिं वरकमल- पडिद्वारेहिं तरेव जाव अभियुणंति य सोलस देवसहस्सा एवं चेव नवरं-पम्हल सूमालाए जाव मउडं पिणद्धेति तयणंतं य णं दहरमलयसुग्ध-

गंधिएहिं गंधेहिं गायाईं भुक्तं डैतिं दिव्यं च सुमणदामं पिण्डेति किं बहुणा गंधिम-वेढिम-[पूरिम-संघाइमेणं चउच्चिहेणं मलेणं कप्परुक्खयं पिव अत्तं किय]-विभूसियं करीति तए णं से भरहे राया महया-महया रायाभिसेएणं अभिसिंचिए समाणे कोडुंबियपुरिसे सद्दावेइ सद्दावेत्ता एवं वयासी-खिप्पामेय मो देवाणुप्पिया हत्थिखंधवरगया विणीयाए रायहाणीए सिंधाइग-तिग-चउक्क-चच्चर-चउम्मुह-महापह-पहेसु महया-महया सद्देणं उग्घोसेमाणा-उग्घोसेमाणा उस्सुककं उक्करं उक्किड्डं अदिज्जं अमिज्जं अमडप्पवेसं अदंडकोदंडिमं [अधरिमं गणियावरणाडइज्जकलियं अणेगतालायराणु-चरियं अनुदुयमुइंगं अमिलायमल्लदामं पमुइयपक्कीलिय]-सपुरजणजाणवयं दुवालससंवच्छरियं पमोयं घोसेह घोसेत्ता ममेयमाणत्तियं पच्चप्पिणह तए णं ते कोडुंबियपुरिसा भरहेणं रण्णा एवं वुत्ता समाणा हट्टतुट्टचित्तमाणं दिया नंदिया पीइपणा परमसोमस्सिया हरिसवसविसप्पमाणहियया विणएणं वयणं पडिसुणेति पडिसुणेत्ता खिप्पामेव हत्थिखंधवरगया [विणीयाए रायहाणीए सिंधाइग-तिग-चउक्क-चच्चर-चउम्मुह-महापह-पहेसु महया-महया सद्देणं उग्घो-सेमाणा-उग्घोसेमाणा उस्सुककं उक्करं उक्किड्डं-अदिज्जं अमिज्जंअभडप्पवेसं अदंडकोदंडिमं अधरिमं गणियावरणा-डइज्जकलियं अणेगतालायराणुचरियं अनुदुयमुइंगं अमिलायमल्लदामं पमुइयपक्कीलियसपुर-जणजाणवयं दुवालससंवच्छरियं पमोयं] घोसंति घोसित्ता एयमाणत्तियं पच्चप्पिणंति तए णं से भरहे राया महया-महया रायभिसेएणं अभिसित्ते समाणे सीहासणाओ अब्भुडेइ अब्भुडेत्ता हत्थिरयणेणं [बत्तीसाए उडुकल्लाणियासहस्सेहिं बत्तीसाए जणवयकल्लाणियासहस्सेहिं बत्तीसाए बत्तीसइवड्ढेहिं] नाडगसहस्सेहिं सट्ठिं संपरिवुडे अभिसेयपीढाओ पुरत्थिमिल्लेणं तिसोवाणपडिरूवएणं पच्चोरुहइ पच्चोरुहत्ता अभिसेयमंडवाओ पडिणिक्खमइ पडिणिक्खमिन्ता जेणेव आभिसेक्के हत्थिरयणे तेणेव उवागच्छइ उवागच्छित्ता अंजणगिरिकूडसण्णिभं गयवइं नरवइं दुरुढे तए णं तस्स भरहस्स रण्णो बत्तीसं रायसहस्सा अभिसेयपीढाओ उत्तरिल्लेणं तिसोवाणपडिरूवएणं पच्चोरुहंति तए णं तस्स भरहस्स रण्णो सेणावइरयणे [गाहावइरयणे वड्ढइरयणे पुरोहियरयणे तिण्णि सट्ठे सूयसए अट्टारस सेणि-प्पसेणीओ य बहवे राईसर-तलवर-मांडबिय-कोडुंबिय-इब्भ-सेट्ठि-सेणावइ]-सत्थ-वाहप्पिड्ढओ अभिसेयपीढाओ दाहिणिल्लेणं तिसोवाणपडिरूवएणं पच्चोरुहंति तए णं तस्स भरहस्स रण्णो आभिसेक्कं हत्थिरयणं दुरुढस्स समाणस्स इमे अट्टट्टमंगलगा पुरओ अहाणुपुव्वीए संपट्ठिया जच्चिय अइगच्छमाणस्स गमो पढमो कुवे- रावसाणो सो चेव इहं पिये कमो सक्कारजढो नेयव्वो जाव कुबेरोव्व देवराया केलासं सिहरिसिंभूयं तए णं से भरहे राया मज्जणघरं अनुपविसइ अनुपविसित्ता जाव भोयणमंडवसिं सुहासणवरगए अट्टमभत्तं पारेइ पारेत्ता भोयणमंडवाओ पडिणिक्खमइ पडिणिक्खमिन्ता उप्पिं पासायवरगए फुट्टमाणेहिं मुइंगमत्थएहिं [बत्तीसइवड्ढेहिं नाडएहिं बरतरुणीसंपउत्तेहिं उवलालिज्जमाणे-उव- लालिज्जमाणे उवणच्चिज्जमाणे-उवणच्चिज्जमाणे उवगिज्जमाणे-उवगिज्जमाणे महयाहायणट्ट-गीय-वाइय-तंती-तल-ताल-तुडिय-घण-मुइंगपडुप्प-वाइयरेणं इट्ठे सट्टफरिसरसरूवगंधे पंचविहे माणुस्सए कामभोगे] भुंजमाणे विहरइ तए णं से भरहे राया दुवालससंवच्छरियंसि पमोयंसि निव्वत्तंसि समाणंसि जेणेव मज्जणघरे तेणेव उवागच्छइ उवागच्छित्ता जाव मज्जणघराओ पडिणिक्खमइ पडिणिक्खमिन्ता जेणेव बाहिरिया उवट्टाणसाला जेणेव सीहासणे तेणेव उवागच्छति उवागच्छित्ता सीहासणवरगए पुरत्थाभिमुहे निसीयइ निसीइत्ता सोलस देवसहस्से सक्कारेइ सम्माणेइ सक्कारेत्ता सम्माणेत्ता पडिविसज्जेइ पडिविसज्जेत्ता बत्तीसं

रायवरसहसा सकूकारेइ सम्माणेइ सकूकारेता सम्माणेता सेणावइरणं सकूकारेइ सम्माणेइ सकूकारेता सम्माणेता सम्माणेता जाव पुरोहियरयणं सकूकारेइ सम्माणेइ सकूकारेता एवं गाहावइरणं वड्डइरणं पुरोहियरयणं सकूकारेइ सम्माणेइ सकूकारेता सम्माणेता एवं तिण्णि सट्टे सूयसाए अट्टारस सेणि-प्पसेणीओ सकूकारेइ सम्माणेइ सकूकारेता सम्माणेता अण्णे य बहवे राईसर-तलवर-[माडंबिय-कोडुंबिय-इब्ब-सेट्टि-सेणावइ]-सत्यवाहप्पभिइओ सकूकारेइ सम्माणेइ सकूकारेता सम्माणेता पडिविसज्जेति पडिविसज्जेता उप्पि पासायवरगए जाव विहरइ । ६८१-६८

(१२३) भरहस्स रण्णो चकूकरयणे छत्तरयणे दंडरयणे असिरयणे- एते णं चत्तारि एगिदियरयणा आउहधरसालाए समुप्पण्णा चम्मरयणे मणिरयणे कागणिरयणे नव य महानिही-ओएए णं सिरिधरंसि समुप्पन्ना सेणावइरणे गाहावइरणे वड्डइरणे पुरोहियरयणे-एए णं चत्तारि मणुयरयणा विणीयाए रायहाणीए समुप्पन्ना आसरयणे हत्थिरयणे-एए णं दुवे पंचिदि-यरयणा वेयइळगिरिपायमूले समुप्पन्ना इत्थिरयणे उत्तरिष्णाए विज्जाहरसेदीए समुप्पन्ने । ६९१-६८-३

(१२४) तए णं से भरहे राया चउदसण्हं रयणाणं नवण्हं महाणिहीणं सोलसण्हं देवसा-हस्तीणं बत्तीसाए रायसहस्साणं बत्तीसाए उडुकळ्ळणियासहस्साणं बत्तीसाए जणवयकळ्ळणि-यासहस्साणं बत्तीसाए बत्तीसइबद्धाणं नाडगसहस्साणं तिण्हं सट्टीणं सूयसयाणं अट्टारसण्हं सेणि-प्पसेणीणं चउरासीए आससयसहस्साणं चउरासीए दंतिसयसहस्साणं चउरासीए रयसयसहस्साणं छण्णउइए मणुस्सकोडीणं बावत्तरीए पुरवरसहस्साणं बत्तीसाए जणवयसहस्साणं छण्णउइए गाम-कोडीणं नवणउइए दोणमुहसहस्साणं अडयालीसाए पट्टणसहस्साणं चउव्वीसाए कब्बडसहस्साणं चउव्वीसाए मडंबसहस्साणं वीसाए आगरसहस्साणं सोलसण्हं खेडसहस्साणं चउदसण्हं संवाहसहस्साणं छप्पण्णाए अंतरोदगाणं एगूणपन्नाए कुरज्जाणं विणीयाए रायहाणीए चुळ्ळहिमवंतगिरिसागर-मेरागस्स केवलकप्पस्स भरहस्स वासस्स अन्नेसिं च बहूणं राईसर-तलवर-[माडंबिय-कोडुंबिय-इब्ब-सेट्टि-सेणावइ]-सत्यवाहप्पभिइणं आहेवच्चं पोरेवच्चं सामित्तं मडित्तं महत्तरगतं आणा-ईसर-सेणावच्चं कारेमाणे पालेमाणे ओहय-निहएसु कंटएसु उद्धियमलिएसु सव्वसत्तुसु निज्जिएसु भरहाहिवे नरिंदे वरचंदच्चच्चियंणे वरहारइयवच्छे वरमउडविसिइए वरवत्थभूसणधरे सव्वोउय-सुरहिकुसुमवरमल्लसोभियसिरे वरणाडग नाडइज्ज-यरइत्थिगुम्भ सट्टि संपरिवुडे सव्वोसहि-सव्व- रयण-सव्वसमिइसमग्गे संपुणमणोरे हे यामित्तमाणमहणे पुव्वकयतवप्पभाव-निविट्टसंचि- यफले भुंजइ माणुस्साए सुहे भरहे नामधेजे । ७०१-६८

(१२५) तए णं से भरहे राया अण्णया कयाइ जेणेव मज्जणधरे तेणेव उवागच्छइ उवा-गच्छित्ता [मज्जणधरं अनुपविसइ अनुपविसित्ता समुत्तजालाकुलाभिरामे विचित्तमणिरयणकुट्टि-मतले रमणिज्जे ण्हाणमंडवंसि नानामणि-रयण-भत्तिचित्तंसि ण्हाणपीदंसि सुहणिसण्णे सुहोदएहिं गंधोदएहिं पुणोदएहिं सुद्धोदएहिं य पुत्रे कळ्ळणगपवरमज्जणविहीए मज्जिए तथ कोउयसएहिं बहुविहेहिं कळ्ळणगपवरमज्जणावसाणे पन्डलसुकुमालगंधकासाइयलूहियंणे सरससुरहिगोसी-सचंदणाणुलितगतते अहयसुमहग्घदूसरयणसुसंदुए सुइमाला-चण्णग-विलेवणे आविद्धमणि-सुवण्णे कप्पियहारद्धहार-तिसरय-पालंबपलंबमाण-कडिसुत्तसुकयसोहे पिणद्धगेविज्जगअंगुलि-ज्जग-ललितंगयललियकयाभरणे नानामणिकडगतुडियथंभियमुए अहियरूवसस्सिरीए कुंडल-उज्जोइयाणणे मउडदित्तसिरए हारोत्थयसुकयरइयवच्छे पालंबपलंबमाणसुकयपडउत्तरिज्जे मुद्धिया-

पिंगलंगुलीए नगणामणिकणभविमल-महरिह-निउणोवियमिसिमिसेंत-विरइयसुसिलिद्धवि-सिद्धल-
 इसंठिय-पसत्यआविद्धवीर-वलए किं बहुणा कप्परुक्खए चेव अलंकियविभूसिए नरिदे सकोरं-
 मल्लदामेणं छत्तेणं धरिउमामेणं चउचामरवालवीइयंगे मंगलजयसदकयालोए अणेग- गणनायग-
 दंडनायग- राईसर- तलवर- माडंबिय-कोडुंबिय-मंति-महामंति-गणग-दोवारिय-अमद्य-चेड-पीह-
 मह-नगर-निगम-सेट्टि-सेणावइ-सत्यवाह-दूय-संधिवालसद्धि संपरिवुडे धवल-महामेहणियाए इव
 गहगण-दिपंत-रिक्ख-तारागणाण मज्जे] ससिव्व पियदंसणे नरवई मज्जणधराओ पडिणिक्खमइ
 पडिणिक्खमिता जेणेव आदंसधरे जेणेव सीहासणे तेणेव उवागच्छइ उवागच्छिता सीहासणवरगए
 पुरत्याभिमुहे नीसीयइ निसीइत्ता आदंसधरंसि अत्ताणं देहमाणे-देहमाणे चिइइ तए णं तस्स भरहस्स
 रण्णो सुमेणं परिणामेणं पसत्येहिं अज्झवसाणेहिं लेसाहिं विसुज्जामाणीहिं-विसुज्जामाणीहिं ईहा-
 पोह-मण्ण-गवेषणं करेमाणस्स तथायरिउत्ताणं कम्म्याणं खएणं कम्मरयविकिरणकरं अपुव्यकरणं
 पविट्ठस्स अनंते अनुत्तरे कसिणे पडिपुत्ते निव्वापाए निरावरणे केवलवरनाणदंसणे समुप्पत्ते तए णं
 से भरहे केवली सयमेवाभरणालंकारं ओमुयइ ओमुइत्ता सयमेव पंचमुट्ठियं लोयं करेइ करेत्ता
 आदंसधराओ पडिणिक्खमइ पडिणिक्खमिता अंतंउरं मज्झमज्झेणं निग्गच्छइ निग्गच्छिता दसहिं
 रायवरसहस्सेहिं सद्धि संपरिवुडे विणीयं रायहाणिं मज्झमज्झेणं निग्गच्छइ निग्गच्छिता मज्झदसे
 सुहंसुहेणं विहरइ विहरित्ता जेणेव अट्ठावए पव्वते तेणेव उवागच्छइ उवागच्छिता अट्ठावयं पव्वयं
 सणियं-सणियं दुरुहइ दुरुहत्ता मेघघणसण्णिमगसं देवसण्णिवायं पुट्टविसिलापट्टं पडिलेहेइं
 पडिलेहेत्ता संलेहणा-झूसणा-झूसिए भत्तपाणपडियाइक्खिए पायोवगए कालं अणवकंखमाणे-
 अणवकंखमाणे विहरइ तए णं से भरहे केवली सत्तत्तरिं पुव्वसयसहस्साइं कुमारवासमज्झावसित्ता
 एणं वाससहस्सं मंडलियरायमज्झावसित्ता छ पुव्वसयसहस्साइं वाससहस्सूणगाइं महारयमज्झा-
 वसित्ता तेसीइं पुव्वसयसहस्साइं अगारवासमज्झावसित्ता एणं पुव्वसय सहस्सं देएणं
 केवलिपरियायं पाउणित्ता तमेव बहुपडिपुण्णं सामण्णपरियायं पाउणित्ता चउरासीइं पुव्वसयस-
 हस्साइं सव्वाउयं पालइत्ता मासिएणं भत्तेणं अपाणएणं सवणेणं नक्खत्तेणं जोगमुवाएणं ढीणे
 वेयणिजे आउए नामे गोए कालगए वीइककंते समुआए छिण्णजाइजराणणबंधणे सिद्धे बुद्धे मुत्ते
 परिणिवुडे अंतगडे सव्वदुकखप्पहीणे ॥७१॥-७०

(१२६) भरहे य एत्य देवे भहिइटीए [महज्जुईए महाबले महायसे महासोक्खे] महाणुभागे
 पत्तिओवमद्धिईए परिवसइ से एएणहेणं गोयमा एवं वुद्धइ-भरहे वासे भरहे वासे अदुत्तरं च णं
 गोयमा भरहस्स वासस्स सासए नामधेउं जं न कयाण न आसि न कयाइ नत्थि न कयाइ न पविस्सइ
 भुविं चभवइ य भविस्सइ य धुवे नियए सासए अक्खए अव्वए अवट्टिए निद्धे भरहे वासे ॥७२॥-७१

● तइओ वक्खारो समत्तो ●

--: च उ त्थो-व वक्खा रो :-

(१२७) कहि णं भंते जंबुद्वीदे दीवे चुद्धहिमवंते नामं वासहरपव्वए पत्रत्ते गोयमा हेमवयस्स
 वासस्स दाहिणेणं भरहस्स थासस्स उत्तरेणं पुरत्थिमलवणसमुद्दस्स पद्यत्थिमेणं पद्यत्थिमलवण-
 समुद्दस्स पुरत्थिमेणं एत्य णं जंबुद्वीदे दीवे चुद्धहिमवंते नामं वासहरपव्वए पत्रत्ते-पाईणपडीणायए
 उदीणदाहिणविच्छिण्णे दुहा लवणसमुद्दं पुट्टे-पुरत्थिमिच्छाए कोडीए पुरत्थिमिच्छं लवणसमुद्दं पुट्टे
 पद्यत्थिमिच्छाए कोडीए पद्यत्थिमिच्छं लवणसमुद्दं पुट्टे एणं जोयणसयं उड्ढं उच्चत्तेणं पणवीसं जोय-

णाई उव्वेहेणं एणं जोयणसहस्सं बावण्णं च जोयणाई दुवालस य एगूणवीसइभाए जोयणस्स विक्कंभेणं तस्स बाहा पुरत्थिमपच्चत्थिभेणं पंच जोयणसहस्साई तिण्णि य पत्रासे जोयणसए पत्ररस य एगूणवीसइभाए जोयणस्स अद्धभागं च आयामेणं तस्स जीवा उत्तरेणं पाईणपडीणाणया दुहा लवणसमुदं पुट्टा-पुरत्थिमिन्नाए कोडीए पुरत्थिमिन्नं लवणसमुदं पुट्टा पच्चत्थिमिन्नाए कोडीए पच्चत्थिमिन्नं लवणसमुदं पुट्टा चउव्वीसं जोयणसहस्साई नव य बत्तीसे जोयणसए अद्धभागं च किंचिविसेसूणा आयामेणं पत्रता तीसे धणुपट्टे दाहिणेणं पजवीसं जोयणसहस्साई दोण्णि य तीसे जोयणसए चत्तारि य एगूणवीसइभाए जोयणस्स परिवखेव्वेणं रुयगसंठाणसंठिए सव्वकणगामे अच्चे सण्हे लण्हे जाव पडिरूवे उभओ पासिं दोहिं पउमवरवेइयाहिं दोहि य वणसंडेहिं संपरिक्खित्ते दुण्ह वि पमाणं वण्णगो य चुल्लहिमवंतस्स णं वासहरपव्वयस्स उव्वरिं बहुसमरमणिजे भूमिभागे पत्रते-से जहाणामए आलिगपुक्खरेइ वा जाय बहवे घाणमंतरा देवा य देवीओ य आसयंति [सयंति चिद्धंति निसीयंति तुयद्धंति रमंति ललंति कीलंति मोहंति पुरा पोरणाणं सुचिण्णाणं सुपरक्कंताणं सुभाणं कड्डाणं कम्भाणं कल्लाणाणं कल्लाणं फलवित्तिविसेसं पच्चणुभवमाणा] विहरंति 19३1-72

(१२८) तस्स णं बहुसमरमणिजस्स भूमिभागस्स बहुमज्झदेसभाए एत्थ णं एकके महं पउमद्वहे नामं दहे पत्रते-पाईणपडिणायए उदीणदाहिणविच्छिण्णे एककं जोयणसहस्सं आयामेणं पंच जोयणसयाई विक्खंभेणं दस जोयणाई उव्वेहेणं अच्चे सण्हे रययामयकूले जाव पासार्इए जाव पडिरूवे से णं एगाए पउमवरवेइयाए एणेणं य वणसंडेणं सव्वओ समंता संपरिक्खित्ते वेइया-वणसंड-वण्णओ भाणियव्वो तस्स णं पउमद्वहस्स चउदिंसि चत्तारि तिसोवाणपडिरूवगा पत्रता वण्णावासो भाणियव्वो तेसि णं तिसोवाण- पडिरूवगाणं पुरओ पत्तेयं-पत्तेयं तोरणे पत्रते ते णं तोरणा नानामणिमया तस्स णं पउमद्वहस्स बहुमज्झदेसभाए एत्थ णं महं एगे पउमे पत्रते-जोयणं आयाम-विक्खंभेणं अद्धजोयणं बाहल्लेणं दस जोयणाई उव्वेहेणं दो कोसे ऊसिए जलंताओ साइ-रेगाई दसजोयणाई सव्वणेणं पत्रते से णं एगाए जगईए सव्वओ समंता संपरिक्खित्ते जंबुद्वीवजगइप्पमाणा गवक्खकडएवि तए चेव पमाणेणं तस्स णं पउमस्स अयमेयारूवे वण्णावासे पत्रते तं जहा-वइरामया मूला रिट्टामए कंदे वेरुलियामए नाले वेरुलियमया बाहिरपत्ता जंबूण-यामया अत्थितरपत्ता तवणिज्जमया केसर नानामणिमया पौक्खरत्थिभया कणगामई कण्णिगा सा णं अद्धजोयणं आयाम-विक्खंभेणं कोसं बाहल्लेणं सव्वकणगामई अच्चा तीसे णं कण्णियाए उप्पिं बहुसमरमणिजे भूमिभागे पत्रते से जहाणामए आलिगपुक्खरेइ वा तस्स णं बहुसमरमणिजस्स भूमिभागस्स बहुमज्झदेसभाए एत्थ णं महं एगे भवणे पत्रते-कोसं आयामेणं अद्धकोसं विक्खंभेणं देसूणगं कोसं उद्धं उच्चतेणं अनेगखंसयसण्णिविद्धे पासार्इए दरिसणिजे अभिरूवे पडिरूवे तस्स णं भवणस्स तिदिंसि तओ दारा पत्रता ते णं दारा पंचधणुसयाई उद्धं उच्चतेणं अद्धाइज्जाई धणुसयाई विक्खंभेणं तावतियं चेव पवेसेणं सेया वरकणगथूभियागा जाव वणमालाओ नेयव्वाओ तस्स णं भवणस्स अंतो बहुसमरमणिजे भूमिभागे पत्रते से जहाणामए आलिगपुक्खरेइ वा तस्स णं बहुसमरमणिजस्स भूमिभागस्स बहुमज्झदेसभाए पत्रते एत्थ णं महं एगा मणिपेदिया पत्रता सा णं मणिपेदिया पंचधणुसयाई आयाम-विक्खंभेणं अद्धाइजाई धणुसयाई बाहल्लेणं सव्वनिमई अच्चा तीसे णं मणिपेदियाए उप्पिं एत्थ णं महं एगे सयणिजे पत्रते [तं जहा-नानामणिमया पडिपादा सोवण्णिया पादा नानामणिमया पायसीस जंबूणयमयाई गत्ताई वइरामया संधी नाणामणिमए

वेद्ये रड्यामई तूली लोहयक्खमया विब्बोयणा तयणिज्जमई गंडोवहाणिया से णं देवसयणिजे सलिंगणवट्टीए उमओ विब्बोयणे दुहओ उण्णए मज्जे नय-गंभीरे गंगा- पुलिणवालुया- उद्दालसालिसए औयविय-खोमदुगुलपट्ट-पडिच्छयणे आइणग-रुत-थूर-नवणीय-तूलफासे सुविरइयरयताणे रत्तंपुय-संयुते सुरम्मे पासईए दरिसणिजे अभिल्वे पडिख्वे। से णं पउमे अन्नेमं अद्दासएणं पुमाणं तदद्दुच्चत्तपमाणमेत्ताणं सव्वओ समंता संपरिक्खिते ते णं पउमा अद्दजोयणं आयाम-विक्खंभेणं कोसं बाहल्लेणं दस जोयणाइं उव्वेहेमं कोसं ऊसिया जलंताओ साइरेगाइं दसजोयणाइं सव्वग्गेणं पत्रत्ते तेसि णं पउमाणं अयमेयारूवे वण्णायासे पत्रत्ते तं जहा-वइरामया मूला जाव कणगामई कण्णिया सा णं कण्णिया कोसं आयामेणं अद्दकोसं बाहल्लेणं सव्वकणगामई अच्चा तीसे कण्णियाए उप्पि बहुसमरमणिजे भूमिभागे पत्रत्ते जाव मणीहिं उवसोभिए तस्स णं पउमस्स अवरुत्तरेणं उत्तरेणं उत्तरपुरत्थिमेणं एत्थ णं सिरीए देवीए चउण्हं सामाणियसाहस्सीणं चत्तारि पउमसाहस्सीओ पत्रत्ताओ तस्स णं पउमस्स पुरत्थिमेणं एत्थ णं सिरीए देवीए चउण्हं महत्तरियाणं चत्तारि पउमा पत्रत्ता तस्स णं पउमस्स दाहिणपुरत्थिमेणं एत्थ णं सिरीए देवीए अम्भितरियाए परिसाए अद्दण्हं देवसाहस्सीणं अद्द पउमसाहस्सीओ पत्रत्ताओ दाहिणेणं मज्झिमपरिसाए दसण्हं देवसाहस्सीणं दस पउमसाहस्सीओ पत्रत्ताओ दाहिणपच्चत्थिमेणं बाहिरियाए परिसाए बारहसण्हं देवसाहस्सीणं बारस पउमसाहस्सीओ पत्रत्ताओ पच्चत्थिमेणं सत्तण्हं अणियाहिबईणं सत्त पउमा पत्रत्ता तस्स णं पउमस्स चउट्टिसिं सव्वओ समंता एत्थ णं सिरीए देवीए सोलसण्हं आयरक्खदेवसाहस्सीणं सोलस पउमसाहस्सीओ पत्रत्ताओ से णं पउमे तिहिं पउमपरिक्खेवेहिं सव्वओ समंता संपरिक्खिते तं जहा-अम्भितरएणं मज्झिमएणं बाहिरएणं अम्भितरए पउमपरिक्खेवे बत्तीसं पउमसयसाहस्सीओ पत्रत्ताओ मज्झिमए पउमपरिक्खेवे चत्तालीसं पउमसयसाहस्सीओ पत्रत्ताओ बाहिरए पउमपरिक्खेवे अडयालीसं पउमसय- साहस्सीओ पत्रत्ताओ एवामेव सपुव्वावरेणं तिहिं पउमपरिक्खेवेहिं एगा पुणकोडी वीसं च पउ- मसयसाहस्सीओ भवतीति अक्खापं से केणट्टेणं भंते एवं युब्बइ-पउमदहे-पउमदहे गोयभा पउमदहे णं तत्थ-तत्थ देसे तहिं-तहिं बहवे उप्पलाइं जाव सन्नसपत्ताइं पउमदहपभाइं पउमदहागाराइं पउमदहवण्णाइं पुमदहवण्णाभाइं सिरी यत्थ देवी महिइदीया जाव पलिओवमट्टिईया परिवसइ से एण्णट्टेणं अदुत्तरं च णं गोयभा पउमदहस्स सासए नामधेजे पत्रत्ते-जं न कयाइ नासि न कयाइ नत्थि न कयाइ न भविस्सइ भुविं च भवइ य भविस्सइ य धुवे नियए जाव अवट्टिए निच्चे । ७४। -७३

(१२९) तस्स णं पउमदहस्स पुरत्थिमिल्लेमं तोरणेणं गंगा महानई पव्वा समाणी पुरत्थाभिमुठी पंच जोयणसयाइं पव्वएणं हंता गंगावत्तणकूडे आवत्ता समाणी पंच तेवीसे जोयण- सए तिण्णि य एगूणवीसइभाए जोयणस्स दाहिणाभिमुठी पव्वएणं गंता महया घडमुहपवत्तिएणं मुत्तावल्लिहारसंठिएणं साइरेगजोयणसइएणं पवाएणं पवडइ गंगा महानई जओ पवडइ एत्थ णं महं एगा जिब्बिया पत्रत्ता सा णं जिब्बिया अद्दजोयणं आयामेणं छस्सकोसाइं जोयणाइं विक्खंभेणं अद्दकोसं बाहल्लेणं मगरमुहविउट्टसंठाणसंठिया सव्ववइरामई अच्चा सण्हा गंगा महानई जत्थ पवडइ एत्थ णं महं एगे गंगप्पवायकुंडे नामं कुंडे पत्रत्ते-सट्टिं जोयणाइं आयाम-विक्कंभेणं नउयं जोयणसयं किंचिविसेसाहियं परिक्खेवेणं दस जोयणाइं उव्वेहेणं अच्छे सण्हे रययामयकूले वइरामयपासाणे सुहोतारे सुउतारे नानामणितित्थ-बद्धे वइरतले सुवण्ण-सुज्ज-रथयमणिवालुयाए

वेरुलियरमणिफालियपडल-पद्मोयडे वष्टे समतीरे अनुपुव्वसुजायवण- गंभीरसीयलजले संछण-
 पत्ताभिसमुणाले बहुउप्पल-कुमुय-नलिण-सुमग-सो-गंधिय-पोंडरीय-महापोंडरीय-सयपत्त-सहस्स-
 पत्त-पप्फुल्ल-केसरोवचिए अच्छविमलपत्थसलिलपुत्रे पडिहत्थभंमतभच्छकच्छभअणेगसउणगण-
 मिहुणपवियरिय-सहुत्रइयमहुरसरणाइए पासाईए दरिसणिजे अभीरूवे पडिरूवे से णं एगाए
 पउमवरवेइयाए एणेण य वनसंडेणं सव्वओ समंता संपरिक्खित्ते वेइया-वणसंडपमाण वण्णओ
 भाणियव्वो तस्स णं गंगप्पवायकुंडस्स तिदिंसि तओ तिसोवाणपडिरूवगा पत्रत्ता तं जहा-
 पुरत्थिमेणं दाहिणेणं पच्चत्थिमेणं तेसि णं तिसोवाणपडिरूवगाणं अयमेयारूवे वण्णावासे पत्रत्ते तं
 जहा-वइरामया नेम्मा रिट्ठामया पइट्ठामया वेरुलियामया खंभा सुवण्णरुप्पमया फलया लोहियक्ख-
 मईओ सुईओ वइरामया संधी नानीमणिमया आलंबणा आलंबणवाहाओ तेसि णं तिसोवाणपडि-
 रूवगाणं पुरओ पत्तेयं-पत्तेयं तोरणे पत्रत्ते ते णं तोरणा नानामणिमया नानामणिमएसु खंभेसु
 उवणिविदुसंनिविट्ठा विविहत्तारारूवोवचिया विविहमुत्तंरोवइया ईहा- मिव-उसहतुरग-नर-मगर-
 विहग-यालग-किण्णर-रुह-सरम-चमर-कुंजर-वणलय-पउमलयभत्तिचित्ता खंभुग्गयवइरवेइया-
 परिगया-भिरामा विज्जाहरजमलजुयलजंतजुत्ताविय अच्चीसहस्समालणीया रुवगसहस्सकलिया
 भिसमाणा भिब्भिसमाणा चक्खुल्लोयणलेसा सुहफासा सस्सिरीयरूवा पासादीया दरिसणिजा अधि-
 रूवा पडिरूवा तेसि णं तोरणणं उवरिं बहवे अट्टट्टमंगलगा पत्रत्ता तं जहा-सौत्थिय-सिरिवच्छ-
 [नंदिवावत्त-यद्धमाणग-भद्दासण-कलस-मच्छ-श्पणा सव्वरयणामया अच्चा] जाव पडिरूवा
 तेसिणं तोरणणं उवरिं बहवे किण्हचामरज्झया [नीलचामरज्झया लोहियचामरज्झया हल्लिह-
 चामरज्झया] सुक्किलचामरज्झया अच्चा सण्हा रूपपट्टा वइरामयदेडा जलयामलगंधिया सुरूवा
 पासाईया दरिसणिजा अभिरूवा पडिरूवा तेसि णं तोरणणं उधिं बहवे छत्ताइच्छत्ता पडागाइपडागा
 घंटाजुयला चामरजुयला उप्पलहत्थया पुमहत्थया जाव सहस्सपत्त- हत्थया सव्वरयणामया अच्चा
 जाव पडिरूवा तस्स णं गंगप्पवायकुंडस्स बहुमज्झदेसभाए एत्थ णं महं एगे गंगादीवे नामं दीवे
 पत्रत्ते-अट्ट जोयणाइं आयाम-विकखंभेणं साइरेगाइं पणवीसं जोयणाइं परिक्खेवेणं दो कोसे ऊसिए
 जलंताओ सव्ववइरामए अच्चे से णं एगाए पउमवरवेइयाए एणेणं य वणसंडेणं सव्वओ समंता
 संपरिक्खित्ते वण्णओ भाणियव्वो गंगादीवस्स णं दीवस्स उधिं बहुसमरमणिजे भूमिभागे पत्रत्ते
 तस्स णं बहुमज्झदेसभाए एत्थ णं महं गंगाए देवीए एगे भवणे पत्रत्ते-कोसं आयामेणं अट्टकोसं
 विकखंभेणं देसूणं च कोसं उड्डं उच्चत्तेणं अणेगखंभसयसण्णिविडे पासाईए दरिसणिजे अभिरूवे
 पडिरूवे जाव बहुमज्झदेसभाए मणिपेठिया सयणिजे से केणट्टेणं जाव सासए नामधेजे पत्रत्ते तस्स
 णं गंगप्पवायकुंडस्सस दक्खिणिज्जेणं तोरणेणं गंगा महानई पवूढा समाणी उत्तरइट्टभरहवासं
 एजेमाणी-एजेमाणी सत्तहिं सलिलासहस्सेहिं आपूरेमाणी-आपूरेमाणी अहे खंडप्पवायगुहाए वेय-
 इट्टपव्वयं दालइत्ता दाहिणइट्टभरहवासं एजेमाणी-एजेमाणी दाहिणइट्टभरहवासस बहुमज्झ-
 देसभागं गंता पुरत्थाभिमुही आवत्ता समाणी चोदसहिं सलिलास- हस्सेहिं समाणा अहे जगइं
 दालइत्ता पुरत्थिमेणं लवणसमुइं समप्पेइ गंगा णं महानई पवहे छ स्सकोसाइं जोयणाइं विकखंभेणं
 अट्टकोसं उच्चेहेणं तयणंतरं च णं मायाए-मायाए परिवइट्टमाणी-परिवइट्टमाणी मुहे बावट्टिं
 जोयणाइं अट्टजोयणं च विकखंभेणं सकोसं जोयणं उच्चेहेणं उमओ पांसिं दोहि य पउमवरवेइयाहिं
 दोहि य वणसंडेहिं संपरिक्खित्ता वेइयावणसंडवण्णओ भाणियव्वो एवं सिंधूएहिं नेयव्वं जाव तस्स

णं पउमद्दहस्स पच्चत्थिमिल्लेणं तोरणेणं सिंधुआवत्तणकूडे दाहिणभिमुही सिंधुप्पवायकुंडं सिंधुद्वीवो अट्टो सो चेव जाव अहे तिमिसगुहाए वेयड्डपव्वयं दालइत्ता पच्चत्थिमाभिमुही आवत्ता समाणी चोहसेहिं सलिलासहस्सेहिं समग्गा अहे जगइं दालइत्ता पच्चत्थिमेणं लवण समुहं समप्पेइ सेसं तं चेव तस्स णं पउमद्दहस्स उत्तरिल्लेणं तोरणेणं रोहियंसा महानई पवूढा समाणी दोण्णि छावत्तरे जोयणसए छच्च एगुणवीसइभाए जोयणस्स उत्तराभिमुही पव्वएणं गंता अहया घट्टमुहुपवत्तिएणं मुत्तावलि-हारसंठिएणं साइरेगजोयणसइएणं पवाएणं पवडइ रोहियंसा महानई जओ पवडइ एत्थ णं महं एगा जिब्बिया पत्रत्ता सा णं जिब्बिया जोयणं आयामेणं अद्धतेरसजोयणाइं विक्खंभेणं कोसं बाहल्लेणं मपरमुहविउट्टसंठाणसठिया सव्ववइरामई अचछा रोहियंसा महानई जहिं पवडइ एत्थ णं महं एगे रोहियंसप्पवायकुंडे नाम कुंडे पत्रत्ते-सवीसं जोयणसयं आयाम-विक्खंभेणं तिण्णि असीए जोयण-सए किंचिविसेसूणे परिकखेवेणं दसजोयणाइं उव्वेहेणं अच्चे कुंडयण्णओ जाय तोरणा तस्स णं रोहियंसप्पवायकुंडस्स बहुमज्झदेसभाए एत्थ णं महं एगे रोहियंसदीवे नामं दीवे पत्रत्ते-सोलस जोयणाइं आयाम-विक्खंभेणं साइरेगाइं पत्रासं जोयणाइं परिकखेवेणं दो कोसे ऊसिए जलंताओ सव्वरयणामए अच्चे सेसं तं चेव जाव भवणं अट्टो य भाणियच्चो तस्स णं रोहियंसप्पवायकुंडस्स उत्तरिल्लेणं तोरणेणं रोहियंसा महानई पवूढा समाणी हेमवयं वासं एजेमाणी-एजेमाणी चउट्टसहिं सलिलासहस्सेहिं आपूरेमाणी-आपूरेमाणी सद्दावइ वट्टवेयड्डपव्वयं अद्धजोयणेणं असंपत्ता समाणी पच्चत्थाभिमुही आवत्ता समाणी हेमवयं वासं दुहा विभयमाणी-विभयमाणी अट्टावीसाए सलिलासहस्सेहिं समग्गा अहे जगइं दालइत्ता पच्चत्थिमेणं लवणसमुहं समप्पेइ रोहियंसा णं पवहे अद्धतेरसजोयणाइं विक्खंभेणं कोसं उव्वेहेणं तयणंतरं च णं माचाए-मायाए परिवड्डमाणी-परिवड्डमाणी मुहमूले पणवीसं जोयणसयं विक्खंभेणं अड्डा- इज्जाइं जोयणाइं उव्वेहेणं उभओ पासिं दोहिं पउमवरवेइयाहिं दोहिं य वणसंडेहिं संपरिक्खित्ता ।७५।-74

(१३०) चुल्लहिमवंते णं भंते वासहरपव्वए कइ कूडा पत्रत्ता गोयमा एककारस कूडा पत्रत्ता तं जहा-सिद्धयतणकूडे चुल्लहिमवंतकूडे भरहकूडे इलादेयीकूडे गंगाकूडे सिरिकूडे रोहियंसकूडे सिंधुकूडे सुरादेवीकूडे हेमवयकूडे वेसमणकूडे कहि णं भंते चुल्लहिमवंते वासहरपव्वए सिद्धाय-तणकूडे नामं कूडे पत्रत्ते गोयमा पुरत्थिमलवणसमुहस्स पच्चत्थिमेणं चुल्लहिमवंतकूडस्स पुत्थिमेणं एत्थ णं सिद्धायतणकूडे नामं कूडे पत्रत्ते-पंच जोयणसयाइं उड्डं उच्चतेणं मूले पंचजोयणसयाइं विक्खंभेणं मज्जे तिण्णि य पत्रत्तरे जोयणसए विक्खंभेणं उप्पि अड्डाइजे जोयणसए विक्खंभेणं मूले एणं जोयणसहस्सं पंच य एगासीए जोयणसए किंचिविसेसाहिए परिकखेवेणं मज्जे एणं जोयणसहस्सं एणं च छलसीयं जोयणसयं किंचिविसेसूणे परिकखेवेणं उप्पि सत्तेक्काणउए जोयण-सए किंचिविसेसूणे परिकखेवेणं मूले विच्छिण्णे मज्जे संखित्ते उप्पि तणुए गोपुच्छसंठाणसंठिए सव्वरयणामए अच्चे से णं एगाए पउमवरवेइयाए एणेण य वणसंडेणं सव्वओ समंता संपरिक्खित्ते सिद्धायतणस्स कूडस्स णं उप्पि थहुसपरमणिजे भूमिमागे जाव-तस्स णं बहुसमर- मणिजस्स भूमिभागस्स बहुमज्झदेसभाए एत्थ णं महं एगे सिद्धायतणे-पत्रासं जोयणाइं आयामेणं पणवीसं जोयणाइं विक्खंभेणं छत्तीसं जोयणाइं उड्डं उच्चतेणं जाव जिणपडिभावण्णओ नेयच्चो कहि णं भंते चुल्लहिमवंते वासहरपव्वए चुल्लहिमवंतकूडे नामं कूडे पत्रत्ते गोयमा भरहस्स कूडस्स पुत्थिमेणं सिद्धायतणकूडस्स पच्चत्थिमेणं एत्थ णं चुल्लहिमवंते वासहरपव्वए चुल्लहिमवंतकूडे नामं कूडे पत्रत्ते

एवं जो चेव सिद्धायतणकूडस्स उच्चत-विक्खंभ-परिक्खेवो जाव-बहुसमरमणिज्जस्स भूमिभागस्स बहुमज्जदेसभाए एत्थ णं महं एगे पासायवडेंसाए पन्नते-बावट्टि-जोयणाइं अद्धजोयणं च उच्चतेणं एककतीसं जोयणाइं कोसं च विक्खंभेणं अब्भुग्गयमूसिय-पहसिए विव विविहमणिरयणभत्तिचित्ते वाउद्धयविजय-वेजयंतीपडागच्छत्ताइच्छत्तकलिए तुंगे गगणतलमभिलंघमाणसिहरे जालंतररयण पंचरुम्मिलिएव्व मणिरयणथूभियाए विवसियसयवत्तपुंडरीयतिलयरयणद्धचंदचित्ते नानामणि-मयदामालंकिए अंतो बाहिं घ सण्हे वडर-तवणिज्जरुइलवालुगापत्यडे सुहफासे सस्सिरीयरूवे पासाईए दरिसणिज्जे अभिरूवे पडिरूवे तस्स णं पासायवडेंसगस्स अंतो बहुसमरमणिजे भूमिभागे जाव सीहासणं सपरिवारं से केणट्टेणं भंते एवं बुद्धइ-चुल्लहिमवंतकूडे चुल्लहिमवंतकूडे गोयमा चुल्लहिमवंते नामं देवे महिइदीए जाव परिवसइ कहिं णं भंते चुल्लहिमवंतगिरिकुमारस्स देवस्स चुल्लहिमवंता नामं रायहाणी पन्नता गोयमा चुल्लहिमवंतकूडस्स दक्खिणेणं तिरियमसंखेजे दीवसमुद्दे वीईवइत्ता अण्णं जंबुद्वीवे दीवं दक्खिणेणं वारस जोयणसहस्साइं ओगाहिता एत्थ णं चुल्लहिं-वंतगिरिकुमारस्स देवस्स चुल्लहिमवंता नामं रायहाणी पन्नता-वारस जोयणसहस्साइं आयाम-विक्खंभेणं एवं विजयरायहणीसरिसा भाणियव्वा एवं अयसेसाणवि कूडाणं वत्तव्वया नेयव्वा आयाम-विक्खंभ-परिक्खेव-पासायदेवयाओ सीहासण-परिवारो अट्टो य देवाण य देवीण य रायहाणीओ नेयव्वाओ चउसु देवा-चुल्लहिमवंत-भरह-हेमवय-वेसमणकूडेसु सेसेसु देवयाओ से केणट्टेणं भंते एवं बुद्धइ-चुल्लहिमवंते वासहरपव्वए चुल्लहिमवंते वासहरपव्वए गोयमा महाहिमवंतवासहरपव्वयं पणिहाय आयामुच्चत-उव्वेह-विक्खंभ-परिक्खेवं पडुच्च ईसि खुट्टतराए चेव हस्सतरा चेव नीयतराए चेव चुल्लहिमवंते यत्थ देवे महिइदीए जाव पलिओवमट्टिइए परिवसइ से एणट्टेणं गोयमा एवं बुद्धइ-चुल्लहिमवंते वासहरपव्वए-चुल्लहिमवंते वासहरपव्वए अदुत्तरं च णं गोयमा चुल्लहिमवंतस्स सासए नामधेजे पन्नते-जं न कयाइं नासि न कयाइं नत्थि न कयाइं न भविस्सइ भुविं च भवइ य भविस्सइ य धुवे नियए सासए अक्खए अव्वए अवडिइ निब्बे ।७६।-७८

(१३१) कहिं णं भंते जंबुद्वीवे दीवे हेमवए नामं वासे पन्नते गोयमा महाहिमवंतस्स वासहरपव्वयस्स दक्खिणेणं चुल्लहिमवंतस्स वासहरपव्वयस्स उत्तरेणं पुरत्थिमलवणसमुदस्स पच्चत्थिमेणं पच्चत्थिमलवणसमुदस्स पुरत्थिमेणं एत्थ णं जंबुद्वीवे दीवे हेमवए नामं वासे पन्नते-पाईणपडीणायए उदीमदाह्णिणविच्छिण्णे पलियंकसंठाण-संठिए दुहा लवणसमुदं पुट्टे-पुरत्थिमिल्लए कोडीए पुरत्थिमिल्लं लवणसमुदं पुट्टे पच्चत्थिमिल्लए कोडीए पच्चत्थिमिल्लं लवणसमुदं पुट्टे दोणिण य जोयणसहस्साइं एगं च पंचुत्तरं जोयणसयं पंच य एगूणवीसइभाए जोयणस्स विक्खंभेणं तस्स बाहा पुरत्थिमपच्चत्थिमेणं छज्जेयणसहस्साइं सत्त य पणवण्णे जोयणसए तिण्णिण य एगूणवीसइभाए जोयणस्स आयामेणं तस्स जीवा उत्तरेणं पाईणपडीणायया दुहओ लवणसमुदं पुट्टा-पुरत्थिमिल्लए कोडीए पुरत्थिमिल्लं लवणसमुदं पुट्टा पच्चत्थिमिल्लए कोडीए पच्चत्थिमिल्लं लवणसमुदं पुट्टा सत्ततीसं जोयणसहस्साइं छच्च चउवत्तरे जोयणसए सोलस य एगूणवीसइभाए जोयणस्स किंचिविसेसूणे आयामेणं तस्स धणुं धणुपट्टं दाहिणेणं अट्टतीसं जोयणसहस्साइं सत्त य चत्ताले जोयणसए दस य एगूणवीसइभाए जोयणस्स परिक्खेवेणं हेमवयस्स णं भंते वासस्स केरिसए आगारभादपडोयारे पन्नते गोयमा बहुसमरमणिजे भूमिभागे पन्नते एवं तइयसमाणुभावो नेयव्वो ।७७।-७८

(१३२) कहिं णं भंते हेमवए वासे सदावई नामं बट्टवेयइडपव्वए पन्नते गोयमा रोहियाए

महानईए पञ्चत्थिमेणं रोहियसाए महानईए पुरत्थिमेणं हेमवयवासस्स बहुमज्झदेसभाए एत्थ णं सद्दावई नामं वट्टवेयइडपव्वए पत्रत्ते-एणं जोयणसहस्सं उड्ढं उच्चतेणं अड्ढाइज्जाइं जोयणसयाइं उव्वेहेणं सव्वत्वसमे पल्लगसंठाणसंठिए एणं जोयण-सहस्सं आयाम-विकखंभेणं तिण्णि जोयण-सहस्साइं एणं च थावट्ठं जोयणसयं किंचिविसेसाहियं परिकखेव्वेणं सव्वरयणामए अच्चे से णं एगाए पउमवरवेइयाए एगेण य वणसंडेणं सव्वओ समंता संपरिक्खित्ते वेइयायणसंडवण्णाओ भाणियव्वो सद्दावइस्स णं वट्टवेयइडपव्वयस्स उयरिं बहुसमरमणिजे भूमिभागे पत्रत्ते तस्स णं बहुस-मरमणिज्जस्स भूमिभागस्स बहुमज्झदेसभाए एत्थ णं महं एगे पासायवड्डेसए पत्रत्ते-त्थावट्ठं जोयणाइं अद्धजोयणं च उड्ढं उच्चतेणं एककीसं जोयणाइं कोसं च आयाम-विकखंभेणं जाव सीहासणं सपरिवार के केणट्ठणं भंते एवं वुच्चइ-सद्दावई वट्टवेयइडपव्वए सद्दावई वट्टवेयइडपव्वए गोयमा सद्दावइवट्टवेयइडपव्वए णं खुड्ढा खुड्ढियासु थावीसु जाव बिलपंतियासु दहवे उप्पलाइं पउमाइं सद्दावइप्पमाइं सद्दावइआगाराइं सद्दावइवण्णाइं सद्दावइण्णाभाइं सद्दावई यत्थ देवे महिइदीए जाव महाणुभागे पलिओवमट्ठिइए परिवसइ से तेणट्ठेणं जाव सद्दावई वट्टवेयइडपव्वए-सद्दावई वट्टवेयइडपव्वए रायहाणीवि नेयव्वा पंदरस्स पव्वयस्स दाहिणेणं अण्णभिं जंबुद्वीवे दीवे १७८१-७७

(१३३) से केणट्ठेणं भंते एवं वुच्चइ-हेमवए वासे हेमवए वासे गोयमा चुल्लठिम-वंतमहाहिमवंतेहिं वासहरपव्वएहिं दुहओ समुवगूढे निच्चं हेमं दलयइ निच्चं हेमं पगासइ हेमवए य एत्थ देवे महिइदीए जाव पलिओवमट्ठिइए परिवसइ से तेणेट्ठेणं गोयमा एवं वुच्चइ० १७९१-७८

(१३४) कहि णं भंते जंबुद्वीवे दीवे महाहिमवंते नामं वासहरपव्वए पत्रत्ते गोयमा हरिवा-सस्स दाहिणेणं हेमवयस्स वासस्स उत्तरेणं पुरत्थिमलवणसमुद्दस्स पञ्चत्थिमेणं पञ्चत्थिमलवण-समुद्दस्स पुरत्थिमेणं एत्थ णं जंबुद्वीवे दीवे महाहिमवंते नामं वासहरपव्वए पत्रत्ते-पाईणपडीणायए उदीणदाहिणयिच्छिण्णे पलियंकसंठाणसंठिए दुहा लवणसमुद्दं पुट्टे-पुरत्थिमिल्लाए कोडीए पुरत्थि-मिल्लं लवणसमुद्दं पुट्टे पञ्चत्थिमिल्लाए कोडीए पञ्चत्थिमिल्लं लवणसमुद्दं पुट्टे दो जोयणसयाइं उच्चतेणं पत्रासं जोयणाइं उव्वेहेणं चत्तारि जोयणसहस्साइं दोण्णि य दसुत्तरे जोयणसए दस य एगूणवी-सइभाए जोयणस्स विकखंभेणं तस्स बाहा पुरत्थिमपञ्चत्थिमेणं नव जोयणसहस्साइं दोण्णि य छावत्तरे जोयणसए नव य एगूणवीसइभाए जोयणस्स अद्धभागं च आयामेणं तस्स जीवा उत्तरेणं पाईणपडीणायाया दुहा लवणसमुद्दं पुट्टा-पुरत्थिमिल्लाए कोडीए पुरत्थिमिल्लं लवणसमुद्दं पुट्टा पञ्चत्थिमिल्लाए कोडीए पञ्चत्थिमिल्लं लवणसमुद्दं पुट्टा तेवण्णं जोयणसहस्साइं नव य एगतीसे जोयणसए छच्च एगूणवीसइभाए जोयणस्स किंचिद्विसेहाए आयामेणं तस्स धणुपट्ठं दाहिणेणं सत्तावण्णं जोयणसहस्साइं दोण्णि य तेणउय जोयणसए दस य एगूणवीसइभाए जोयणस्स परिकखेव्वेणं रुयगसंठाणसंठिए सव्वरयणामए अच्चे उभओ पासिं दोहिं पउमवरवेइयाहिं दोहि य वणसंडेहिं संपरिक्खित्ते महाहिमवंतस्स णं वासहरपव्वयस्स उप्पिं बहुसमरमणिजे भूमिभागे पत्रत्ते-नाणाविहपंचवण्णेहिं मणीहि य तणेहि य उवसोभिए जाव आसयंति सयंति० १८०१-७९

(१३५) महाहिमवंतस्स णं बहुमज्झदेसभाए एत्थ णं एगे महापउमदहे नामं दहे पत्रत्ते-दो जोयणसहस्साइं आयामेणं एणं जोयणसहस्सं विकखंभेणं दस जोयणाइं उव्वेहेणं अच्चे रयया-मयकूले एवं आयाम-विकखंभविहूणा जा चेव पउमदहस्स यत्तव्वया सा चेव नेयव्वा पउमप्पमाणं दो जोयणाइं अट्ठो जाव महापउमदहवण्णाभाइं हिरी य एत्थ देवी महिइदीया जाव पलिओवमट्ठिइया

परिवसइ से एएणठेणं गोयमा एवं बुद्धइ-महापउमद्दहे-महापउमद्दहे अदुतरं च णं गोयमा महापउमद्दहस्स सासए नामधेजे पन्नते-जं न कयाइ नासी न कयाइ नत्थि न कयाइ न भविससइ भुवि च भवइ य भविससइ य धुवे नियाए सासए अक्खए अब्बए अवट्ठिनिट्ठे तस्स णं महापउमद्दहस्स दक्खिणिण्णं तोरणं रोहिया महानई पवूढा समाणी सोलसं पंचुत्तरे जोयणसए पंच य एगूणवी-सइभाए जोयणस्स दाहिणाभिमुही पव्वएणं गंता महया धडमुहवत्तिएणं मुत्तावलिहारसंठिएणं साइरेगदोजयणसइएणं पवाएणं पवडइ रोहिया णं महानई जओ पवडइ एत्थ णं महं एगा जिब्बिया पन्नता सा णं जिब्बिया जोयणं आयामेणं अद्धतेरसजोयणाइं विकखंभेणं कोसं बाहल्लेणं मगर-मुहविउट्टसंठाणसंठिया सव्ववइरामइ अच्छा रोहिया णं महानई जहिं पवडइ एत्थ णं महं एगे रोहियप्पवायकुंडे नामं कुंडे पन्नते-सवीसं जोयणसयं आयाम-विकखंभेणं तिण्णि असीए जोयणसए किंचिविससूणे परिकखेवेणं दस जोयणाइं उव्वेहेणं अच्छे सण्हे सो चेव वण्णओ वइरतले वट्ठे समतीरे जाव तोरणा तस्स णं रोहियप्पवायकुंडस्स बहुमज्झदेसभाए एत्थ णं महं एगे रोहियदीवे नामं दीवे पन्नते-सोलस जोयणाइं आयाम-विकखंभेणं साइरेगाइं पन्नासं जोयणाइं परिकखेवेणं दो कोसे ऊसए जलंताओ सव्ववइरामए अच्छे से णं एगाए पउमवरवेइयाए एगेणं य वणसंडेणं सव्वओ समंता संपरिक्खित्ते रोहियदीवस्स णं दीवस्स उप्पिं यहुसमरमणिजे भूमीभागे पन्नते तस्स णं बहुमसमरमणिजस्स भूमिभागस्स बहुमज्झदेसभाए एत्थ णं महं एगे भवणे पन्नते-कोसं आयामेणं सेसं तं चेव पमाणं च अट्ठो य भाणियव्वो तस्स णं रोहियप्पवायकुंडस्स दक्खिणिण्णं तोरणेणं रोहिया महानई पवूढा समाणी हेमवयं वासं एजेमाणी-एजेमाणी सद्दावइ वट्टवेयइड्ढपव्वयं अद्धजोयणेणं असंपत्ता पुरत्थाभिमुही आवत्ता समाणी हेमवयं वासं दुहा विभयमाणी-विभयमाणी अट्ठावीसाए सलिलासहस्सेहिं समग्गा अहे जगइ दालइत्ता पुरत्थियेणं लवणसमुद्दं समप्येइ रोहिया णं पवहे अद्धतेरसजोयणाइं [विकखंभेणं कोसं उव्वेहेणं तयणंतरे च णं मायाए-मायाए परिवड्डमाणी-परिवड्डमाणी मुहुमूले पणवीसं जोयणसयं विकखंभेणं अट्ठाइत्ताइं जोयणाइं उव्वेहेणं उभओ पांसिं दोहिं पउमवरवेइयाहिं दोहिं य वणसंडेहिं संपरिक्खित्ता तस्स णं महापउमद्दहस्स उत्तरिल्लेणं तोरणेणं हरिकंता महानई पवूढा समाणी सोलसं पंचुत्तरे जोयणसए पंच य एगूणवीसइभाए जोयणस्स उत्तराभिमुही पव्वएणं गंता महया धडमुहपवत्तिएणं मुत्तावलिहारसंठिएणं साइ-रेगदुजोयणसइएणं पवाएणं पवडइ हरिकंता महानई जओ पवडइ एत्थ णं महं एगा जिब्बिया पन्नता-दो जोयणाइं आयामेणं पणवीसं जोयणाइं विकखंभेणं अद्धजोयणं बाहल्लेणं मगरमुहविउट्ट-संठाणसंठिया सव्वरयणामइ अच्छा हरिकंता णं महानई जहिं पवडइ एत्थ णं महं एगे हरिकंतप्प-वायकुंडे जोयणसए परिकखेवेणं अच्छे एवं कुंडवत्तव्वया सव्वा नेयव्वा जाव तोरणा तस्स णं हरिकंतप्पवायकुंडस्स बहुमज्झदेसभाए एत्थ णं महं एगे हरिकंतदीवे नामं दीवे पन्नते-बत्तीसं जोयणाइं आयाम-विकखंभेणं एगुत्तरं जोयणसयं परिकखेवेणं दो कोसे ऊसिए जलंताओ सव्वर-यणामे अच्छे से णं एगाए पउमवरवेइयाए एगेणं य वणसंडेणं सव्वओ समंता संपरिक्खित्ते वण्णओ भाणियव्वो पमाणं च सयणिज्जं च अट्ठो य भाणियव्वो तस्स णं हरि-कंतप्पवायकुंडस्स उत्तरिल्लेणं तोरणेणं हरिकंता महानई पवूढा समाणी हरिवासं वासं एजेमाणी-एजेमाणी वियडावइं वट्टवेयइड्डं जोयणेणं असंपत्ता पचदत्थाभिमुही आवत्ता समाणी हरिवासं दुहा विभयमाणी-विभयमाणी छप्पणाए सलिलासहस्सेहिं समग्गा अहे जगइ दालइत्तपच्चत्थियेणं लवणसमुद्दं समप्येइ हरिकंता णं

महानई पवहे पणवीसं जोयणाईं विक्खंभेणं अद्धजोयणं उव्वेहेणं तयणंतरं च णं मायाए-मायाए परियइद्धमाणी-परिचइद्धमाणा मुहमूले अइद्धाइजाईं जोयणसयाईं विक्खंभेणं पंच जोयणाईं उव्वेहेणं उभओ पासिं दोहिं पउमवरवेइयाहिं दोहि य वणसंडेहिं संपरिक्खिता । ८१।४०

(१३६) महाहिमवंते णं भंते वासहरपव्वए कइ कूडा पन्नता गोयमा अद्ध कूडा पन्नता तं जहा-सिन्द्रायतणकूडे महाहिमवंतकूडे हेवमयकूडे रोहियकूडे हरिकूडे हरिकंताकूडे हरियासकूडे वेरुलियकूडे एवं चुल्लहिमवंतकूडाणं जा वत्तव्वया सञ्चव नेयव्वा से केणट्टेणं भंते एवं वुच्चइ-महाहिमवंते वासहरपव्वए महाहिमवंते वासहरपव्वए गोयमा महाहिमवंते णं वासहरपव्वए चुल्लहिमवंते वासहरपव्वयं पणिहाय आयापुच्चतुव्वेहं-विक्खंभ-परिक्खेवेणं महंततराए चेव दीह-तराए चेव महाहिमवंते यत्थ देवे महिइदीए जाव पत्तिओवमड्डिईए परिवसइ । ८२।४१

(१३७) कहिं णं भंते जंबुद्वीवे दीवे हरिवासे नामं वासे पन्नते गोयमा निसहस्स वासहर-पव्वयस्स दक्खिणेणं महाहिमवंतस्स वासहरपव्वयस्स उत्तरेणं पुरत्थिमलवणसमुद्दस्स पच्चत्थि-मेणं पच्चत्थिमलवणसमुद्दस्स पुरत्थिमेणं एत्थ णं जंबुद्वीवे दीवे हरिवासे नामं वासे पन्नते एवं जाव पच्चत्थिमिल्लाए कोडीए पच्चत्थिमिल्लं लवणसमुद्दं पुट्टे अद्ध जोयणसहस्साईं चत्तारि य एगवीसे जोयणसए एगं च एगुणवीसइभागं जोयणस्स विक्खंभेणं तस्स बाहा पुरत्थिमपच्चत्थिमेणं तेरस जोयणसहस्साईं तिण्णि य एगसट्ठे जोयणसए छच्च एगुणवीसइभाए जोयणस्स अद्धभागं च आयामेणं तस्स जीवा उत्तरेणं पाईणपडीणायया दुहा लवणसमुद्दं पुट्टा-पुरत्थिमिल्लाए कोडीए पुरत्थिमिल्लं जाव लवणसमुद्दं पुट्टा तेवत्तारिं जोयणसहस्साईं नव य एगुत्तरे जोयणसए सत्तरस य एगुणवीसइभाए जोयणस्स अद्धभागं च आयामेणं तस्स धणुं दाहिणेणं चउरासीईं जोयणसहस्साईं सोलसजोयणाईं चत्तारि एगुणवीसइभाए जोयणस्स परिक्खेवेणं हरिवासस्स णं भंते वासस्स केरि-सए आगारमावपडोआरे पन्नते गोयमा बहुमरमणिञ्जे भूमिभागे पन्नते जाव मणीहिं तणेहिं च उवसोभिए एवं मणीणं तणाणं य वण्णो गंधो फासो सद्दो य भाणियव्वो हरिवासे णं वासे तत्थ-तत्थ देसे तहिं-तहिं बहवे खुट्ठा खुट्ठियाओ एवं जो सुसमाए अनुभावो सो चेव अपरिसेसो वत्तव्वो कहिं णं भंते हरिवासे वासे वियडावई नामं वट्ठेयइद्धपव्वए पन्नते गोयमा हरीए महानईए पच्चत्थिमेणं हरिकंताए महानईए पुरत्थिमेणं हरिवासस्स वासस्स बहुमज्झदेसभाए एत्थ णं वियडावई नामं वट्ठेयइद्धपव्वए पन्नते एवं जो चेव सद्दावइस्स विक्खंभुच्चतुव्वेह-परिक्खेव-संठाण-वण्णावासो य सो चेव वियडावइस्सवि भाणियव्वो नवरं-अरुणो देवो पउमाइं जाव वियडावइवण्णाभाइं अरुणे यत्थ देवे महिइदीए एवं जाव दाहिणेणं रायहाणी नेयव्वा से केणट्टेणं भंते एवं वुच्चइ-हरिवासे वासे हरिवासे वासे गोयमा हरिवासे णं वासे मज्जया अरुणा अरुणोभासा सेया णं संखत्तलसण्णिकासा हरिवासे देवे महिइदीए जाव पत्तिओवमड्डिईए परिवसइ से तेणट्टेणं गोयमा एवं वुच्चइ० । ८३।४२

(१३८) कहिं णं भंते जंबुद्वीवे दीवे निसहे नामं वासहरपव्वए पन्नते गोयमा महाविदेहस्स वासस्स दक्खिणेणं हरिवासस्स उत्तरेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरत्थिमेणं एत्थ णं जंबुद्वीवे दीवे निसहे नामं वासहरपव्वए पन्नते-पाईणपडीणायए उदीणदाहिण-विच्छिण्णे दुहा लवणसमुद्दं पुट्टे-पुरत्थिमिल्लाए जाव पुट्टे चत्तारि जोयणसयाईं उइद्धं उच्चतेणं चत्तारि गाउयसयाईं उव्वेहेणं सोलस जोयणसहस्साईं अट्ठ य बायाले जोयणसए दोण्णि य एगुणवीसइभाए जोयणस्स विक्खंभेणं तस्स बाहा पुरत्थिमपच्चत्थिमेणं वीसं जोयणसहस्साईं एगं च पन्नइं जोयणसयं

दुष्णि य एगूणवीसइभाए जोयणस्स अद्धभागं च आयामेणं तस्स जीवा उत्तरेणं जाव घउणवइं
जोयणसहस्साइं एणं च छप्पन्नं जोयणसयं दुष्णि य एगूणवीसइभाए जोयणस्स आयामेणं तस्स धणुं
दाहिणेणं एणं जोयणसयसहस्सं चउवीसं च जोयण- सहस्साइं तिष्णि य छायाले जोयणसए नव य
एगूणवीसइभाए जोयणस्स परिकखेवेणं रुयगसंठाणसंठिए सव्वतवणिज्जमए अच्छे उभओ पारिं
दोहिं पउमवरवेइयाहिं दोहि य वणसंडेहिं सव्वओ समंता संपरिक्खित्ते निसहस्स णं वाहस-
रपव्वयस्स उप्पिं बहुसमरमणिज्जे भूमिभागे जाव आसयति सयति तस्स णं बहुसमरमणिज्जस्स
भूमिभागस्स बहुमज्झदेसभाए एत्थ णं महं एगे तिग्गिच्छिदहे नामं दहे पत्रते-पाईणपडीणायए
उदीणदाहिणविच्छिण्णे चत्तारि जोयणसहस्साइं आयामेणं दो जोयणसहस्साइं विक्खंभेणं दस
जोयणाइं उव्वेहेणं अच्छे सण्हे रययामयकूले तस्स णं तिग्गिच्छिदहस्स चउहिंसिं चत्तारि तिसो-
वाणपडिरुवगा पत्रता एवं जाव आयाम-विकखंभविहूणा जञ्जेव महापउमइहस्स वत्तव्वया सञ्जेव
तिग्गिच्छिदहस्सवि वत्तव्वया तं घेव पउमइहप्पमाणं अट्ठो जाव तिग्गिच्छिवण्णाइं धिई यत्थ देवी
पलिओवमट्ठिईया परिवसइ से तेण्णेणं गोयमा एवं बुच्चइ-तिग्गिच्छिदहे-तिग्गिच्छिदहे । ८४-८३

(१३९) तस्स णं तिग्गिच्छिदहस्स दक्खिणिल्लेणं तोरणेणं हरिमहानई पयूढा समाणी सत्त
जोयणसहस्साइं चत्तारि य एकवीसे जोयणसए एणं च एगूणवीसइभागं जोयणस्स दाहिणाभिमुही
पव्वएणं गंता महया घडमुहपवत्तिएणं मुत्तावलिहारसंठिएणं साइरेग-चउजोयणसइएणं पवाएणं
पवडइ एवं जा घेव हरिकंताए वत्तव्वया सा घेव इरीएवि नेयव्वा-जिब्बियाए कुंडस्स दीवस्स
भवणस्स तं घेव पमाणं अट्ठोवि भाणियव्वो जाव अहे जगइं दालइत्ता छप्पण्णाए सलिलासहस्सेहिं
समग्गा पुरत्थिमं लवणसमुद्धं समप्पेइ तं घेव पवहे य मुहमूले य पमाणं उव्वेहो य जो हरिकंताए जाव
वणसंडसंपरिक्खत्ता तस्स णं तिग्गिच्छिदहस्स उत्तरिल्लेणं तोरणेणं सीतोदा महानई पयूढा समाणी सत्त
जोयणसहस्साइं चत्तारि य एगवीसे जोयणसए एणं च एगूणवीसइभागं जोयणस्स उत्तराभिमुही
पव्वएणं गंता महया घडमुहपवत्तिएणं मुत्तावलिहारसंठिएणं साइरेग-चउजोयणसइएणं पवाएणं
पवडइ सीतोदा णं महानई जओ पवडइ एत्थ णं महं एगा जिब्बिया पत्रता-चत्तारि जोयणाइं
आयामेणं पत्रासं जोयणाइं विक्खंभेणं जोयणं बाहल्लेणं मगरमुहविउट्टसंठाणसंठिया सव्ववइरामई
अच्छा सीतोदा णं महानई जहिं पवडइ एत्थ णं महं एगे सीओदप्पवायकुंडे नामं कुंडे पत्रते-चत्तारि
असीए जोयणसए आयाम-विकखंभेणं पत्ररसअट्टारे जोयणसए किंचिविसेसूणे परिकखेवेणं अच्छे
एवं कुंडवत्तव्वया नेयव्वा जाव तोरणा तस्स णं सीओदप्पवायकुंडस्स बहुमज्झदेसभाए एत्थ णं महं
एगे सीओदा दीवे नामं दीवे पत्रते-चउसट्ठिं जोयणाइं आयामं-विकखंभेणं दोष्णि बिउत्तरे जोयण-
सए परिकखेवेणं दो कोसे ऊसिए जलंताओ सव्ववइरामए अच्छे सेसं तमेवं वेइया-वणसंड-
भूमिभाग-भवण-सयणिज्ज-अट्ठो य भाणियव्वो तस्स णं सीओदप्पवायकुंडस्स उत्तरिल्लेणं तोरणेणं
सीओदा महानई पयूढा समाणी देवकुरं एज्जेमाणी-एज्जेमाणी चित्तवित्तकूडे पव्वए निसद-
देवकुर-सूरसुलस-विज्जुप्पमइहे य दुहा विभयमाणी-विभयमाणी चउरासीए सलिलास- हरसेहिं
आपूरेमाणी-आपूरेमाणी भइसालवणं एज्जेमाणी-एज्जेमाणी मंदरं पव्वयं दोहिं जोयणेहिं असंपत्ता
पच्चत्थिमाभिमुही आषत्ता समाणी अहे विज्जुप्पमं वक्खारपव्वयं दालइत्ता मंदरस्स पव्वयस्स
पच्चत्थिमेणं अवरविदेहं वासं दुहा विभयमाणी-विभयमाणी एगमेगाओ चक्कवइविज्जयाओ
अट्ठावीसाए-अट्ठावीसाए सलिलासहस्सेहिं आपूरेमाणी-आपूरेमाणी पंचहिं सलिलासय- सहस्सेहिं

दुतीसाए य सलिलासहस्सेहिं समागा अहे जयंतस्स दारस्स जगइं दालइत्ता पच्चत्थिमेणं लवणसमुहं समप्येति सीतोदा णं महानई पवहे पत्रासं जोयणाइं विक्खंभेणं जोयणं उव्वेहेणं तयणंतरं च णं मायाए-मायाए परिवइड्ढमाणी-परिवइड्ढमाणी मुहमूले पंच जोयणसयाइं विक्खंभेणं दस जोयणाइं उव्वेहेणं उमओ पासिं दोहिं पउमवरवेइयाहिं दोहिं य वणसंडेहिं संपरिक्खित्ता निसडे णं भंते वासहरपव्वए कति कूडा पत्रत्ता गोयमा नव कूडा पत्रत्ता तं जहा-सिञ्जायतणकूडे निसड्ढकूडे हरिवासकूडे पुव्वविदेहकूडे हरिकूडे धिइकूडे सीओदाकूडे अवरविदेहकूडे रुयगकूडे जो चेव चुल्लहिबवंतकूडाणं उच्चत्त-विक्खंभ-परिक्खेवो य पुव्ववग्णिओ रायहाणी य सञ्जेव इहंपि नेयव्वा से केणट्ठेणं भंते एवं वुच्चइ-निसहे वासहरपव्वए निसहे वासहरपव्वए गोयमा निसहे णं वासहर-पव्वए बहवे कूडा निसहसंठाणसंठिया उसभसंठाणसंठिया निसहे यत्थ देवे महिइटीए जाव पलि-ओवमड्डिईए परिवसइ से तेणट्ठेणं गोयमा एवं वुच्चइ०।८५।-६४

(१४०) कहि णं भंते जंबुद्वीवे दीवे महा विदेहे नामं वासे पत्रत्ते गोयमा नीलवंतस्स वासहरपव्वयस्स दक्खिणेणं निसहस्स वासहरपव्वयस्स उत्तरेणं पुरत्थिमलवण समुहस्स पच्चत्थि-मेणं पच्चत्थिमलवणसमुहस्स पुरत्थिमेणं एत्थ णं जंबुद्वीवे दीवे महाविदेहे नामं वासे पत्रत्ते-पाईणपडीणायाए उदीणदाहिणविच्छिण्णे पलियंकसंठाणसंठिए दुहा लवणसमुहं पुट्ठे-पुरत्थिमिल्लाए जाव पुट्ठे पच्चत्थिमिल्लाए कोडीए पच्चत्थिमिल्लं लवणसमुहं पुट्ठे तितीसं जोयणसहस्साइं छब्ब चुलसीए जोयणसए चत्तारि य एगुणवीसइभाए जोयणस्स विक्खंभेणं तस्स बाहा पुरत्थिमपच्चत्थिमेणं तेत्तीसं जोयणसहस्साइं सत्त य सत्तसट्ठे जोयणसए सत्त य एगुणवीसइभाए जोयणस्स आयामेणं तस्स जीवा बहुमज्झदेसभाए पाईणपडीणायाया दुहा लवणसमुहं पुट्ठा-पुरत्थिमिल्लाए कोडीए पुरत्थिमिल्लं लवणसमुहं पुट्ठा एवं पच्चत्थिमिल्लाए जाव पुट्ठा एगं जोयण- सयसहस्सं आयामेणं तस्स धणुं धणुपट्ठं उभओ पासिं उत्तरदाहिणेणं एगं जोयणसयसहस्सं अट्ठा- वणं जोयणसहस्साइं एगं च तेरसुत्तरं जोयणसयं सोलस य एगुणवीसइभागे जोयणस्स किंचिविसेसाहिए परिक्खेवेषं महाविदेहे णं वासे चउव्विहे चउपडोयारे पत्रत्ते तं जहा-पुव्वविदेहे अवरविदेहे देवकुरा उत्तरकुरा महाविदेहस्स णं भंते वासस्स केरिसए आगारभावपडोयारे पत्रत्ते गोयमा बहुसमरमणिञ्जे भूमिभागे पत्रत्ते जाव कत्तिमेहिं चेव अकत्तिमेहिं चेव महाविदेहे णं भंते वासे मणुयाणं केरिसए आगारभावपडोयारे पत्रत्ते गोयमा तेसिं णं मणुयाणं छव्विहे संघयणे छव्विहे संठाणे पंचधणुसयाइं उइडं उच्चतेणं जहण्णेणं अंतोमुहुत्तं उक्कोसेणं पुव्वकोडी आउयं पालेति पालेत्ता अप्पेगइया निरयगामी जाव अप्पेगइया सिञ्जाति जाव अंतं करेति से केणट्ठेणं भंते एवं वुच्चइ-महाविदेहे वासे महाविदेह वासे गोयमा महाविदेहे णं वासे भरहेवरव-हेमवय-हेरणवय-हरिवास-रम्मगवासेहिंतो आयाम-विक्खंभ-संठाण-परिणाहेणं विच्छिण्णतराए चेव विपुलतराए चेव महंततराए चेव सुयमाणतराए चेव महाविदेहा यत्थ मणुसा परिवसंति महाविदेहे यत्थ देवे महिइटीए जाव पलिओवमड्डिईए परिवसइ से तेणट्ठेणं गोयमा एवं वुच्चइ-महाविदेहेवासे महाविदेहे वासे अदुत्तरं च णं गोयमा महाविदेहस्स वासस्स सासए नामधेजे पत्रत्ते-जं न कयाइ नासि न कयाइ नत्थि न कयाइ न भविस्सइ भुवि च भवइ य भविस्सइ य धुवे नियए सासए अक्खए अव्वए अवट्ठिए निच्चे ।८६।-६६

(१४१) कहि णं भंते महाविदेहे वासे गंधमायणे नामं वक्खारपव्वए पत्रत्ता गोयमा नीलवंतस्स वासहरपव्वयस्स दाहिणेणं मंदरस्स पव्वयस्स उत्तरपच्चत्थिमेणं गंधिलावइस्स विजयस्स

पुरत्थिमेणं उत्तरकुराए पच्चत्थिमेणं एत्थ णं महाविदेहे वासे गंधमाणे नामं वक्खारपव्वए पत्रत्ते-
उत्तरदाहिणायए पाईणपडीणविच्छिण्णे तीसं जौयणसहस्साइं दुण्णि य नउत्तरे जौयणसए छच्च य
एगूणवीसइमाए जौयणस्स आयामेणं नीलवंतवासहरपव्वयंतेणं चत्तारि जौयणसयाइं उइढं
उच्चतेणं चत्तारि गाउयसयाइं उव्वेहेणं पंच जौयणसयाइं विक्खंभेणं तयणंतरं च णं मायाए-मायाए
उस्सेहुव्वेहपरिवुइढीए परिवइढमाणे-परिवइढमाणे विक्खंभपरिहाणीए परिहायमाणे-परिहाय-
माणे मंदरपव्वयंतेणं पंच जौयणसयाइं उइढं उच्चतेणं पंच गाउयसयाइं उव्वेहेणं अंगुलस्स
असंखेज्जइमागं विक्खंभेणं पत्रत्ते-गयदंतसंठाणसंठिए सव्वरयणामए अच्छे उभओ पासिं दोहिं
पउम- वरवेइयाहिं दोहि य वणसंडेहिं सव्वओ समंता संपरिकिच्चत्ते गंधमायणस्स णं वक्खार-
पव्वयस्स उथिं बहुसमरमणिजे भूमिभागे जाव आसयंति, गंधमायणे णं वक्खारपव्वए कति कूडा
पत्रत्ता गोयमा सत्त कूडा पत्रत्ता तं जहा-सिद्धायतणकूडे गंधमायणकूडे गंधिलावइकूडे उत्तर-
कुरुकूडे फलिहकूडे लोहियव्वकूडे आणंदकूडे कहि णं भंते गंधमायणे वक्खारपव्वए सिद्धाय-
तणकूडे नामं कूडे पत्रत्ते गोयमा मंदरस्स पव्वयस्स उत्तरपच्चत्थिमेणं गंधमायणकूडस्स दाहिण-
पुरत्थिमेणं एत्थ णं गंधमायणे वक्खारपव्वए सिद्धायतणकूडे नामं कूडे पत्रत्ते जं चैव चुल्लहिमवंते
सिद्धायतणकूडस्स पमाणं तं चैव एएसिं सव्वेसिं भाणियव्वं एवं चैव विदिसाहिं तिण्णि कूडा
माणियव्वा चउत्थे ततियस्स उत्तरपच्चत्थिमेणं पंचमस्स दाहिणेणं सेसा उत्तरदाहिणेणं फलिह-
लोहियक्खेसु भोगंकर-भोगवईओ दो देवयाओ सेसेसु सरिसणामया देवा छसुवि पासायवडंसंगा
रायहाणीओ विदिसासु से केणट्टेणं भंते एवं वुच्चइ-गंधमायणे वक्खारपव्वए गंधमायणे वक्खा-
रपव्वए गोयमा गंधमायणस्स णं वक्खारपव्वयस्स गंधे से जहानामए-कोट्टुपुडाण वा जाव
पीसिज्जमाणेण वा उक्किरिज्जमाणेण वा विकिरिज्जमाणेण वा परिभुज्जमाणेण वा [भंडाओ भंडं
साहरिज्जमाणेण] ओराला मणुण्णा जाव गंधा अभिणिसयंति भवे एयारूवे नो इणट्टे समट्टे
गंधमायणस्स णं एत्तो इड्डतराए चैव जाव गंधे पत्रत्ते से एएणट्टेणं गोयमा एवं वुच्चइ-गंधमायणे
वक्खारपव्वए-गंधमायणे वक्खारपव्वए, गंधमायणे य इत्थ देवे महिइढीए परिवसइ अदुत्तरं व णं
सासए नामधेजे ।८७।-८६

(१४२) कहि णं भंते महाविदेहे वासे उत्तरकुरा नामं कुरा पत्रत्ता गोयमा मंदरस्स पव्वयस्स
उत्तरेणं नीलवंतस्स वासहरपव्वयस्स दक्खिणेणं गंधमायणस्स वक्खारपव्वयस्स पुरत्थिमेणं
मालवंतस्स पच्चत्थिमेणं एत्थ णं उत्तरकुरा नामं कुरा पत्रत्ता-पाईणपडीणायया उदीणदाहिणवि-
च्छिण्णा अद्धचंदसंठाणसंठिया एककारस जौयणसहस्साइं अट्ट य बायाले जौयणसए दोण्णि य
एगूणवीसइमाए जौयणस्स विक्खंभेणं तीसे जीया उत्तरेणं पाईणपडीणायया दुहा वक्खारपव्वयं
पुट्टा तं जहा-पुरत्थिमिज्जाए कोडीए पुरत्थिमिज्जं वक्खारपव्वयं पुट्टा पच्चत्थिमिज्जाए कोडीए
पच्चत्थिमिज्जं वक्खारपव्वयं पुट्टा तेवण्णं जौयणसहस्साइं आयामेणं तीसे णं धणुं धणुपट्टं दाहिणेणं
सद्धिं जौयणसहस्साइं चत्तारि य अट्टारसे जौयणसए दुवालस य एगूणवीसइमाए जौयणस्स
परिक्खेवेणं उत्तरकुराए भंते कुराए केरिसए आगारभावपडोयारे पत्रत्ते गोयमा बहुसमरमणिजे
भूमिभागे पत्रत्ते एवं पुव्ववण्णिया जच्चैव सुसमसुसभावत्तव्वया सच्चैव नेयव्वा जाव पण्णगंधा
मियगंधा अममा सहा तेतली सणिच्चारी ।८८।-८७

(१४३) कहि णं भंते उत्तरकुराए जमगा नामं दुवे पव्वया पत्रत्ता गोयमा नीलवंतस्स

यासहरपव्वयस्स दक्खिणिस्साओ चरिमंताओ अद्दजोयणसए चोत्तीसे चत्तारि य सत्तभाए जोयणस्स अबाहाए सीयाए महानईए पुरत्थिम-पच्चत्थिमेणं उमओ कूले एत्थ णं जमगा नामं दुवे पव्वया पन्नत्ता-जोयणसहस्सं उड्ढं उच्चतेणं अड्ढाइज्जाइं जोयणसयाइं उव्वेहेणं मूले एगं जोयणसहस्सं आयाम-विकखंभेणं मज्झे अद्दकुमाणि जोयणसयाइं आयाम-विकखंभेणं उवरिं पंच जोयणसयाइं आयाम-विकखंभेणं मूले तिण्णि जोयणसहस्साइं एगं च बावट्टं जोयणसयं किंचिविसेसाहियं परिकखेवेणं मज्झे दो जोयणसहस्साइं तिण्णि य बावत्तरे जोयणसए किंचिविसेसाहिए परिकखेवेणं उवरिं एगं जोयणसहस्सं पंच य एकासीए जोयणसए किंचिविसेसाहिए परिकखेवेणं मूले विच्छिण्णा मज्झे संखित्ता उप्पि तणुया गोपुच्छसंठाणसंठिया जमगसंठाणसंठिया सव्वकणगामया अच्चा सण्हा पत्तेयं पत्तेयं पउमवरवेइयापरिक्खित्ता पत्तेयं-पत्तेयं वणसंडपरिक्खित्ता तओ णं पउमवरवेइयाओ दो गाउयाइं उड्ढं उच्चतेणं पंच धणुसयाइं विकखंभेणं वेइयावणसंडवण्णाओ भाणियव्वो तेसि णं जमगपव्वयाणं उप्पि बहुसमरमणिजे भूमिभागे पन्नत्ते जाव-त्तस्स णं बहुसमरमणिज्जस्स भूमिभागस्स बहुमज्जदेसयाए एत्थ णं दुवे पासायवडेंसगा पन्नत्ता ते णं पासायव- डेंसगा वावट्टि जोयणाइं अद्दजोयणं च उड्ढं उच्चतेणं एककतीसं जोयणाइं कोसं च आयाम-विकखंभेणं पासायवण्णओ भाणियव्वो सीहासणा सपरिवारा जाव एत्थ णं जमगाणं देवाणं सोलसण्हं आया-रक्खदेवसाहस्सीणं सोलस भद्दासणासाहस्सीओ पन्नत्ताओ से केणट्टेणं भंते एवं वुच्चइ-जमगा पव्वया जमगा पव्वया गोयमा जमगपव्वएसु णं तत्थ-तत्थ देसे तहिं-तहिं खुड्डा- खुड्डियासु वावीसु जाव बिलपंतियासु बहवे उप्पलाइं जाव जमगवण्णाभाइं जमगा य एत्थ दुवे देवा महिड्ढीया ते णं तत्थ घउण्हं सामाणियसाहस्सीणं जाव भुंजमाणिविहरंति से तेणट्टेणं गोयमा एवं वुच्चइ-जमगपव्वया-जमगपव्वया अदुत्तरं च णं सासए नामथेजे जाव जमगपव्वया-जमगपव्वया कहिं णं भंते जमगाणं देवाणं जमगाओ रायहाणीओ पन्नत्ताओ गोयमा जंबुद्वीवे दीवे मंदरस्स पव्वयस्स उत्तरेणं अण्णंमि जंबुद्वीवे दीवे बारस जोयणसहस्साइं ओगाहित्ता एत्थ णं जमगाणं देयाणं जमगाओ रायहाणीओ पन्नत्ताओ-बारस जोयणसहस्साइं आयाम-विकखंभेणं सत्ततीसं जोयण- सहस्साइं नव य अड्याले जोयणसए किंचिविसेसाहिए परिकखेवेणं पत्तेयंपत्तेयं पागारपरिक्खित्ता ते णं पागारा सत्ततीसं जोयणाइं अद्दजोयणं च उड्ढं उच्चतेणं मूले अद्दत्तरेस जोयणाइं विकखंभेणं मज्झे छस्सकोसाइं जोयणाइं विकखंभेणं उवरिं तिण्णि सअद्दकोसाइं जोयणाइं विकखंभेणं मूले विच्छिण्णा मज्झे संखित्ता उप्पि तणुया बाहिं वुड्डा अंतो चउरंसा सव्वरयणामया अच्चा ते णं पागारा नाणामणि-पंचवण्णेहिं कविसीसएहिं उवसोहिया तं जहा-किण्णेहिं जाव सुक्किक्केहिं ते णं कविसीसगा अद्दकोसं आयामेणं देसूणं अद्दकोसं उड्ढं उच्चतेणं पंच धणुसयाइं बाहलेणं सव्वमणिमया अच्चा जमगाणं रायहाणीणं एगमेगाए बाहाए पणवीसं-पणवीसं दारसयं पन्नत्तं ते णं दारा बावट्टिं जोयणाइं अद्दजोयणं च उड्ढं उच्चतेणं एककतीसं जोयणाइं कोसं च विकखंभेणं तावइयं चेव पवेसेणं सेया चरकणगूभियागा एवं रायप्पसेणइज्जविमाणवत्तव्वयाए दारवण्णओ जाव अद्दट्टमंगलगाइं जमयाणं रायहाणीणं चउट्टसिं पंच-पंच जोयणसए अबाहाए चत्तारि वणसंडा पन्नत्ता तं जहा-असोगवणे सत्तिवण्णवणे घंपगवणे चूयवणे ते णं वणसंडा साइरेगाइं बारसजोयणसहस्साइं आयामेणं पंच जोयणसयाइं विकखंभेणं पत्तेयं-पत्तेयं पागाररिक्खित्ता किण्हा वणसंडवण्णओ भूमीओ पासाय-वडेंसगा य भाणियव्वा जमगाणं रायहाणीणं अंतो बहुसमरमणिजे भूमिभागे पन्नत्ते वण्णो तेसि णं

बहुसमरमणिज्ञानं भूमिभागानं बहुमज्जदेसभाए एत्थ णं दुवे उवयारियालयणा पन्नता-भारस जोयणसयाइं आयाम-विकखंभेणं तिण्णि जोयण-सहस्साइं सत्त य पंचणउए जोयणसए परिक्खे-
 देणं अद्धकोसं च बाहल्लेणं सव्वजंबूणयामया अच्चा पत्तेयं-पत्तेयं पउमवरवेइयापरिक्खित्ता पत्तेयं-
 पत्तेयं वणसंडवण्णओ भाणियव्वो तिसोवाणपडिरूवगा तोरणा चउद्दिसिं भूमिभागो य भाणियव्वो
 तस्स णं बहुमज्जदेसभाए एत्थ णं एगे पासायवडेंसए पन्नते दुवे पासायवडेंसया पन्नता -बावडिं
 जोयणाइं अद्धजोयणं च उद्धं उच्चत्तेणं एकक्तीसं जोयणाइं कोसं च आयाम-विकखंभेणं वण्णओ
 उल्लोया भूमिभागा सीसासणा सपरिवारा एवं पासायपंतीओ-एक्क्तीसं जोयणाइं कोसं च उद्धं
 उच्चत्तेणं साइरेगाइं अद्धसोलस-जोयणाइं आयाम-विकखंभेणं विइपासायपंती-ते णं पासायवडेंसया
 साइरेगाइं अद्धसोलसजोयणाइं उद्धं उच्चत्तेणं साइरेगाइं अद्धइमाइं जोयणाइं आयाम-विकखंभेणं
 तइयपासायपंती-ते णं पासायवडेंसया साइरेगाइं अद्धइमाइं जोयणाइं उद्धं उच्चत्तेणं साइरेगाइं
 अद्धइजोयणाइं आयाम-विकखंभेणं वण्णओ सीहासणा सपरिवारा तेसि णं मूलपासायवडेंसयाणं
 उत्तरपुरत्थिम दिसीभाए एत्थ णं जमगाणं देवाणं सभाओ सुहम्माओ पन्नताओ-अद्धतेरस जोयणाइं
 आयामेणं छस्सकोसाइं जोयणाइं विकखंभेणं नव जोयणाइं उद्धं उच्चत्तेणं अणेगसयसण्णिविद्धा
 समावण्णओ तासि णं समाणं सुहम्माणं तिदिसिं तओ दारा पन्नता ते णं दारा दो जोयणाइं उद्धं
 उच्चत्तेणं जोयणं विकखंभेणं तावइयं चेव पदेसेणं सेया वण्णओ जाव वणपाला तेसि णं दाराणं
 पुरओ पत्तेयं-पत्तेयं तओ मुहमंडवा पन्नता ते णं मुहमंडवा अद्धतेरसजोयणाइं आयामेणं छस्स-
 कोसाइं जोयणाइं विकखंभेणं साइरेगाइं दो जोयणाइं उद्धं उच्चत्तेणं जाव दारा भूमिभागा य पेच्छा-
 घरमंडवाणं तं चेव पमाणं भूमिभागो मणिपेडियाओ ताओ णं मणिपेडियाओ जोयणं आयाम-
 विकखंभेणं अद्धजोयणं बाहल्लेणं सव्वमणिमईओ सीहासणा भाणियव्वा तेसि णं पेच्छाघरमंडवाणं
 पुरओ मणिपेडियाओ पन्नताओ ताओ णं मणिपेडियाओ दो जोयणाइं आयाम-विकखंभेणं जोयणं
 बाहल्लेणं सव्वमणिमईओ तासि णं उण्णि पत्तेयं-पत्तेयं दूभा पन्नता ते णं दूभा दो जोयणाइं उद्धं
 उच्चत्तेणं दो जोयणाइं आयाम-विकखंभेणं सेया संखत्तलथिमल-निम्मल-दधिघण-गोखीर-फेण-
 रवणिगरप्पगासा जाव अद्धइमं- गलया तेसि णं दूमाणं चउद्दिसिं वत्तारि मणिपेडियाओ पन्नताओ
 ताओ णं मणिपेडियाओ जोयणं आयाम-विकखंभेणं अद्धजोयणं बाहल्लेणं जिनपडिमाओ
 वत्तव्वाओ चेइयरुक्खाणं मणिपेडियाओ दो जोयणाइं आयाम-विकखंभेणं जोयणं बाहल्लेणं
 चेइयरुक्खवण्णओ तेसि णं चेइयरुक्खाणं पुरओ तओ मणिपेडियाओ पन्नताओ ताओ णं
 मणिपेडियाओ जोयणं आयाम-विकखंभेणं अद्धजोयणं बाहल्लेणं तासि णं उण्णि पत्तेयं-पत्तेयं
 महिंदज्जया पन्नता ते णं अद्धइमाइं जोयणाइं उद्धं उच्चत्तेणं अद्धकोसं उव्वेहेणं अद्धकोसं
 वइरामय-वट्टलट्टसंठिय-सुसिलिद्ध-परिघट्टमट्टसुपतिट्ट वण्णओ वेइगा-वणसंड-तिसोवण-तोरणा य
 भाणियव्वा तासि णं समाणं सुहम्माणं छब्ब मणोगुलियासाहस्सीओ पन्नताओ तं जहा-पुरत्थिमेणं दो
 साहस्सीओ पन्नताओ पच्चत्थिमेणं दो साहस्सीओ दाहिणेणं एगा साहस्सी उत्तरेणं एगा जाव दामा
 चिडंति एवं गोमाणसियाओ नवरं-घवधडियाओ तासि णं सुधम्माणं समाणं अंतो बहुसमरमणिजे
 भूमिभागे पन्नते मणिपेडिया दो जोयणाइं आयाम-विकखंभेणं जोयणं बाहल्लेणं तासि णं मणि-
 पेडियाणं उण्णि माणवए चेइयखंभे महिंदज्जपयप्पमाणे उव्वरिं छक्कोसे ओगाहिता हेट्ठा छक्कोसे
 वज्जित्ता जिजसकहाओ पन्नताओ माणवगास्स पुव्वेणं सीहासणा सपरिवारा पच्चत्थिमेणं सयणिजा

वण्णओ सयणिज्जाणं उत्तरपुरत्थिमे दिसिभाए खुड्डुगमहिंदज्झया मणिपेट्टियाविहूणा महिंदज्झयप्प-
माणा तैसिं अवरेणं चोप्पाला पहरणकोसा तत्थ णं बहवे फलिहरयणपामोक्खा जाव चिट्ठंति
सुहम्मणं उप्पि अट्टट्टमंगलगा तासिं णं उत्तरपुरत्थिमेणं सिद्धायतण्णा एसेव जिनघराणवि गमो नवरं-
इमं नाणत्तं-एतेसिं णं बहुमज्झदेसभाए पत्तेयं-पत्तेयं मणिपेट्टियाओ दो जोयणाइं आयाम-विकखंभेणं
जोयणं बाहल्लेणं तासिं उप्पि पत्तेयं-पत्तेयं देवच्छंदया पत्रत्ता-दो जोयणाइं आयाम-विकखंभेणं साइ-
रेगाइं दो जोयणाइं उड्डं उच्चत्तेणं सव्वरयणामया जिनपडिमा वण्णओ जाव धूयकडुच्चुगा एवं चेव
अवसेसाणवि सत्ताणं जाव उववायसभाए सयणिज्जं हरओ य अभिसेयसभाए बहू अभिसेक्के मंडे
अलंकारियसभाए थहू अलंकारियमंडे चिट्ठइ ववसायसभासु पोत्थयरयणा नंदा पुक्खरिणीओ
बलिपेट्ठा दो जोयणाइं आयाम-विकखंभेणं जोयणं बाहल्लेणं [जाव] ।८९।-८८

(१४४) उववाओ संकप्पो अभिसेय विहूणणा य ववसाओ
अच्चणियसुधम्मगमो जहा य परिवारणाइइही ॥४३॥-१

(१४५) जावइयंमि पमाणंमि हुंति जमगाओ नीलवंताओ
तावइयमंतरं खलु जमगदहाणं दहाणं च ॥४३॥-२

(१४६) कहिं णं मंते उत्तरकुराए कुराए नीलवंतदहे नामं दहे गोयमा जमगाणं दक्खिणि-
ज्जाओ चरिंमंताओ अट्टसए चोत्तीसे चत्तारि य सत्ताभाए जोयणस्स अबाहाए सीयाए महानईए
बहुमज्झदेसभाए एत्थ णं नीलवंतदहे दाहिणउत्तरायए पाईणपडीणविच्छिण्णे जहेव पउमदहे तहेव
वण्णओ नेयव्वो नाणत्तं-दोहिं पउमवरवेइयाहिं दोहिं य वणसंडेहिं संपरिक्खित्ते नीलवंते नामं
नागकुमारे देवे सेसं तं चेव नेयव्वं, नीलवंतदहस्स पुज्जावरे पासे दस दस जोयणाइं अबाहाए एत्थ णं
वीसं कंचणगपव्वया एणं जोयणसयं उड्डं उच्चत्तेणं ।९०-१।-८९-१

(१४७) मूलंमि जोयणसयं पत्रत्तरि जोयणाइं मज्झंमि
उवरितले कंचणगा पत्रासं जोयणा हुंति ॥४४॥-१

(१४८) मूलंमि तिण्णि सौले सत्तात्तीसाइं दुण्णि मज्झंमि
अट्टावण्णं च सयं उवरितले परिरओ होइ ॥४५॥-२

(१४९) पढमोत्थ नीलवंतो वित्तिओ उत्तरकुरू मुणेयव्वो
चंदहोत्था तइओ एरावण मालवंतो य ॥४६॥-३

(१५०) एवं वण्णओ अट्टो पमाणं पलिओवमट्ठिइया देवा ।९०।-८९

(१५१) कहिं णं मंते उत्तरकुराए कुराए जंबूपेदे नामं पेदे पत्रत्ते गोयमा नीलवंतस्स
वासहरपव्वयस्स दक्खिणेणं मंदरस्स उत्तरेणं मालवंतस्स बक्खारपव्वयस्स पच्चत्थिमेणं सीयाए
महानईए पुरत्थिमिस्से कूले एत्थ णं उत्तरकुराए कुराए जंबूपेदे नामं पेदे पत्रत्ते-पंच जोयणसयाइं
आयाम-विकखंभेणं पत्ररस एक्कासीयाइं जोयणसयाइं किंचिविसेसाहियाइं परिक्खवेणं बहुमज्झ-
देसभाए बारस जोयणाइं बाहल्लेणं तयणंतरं च णं मायाए-मायाए पदेसपरिहाणीए परिहायमाणे-
परिहायमाणे सव्वेसु णं चरिमपेरंतेसु दो-दो गाउयाइं बाहल्लेणं सव्वजंबूणयामए अच्छे से णं एगाए
पउमवरवेइयाए एणेण य वणसंडेणं सव्वओ समंता संपरिक्खित्ते दुण्हंमि वण्णओ तस्स णं जंबू
पेट्ठस्स चउद्धिसिं एए चत्तारि तिसोवाणपडिरूवगा पत्रत्ता वण्णओ जाव तोरणाइं तस्स णं जंबूपेट्ठस्स
बहुमज्झदेसभाए एत्थ णं मणिपेट्टिया पत्रत्ता-अट्ट-जोयणाइं आयाम-विकखंभेणं चत्तारि जोयणाइं
बाहल्लेणं तीसे णं मणिपेट्टियाए उप्पि एत्थ णं जंबू सुदंसणा पत्रत्ता-अट्ट जोयणाइं उड्डं उच्चत्तेणं

अद्धजोयणं उब्बहेणं तीसे णं खंधो दो जोयणाइं उब्बं उच्चतेणं अद्ध जोयणं बाहल्लेणं तीसे णं साला छ जोयणाइं उब्बं उच्चतेणं बहुमज्झदेसभाए अद्ध जोयणाइं आयाम-विकखंभेणं साइरेगाइं अद्ध जोयणाइं सच्चग्गेणं तीसे णं अयमेयारूवे वण्णादासे पन्नते-वइरामयमूल-रययसुपइड्डियविड्डिमा जाव अहियमणनिव्वुइकरी पासाईयादरिसण्णिआ अभिरूवा पडिरूवा जंबूए णं सुदंसणाए चउद्धिसिं चत्तारि साला पन्नता तेसि णं सालाणं बहुमज्झदेसभाए एत्थ णं सिद्धाययणे पन्नते-कोसं आयामेणं अद्धकोसं विकखंभेणं देसूणं कोसं उब्बं उच्चतेणं अणेगखंभसयसण्णिविडे जाव दारा पंचधणुसयाइं उब्बं उच्चतेणं जाव धणभालाओ मणिपेट्टिया पंचधणुसयाइं आयाम-विकखंभेणं अइदाइज्जाइं धणसयाइं बाहल्लेणं तीसे णं मणिपेट्टियाए उप्पि देवच्छंदए पंचधणुसयाइं आयाम-विकखंभेणं साइरेगाइं पंचधणुसयाइं उब्बं उच्चतेणं जिनपडिमा वण्णओ सच्चो नेयव्वो तत्थ णं जेसे पुरत्थिमिल्ले साले एत्थ णं भवणे पन्नते-कोसं आयामेणं एमेव नवरमित्त सयणिज्जं सेसेसु पासाय-वडेंसया सीहासणा य सपरिवारा जंबू णं दारसहिं पउमवरवेइयाहिं सच्चओ समंता संपरिकिखत्ता वेइयाणं वण्णओ जंबू णं अण्णेणं अद्धसएणं जंबूणं तदद्दुच्चत्ताणं सच्चओ समंता संपरिकिखत्ता तासि णं वण्णओ ताओ णं जंबू छहिं पउमवरवेइयाहिं संपरिकिखत्ता जंबूए णं सुदंसणाए उत्तर-पुरत्थिमेणं उत्तरेणं उत्तरपच्चत्थिमेणं एत्थ णं अणाट्टियस्स देवस्स चउण्हं सामाणियसाहस्सीणं चत्तारिजंबूसाहस्सीओ प० तीसे णं पुरत्थिमेणं चउण्हं अण्णमहिसीणं चत्तारिजंबूओ प० १९१-१-४०-१

(१५२) दक्खिणपुरत्थिमे दक्खिणेण तह अवरदक्खिणेणं च

अद्ध दस बारसेव य भवति जंबूसहस्साइं

॥४७॥-१

(१५३) अणियाहिवाण पच्चत्थिमेणं सत्तेव होति जंबूओ

सोलस साहस्सीओ चउद्धिसिं आयरक्खाणं

॥४८॥-२

(१५४) जंबूए णं तिहिं सइएहिं वणसंडेहिं सच्चओ समंता संपरिकिखत्ता जंबूए णं पुरत्थिमेणं पत्रासं जोयणाइं पढमं वणसंडं ओगाहिता एत्थ णं भवणे पन्नते-कोसं आयामेणं सो चेव वण्णओ सयणिज्जं च एवं सेसासुवि दिसासु भवणा जंबूए णं उत्तरपुरत्थिमेणं पढमं वणसंडं पत्रासं जोयणाइं ओगाहिता एत्थ णं चत्तारि पुक्खरिणीओ पन्नताओ तं जहा-पउमा पउमप्पभा कुमुदा कुमुदप्पभा ताओ णं कोसं आयामेणं अद्धकोसं विकखंभेणं पंचधणुसयाइं उब्बहेणं वण्णओ तासि णं मज्झे पासायवडेंसगा-कोसं आयामेणं अद्धकोसं विकखंभेणं देसूणं कोसं उब्बं उच्चतेणं वण्णओ सीहासणा सपरिवारा एवं सेसासु बिदिसासु-१९१-२-१०-२

(१५५) पउमा पउमप्पभा चेव कुमुदा कुमुदप्पहा

उप्पलुग्गुमा नलिणा उप्पला उप्पलुज्जला

॥४९॥-१

(१५६) भिंगा भिंगप्पभा चेव अंजणा कज्जलप्पभा

सिरिकंता सिरिमहिया सिरिचंदा चेव सिरिभिलया

॥५०॥-२

(१५७) जंबूए णं पुरत्थिमिल्लस्स भवणस्स उत्तरेणं उत्तरपुरत्थिमिल्लस्स पासायवडेंसगस्स दक्खिणेणं एत्थ णं महं एगे कूडे पन्नते-अद्ध जोयणाइं उब्बं उच्चतेणं दो जोयणाइं उब्बहेणं मूले अद्ध जोयणाइं आयाम-विकखंभेणं बहुमज्झदेसभाए छ जोयणाइं आयाम-विकखंभेणं उवारी चत्तारि जोयणाइं आयाम-विकखंभेणं-१९१-३-४०-३

(१५८) पणवीसट्टारस बारसेव मूले य मज्झमुवारी च

सविसेसाइं परिरओ कूडस्स इमस्स बोद्धव्वो

॥५१॥-१

(१५९) मूले विच्छिण्णे मज्झे संखिते उवरिं तणुए सव्वकणगामए अच्छे वेइया-वण-संडवण्णओ एवं सेसावि कूडा जंबूएणं सुदंसणाए दुवालस नामधेज्जा [तंजहा]- १५९-४१-७०-४

(१६०) सुदंसणा अमोहा य सुण्णबुद्धा जसोहरा
विदेहजंबू सोमणसा नियया निच्चमंडिया ॥५२॥-१

(१६१) सुभद्दा य विसाला य सुजाया सुमणा वि या
सुदंसणाए जंबूए नामधेज्जा दुवालस ॥५३॥-२

(१६२) जंबूए णं अट्टमंगलगा से केणट्टेणं भंते एवं बुद्ध्यइ-जंबू सुदंसणा जंबू सुदंसणा गोयमा जंबूए णं सुदंसणाए अणाट्टिए नामं देवे जंबुद्वीवाहिवई परिवसइ-महिइट्टीए से णं तत्थ चउण्हं सामाणियसाहस्सीणं जाव आयरक्खदेवसाहस्सीणं जंबुद्वीवस्स णं दीवस्स जंबूए सुदंसणाए अणाट्टियाए रायहाणीए अण्णोसिं च बहूणं देवाण य देवीण य जाव विहरइ से तेणट्टेणं गोयमा एवं बुद्ध्यइ-जंबू सुदंसणा-जंबू सुदंसणा अदुत्तरं च णं गोयमा जंबू सुदंसणा जाव भुविं च भवइ य भविस्सइ य धुवा नियया सासया अक्खया अवट्टिया कहि णं भंते अणाट्टियस्स देवस्स अणाट्टिया नामं रायहाणी पन्नता गोयमा जंबुद्वीवे दीवे मंदारस्स पव्वयस्स उत्तरेणं जं चेव पुव्ववण्णियं जमिगापमाणं तं चेव नेयव्वं जाव उववाओ अभिसेयो य निरवसेतो ॥५१॥-७०

(१६३) से केणट्टेणं भंते एवं बुद्ध्यइ-उत्तरकुरा उत्तरकुरा गोयमा उत्तरकुराए उत्तरकुरू नामं देवे परिवसइ-महिइट्टीए जाव पलिओवपट्टिंए से तेणट्टेणं गोयमा एवं बुद्ध्यइ-उत्तरकुरा-उत्तरकुरा अदुत्तरं च णं जाव सासए कहि णं भंते महाविदेहे वासे मालवंते नामं वक्खारपव्वए पन्नते गोयमा मंदारस्स पव्वयस्स उत्तरपुरत्थिमेणं नीलवंतस्स वासहरपव्वयस्स दाहिणेणं उत्तरकुराए पुरत्थिमेणं कच्छस्स चक्कवट्टिविजयस्स पच्चत्थिमेणं एत्थ णं महाविदेहे वासे मालवंते नामं वक्खारपव्वए उत्तरदाहिणायए पाईणपडीणविच्छण्णे जं चेव गंधमायणस्स पमाणं विक्खंभो य नवरमिं नाणत्तं-सव्ववेरुलियामए अवसिद्धं तं चेव जाव गोयमा नव कूडा तं० सिद्धाययणकूडे ॥५२-११-७१-१

(१६४) सिद्धे य मालवंते उत्तरकुरू कच्छ सागरे रयए
सीया य पन्नभइ हरिस्सहे चेव बोद्धव्वे ॥५४॥-१

(१६५) कहि णं भंते मालवंते वक्खारपव्वए सिद्धाययणकूडे नामं कूडे पन्नते गोयमा मंदारस्स पव्वयस्स उत्तरपुरत्थिमेणं मालवंतकूडस्स दाहिणपच्चत्थिमेणं एत्थ णं सिद्धाययणे कूडे-पंच जोयणसयाइं उड्ढं उच्चत्तेणं अवसिद्धं तं चेव जाव रायहाणी एवं मालवंतकूडस्स उत्तरकुरूकूडस्स कच्छकूडस्स एए चत्तारि कूडा दिसाहिं पमाणेहिं य नेयव्वा कूडसरिसणामया देवा, कहि णं भंते मालवंते सागरकूडे नामं कूडे पन्नते गोयमा कच्छकूडस्स उत्तरपुरत्थिमेणं रययकूडस्स दक्खिणेणं एत्थ णं सागरकूडे नामं कूडे पन्नते-पंच जोयणसयाइं उड्ढं उच्चत्तेणं अवसिद्धं तं चेव सुभोगा देवी रायहाणी उत्तरपुरत्थिमेणं रययकूडे भोगमालिणी देवी रायहाणी उत्तरपुरत्थिमेणं अवसिद्धा कूडा उत्तरदाहिणेणं नेयव्वा एककेणं पमाणेणं ॥५२॥-७१

(१६६) कहि णं भंते मालवंते हरिस्सहकूडे नामं कूडे पुत्रभइस्स उत्तरेणं नीलवंतस्स कूडस्स दक्खिणेणं एत्थ णं हरिस्सहकूडे नामं कूडे पन्नते-एणं जोयणसहस्सं उड्ढं उच्चत्तेणं जमगपमाणेणं नेयव्वं रायहाणी उत्तरेणं असंखेज्जदीवे अण्णमिं जंबुद्वीवे दीवे उत्तरेणं बारस जोयणसहस्साइं ओगाहिता एत्थ णं हरिस्सहस्स देवस्स हरिस्सहा नामं रायहाणी पन्नता-चउरासीइं जोयणसहस्साइं आयाम-विक्खंभेणं बे जोयणसयसहस्साइं पण्णट्ठिं च सहस्साइं छद्द बत्तीसे जोयणसए परिकखेवेणं

सेसं जहा चमरचंचाए रायहाणीए तथा पमाणं भाणियव्वं महिइदीए महज्जूईए, से केणट्टेणं मंते एवं युद्धइ-मालवंते वक्खारपव्वए मालवंते वक्खारपव्वए गोयमा मालवंते णं वक्खारपव्वए तत्थ-तत्थ देसे तहिं-तहिं बहवे सेरियागुम्मा नोमालियागुम्मा जाव मगंदतियागुम्मा ते णं गुम्मा दसद्धवणं कुसुमं कुसुमेति जे णं तं मालवंतस्स वक्खारपव्वयस्स बहुसमरमणिज्जे भूमिभागं वायविधुयग्ग-सालामुक्कपुप्फपुंजोवयारकसियं करेति मालवंते य इत्थ देवे महिइदीए जाव पत्तिओवमट्टिईए परिवसइ से तेणट्टेणं एवं युद्धइ अदुत्तरं च णं जावनिच्चे १९३-१९३

(१९३) कहि णं मंते जंबुदीवे दीवे महाविदेहे वासे कच्छे नामं विजए पन्नते गोयमा सीयाए महानईए उत्तरेणं नीलवंतस्स वासहरपव्वयस्स दाहिणेणं चित्तकूडस्स वक्खारपव्वयस्स पच्चत्थिमेणं मालवंतस्स वक्खारपव्वयस्स पुरत्थिमेणं एत्थ णं जंबुदीवे दीवे महाविदेहे वासे कच्छे नामं विजए पन्नते-उत्तरदाहिणायए पाईणपडीणविच्छण्णे पलियंकसंठाणसंठिए गंगासिधूहिं महानईहिं वेयइ-ट्टेण य पव्वएणं छब्बागपविभते सोलस जोयणसहस्साइ पंच य षाणउए जोयणसए दोण्णि य एगूणवीसइभाए जोयणस्स आयामेणं दो जोयणसहस्साइ दोण्णि य तेरसुत्तरे जोयणसए किंचिवि-सेसूणे विक्खंमेणं कच्छस्स णं विजयस्स बहुमज्जदेसभाए एत्थ णं वेयइदे नामं पव्वए पन्नते जे णं कच्छं विजयं दुहा विभयमाणे-विभयमाणे चिद्धइ तं जहा-दाहिणइदकच्छं च उत्तरइदकच्छं च, कहि णं मंते जंबुदीवे दीवे महाविदेहे वासे दाहिणइदकच्छे नामं विजए पन्नते गोयमा वेयइदस्स पव्वयस्स दाहिणेणं सीयाए महानईए उत्तरेणं चित्तकूडस्स वक्खारपव्वयस्स पच्चत्थिमेणं मालवंतस्स वक्खारपव्वयस्स पुरत्थिमेणं एत्थ णं जंबुदीवे दीवे महाविदेहे वासे दाहिणइदकच्छे नामं विजए पन्नते-उत्तरदाहिणायए पाईणपडीणविच्छण्णे अट्ट जोयणसहस्साइ दोण्णि य एगसत्तरे जोयणसए एककं च एगूणवीसइभागं जोयणस्स आयामेणं दो जोयणसहस्साइ दोण्णि य तेरसुत्तरे जोयणसए किंचिविसेसूणे विक्खंमेणं पलियंकसंठिए दाहिणइदकच्छस्स णं मंते विजयस्स केरिसए आगारभावपडोयारे पन्नते गोयमा बहुसमरमणिज्जे भूमिभागे पन्नते जाव कत्तिमेहिं देव अकत्तिमेहिं देव दाहिणइदकच्छे णं मंते विजए मणुयाणं केरिसए आगारभावपडोयारे पन्नते गोयमा तेसि णं मणुयाणं छव्विहे संघयणे जाव सव्वदुक्खाणमंतं करेति कहि णं मंते जंबुदीवे दीवे महाविदेहे वासे कच्छे विजए वेयइदे नामं पव्वए पन्नते गोयमा दाहिणइदकच्छविजयस्स उत्तरेणं उत्तरइदकच्छस्स दाहिणेणं चित्तकूडस्स पच्चत्थिमेणं मालवंतस्स वक्खारपव्वयस्स पुरत्थिमेणं एत्थ णं कच्छे विजए वेयइदे नामं पव्वए पन्नते तं जहा-पाईणपडीणायए उदीणदाहिणविच्छण्णे दुहा वक्खारपव्वए पुट्टे-पुरत्थिमिल्लए कोडीए जाव दोहिदी पुट्टे भरहवेयइदसरिसए नवरं-दो बाहाओ जीवा धणुपुं च न कायव्वं विजयविक्खंभसरिसे आयामेणं विक्खंभो उच्चतं उव्वेहो तए चेव विज्राहरसेदीओ तहेव नवरं-पणपन्नं-पणपन्नं विज्राहरनगरावासा पन्नता आभिओगसेदीए उत्तरिल्लओ सेदीओ सीयाए ईसाणस्स सेसाओ सक्कस्स कूडा - १९४-१९३-३

(१९४) सिद्धे कच्छे खंडग माणी वेयइद पुत्र तिमिसगुहा

कच्छे वेसमणे वा वेयइदे होति कूडाइ

॥५५॥-१

(१९५) कहि णं मंते जंबुदीवे दीवे महाविदेहे वासे उत्तरइदकच्छे नामं विजए पन्नते गोयमा वेयइदस्स पव्वयस्स उत्तरेणं नीलवंतस्स वासहरपव्वयस्स दाहिणेणं मालवंतस्स वक्खारपव्वयस्स पुरत्थिमेणं चित्तकूडस्स वक्खारपव्वयस्स पच्चत्थिमेणं एत्थ णं जंबुदीवे दीवे महाविदेहे वासे

दाहिणइडकच्छे नामं विजए पन्नते जाव सिञ्जति तहेव नेयव्वं सव्वं कहि णं भंते जंबुद्वीवे दीवे महाविदेहे वासे उत्तरइडकच्छे विजए सिंधुकुंडे नामं कुंडे पन्नते गोयमा मालवंतस्स वक्खारपव्वयस्स पुरत्थिमेणं उसमकूडस्स पच्चत्थिमेणं नीलवंतस्स वासहरपव्वयस्स दाहिणिल्ले नितंवे एत्थ णं जंबुद्वीवे दीवे महाविदेहे वासे उत्तरइडकच्छविजए सिंधुकुंडे नामं कुंडे पन्नते-सट्ठिं जोयणाणि आयामविक्खंभेणं जाव भवणं अट्ठो रायहाणी य नेयव्वा भरहासिंधुकुंडसरिसं सव्वं नेयव्वं जाव तस्स णं सिंधुकुंडस्स दाहिणिल्लेणं तोरणेणं सिंधू महानई पव्वडा समाणी उत्तरइडकच्छविजयं एजेमाणी-एजेमाणी सतहिं सलिलासहस्सेहिं आपूरेमाणी-आपूरेमाणी अहे तिमिसगुहाए वैयइडपव्वयं दालयिता दाहिणइडकच्छविजयं एजेमाणी-एजेमाणी चोइसहिं सलिलासहस्सेहिं समग्गा दाहिणेणं सीयं महानई समप्येइं सिंधू महानई पवहे य मूले य भरहसिंधुसरिसा पमाणेणं जाव दोहिं वणसंडेहिं संपरिक्खिता कहि णं भंते उत्तरइडकच्छविजए उसभकूडे नाम पव्वए पन्नते गोयमा सिंधुकुंडस्स पुरत्थिमेणं गंगाकुंडस्स पच्चत्थिमेणं नीलवंतस्स वासहरपव्वयस्स दाहिणिल्ले नितंवे एत्थ णं उत्तरइडकच्छविजए उसभकूडे नामं पव्वए पन्नते-अट्ठ जोयणाइं उइडं उच्चतेणं तं चेव पमाणं जाव रायहाणी से नवरं-उत्तरेणं भाणियव्वा कहि णं भंते उत्तरइडकच्छविजए गंगाकुंडे नामं कुंडे पन्नते गोयमा चित्तकूडस्स वक्खारपव्वयस्स पच्चत्थिमेणं उसभकूडस्स पुरत्थिमेणं नीलवंतस्स वासहरपव्वयस्स दाहिणिल्ले नितंवे एत्थ णं उत्तरइडकच्छविजए गंगाकुंडे नामं कुंडे पन्नते-सट्ठिं जोयणाइं आयाम-विक्खंभेणं तहेव जहा सिंधू जाव वणसंडेण य संपरिक्खिते से केणट्टेणं भंते एवं वुच्चइ-कच्छे विजए कच्छे विजए गोयमा कच्छे विजए वैयइडस्स पव्वयस्स दाहिणेणं सीयाए महानईए उत्तरेणं गंगाए महानईए पच्चत्थिमेणं सिंधूए महानईए पुरत्थिमेणं दाहिणइडकच्छविजयस्स बहुमज्जेदेसभाए एत्थ णं खेमा नामं रायहाणी पन्नता विणीयरायहाणीसरिसा भाणियव्वा तत्थ णं खेमाए रायहाणीए कच्छे नामं राया समुप्पन्नइ-महयाहिमवंत जाव सव्वं भरहोयवणं भाणियव्वं निक्खमणवज्जं सेसं सव्वं भाणियव्वं जाव भुंजए माणुस्सए सुहे कच्छे नामधेजे कच्छे यत्थ देवे महइडीए जाव पलिओवमट्ठिइए परिवसइ से एएणट्टेणं गोयमा एवं वुच्चइ-कच्छे विजए-कच्छे विजए जाव निच्चे १९४। ४३

(१७०) कहि णं भंते जंबुद्वीवे दीवे महाविदेहे वासे चित्तकूडे नामं वक्खारपव्वए पन्नते गोयमा सीयाए महानईए उत्तरेणं नीलवंतस्स वासहरपव्वयस्स दाहिणेणं कच्छस्स विजयस्स पुरत्थिमेणं सुकच्छस्स विजयस्स पच्चत्थिमेणं एत्थ णं जंबुद्वीवे दीवे महाविदेहे वासे चित्तकूडे नामं वक्खारपव्वए पन्नते-उत्तरदाहिणायाए पाईणपडीणविच्छिण्णे सोलसजोयणसहस्साइं पंच य बाणउए जोयणसए दुण्णि य एगूणवीसइमाए जोयणस्स आयामेणं पंच जोयणसयाइं विक्खंभेणं नीलवंतवासहरपव्वयंतेणं चत्तारि जोयणसयाइं उइडं उच्चतेणं चत्तारि गाउयसयाइं उव्वेहेणं तयणंतरं च णं मायाए-मायाए उस्सेहोव्वेहपरिवुइडीए परिवइडमाणे-परिवइडमाणे सीयमहानई-यंतेणं पंच जोयण-सयाइं उइडं उच्चतेणं पंच गाउयसयाइं उव्वेहेणं आसखंधसठाणसंठिए सव्वरयणामए अच्छे सण्हे जाव पडिरूवे उभओ पासिं दोहिं पउमवरवेइयाहिं दोहिं य वणसंडेहिं संपरिक्खिते वण्णओ दोणहवि चित्तकूडस्स णं वक्खारपव्वयस्स उप्पिं बहुसमरमणिजे भूमिभागे पन्नते जाव आसयंति, चित्तकूडे णं भंते वक्खारपव्वए कति कूडा पन्नता गोयमा चत्तारि कूडा पन्नता तं जहा-सिद्धायणकूडे चित्तकूडे कच्छकूडे सुकच्छकूडे समा उत्तरदाहिणेणं परुप्परंति पढमए

सीयाए उत्तरेणं चउत्थाए नीलवंतस्स वासहरपव्वयस्स दाहिणेणं अट्ठो एत्थ णं चित्तकूडे नामं देवे महिइढीए जाव रायहाणी से तेणट्ठेणं ।१५।-७४

(१७१) कहि णं भंते जंबुदीवे दीवे महाविदेहे वासे सुकच्छे नामं विजए पन्नते गोयमा सीयाए महानईए उत्तरेणं नीलवंतस्स वासहरपव्वयस्स दाहिणेणं गाहावईए महानईए पच्चत्थिमेणं चित्तकूडस्स वक्खारपव्वयस्स पुरत्थिमेणं एत्थ णं जंबुदीवे दीवे महाविदेहे वासे सुकच्छे नामं विजए पन्नते-उत्तरदाहिणायाए जहेव कच्छे विजए तहेव सुकच्छे विजए नवरं-खेमपुरा रायहाणी सुकच्छे राया समुप्यज्जइ तहेव सव्वं, कहि णं भंते जंबुदीवे दीवे महाविदेहे वासे गाहावइकुंडे नामं कुंडे पन्नते गोयमा सुकच्छस्स विजयस्स पुरत्थिमेणं महाकच्छस्स विजयस्स पच्चत्थिमेणं नीलवंतस्स वासहरपव्वयस्स दाहिणिल्ले नितंबे एत्थ णं जंबुदीवे दीवे महाविदेहे वासे गाहावइकुंडे नामं कुंडे पन्नते जहेव रोहिंसा कुंडे तहेव जाव गाहावइदीवे भवणे तस्स णं गाहावइस्स कुंडस्स दाहिणिल्लेणं तोरणेणं गाहावई महानई पवूढा समाणी सुकच्छ-महाकच्छविजए दुहा विभयमाणी-विभयमाणी अट्ठवीसाए सलिलासहस्सेहिं समग्गा दाहिणेणं सीयं महानइं समप्पेइ गाहावईं णं महानइं पवहे य मुहे य सव्वत्थ समा पणवीसं जोयणसयं विक्खंभेणं अइढाइज्जाइं जोयणाइं उव्वेहेणं उभओ पासिं दोहिं पउमवारवेइयाहिं दोहिं य वणसंडेहिं संपरिक्खित्ता दुण्हवि वण्णओ, कहि णं भंते महाविदेहे वासे महाकच्छे नामं विजए पन्नते गोयमा नीलवंतस्स वासहरपव्वयस्स दाहिणेणं सीयाए महानईए उत्तरेणं पन्हकूडस्स वक्खारपव्वयस्स पच्चत्थिमेणं गाहावईए महानईए पुरत्थिमेणं एत्थ णं महाविदेहे वासे महाकच्छे नामं विजए पन्नते सेसं जहा कच्छस्स विजयस्स जाव महाकच्छे इत्थ देवे महिइढीए अट्ठो य भाणियव्वो, कहि णं भंते महाविदेहे वासे पन्हकूडे नामं वक्खारपव्वए पन्नते गोयमा नीलवंतस्स दक्खिणेणं सीयाए महानईए उत्तरेणं महाकच्छस्स पुरत्थिमेणं कच्छगावईए पच्चत्थिमेणं एत्थ णं महाविदेहे वासे पन्हकूडे नामं वक्खारपव्वए पन्नते-उत्तरदाहिणायाए पाईणप-डीणविच्छिण्णे सेसं जहा चित्तकूडस्स जाव आसयंति पन्हकूडे चत्तारि कूडा पन्नत्ता तं जहा-सिद्धाययणकूडे पन्हकूडे महाकच्छकूडे कच्छगावईकूडे एवं जाव अट्ठो पन्हकूडे इत्थ देवे महिइढीए पलिओवमट्ठिईए परिवसइ से तेणट्ठेणं, कहि णं भंते महाविदेहे वासे कच्छगावती नामं विजए पन्नते गोयमा नीलवंतस्स दाहिणेणं सीयाए महानईए उत्तरेणं दहावतीए महानईए पच्चत्थिमेणं पन्हकूडस्स पुरत्थिमेणं एत्थ णं महाविदेहे वासे कच्छगावती नामं विजए पन्नते-उत्तरदाहिणायाए पाईणप-डीणविच्छिण्णे सेसं जहा कच्छस्स विजयस्स जाव कच्छगावई य इत्थ देवे, कहि णं भंते महाविदेहे वासे दहावई कुंडे नामं कुंडे पन्नते गोयमा आवत्तस्स विजयस्स पच्चत्थिमेणं कच्छगावईए विजयस्स पुरत्थिमेणं नीलवंतस्स दाहिणिल्ले नितंबे एत्थ णं महाविदेहे वासे दहावईकुंडे नामं कुंडे पन्नते सेसं जहा गाहावईकुंडस्स जाव अट्ठो तस्स णं दहावईकुंडस्स दाहिणेणं तोरणेणं दहावई महानई पवूढा समाणी कच्छगावई-आवत्ते विजए दुहा विभयमाणी-विभयमाणी दाहिणेणं सीयं महानइं समप्पेइ सेसं जहा गाहावईए, कहि णं भंते महाविदेहे वासे आवत्ते नामं विजए पन्नते गोयमा नीलवंतस्स वासहरपव्वयस्स दाहिणेणं सीयाए महानईए उत्तरेणं नलिणकूडस्स वक्खारपव्वयस्स पच्चत्थिमेणं दहावतीए महानईए पुरत्थिमेणं एत्थ णं महाविदेहे वासे आवत्ते नामं विजए पन्नते सेसं जहा कच्छस्स विजयस्स, कहि णं भंते महाविदेहे वासे नलिणकूडे नामं वक्खारपव्वए पन्नते गोयमा नीलवंतस्स दाहिणेणं सीयाए उत्तरेणं मंगलावइस्स विजयस्स पच्चत्थिमेणं आवत्तस्स विजयस्स पुरत्थिमेणं एत्थ

णं महाविदेहे वासे नलिणकूडे नामं वक्खारपव्वए पत्रत्ते-उत्तरदाहिणायए पाईणपडीणविच्छिण्णे
 सेसं जहा चित्तकूडस्स जाव आसयंति नलिणकूडे णं भंते कति कूडा पत्रत्ता गोयमा चत्तारि कूडा
 पत्रत्ता तं जहा-सिद्धायतणकूडे नलिणकूडे आवत्तकूडे मंगलावत्तकूडे एए कूडा पंचसइया
 रायहाणीओ उत्तरेणं, कहि णं भंते महाविदेहे वासे मंगलावत्ते नामं विजए पत्रत्ते गोयमा नीलवंतस्स
 दक्खिणेणं सीयाए उत्तरेणं नलिणकूडस्स पुरत्थिमेणं पंकावईए पच्चत्थिमेणं एत्थ णं मंगलावत्ते नामं
 विजए पत्रत्ते जहा कच्छविजए तथा एसो वि भाणियव्वो जाव मंगलावत्ते य इत्थ देवा परिवसइ से
 एएणट्टेणं कहि णं भंते महाविदेहे वासे पंकावईकूडे नामं कूडे पत्रत्ते गोयमा मंगलावत्तस्स पुरत्थिमेणं
 पुक्खलविजयस्स पच्चत्थिमेणं नीलवंतस्स दाहिणे नितंबे एत्थ णं पंकावईकूडे नामं कूडे पन्तत्ते तं चेव
 गाहावइकुंडप्पमाणं जाव मंगलावत्त-पुक्खलविजए दुहा विभयमाणी-विभयमाणी अवसेसं तं चेव
 गाहावईए, कहि णं भंते महाविदेहे वासे पुक्खले नामं विजए पत्रत्ते गोयमा नीलवंतस्स दाहिणेणं
 सीयाए उत्तरेणं पंकावईए पुरत्थिमेणं एगसेलस्स वक्खारपव्वयस्स पच्चत्थिमेणं एत्थ णं पुक्खले नामं
 विजए पत्रत्ते जहा कच्छविजए तथा भाणियव्वं जाव पुक्खले य इत्थ देवे महिइदीए पलि-
 ओवमट्टिईए परिवसइ से एएणट्टेणं कहि णं भंते महाविदेहे वासे एगसेले नामं वक्खारपव्वए पत्रत्ते
 गोयमा पुक्खलचक्कवट्ठिविजयस्स पुरत्थिमेणं पोक्खलावतीचक्कवट्ठिविजयस्स पच्चत्थिमेणं
 नीलवंतस्स दक्खिणेणं सीयाए उत्तरेणं एत्थ णं एगसेले नामं वक्खारपव्वए पत्रत्ते चित्तकूडगमेणं
 नेयव्वो जाव देवा आसयंति चत्तारि कूडा तं जहा-सिद्धाययणकूडे एगसेलकूडे पुक्खलकूडे
 पुक्खलावईकडे कूडाणं तं चेव पंचसइयं परिमाणं जाव एगसेले य देवे महिइदीए कहि णं भंते
 महाविदेहे वासे पुक्खलावई नामं चक्कवट्ठिविजए पत्रत्ते गोयमा नीलवंतस्स दक्खिणेणं सीयाए
 उत्तरेणं उत्तरिल्लस्स सीयामुहवणस्स पच्चत्थिमेणं एगसेलस्स वक्खारपव्वयस्स पुरत्थिमेणं एत्थ णं
 महाविदेहे वासे पुक्खलावई नामं विजए पत्रत्ते-उत्तरदाहिणायए एवं जहा कच्छविजयस्स जाव
 पुक्खलावई य इत्थ देवे परिवसइ से एएणट्टेणं, कहि णं भंते महाविदेहे वासे सीयाए महानईए
 उत्तरिल्ले सीयामुहवणे नामं वणे प० नीलवंतस्स दक्खिणेणं सीयाए उत्तरेणं पुरत्थिमलवणसमुहस्स
 पच्चत्थिमेणं पुक्खलावइचक्कवट्ठिविजयस्स पुरत्थिमेणं एत्थ णं सीयामुहवणे नामं वणे उत्तर-
 दाहिणायए पाईणपडीणाविच्छिण्णे सोलसजोयणसहस्साइ पंच य धाणउए जोयणसए दोण्णि य
 एगूनवीसइभाए जोयणस्स आयामेणं सीयामहानइतेणं दो जोयणसहस्साइ नव य बावीसे जोयण-
 सए विक्खंभेणं तयणंतरं च णं मायाए-मायाए परिहायमाणे-परिहायमाणे नीलवंतवासहर-
 पव्वयंतेणं एणं एगूनवीसइभागं जोयणस्स विक्खंभेणं से णं एगाए पउमवरवेइयाए एणेण य
 वणसंडेणं संपरिकूखतं वण्णओ सीयामुहवणस्स जाव देवा आसयंति एवं उत्तरिल्लं पासं समत्तं
 विजया भणिया रायहाणीओ इमाओ-१९६-११-७६-१

(१७२) खेमा खेमपुरा चेव रिद्धा रिद्धपुरा तथा

खग्गी मंजूसा अवि य ओसही पुंडरीणिणी

॥५६॥-१

(१७३) सोलस विज्राहरसेदीओ तावइयाओ अभियोगसेदीओ सव्वाओ इमाओ ईसाणस्स
 सव्वेसु विजएसु कच्छवत्तव्वया जाव अट्ठो रायाणो सरिसणामगा विजएसु सोलसणं वक्खार-
 पव्वयाणं चित्तकूडवत्तव्वया जाव कूडा चत्तारि-चत्तारि वारसणं नईणं गाहावइ-वत्तव्वया जाव
 उभओ पासिं दोहिं पउमवरवेइयाहिं वणसंडेहिं य वण्णओ १९६-७६

(१७४) कहि णं भंते जंबुद्वीवे दीवे महाविदेहे वासे सीयाए महानईए दाहिणिल्ले सीयामुहवणे नामं वणे एवं जह चेव उत्तरिल्ले सीयामुहवणं तह चेव दाहिणंपि भाणियव्वं नवरं-निसहस्स वासहर-पव्वयस्स उत्तरेणं सीयाए महानईए दाहिणेणं पुरत्थिमलवणसमुद्दस्स पच्चत्थिमेणं वच्छस्स विजयस्स पुरत्थिमेणं एत्थ णं जंबुद्वीवे दीवे महाविदेहे वासे सीयाए महानईए दाहिणिल्ले सीयामुहवणे नामं वणे उत्तरदाहिणायए तहेव सव्वं नवरं-निसहवासरपव्वयंतेणं एगमेगूणधीसइभागं जोयणस्स विक्खंभेणं किण्हे किण्होभासे जाव आसयंति उभओ पासिं दोहिं पउमवरवेइयाहिं वणवण्णओ, कहि णं भंते जंबुद्वीवे दीवे महाविदेहे वासे वच्छे नामं विजए० निसहस्स वासहरपव्वयस्स उत्तरेणं सीयाए महानईए दाहिणेणं दाहिणिल्लस्स सीयामुहवणस्स पच्चत्थिमेणं तिउडस्स वक्खारपव्वयस्स पुरत्थिमेणं एत्थ णं जंबुद्वीवे दीवे महाविदेहे वासे वच्छे नामं विजए तं चेव पमाणं सुसीमा रायहाणी तिउडे वक्खारपव्वए सुवच्छे विजए कुंडला रायहाणीतत्तजला नई महावच्छे विजए अपराजिया रायहाणी वेसमणकूडे वक्खारपव्वए वच्छावई विजए पभंकरा रायहाणी मत्तजला नई रम्मे विजए अंकावई रायहाणी अंजणे वक्खारपव्वए रम्मगे विजए पम्हावई रायहाणी उम्मतजला महानई रमणिजे विजए सुभा रायहाणी मायंजणे वक्खारपव्वए मंगलावई विजए रयणसंचया रायहाणी एवं जह चेव सीयाए महानईए उत्तरं पासं तह चेव दक्खिणिल्लं भाणियव्वं दाहिणिल्ले सीयामुहवणाइं हेमे वक्खारकूडा तं जहा-तिउडे वेसमणकूडे अंजणे मायंजणे विजया।१७-११-७७-१

(१७५) वच्छे सुवच्छे महावच्छे चउत्थे वच्छगाई

रम्मे रम्मए चेव रमणिजे मंगलावई

॥५७॥-१

(१७६) सुसीमा कुंडला चेव अवराइय पभंकरा

अंकावई पम्हावई सुभा रयणसंचया

॥५८॥-१

(१७७) वच्छस्स विजयस्स-निसहे दाहिणेणं सीया उत्तरेणं दाहिणिल्ले सीयामुहवणे पुरत्थिमेणं तिउडे पच्चत्थिमेणं-सुसीमा रायहाणी पमाणं तं चेव वच्छाणंतरं तिउडे तओ सुवच्छे विजए एएणं कमेणं-तत्तजला नई महावच्छे विजए वेसमणकूडे वक्खारपव्वए वच्छावई विजए मत्तजला नई रम्मे विजए अंजणे वक्खारपव्वए रम्मए विजए उम्मतजला नई रमणिजे विजए मायंजणे वक्खारपव्वए मंगलावई विजए।१७७-७७

(१७८) कहि णं भंते जंबुद्वीवे दीवे महाविदेहे वासे सोमनसे नामं वक्खारपव्वए० निसहस्स वासहरपव्वयस्स उत्तरेणं मंदरस्स पव्वयस्स दाहिणपुरत्थिमेणं मंगलावई विजयस्स पच्चत्थिमेणं देवकुराए पुरत्थिमेणं एत्थ णं जंबुद्वीवे दीवे महाविदेहे वासे सोमनसे नामं वक्खारपव्वए पन्नते-उत्तरदाहिणायए पाईणपडीणविच्छिण्णे जहा मालवंते वक्खारपव्वए तहा नवरं-सव्वरयणामए अच्छे जाव पडिरुवे निसहवासरपव्वयंतेणं चत्तारि जोयणसयाइं उड्डं उच्चतेणं चत्तारि गाउयसयाइं उव्वेहेणं सेसं तहेव सव्वं नवरं-अड्डो से गेळ्लमा सोमनसे णं वक्खारपव्वए बहवे देवा य देवीओ य सोमा सुमणा सोमणसिया सोमणसे य इत्थ देवे महिइदीए जाव परिवसइ से एएणट्टेणं गोयमा जाव निच्चे सोमणसे वक्खारपव्वए कइ कूडा० सत्त कूडा पन्नत्ता [तं जहा]-।१८-११-७७-१

(१७९) सिद्धे सोमनस विव बोद्धव्वे मंगलावई कूडे

देवकुरु विमलकंचण वसिड्डकूडे य बोधव्वे

॥५९॥-१

(१८०) एवं सव्वे पंचसइया कूडा एएसिं पुच्छा दिसिविदिसाए भाणियव्वा जहा गंधमा-यणस्स विमल-कंचणकूडे सु नवरं-देवयाओ सुवच्छा वच्छमिता य अवसिड्डे सु कूडे सु सरिसनामया

देवा रायहाणीओ दक्खिणेणं कहि णं भंते महाविदेहे वासे देवकुरा नामं कुरा पन्नता गोयमा मंदरस्स पव्वयस्स दाहिणेणं निसहस्सा वासहरपव्वयस्स उत्तरेणं विज्जुप्पहवक्खारपव्वयस्स पुरत्थिमेणं सोमनसवक्खारपव्वयस्स पच्चत्थिमेणं एत्थ णं देवकुरा नामं कुरा पन्नता-पाईणपडीणायया उदीण-दाहिणविच्छिण्णा एक्कारस जोयणसहस्साइं अट्ट य बायाले जोयणसए दुण्णि य एगुणवीसइभाए जोयणस्स विक्खंमेणं जहा उत्तरकुराए वत्तव्वया जाव अनुसज्जमाणा पम्भगंधा मियगंधा अममा सहातेतली सणिच्चारी १९८१-९७

(१८१) कहि णं भंते देयकुराए चित्त-विचित्तकूडा नामं दुवे पव्वया पन्नता गोयमा निसहस्स वासहरपव्वयस्स उत्तरिल्लाओ चरिमंताओ अट्टोचोत्तीसे जोयणसए चत्तारि य सत्तभाए जोयणस्स अवाहाए सीयोयाए महानईए पुरत्थिम-पच्चत्थिमेणं उभओ कूले एत्थ णं चित्त-विचित्तकूडा नामं दुवे पव्वया पन्नता एवं जच्चेव जमगपव्वयाणं सच्चेव एएसिं रायहाणीओ दक्खिणेणं १९१-९८

(१८२) कहि णं भंते देवकुराए कुराए निसहहदे नामं दहे पन्नते गोयमा तेसिं चित्त-विचित्तकूडाणं पव्वयाणं उत्तरिल्लाओ चरिमंताओ अट्ट चोत्तीसे जोयणसए चत्तारि य सत्तभाए जोयणस्स अवाहाए सीओयाए महानईए बहुमज्झदेसभाए एत्थ णं निसहहदे नामं दहे पन्नते एवं जच्चेव नीलवंत-उत्तरकुरु-चंदेरावण-मालवंताणं वत्तव्वया सच्चेव निसह-देवकुरु-सूर-सुलस-विज्जुप्पभाणं नेयव्वा रायहाणीओ दक्खिणेणं १९००१-९९

(१८३) कहि णं भंते देवकुराए कुराए कूडसामलिपेढे नामं पेढे पन्नते गोयमा मंदरस्स पव्वयस्स दाहिणपच्चत्थिमेणं निसहस्स वासहरपव्वयस्स उत्तरेणं विज्जुप्पभस्स वक्खारपव्वयस्स पुरत्थिमेणं सोमणस्स वक्खारपव्वयस्स पच्चत्थिमेणं सीयोयाए महानईए पच्चत्थिमेणं देवकुरु-पच्चत्थिमहस्स बहुमज्झदेसभाए एत्थ णं देवकुराए कुराए कूडसामलीए कूडसामलिपेढे नामं पेढे पन्नते एवं जच्चेव जंबूए सुदंसणाए वत्तव्वया सच्चेव सामलीएवि भाणियव्वा नामविहूणा गरुल-वेणुदेवे रायहाणी दक्खिणेणं अवसिद्धं तं चेव जाव देवकुरु य इत्थ देवे पलिओवमड्डिंए परिवसइ से तेणड्डेणं गोयमा एवं वुच्चइ-देवकुरा-देवकुरा अदुत्तरं च णं देवकुराए १९०१-१००

(१८४) कहि णं भंते जंबुद्वीवे दीवे महाविदेहे वासे विज्जुप्पभे नामं वक्खारपव्वए पन्नते गोयमा निसहस्स वासहरपव्वयस्स उत्तरेणं मंदरस्स पव्वयस्स दाहिणपच्चत्थिमेणं देवकुराए पच्चत्थिमेणं पम्हस्स विजयस्स पुरत्थिमेणं एत्थ णं जंबुद्वीवे दीवे महाविदेहे वासे विज्जुप्पभे वक्खारपव्वए पन्नते-उत्तरदाहिणायए एवं जहा मालवंते नवरिं-सव्वतवणिज्जमए अच्छे जाव देवा आसवंति, विज्जुप्पभे णं भंते वक्खारपव्वए कइ कूडा पन्नता गोयमा नव कूडा पन्नता तं जहा-सिद्धाययणकूडे विज्जुप्पभकूडे देवकुरुकूडे पम्हकूडे कणगकूडे सोवत्थियकूडे सीतोदाकूडे सयज्जलकूडे हरिकूडे १९०२-११-१०१-१

(१८५) सिद्ध य विज्जुणामे देवकुरु पम्ह कणग सोवत्थी

सीतोदा य सयज्जल हरिकूडे चेव बोद्धव्वे

॥६०॥१

(१८६) एए हरिकूडवज्जा पंचसइया नेयव्वा एएसि णं कूडाणं पुच्छाए दिसिविदिसाओ नेयव्वाओ जहा मालवंतस्स हरिस्सहकूडे तह चेव हरिकूडे रायहाणी जह चेव दाहिणेणं चमरचंचा रायहाणी तह नेयव्वा कणग-सोवत्थियकूडेसु वारिसेण बलाहयाओ दो देवयाओ अवसिद्धेसु कूडेसु कूडसरिसण्णामया देवा रायहाणीओ दोहिणेणं, से केणड्डेणं भंते एवं वुच्चइ-विज्जुप्पभे वक्खारपव्वए

विजुष्पमे वक्खारपव्वए गोयमा विजुष्पमे णं वक्खारपव्वए विजुष्पमे सव्वओ समंता ओभाइ उज्जोवेइ पभासइ विजुष्पमे य इत्थ देवे महिइटीए जाव परिचसइ से एएणट्टेणं गोयमा एवं वुच्चइ-विजुष्पमे-विजुष्पमे अदुत्तरं च णं जावनिच्चे १९०२१-१०१

(१८७) एयं पम्हे विजए अस्सपुरा रायहाणी अंकावई वक्खारपव्वए सुम्हे विजए सीहपुरा रायहाणी खीरोदा महानई महापम्हे विजए महापुरा रायहाणी पम्हावई वक्खारपव्वए पम्हागावई विजए विजयपुरा रायहाणी सीहसोया महानई संखे विजए अवराइया रायहाणी आसीविसे वक्खारपव्वए कुमुदे विजए अरजा रायहाणी अंतोवाहिणी महानई नलिणे विजए असोगा रायहाणी सुहावहे वक्खारपव्वए सलिलावई विजए वीयसोगा रायहाणी दाहिणिल्ले सीतोदामुहवनसंडे उत्तरिल्लेदि एमेव भाणियव्वे जहा सीयाए वप्पे विजए विजया रायहाणी चंदे वक्खारपव्वए सुवप्पे विजए वेजयंती रायहाणी ओम्मिमालिणी नई महावप्पे विजए जयंति रायहाणी सूरे वक्खारपव्वए वप्पावई विजए अपराइया रायहाणी फेणमालिणी नई वागू विजए चक्कपुरा रायहाणी नागे वक्खारपव्वए सुवगू विजए खगपुरा रायहाणी गंभीरमालिणी अंतरनई गंधिले विजए अवज्झा रायहाणी देवे वक्खारपव्वए गंधीलावई विजए अओज्झा रायहाणी एवं मदारस्स पव्वयस्स पच्चत्थिमिल्लं पासं भाणियव्वं तत्थ ताव सीतोदाए नईए दक्खिणिल्ले णं कूले इमे विजया [तं जहा]-

१९०३-११-१०२-१

(१८८) पम्हे सुपम्हे माहपम्हे चउत्थे पम्हागावई

संखे कुमुए नलिणे अट्टमे नलिणावई

॥६१॥१

(१८९) आसपुरा सीहपुरा महापुरा चेव हवइ विजयपुरा

अवराइया य अरया असोग तह वीयसोगा य

॥६२॥१

(१९०) इमे वक्खारा तं जहा-अंके पम्हे आसीविसे सुहावहे एवं इत्थ परिवाडीए दो-दो विजया कूडसरिसणामया भाणियव्वया दिसा विदिसाओ य भाणियव्वयाओ सीयोयामुहवणं च भाणियव्वं सीतोदाए दाहिणिल्लं उत्तरिल्लं च सीतोदाए उत्तरिल्ले पासे इमे विजया १९०३-२१-१०२-२

(१९१) वप्पे सुवप्पे महावप्पे चउत्थे वप्पागावई

वागू य सुवगू था गंधिले गंधिलावई

॥६३॥

(१९२) विजया य वेजयंती जयंति अपराजिया

चक्कपुरा खगपुरा हवइ अवज्झा अओज्झा य

॥६४॥

(१९३) इमे वक्खारा तं जहा-चंदपव्वए सूरपव्वए नागपव्वए देवपव्वए सीयोयाए महाण-ईए दाहिणिल्ले कूले-खीरोया सीहसोया अंतोवाहिणीओ नईओ उम्मिमालिणी फेणमालिणी गंभीरमालिणी उत्तरिल्लविजयाणंतराओ इत्थ परिवाडीए दो-दो कूडा विजयसरिसणामया भाणि- यव्वया इमे दो-दो अवट्टिया तं जहा-सिद्धायणकूडे पव्वयसरिसणामकूडे १९०३१-१०२

(१९४) कहि णं भंते जंबुद्दीवे दीवे महाविदेहे वासे मंदरे नामं पव्वए पन्नते गोयमा

उत्तरकुराए दक्खिणोणं देवकुराए उत्तरेणं पुव्वविदेहस्स वासस्स पच्चत्थिमेणं अवरविदेहेस्स वासस्स पुरत्थिमेणं जंबुद्दीवस्स दीवस्स बहुमज्झदेसमाए एत्थ णं जंबुद्दीवे दीवे मंदरे नामं पव्वए पन्नते-नवणउत्तिजोयणसहस्साइ उड्डं उच्चतेणं एणं जोयणसहस्सं उव्वेहेणं मूले दसजोयणसहस्साइ नवइं च जोयणाइं दस य एगारसमाए जोयणस्स विक्खंभेणं धरणितले दस जोयणसहस्साइं विक्खंभेणं तयणंतरं च णं मायाए-मायाए परिहायमाणे-परिहायमाणे उवरितले एणं जोयणसहस्सं विक्खंभेणं

मूले एकतीसं जोयणसहस्साइं नव य दसुत्तो जोयणसए तिण्णि य एगारसभए जोयणस्स परिकखेवेणं धरणितले एकतीसं जोयणसहस्साइं छद्द तेवीसे जोयणसए परिकखेवेणं उवरितले तिण्णि जोयणसहस्साइं एणं च बावडुं जोयणसयं किच्चिसेसाहियं परिकखेवेणं मूले विच्छिण्णे मज्जे संखिते उवरिं तणुए गोपुच्छसंठाणसंठिए सव्वरयणामए अच्चे सण्हे से णं एगाए पउमवरवेइयाए एगेण य वणसंडेणं सव्वओ समंता संपरिक्खिते वण्णओ मंदरे णं भंते पव्वए कइ वणा पत्रत्ता गोयमा चत्तारि वणा पत्रत्ता तं जहा-भट्टसालवणे नंदवणे सोमणसवणे पंडगवणे कहि णं भंते मंदरे पव्वए भट्टसालवणे नामं वणे पत्रत्ते गोयमा धरणितले एत्थ णं मंदरे पव्वए भट्टसालवणे नामं वणे पत्रत्ते-पाईणपडीणायए उदीणदाहिणविच्छिण्णे सोमणस-विज्जुप्पह-गंधमायण-मालवंतेहिं बक्खा-रपव्वएहिं सीयासीतोदाहि य महानईहिं अट्टभागपविभत्ते मंदरस्स पव्वयस्स पुरत्थिमपच्चत्थिमेणं बावीसं-बावीसं जोयणसहस्साइं आयामेणं उत्तरदाहिणेणं अड्ढाइज्जाइं-अड्ढाइज्जाइं जोयणसयाइं विक्खंभेणं से णं एगाए पउमवरवेइयाए एगेण य वणसंडेणं सव्वओ समंता संपरिक्खिते दुण्हवि वण्णे भाणियव्वो-किण्हे किण्होभासे जाव देवा आसयंति सयंति मंदरस्स णं पव्वयस्स पुरत्थिमेणं भट्टसालवणं पन्नासं जोयणाइं ओगाहिता एत्थ णं महं एगे सिद्धाययणे पत्रत्ते-पन्नासं जोयणाइं आयामेणं पणवीसं जोयणाइं विक्खंभेणं छत्तीसं जोयणाइं उड्ढं उच्चतेणं अणेगखंभसयसण्णिवड्ढे वण्णओ तस्स णं सिद्धाययणस्स तिदिंसिं तओ दारा पत्रत्ता ते णं दारा अट्ट जोयणाइं उड्ढं उच्चतेणं चत्तारि जोयणाइं विक्खंभेणं तावडुं चैव पवेसेणं सेया वरकणगधूभियागा जाव वणमालाओ भूमिभागो य भाणियव्वो तस्स णं बहुमज्जदेसभाए एत्थ णं महं एगा मणिपेटिया पत्रत्ता-अट्ट जोयणाइं आयाम-विक्खंभेणं चत्तारि जोयणाइं बाहल्लेणं सव्वरयणामई अच्चा तीसे णं मणिपेटि-याए उवरिं देवच्छंदए-अट्ट जोयणाइं आयाम-विक्खंभेणं साइरेगाइं अट्ट जोयणाइं उड्ढं उच्चतेणं जाव जिनपडिमावण्णओ देवच्छंदगस्स जाव धूवकडुच्चुयाणं मंदरस्स णं पव्वयस्स दाहिणेणं भट्टसालवणं पन्नासं एवं चउद्दिंसिं पि मंदरस्स भट्टसालवणे चत्तारि सिद्धाययणा भाणियव्वो मंदरस्स णं पव्वयस्स उत्तरपुरत्थिमेणं भट्टसालवणं पन्नासं जोयणाइं ओगाहिता एत्थ णं चत्तारि नंदापुक्ख-रिणीओ पत्रत्ताओ तं जहा पउमा पउमप्पमा चैव कुमुदा कुमुदप्पमा ताओ णं पुक्खरिणीओ पन्नासं जोयणाइं आयामेणं पणवीसं जोयणाइं विक्खंभेणं दस जोयणाइं उव्वेहेणं वण्णओ वेइयावणसंडाणं भाणियव्वो चउद्दिंसिं तोरणा जाव तासि णं पुक्खरिणीणं बहुमज्जदेसभाए एत्थ णं महं एगे ईसाणस्स देविदस्स देवरण्णो पासायवडेंसए पत्रत्ते-पंचजोयणसयाइं उड्ढं उच्चतेणं अड्ढाइज्जाइं जोयणसयाइं विक्खंभेणं अब्भुग्गयमूसियपहसिय विव एवं सपरिवारो पासायवडेंसओ भाणियव्वो मंदरस्स णं एवं दाहिणपुरत्थिमेणं पुक्खरिणीओ उप्पलगुम्मा नलिणा उप्पला उप्पलुज्जला तं चैव पमाणं मज्जे पासायवडेंसओ सक्कस्स सपरिवारो तेणं चैव पमाणेणं दाहिणपच्चत्थिमेणं वि पुक्खरिणीओ भिंगा भिंगनिभा चैव अंजणा कज्जल्पमा पासायवडेंसओ सक्कस्स सीहासणं सपरिवारं उत्तरपच्चत्थि-मेणं पुक्खरिणीओ सिरिकंता सिरिचंदा सिरिमहिया चैव सिरिनिलया पासायवडेंसओ ईसाणस्स सीहासणं सपरिवारं मंदरे णं भंते पव्वए भट्टसालवणे कइ दिसाहत्थिकूडा पत्रत्ता गोयमा अट्ट दिसाहत्थिकूडा पत्रत्ता [तं जहा]-1908-91-103-1

(१९५) पउमुत्तरे नीलवंते सुहत्थी अंजणागिरी

कुमुदे य पलासे य वडेंसे रोयणागिरी

॥६५॥-१

(१९६) कहि णं भंते मंदरे पव्वए भइसालवणे पउमुत्तरे नामं दिसाहत्थिकूडे पन्नत्ते गोयमा मंदरस्स पव्वयस्स उत्तरपुरत्थिमेणं पुरत्थिमिंल्लाए सीयाए उत्तरेणं एत्थ णं पउमुत्तरे नामं दिसाहत्थिकूडे पन्नत्ते-पंचजोयणसयाइं उड्ढं उच्चतेणं पंचगाउयसयाइं उव्वेहेणं एवं विक्खंभे परिकखेवो य भाणियव्वो चुल्लहिमवंतकूडसरिसो पासायाण य तं चेव पउमुत्तरो देवो रायहाणी उत्तरपुरत्थिमेणं एवं नीलवंतदिसाहत्थिकूडे मंदरस्स दाहिणपुरत्थिमेणं पुरत्थिमिंल्लाए सीयाए दक्खिणेणं एयस्सवि नीलवंतो देवो रायहाणी दाहिणपुरत्थिमेणं एवं सुहत्थिदिसाहत्थिकूडे मंदरस्स दाहिणपुरत्थिमेणं दक्खिणिंल्लाए सीयोयाएपुरत्थिमेणं एयस्सवि सुहत्थी देवो रायहाणी दाहिण- पुरत्थिमेणं एवं चेव अंजणागिरिदिसाहत्थिकूडे मंदरस्स दाहिणपच्चत्थिमेणं दक्खिणिंल्लाए सीतोदाए पच्चत्थिमेणं एयस्सवि अंजणागिरी देवो रायहाणी दाहिणपच्चत्थिमेणं एवं कुमुदेवि दिसाहत्थिकूडे मंदरस्स दाहिणपच्चत्थिमेणं पच्चत्थिमिंल्लाए सीतोदाए दक्खिणेणं एयस्सवि कुमुदो देवो रायहाणी दाहिणपच्चत्थिमेणं एवं पलासेवि दिसाहत्थिकूडे मंदरस्स उत्तरपच्चत्थिमेणं पच्चत्थिमिंल्लाए सीतोदाए उत्तरेणं एयस्सविपलासो देवो रायहाणी उत्तरपच्चत्थिमेणं एवं वडेंसेवि दिसाहत्थिकूडे मंदरस्स उत्तरपच्चत्थिमेणं उत्तरिंल्लाए सीयाए महानइंए पच्चत्थिमेणं एयस्सवि वडेंसो देवो रायहाणी उत्तरपच्चत्थिमेणं एवं रोयणागिरी दिसाहत्थिकूडे मंदरस्स उत्तरपुरत्थिमेणं उत्तरिंल्लाए सीयाए पुरत्थिमेणं एयस्सवि रोयणागिरी देवो रायहाणी उत्तरपुरत्थिमेणं 1908-1103

(१९७) कहि णं भंते मंदरे पव्वए नंदनवने नामं वने पन्नत्ते गोयमा भइसालवनस्स बहुसमरमणिंज्जाओ भूमिभागाओ पंच जोयणसयाइं उड्ढं उच्चत्ता एत्थ णं मंदरे पव्वए नंदनवने नामं वणे पन्नत्ते-पंच जोयणसयाइं चक्कवालविक्खंभेणं वड्ढे वलयाकारसंठाणसंठिए जे णं मंदरं पव्वयं सव्वओ समंता संपरिक्खित्ताणं चिट्ठइ-नव जोयणसहस्साइं नव य चउप्यत्रे जोयणसए छच्चेगारसमाए जोयणस्स बाहिं गिरिविक्खंभो एगत्तीसं जोयणसहस्साइं चत्तारि य अउणासीए जोयणसए किंत्थिविसेसाहिंए बाहिं गिरिपरिएणं अड्ढं जोयणसहस्साइं नव य चउप्यत्रे जोयणसए छच्चेगारसमाए जोयणस्स अंतो गिरिविक्खंभो अट्ठावीसं जोयणसहस्साइं तिण्णि य सोलसुत्तरे जोयणसए अट्ठ य इक्कारसमाए जोयणस्स अंतो गिरिपरिएणं से णं एगाए पउमवरवेइयाए एगेणं य वणसंडेणं सव्वओ समंता संपरिक्खित्ते वण्णओ जाव देवा आसयंति, मंदरस्स णं पव्वयस्स पुरत्थिमेणं एत्थ णं महं एगे सिद्धाययणे पन्नत्ते एवं चउट्ठिसिं घत्तारि सिद्धाययणा विदिसासु पुक्खरिणीओ तं चेव पमाणं सिद्धाययाणं पुक्खरिणीणं च पासायवडेंसगा तह चेव सक्केसाणाणं तेणं चेव पमाणेणं नंदनवने णं भंते वणे कइ कूडा पन्नत्ता गोयमा नव कूडा पन्नत्ता तं जहा- नंदनवनकूडे मंदरकूडे निसहकूडे हिमवयकूडे रथयकूडे रुयगकूडे सागरचित्तकूडे वइरकूडे बलकूडे, कहि णं भंते नंदनवने नंदनवनकूडे नामं कूडे पन्नत्ते गोयमा मंदरस्स पव्वयस्स पुरत्थि- मिंल्लसिद्धाययणस्स उत्तरेणं उत्तरपुरत्थिमिंल्लस्स पासायवडेंसयस्स दक्खिणेणं एत्थ णं नंदनवने नामं कूडे पन्नत्ते पंच सइया कूडा पुव्ववणिंया भाणियव्वा देवी मेहंकरा रायहाणी विदिसाए एयाहिं चेव पुव्वापिलावेणं नेयव्वा इमे कूडा इमारिं दिसाहिं-पुरत्थिमिंल्लस्स भवणस्स दाहिणेणं दाहिण- पुरत्थिमिंल्लस्स पासायवडेंसगस्स उत्तरेणं मंदरे कूडे मेहवई देवी रायहाणी पुव्वेणं दक्खिणिंल्लस्स भवणस्स पुरत्थिमेणं दाहिणपुरत्थिमिंल्लस्स पासायवडेंसगस्स पच्चत्थिमेणं निसहे कूडे सुमेहा देवी रायहाणी दक्खिणेणं दक्खिणिंल्लस्स भवणस्स पच्चत्थिमेणं दक्खिणपच्चत्थिमिंल्लस्स पासायवडेंस-

गस्स पुरत्थिमेणं हेमवए कूडे मेघमालिनी देवी रायहाणी दक्खिणेणं पच्चत्थिमिल्लस्स भवणस्स दक्खिणेणं दाहिणपच्चत्थिमिल्लस्स पासायवडेंसगस्स उत्तरेणं रयए कूडे सुवच्छा देवी रायहाणी पच्चत्थिमेणं पच्चत्थिमिल्लस्स भवणस्स उत्तरेणं उत्तरपच्चत्थिमिल्लस्स पासायवडेंसगस्स दक्खिणेणं रुयगे कूडे वच्छमिता देवी रायहाणी पच्चत्थिमेणं उत्तरिल्लस्स भवणस्स पच्चत्थिमेणं उत्तरपच्चत्थि-मिल्लस्स पासायवडेंसगस्स पुरत्थिमेणं सागरचित्ते कूडे वड्ढरेणा देवी रायहाणी उत्तरेणं उत्तरिल्लस्स भवणस्स पुरत्थिमेणं उत्तरपुरत्थिमिल्लस्स पासायवडेंसगस्स पच्चत्थिमेणं वड्ढरे कूडे बलाहया देवी रायहाणी उत्तरेणं, कहि णं भंते नंदनवने बलकूडे नामं कूडे पन्नत्ते गोयमा मंदरस्स पव्वयस्स उत्तरपुरत्थिमेणं एत्थ णं नंदनवने बलकूडे नामं कूडे पन्नत्ते एवं जं चैव हरिस्सहकूडस्स पमाणं रायहाणी य तं चैव बलकूडस्सवि नवरं-बलो देवो रायहाणी उत्तरपुरत्थिमेणं ।१०५।-१०४

(११८) कहि णं भंते मंदरए पव्वए सोमनसवणे नामं वणे पन्नत्ते गोयमा नंदनवनस्स बहुसमरमणिजाओ भूमिभागाओ अद्धतेवट्ठि जोयणसहस्साइ उड्ढं उप्पइत्ता एत्थ णं मंदरे पव्वए सोमनसवणे नामं वणे पन्नत्ते-पंचजोयणसयाइ चक्कवालविकखंभेणं वट्ठे बलयाकारसंठाणसंठिए जे णं मंदरं पव्वयं सव्वओ समंता संपरिक्खित्ताणं चिड्डइ-चत्तारि जोयणसहस्साइ दुण्णि य बावत्तरे जोयणसए अट्ट य इक्कारसभाए जोयणस्स बाहिं गिरिविक्खंभणं तेरस जोयणसहस्साइ पंच य एककारे जोयणसए छव इक्कारसभाए जोयणसभाए अट्ट य एककारसभाए जोयणस्स अंतो गिरिविक्खंभेणं दस जोयणसहस्साइ तिण्णि य अउणापत्ते जोयणसए तिण्णि य इक्कारसभाए जोयणस्स अंतो गिरिपरिरएणं से णं एगाए पउमवरवेइयाए एगेणं य वणसंडेणं सव्वओ समंता संपरिक्खित्ते वण्णओ किण्हे किण्होभासे जाव आसयंति एवं कूडवज्जा सच्चैव नंदनवनवत्तव्वया भाणियव्वा तं चैव ओगाहिऊणं जाव पासायवडेंसगा सक्कीसाणाणं ।१०६।-१०५

(११९) कहि णं भंते मंदरे पव्वए पंडगवने नामं वने० सोमनसवनस्स बहुसमरमणिजाओ भूमिभागाओ छत्तीसं जोयणसहस्साइ उड्ढं जोयणसए चक्कवालविकखंभेणं वट्ठे बलयाकार-संठाणसंठिए जे णं मंदरचूलियं सव्वओ समंता संपरिक्खित्ताणं चिड्डइ-तिण्णि जोयणसहस्साइ एणं च बावट्ठं जोयणसयं किंचिद्विसेसाहियं परिक्खेवेणं से णं एगाए पउमवरवेइयाए एगेणं य वणसंडेणं जाव किण्हे देवा आसयंति, पंडगवणस्स बहुमज्झदेसभाए एत्थ णं मंदर- चूलिया नामं चूलिया चत्तालीसं जोयणाइ उड्ढं उच्चत्तेणं मूले बारस जोयणाइ विकखंभेणं मज्झे अट्ट जोयणाइ विक्कंभेणं उप्पि चत्तारि जोयणाइ विकखंभेणं मूले साइरेगाइ सत्तत्तीसं जोयणाइ परिक्खेवेणं मज्झे साइरेगाइ पणवीसं जोयणाइ परिक्खेवेणं उप्पि साइरेगाइ बारस जोयणाइ परिक्खेवेणं मूले विच्छिण्णा मज्जे संछिता उप्पि तणुया गोपुच्छसंठाणसंठिया सव्वेरुलियामई अच्चआ सा णं एगाए पउमवरवेइयाए जाव संपरिक्खित्ता उप्पि बहुसमरमणिजे भूमिभागे जाव सिद्धाययणं बहुमज्झदेसभाए-कोसं आयामेणं अद्धकोसं विकखंभेणं देसूणं कोसं उड्ढं उच्चत्तेणं अनेगखंभ सयसण्णिविड्ढे जाव धूवकड्डुत्तुगा मंदरचूलियाए णं पुरत्थिमेणं पंडगवनं पत्रासं जोयणाइ ओगाहिता एत्थ णं महं भवणे० एवं जच्चैव सोमनसवने पुव्ववण्णिओ गयो भवणाणं पुक्खरिणीणं पासायवडेंसगाणं य सो चैव नेयव्यो जाव सक्कीसाणवडेंसगा तेषं चैव परिमाणेणं ।१०७।-१०६

(२००) पंडगवणे णं भंते वने कइ अभिसेयसिलाओ पत्रताओ गोयमा चत्तारि अभिसेयसि-लाओ पत्रताओ तं जहा-पंडुसिला पंडुकंबलसिला रत्तसिला रत्तकंबलसिला कहि णं भंते पंडगवने

वने पंडुसिला नामं सिला पन्नता गोयमा मंदरचूलियाए पुरत्थिमेणं पंडगवनपुरत्थिमपेरंते एत्थ णं पंडगवने वने पंडुसिला नामं सिला पन्नता-उत्तरदाहिणायया पाईणपडीणविच्छिण्णा अद्धचंद-संठाणसंठिया पंचजोयणसयाइं आयामेणं अड्ढाइज्जाइं जोयणसयाइं विक्खंभेणं चत्तारि जोयणाइं बाहल्लेणं सव्वकणगामई अच्चा वेइयावणसंडेणं सव्वओ समंता संपरिक्खिता वण्णओ तीसे णं पंडुसिलाए चउट्ठिंसिं चत्तारि तिसोवाणपडिरूवगा पन्नता जाव तोरणा वण्णओ तीसे णं पंडुसिलाए उप्पिं बहुसमरमणिज्जे भूमिभागे पन्नते जाव देवा आसयंति सयंति तस्स णं बहुसमरमणिज्जस्स भूमिभागस्स बहुमज्झदेसभाए उत्तरदाहिणेणं एत्थ णं दुवे अभिसेयसीहासणा पन्नता-पंच धणु-सयाइं आयाम-विक्खंभेणं अड्ढाइज्जाइं धणुसयाइं बाहल्लेणं सीहासणवण्णओ भाणियव्वो विजय-दूसवज्जो तत्थ णं जेसे उत्तरिल्ले सीहासणे तत्थ णं बहूहिं भवणवइ जाव वेमाणिएहिं देवेहिं देवीहि य कच्छइया तित्थयरा अभिसिच्चंति तत्थ णं जेसे दाहिणिल्ले सीहासणे तत्थ णं बहूहिं भवण जाव वेमा-णिएहिं देवेहिं देवीहि य वच्छइया तित्थयरा अभिसिच्चंति कहि णंभंते पंडगवने वने पंडुकंबलसिला नामं सिला पन्नता-पाईणपडीणायया उत्तरदाहिणविच्छिण्णा एवं तं चेव पमाणं वत्तव्वया य भाणियव्वा जाव-तस्स णं बहुसमरमणिज्जस्स भूमिभागस्स बहुमज्झ- देसभाए एत्थ णं महं एगे सीहासणे पन्नते तं चेव सीहासणप्पमाणं तत्थ णं बहूहिं भवणवइ जाव भारहगा तित्थयरा अभिसिच्चंति कहि णं भंते पंडगवणे वणे रत्तसिला नामं सिला पन्नता गोयमा मंदरचूलियाए पच्च-त्थिमेणं पंडगवनपच्चत्थिमपेरंते एत्थ णं पंडगवने वने रत्तसिला नामं सिला पन्नता-उत्तरदाहिणायया पाईणपडीण- विच्छिण्णा जाव तं चेव पमाणं सव्वतवणिज्जामई अच्चा तत्थ णं जेसे दाहिणिल्ले सीहासणे तत्थ णं बहूहिं भवणवइ जाव देवेहिं देवीहि य पम्हाइया तित्थयरा अभिसिच्चंति तत्थ णं जेसे उत्तरिल्ले सीहासणे तत्थ णं बहूहिं भवणवइ जाव देवेहिं दे-वीहि य वप्पाइया तित्थयरा अभिसिच्चंति कहिणं भंते पंडगवने वने रत्तकंबलसिला नामं सिला पन्नता गोयमा मंदरचूलिया उत्तरेणं पंडगवनउत्तरचरिंमंते एत्थ णं पंडगवने वने रत्तकंबलसिला नामं सिला पन्नता-पाईण-पडीणायया उदीणदाहिणविच्छिण्णा सव्वतवणिज्जामई अच्चा जाव बहुमज्झदेसभाए सीहासणं तत्थ णं बहूहिं भवणवइ जाव देवेहिं देवीहि य एरावयगा तित्थयरा अभिसिच्चंति १९०८-१०७

(२०१) मंदरस्स णं भंते पव्वयस्स कइ कंडा पन्नता गोयमा तओ कंडा पन्नता तं जहा-हेट्ठिल्ले कंडे मज्झिमिल्ले कंडे उवरिल्ले कंडे मंदरस्स णं भंते पव्वयस्स हेट्ठिल्ले कंडे कतिविहे पन्नते गोयमा चउव्विहे पन्नते तं जहा-पुढवी उबले वइरे सक्करा मज्झिमिल्ले णं भंते कंडे कतिविहे पन्नते गोयमा चउव्विहे पन्नते तं जहा-अंके फलिहे जायरूवे रयए उवरिल्ले कंडे कतिविहे पन्नते गोयमा एगागारे पन्नते सव्वजंबूणायामए मंदरस्स णं भंते पव्वयस्स हेट्ठिल्ले कंडे केवइयं बाहल्लेणं पन्नते गोयमा एणं जोयणसहस्सं बाहल्लेणं पन्नते मज्झिमिल्ले कंडे पुच्छा गोयमा तेवट्ठि जोयणसहस्साइं बाहल्लेणं पन्नते उवरिल्ले पुच्छा गोयमा छतीसं जोयणसहस्साइं बाहल्लेणं पन्नते एवामेव सपुव्वावरेणं मंदरे पव्वए एणं जोयणसयसहस्सं सव्वगेणं पन्नते १९०९-१०८

(२०१) मंदरस्स णं भंते पव्वयस्स कति नामधेज्जा० सोलस नामधेज्जा १९१०-२-१०९-१

(२०२) मंदर मेह मनोरम सुदंसण सयंपमे य गिरिराया
रयणोच्चए सिलोच्चए मज्झे लोगस्स नाभी य ॥६६॥-१

(२०३) अच्छे य सूरियावत्ते सूरियावरणे ति या
उत्तमे य दिसादी य वडंसेति य सोलस ॥६७॥-२

(२०५) से केणट्टेणं भंते एवं बुद्धइ-मंदरे पव्वए मंदरे पव्वए गोयमा मंदरे पव्वए मंदरे नामं देवे परिवसइ महिइदीए आब पलिओवमड्डिईए से तेणट्टेणं गोयमा एवं बुद्धइ-मंदरे पव्वए-मंदरे पव्वए अदुत्तरं तं चेव ।११०१-१०९

(२०६) कहि णं भंते जंबुद्वीवे दीवे नीलवंते नामं वासहरपव्वए पन्नत्ते गोयमा महाविदेहस्स वासस्स उत्तरेणं रम्मगवासस्स दक्खिणेणं पुरत्थिमिच्छलवणसमुद्दस्स पच्चत्थिमेणं पच्चत्थिमलवण-समुद्दस्स पुरत्थिमेणं एत्थ णं जंबुद्वीवे दीवे नीलवंते नामं वासहरपव्वए पन्नत्ते-पाईणपडीणायए उदाणदाहिणविच्छिण्णे निसहवत्तव्वया नीलवंतस्स भाणियव्वा नवरं-जीवा दाहिणेणं धणु उत्तरेणं एत्थ णं केसरिदहो सीया महानई पवूढा समाणी उत्तरकुरं एजेमाणी-एजेमाणी जमगपव्वए नीलवंत-उत्तरकुरु-चंदेरावण-मालवंतदहे य दुहा विभयमाणी-विभयमाणी चउरासीए सलिलास-हस्सेहिं आपूरेमाणी-आपूरेमाणी भहसालवनं एजेमाणी-एजेमाणी मंदर पव्वयं दोहिं जोयणेहिं असंपत्ता पुरत्थाभिमुही आवत्ता समाणी अहे मालवंतवक्खारपव्वयं दालयित्ता मंदरस्स पव्वयस्स पुरत्थिमेणं पुव्वविदेहे वासं दुहा विभयमाणी-विभयमाणी एगमेगाओ चकवट्टियिजयाओ अट्टावी-साए-अट्टावीसाए सलिलासहस्सेहिं आपूरेमाणी-आपूरेमाणी पंचहिं सलिलासयसहस्सेहिं बतीसाए य सलिलासहस्सेहिं समग्गा अहे विजयस्स दारस्स जगइं दालइत्ता पुरत्थिमेणं लवणसमुद्दं समपेइ अवसिइं तं चेव एवं नारिकंतावि उत्तराभिमुही नेयव्वा नवरमिमं नाणत्तं-गंधावइवट्टेयइदपव्वयं जोयणेणं असंपत्ता पच्चत्थाभिमुही आवत्ता समाणी अवसिइं तं चेव पवहे य मुहे य जहा हरिकंतासलिला, नीलवंते णं भंते वासहरपव्वए कइ कूडा ५० नव कूडा ५० ।१११-११-११०-१

(२०७) सिद्धे नीले पुव्वविदेहे सीया य कित्ति नारी य

अवरविदेहे रम्मगकूडे उवदंसणे चेव

॥६८॥-१

(२०८) सब्बे एए कूडा पंचसइया रायहाणीओ उत्तरेणं, से केणट्टेणं भंते एवं बुद्धइ-नीलवंते वासहरपव्वए नीलवंते वासहरपव्वए गोयमा नीले नीलोभासे नीलवंते य इत्थ देवे महिइदीए जाव परिवसइ सब्बेवरुलियामए नीलवंते जाय निच्चे ।११११-११०

(२०९) कहि णं भंते जंबुद्वीवे दीवे रम्मए नामं वासे पन्नत्ते गोयमा नीलवंतस्स उत्तरेणं रुप्पिस्स दक्खिणेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरत्थिमेणं एवं जह चेव हरिवासं तह चेव रम्मयं धासं भाणियव्वं नवरं-दक्खिणेणं जीवा उत्तरेणं धणु अवसेसं तं चेव कहि णं भंते रम्मए वासे गंधावई नामं वट्टेयइदपव्वए० नरकंताए पच्चत्थिमेणं नारीकंताए पुरत्थि-मेणं बहुमज्झदेसभाए एत्थ णं गंधावई नामं वट्टेयइदपव्वए पन्नत्ते जं चेव वियडावइस्स तं चेव गंधावइस्सवि वत्तव्वं अट्टो बहवे उप्पलाइं जाव गंधावइवण्णाइं गंधावइवण्णाइं गंधावइवण्णाभाइं गंधावइप्पमाइं पउमे य इत्थ देवे महिइदीए जाव पलिओवमड्डिईए परिवसइ रायहाणी उत्तरेणं से केणट्टेणं भंते एवं बुद्धइ-रम्मए वासे रम्मए वासे गोयमा रम्मगवासे णं रम्मे रम्मए रमणिजे रम्मए य इत्थ देवे जाव परिवसइ से तेणट्टेणं कहि णं भंते जंबुद्वीवे दीवे रुप्पी नामं वासहरपव्वए पन्नत्ते गोयमा रम्मगवासस्स उत्तरेणं हेरण्णवयवासस्स दक्खिणेणं पुरत्थिमलवणसमुद्दस्स पच्चत्थिमेणं पच्चत्थिम-लवणसमुद्दस्स पुरत्थिमेणं एत्थ णं जंबुद्वीवे दीवे रुप्पी नामं वासहरपव्वए पन्नत्ते-पाईणपडीणायए उदीणदाहिणविच्छिण्णे एवं जा चेव महाहिमवंतवत्तव्वया सा चेव रुप्पिस्सवि नवरं-दाहिणेणं जीवा उत्तरेणं धणु अवसेसं तं चेव अहापुंडरीए दहे नरकंता महानदी दक्खिणेणं नेयव्वा जहा रोहिया

पुरत्थिमेणं गच्छइ रूपकूला उत्तरेणं नेयव्वा जहा हरिकंता पच्चत्थिमेणं गच्छइ अवसेसं तं चेव रूपिम्मि णं भंते वासहरपव्वए कइ कूडा पन्नता गोयमा अट्ट कूडा पन्नता तं जहा- 1992-91-112-1

(२१०) सिद्धे रूपी रम्मग नरकंता बुद्धि रूपकूला य

हेरण्णवए मणिकंचणे य रूपिम्मि कूडाई

11६९11-1

(२११) सव्वेवि एए पंचसइया रायहाणीओ उत्तरेणं से केणट्ठेणं भंते एवं बुच्चइ-रूपी

वासहरपव्वए रूपी वासहरपव्वए गोयमा रूपी णं वासहरपव्वए रूपी रूपवट्ठे रूपिओभासे सव्वरूपमए रूपी य इत्य देवे पलिओवपट्ठिईए परिवसइ से तेणट्ठेणं, कहि णं भंते जंबुदीवे दीवे हेरण्णवए वासे पन्नते गोयमा रूपिस्स उत्तरेणं सिहरिस्स दक्खिणेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरत्थिमेणं एत्थ णं जंबुदीवे दीवे हेरण्णवए वासे पन्नते एवं जह चेव हेमवचं तह चेव हेरण्णवयंपि माणियव्वं नवरं-जीवा दाहिणेणं उत्तरेणं धणुं अवसिद्धं तं चेव, कहि णं भंते हेरण्णवए वासे मालवंतपरियाए नामं वट्टवेयइट्ठपव्वए पन्नते गोयमा सुवण्णकूलाए पच्चत्थिमेणं रूपकूलाए पुरत्थिमेणं एत्थ णं हेरण्णवयस्स वासस्स बहुमज्झदेसभाए मालवंतपरियाए नामं वट्टवेयइट्ठे पन्नते जह चेव सदावई तह चेव मालवंतपरियाए अट्ठो उप्पलाइं पउममई मालवंतप्यमाइं मालवंतवण्णाइं मालवंतयण्णाभाइं पभासे य इत्य देवे महिइटीए पलिओवमट्ठिईए परिवसइ से एएणट्ठेणं रावहाणी उत्तरेणं, से केणट्ठेणं भंते एवं बुच्चइ-हेरण्णवए वासे हेरण्णवए वासे गोयमा हेरण्णवए णं वासे रूपि-सिहरीहिं वासहरपव्वएहिं दुहओ समुवगूढे निच्चं हिरण्णं दलयइ निच्चं हिरण्णं पगासइ हेरण्णवए य इत्य देवे परिवसइ से एएणट्ठेणं कहि णं भंते जंबुदीवे दीवे सिहरी नामं वासहरपव्वए पन्नते गोयमा हेरण्णवयस्स उत्तरेणं एरावयस्स दाहिणेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरत्थिमेणं एवं जह चेव चुल्लहिमवंतो तह चेव सिहरीवि नवरं-जीवा दाहिणेणं धणुं धणुपट्ठं उत्तरेणं अवसिद्धं तं चेव पुंडरीए दहे सुवण्णकूला महानई दाहिणेणं नेयव्वा जहा रोहिचंसा पुरत्थिमेणं गच्छइ एवं जह चेव गंगा-सिधूओ तह चेव रत्ता-रत्तवईओ नेयव्वाओ-पुरत्थिमेणं रत्ता पच्चत्थिमेणं रत्तवई अवसिद्धं तं चेव अपरिसेसं नेयव्वं, सिहरिम्मि णं भंते वासहरपव्वए कइ कूडा पन्नता गोयमा इक्कारस कूडा पन्नता तं जहा-सिद्धाययणकूडे सिहरिकूडे हेरण्णवयकूडे सुवण्णकूलाकूडे सुरोदेवी कूडे रत्ताकूडे लच्छूकूडे रत्तवईकूडे इलादेवी कूडे एरवयकूडे तिगिच्छकूडे एवं सव्वेवि एते कूडे पंचसइया रायहाणीओ उत्तरेणं से केणट्ठेणं भंते एवं बुच्चइ-सिहरिवासहरपव्वए सिहरिवासहरपव्वए गोयमा सिहरिम्मि वासहरपव्वए बहवे कूडा सिहरिसंठाणसंठिया सव्वयणामया सिहरी य इत्य देये जाव परिवसइ से तेणट्ठेणं, कहि णं भंते जंबुदीवे दीवे एरावए नामं वासे पन्नते गोयमा सिहरिस्स उत्तरेणं उत्तरलव- णसमुद्दस्स दक्खिणेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरत्थिमेणं एत्थ णं जंबुदीवे दीवे एरावए नामं वासे पन्नते- खाणुवहुले कंटकबहुले एवं जच्चेव भरहस्स वत्तव्वया सच्चेव सव्वा निरवसेसा नेयव्वा सओयवणा सणिक्खमणा सपरिनिव्वाणा नवरं-एरावओ चक्कवट्ठी एरावओ देवो से तेणट्ठेणं एरावए वासे-एरावए वासे 1992-1-111

● चउत्तो बखारो सप्ततो ●

पंचमो--बखारो

(२१२) जया णं एकमेकके चक्कवट्ठिविजए भगवंतो तित्थयरा समुप्पजंति तेणं कालेणं

तेषां समएणं अहेलोगवत्थव्वाओ अट्ट दिसाकुमारीओ महत्तरियाओ सएहिं-सएहिं कूडेहिं सएहिं-सएहिं भवणेहिं सएहिं-सएहिं पासायवडेंसएहिं पतेयं-पतेयं चउहिं सामाणियसाहस्सीहिं चउहिं य महत्तरियाहिं सपरियाराहिं सत्ताहिं अणिएहिं सत्ताहिं अणियाहिं बईहिं सोलसेहिं आयरकख-देवसाहस्सीहिं अण्णेहिं य बहूहिं देवेहिं देवीहिं य सद्धिं संपरिवुडाओ महायाहयनट्ट-गीय-वाइय जाव भोगभोगाई मुंजमाणीओ विहरंति [तं जहा]- 1993-91-112-1

(२१३) भोगंकरा भोगवई सुभोगा भोगमालिणी

तोयघारा विचिता य पुष्फमाला अर्णिदिया

॥७०॥-१

(२१४) तए णं तासिं अहेलोगवत्थव्वाणं अट्टण्हं दिसाकुमारीमहत्तरियाणं पतेयं-पतेयं

आसणाई चलंति तए णं ताओ अहेलोगवत्थव्वाओ अट्ट दिसाकुमारीओ महत्तरियाओ पतेयं-पतेयं आसणाई चलिआई पासंति पासिता ओहिं पउंजंति पउंजिता भगवं तित्थयरं ओहिणा आभोएति आभोएत्ता अण्णमण्णं सद्दावेत्ति सद्दावेत्ता एवं वयासी-उप्पन्ने खलु मो जंबुद्वीवे द्वीवे भयवं तित्थयरे तं जीयमेयं मत्तीयपच्चुप्पन्मभागायाणं अहेलोगवत्थव्वाणं अट्टण्हं दिसाकुमारीमहत्तरियाणं जम्भण-महिमं करेत्ताए तं गच्छामो णं अण्हेवि भगवओ जम्भणमहिमं करेमोत्तिकट्ट एवं वयंति वइत्ता पतेयं-पतेयं आभिओगिए देवे सद्दावेत्ति सद्दावेत्ता एवं वयासी-खिप्पामेव भो देवाणुप्पिया अणेगखंभसय-ण्णिदिडे लीलद्विये-साल्लपंजियागे एवं विमाणवण्णओ भाणियव्वो जाव जोयणद्विच्छिण्णे दिव्वे जाणविमाणे विउव्वह विउव्विता एयमाणत्तियं पच्चमिणह तए णं ते आभिओगिया देवा अणेगखंभसयसत्रिविडे जाव पच्चप्पणंति तए णं ताओ अहेलोगवत्थव्वाओ अट्ट दिसाकुमारी-महत्तरियाओ हट्टतुट्टचित्तमाणदियाओ पतेयं-पतेयं चउहिं सामाणियसाहस्सीहिं चउहिं महत्तरियाहिं जाव अण्णेहिं य बहूहिं देवेहिं देवीहिं य सद्धिं संपरिवुडाओ ते दिव्वे जाणविमाणे दुरुहंति दुरुहिता सव्विइदीए सव्वजुईए धणमुइंगपणवपवाइयरवेणं ताए उक्किक्कट्टए जाव देवगईए जेणेव भगवओ तित्थयरस्स जम्भणनगरे जेणेव भगवओ तित्थयरस्स जम्भणभवणे तेणेव उवागच्छंति उवागच्छिता भगवओ तित्थयरस्स जम्भणभवणं तेहिं दिव्वेहिं जाणविमाणेहिं तिक्खुत्तो आयाहिण-पयाहिणं करेत्ति करेत्ता उत्तरपुरत्थिमे दिसीभाए ईसिं चउरंगुलमसंपत्ते धरणियले ते दिव्वे जाण-विमाणे ठवेत्ति ठवेत्ता पतेयं-पतेयं चउहिं सामाणियसाहस्सीहिं जाव सद्धिं संपरिवुडाओ दिव्वेहिं तो जाणविमाणेहिं तो पच्चोरुहंति पच्चोरुहिता सव्विइदीए जाव दुंदुहिणिग्घोसनाइएणं जेणेव भगवं तित्थरे तित्थयरभाया य तेणेव उवागच्छंति उवागच्छिता भगवं तित्थयरं तित्थयरभायं च तिक्खुत्तो आयाहिण-पयाहिणं करेत्ति करेत्ता जाव एवं वयासी-नमोत्थु ते रयणकुच्छिधरिए जगप्पईवदाईए सव्वजगमंगलस्स चक्खुणो य मुत्तस्स सव्वजगजीववच्छलस्स हियकारण-मगदेसिय-पागड्ढि-विभुपभुस्स जिणस्स नाणिस्स नायगस्स बुद्धस्स बोहागस्स सव्वलोगनाहस्स निम्ममस्स पवरकुलसमुब्भवस्स जाईए खत्तियस्स जंसि लोगतमस्स जणणी धण्णासि पत्रासि तं कयत्थासि अण्हे णं देवाणुप्पिए अहेलोगवत्थव्वाओ अट्ट दिसाकुमारी-महत्तरियाओ भगवओ तित्थयरस्स जम्भणमहिमं करिस्सामो तण्णं तुब्बाहिं न भाइयव्वंतिकट्ट उत्तरपुरत्थियं दिसीभागं अवक्कमंति अवक्कमिता वेउव्वियसमुग्घाएणं समोहण्णंति समोहणित्ता संखिज्जाई जोयणाई दंडं निसिरंति तं जहा-रयणाणं जाव संवट्टगवाए विउव्वंति विउव्विता तेणं सिवेणं मउएणं मारुएणं अनुट्टुएणं भूमित्तलविमलकरणेणं मणहरेणं सव्वोउयसुरभिकुसुमग्घाणुवासिएणं पिंडिमनीहारिमेणं गंधदु-

रेणं तिरियं पवाइएणं भगवओ तित्थयरस्स जम्भणभवणस्स सब्बओ समंता जोयणपरिमंडलं से जहानामए-कम्भगरदारए सिया जाव तहेवजं तत्थ तणं वा पत्तं वा कइं वा कयवरं वा असुइमवोक्खं पूइयं दुब्बिगंधं तं सब्बं आहुणिय-आहुणिय एगंते एडेति एडेत्ता जेणेव भगवं तित्थये तित्थयरमाया य तेणेव उवागच्छंति उवागच्छिता भगवओ तित्थयरस्स तित्थयरमायाए य अदूरसापंते आगाय-माणीओ परिगाय- माणीओचिइंति। ११३।-११२

(२१५) तेणं कालेणं तेणं समएणं उइद्लोगवत्थव्वाओ अइ दिसाकुमारीमहत्तरियाओ सएहिं-सएहिं कूडेहिं सएहिं-सएहिं भवणेहिं सएहिं-सएहिं पासायवडेंसएहिं पत्तेयं-पत्तेयं चउहिं सामाणियसाहस्सीहिं एवं तं चेव पुव्ववण्णियं जाव विहरंति [तं जहा]- ११४-क१ -११३-१

(२१६) मेहंकरा मेहवई सुमेहा मेहमालिणी

सुवच्छा बच्छमिता य वारिसेणा बलाहगा

११७१।-१

(२१७) तए णं तासि उइद्लोगवत्थव्वाणं अइण्हं दिसाकुमारीमहत्तरियाणं पत्तेयं-पत्तेयं आसणाइं चलंति एवं तं चेव पुव्ववण्णियं भाणियव्वं जाव अहे णं देवाणुप्पिए उइद्लोगवत्थव्वओ अइ दिसाकुमारीमहत्तरियाओ भगवओ तित्थयरस्स जम्भणमहिंमं करिस्सामो तुब्बाहिं न भाइ-यव्वंतिकइ उत्तरपुरत्थिमं दिसीभागं अवक्कमंति अवक्कमिता जाव अब्बवद्दए विउव्वंति विउव्विता जाव तं निहरयं नद्धरयं भद्धरयं पसंतरयं उवसंतरयं करंति करेत्ता खिप्पामेव पद्युवसंमंति पद्युवसमित्ता तद्यपि वेउव्वियसमुग्धाएणं समोहणंति समोहणित्ता पुप्फवद्दए विउव्वंति से जहाणामए- मालागारदारए सिया तरुणे जाव निउसिप्पो व गए एणं महं पुप्फउज्जियं वा पुप्फपडलगं वा पुप्फचंगेरियं वा गहाय रायंगणं वा रायंतउरं वा आरामं वा उज्जाणं वा देवउलं वा सपं वा पवं वा अतुरियमचवलसंभंतं निरंतरं सुनिउणं सब्बतो समंता कयगहगिहयकरयलपब्बइ-विप्पमुक्केणं दसद्धवण्णेणं कुसुमेणं मुक्कपुप्फपुंजोवयारकलियं करेत्ता एवामेव ताओ दिसाकु-मारीमहत्तरियाओ पुप्फवद्दए विउव्वंति विउव्विता खिप्पामेव पतणतणायंति पतण- तणाइत्ता खिप्पामेव विज्जुयायंति विज्जुयाइत्ता भगवओ तित्थयरस्स जम्भणभवणस्स सब्बओ समंता जोयण-परिमंडलं जलययलयभासुरप्पभूयस्स बेंटइइस्स दसद्धवण्णकुसुमस्स जण्णुस्सेहप- माणमेत्ति ओहिं वासं वासंति वासित्ता कालागर-पवरकुंदुरुक्क-तुरुक्क-धूव-मघमघंतंगधुद्धुयाभिरामं सुगंधवरगंधगंधियं गंधवडिभूतं दिव्वं सुरवराभिगमणजोग्गं करंति करेत्ता जेणेव भयवं तित्थ- ये तित्थयरमाया य तेणेव उवागच्छंति जाय आगायमाणीओ परिगायमाणीओ चिइंति। ११४।-११३

(२१८) तेणं कालेणं तेणं समएणं पुरत्थिमरुयगवत्थव्वाओ अइ दिसाकुमारीमहत्तरियाओ सएहिं-सएहिं कूडेहिं तहेव जाव विहरंति [तं जहा]- ११५-१।-११४-१

(२१९) नंदुत्तरा य नंदा आणंदा नंदिवद्धणा

विजया य वेजयंति जयंति अपराजिया

११७२।-१

(२२०) सेसं तं चेव जाय तुब्बाहिं न भाइयव्वंतिकइ भगवओ तित्थयरस्स तित्थयरमायाए य पुरत्थिमेणं आदंसहत्तगयाओ आगायमाणीओ परिगायमाणीओ चिइंति तेणं कालेणं तेणं समएणं दाहिणरुयगवत्थव्वाओ अइ दिसाकुमारीमहत्तरियाओ तहेव जाव विहरंति। ११५-२।-११४-२

(२२१) समाहारा सुप्पइण्णा सुप्पबुद्धा जसोहरा

लच्छिमई सेसवई चित्तगुत्ता वसुंधरा

११७३।-१

(२२२) तहेव जाव तुब्बाहिं न भाइयव्वंतिकइ भगवओ तित्थयरस्स तित्थयरमाऊए य

दाहिणेणं भिंगारहत्यगयाओ आगायमाणीओ परिगायमाणीओ चिद्धंति तेणं कालेणं तेणं समएणं पच्चत्थिमेरुयगवत्यव्वाओ अड्ड दिसाकुमारीमहत्तरियाओ सएहिं-सएहिं जाव विहरंति तं जहा

1994-21-114-3

(२२३) इलादेवी सुरादेवी पुरुवी पउमावई

एगणासा नवमिया महा सीया य अड्डमा

119411-1

(२२४) तहेव जाव तुब्भाहिं न भाइयव्वंतिकड्ड भगवओ तित्थयरस्स तित्थयरमाऊए य पच्चत्थिमेणं तालियंटहत्यगयाओ आगायमाणीओ परिगायमाणीओ चिद्धंति तेणं कालेणं तेणं समएणं उत्तरिल्लेरुयगवत्यव्वाओ जाव विहरंति तं जहा 1994-21-114-4

(२२५) अलंबुसा मिस्सकेसी पुंडरीका य चारुणी

हासा सव्वप्पमा चेव सिरि हिरि चेव उत्तरओ

119411-1

(२२६) तहेव जाव वंदिता भगवओ तित्थयरस्स तित्थयरमाऊए य उत्तरेणं चामरहत्यगयाओ आगायमाणीओ परिगायमाणीओ चिद्धंति तेणं कालेणं तेणं समएणं विदिसिरुयगवत्यव्वाओ चत्तारि दिसाकुमारीमहत्तरियाओ जाव विहरंति तं जहा-चित्ता य चित्तकण्णा सतेरा य सोदामिणी तहेव जाव न भाइयव्वंतिकड्ड भगवओ तित्थयरस्स तित्थयरमाऊए य चउसु विदिसासु दीवियाहत्यगयाओ आगायमाणीओ परिगायमाणीओ चिद्धंति तेणं कालेणं तेणं समएणं मज्झिमरुयगवत्तव्वओ चत्तारि दिसाकुमारीमहत्तरियाओ सएहिं-सएहिं कूडेहिं तहेव जाव विहरंति तं जहा-रूया रूयंसा रूयसा रूयगावई तहेव जाव तुब्भेहिं न भाइयव्वंतिकड्ड भगवओ तित्थयरस्स चउरंगुलवज्रं नाभिनालं कप्येति कप्येत्ता वियरगं खणंति खणित्ता वियरगे नाभिं निहणंति निहणित्ता रयणाण य बइराण य पूरेति पूरेत्ता हरियालिया पेढं बंधंति बंधित्ता तिदिसिं तओ कयलीहरगे विउव्वंति तए णं तेसि कयलीहरगाणं बहुमज्झदेसभाए तओ चाउस्सालए विउव्वंति तए णं तेसि चाउस्सालगाणं बहुमज्झदेसभाए तओ सीहासणे विउव्वंति तेसि णं सीहासणाणं अयमेयास्से वण्णावासे पन्नत्ते सव्वो वण्णगो माणियव्वो तए णं ताओ रुयगमज्झवत्यव्वाओ चत्तारि दिसाकुमारीमहत्तरियाओ जेणेव भयवं तित्थयरे तित्थयरमाया य तेणेव उवागच्छंति उवागच्छित्ता भगवं तित्थयरं करयलपुडेणं गिण्हंति तित्थयरमायरं च बाहाहिं गिण्हंति गिण्हित्ता जेणेव दाहिगिल्ले कयलीहरगे जेणेव चाउस्सालए जेणेव सीहासणे तेणेव उवागच्छंति उवागच्छित्ता भगवं तित्थयरं तित्थयरमायरं च सीहासणे नीसीयावेति निसीयावेत्ता सयपाग-सहस्सपागेहिं तेलेहिं अथंमेति अथंमेत्ता सुरभिणा गंधयट्टए णं उव्वट्टेति उव्वट्टेत्ता भगवं तित्थयरं करयलपुडेणं तित्थयरमायरं च बाहासु गिण्हंति गिण्हित्ता जेणेव पुरत्थिमिल्ले कयलीहरए जेणेव चाउस्सलए जेणेव सीहासणे तेणेव उवागच्छंति उवागच्छित्ता भगवं तित्थयरं तित्थयरमायरं च सीहासणे नीसीयावेति नीसीयावेत्ता तिहिं उदएहिं मज्जावेति तं जहा-गंधोदएणं पुप्फोदएणं सुद्धोदएणं मज्जावेत्ता सव्वालंकारविभूसियं करंति करेत्ता भगवं तित्थयरं करयलपुडेणं तित्थयरमायरं च बाहाहिं गिण्हंति गिण्हित्ता जेणेव उत्तरिल्ले कयलीहरए जेणेव चाउस्सालए जेणेव सीहासणे तेणेव उवागच्छंति उवागच्छित्ता भगवं तित्थयरं तित्थयरमायरं च सीहासणे नीसीयावेति नीसीयावेत्ता आभिओगे देवे सद्दावेति सद्दावेत्ता एवं वयासी-निव्वप्पामेव भो देवाणुप्पिया चुल्लहिमवंताओ वासहरपव्वयाओ सरसाइं गोसीसवं-दणकट्टाइं साहरह तए णं ते आभिओगा देवा ताहिं रुयगमज्झवत्यव्वाहिं चउहिं दिसाकुमारीम-

हत्तरियाहिं एवं वृत्ता समाणा हृदुतुडुचित्तमाणंदिया जाव विणएणं वयणं पडिच्छंति पडिच्छित्ता
 खिप्पामेव चुल्लहिमवंताओ वासहरपव्वयाओ सरसाइं गोसीसचंदणकड्डाइं साहरंति तए णं ताओ
 मज्झिमरुयगवत्थव्वाओ चत्तारि दिसाकुमारीमहत्तरियाओ सरगं करेति करेता अरणिं घडेति
 घडेता सरएणं अरणिं महंति महित्ता अग्गि पाडेति पाडेता अग्गि संधुक्खंति संधुक्खित्ता गोसी-
 सचंदणकड्डे पक्खिवंति पक्खिवित्ता अग्गि उज्जालंति उज्जालित्ता अग्गिहोमं करेति करेता भूतिकम्मं
 करेति करेता रक्खापोइलियं धंधंति बंधेता नानामणिरयणभत्तिचित्ते दुविहे पाहाणवट्टणे गहाय
 भगवओ तित्थयारस्स कण्णमूलंसि टिट्ठियावेति-भवउ भयवं पव्वपाउए तए णं ताओ रुयग-
 मज्झवत्थव्वाओ चत्तारि दिसाकुमारीमहत्तरियाओ भयवं तित्थयरं करयत्तपुडेणं तित्थयरमायरं च
 बाहाहिं गिण्हंति गिण्हित्ता जेणेव भगवओ तित्थयारस्स जम्मणभवणे तेणेव उवागच्छंति
 उवागच्छित्ता तित्थयरमायरं सयणिज्जंसि निसीयावेति निसीयावेत्ता भयवं तित्थयरं माऊए पासे
 ठवेति आगायमाणीओ परिगायमाणीओ चिट्ठंति 19१५1-114

(२२७) तेणं कालेणं तेणं समएणं सकृके नामं देविंदे देवराया वज्रपाणी पुरंदरे सयककऊ
 सहस्सकखे मयवं पागसासणे दाहिणड्डलोगाहिवईं बत्तीसविमाणवाससयसहस्साहिवईं एरावण-
 वाहणे सुरिंदे अरयंबरवत्थधरे आलइयमालउडे नवहेमचारुचित्त-चंचलकुंडलविलिहिज्जमाणगल्ले
 भासुरबोदी पलंबवणमाले महिड्डीए जाव महासोक्खे सोहम्मं कथे सोहम्मवडेंसए विमाणे समाए
 सुहम्पाए सकृकंसि सीहासणंसि से णं तत्थ बत्तीसाए विमाणावाससयसाहस्सीणं चउरासीए
 सामाणियसाहस्सीणं तायत्तीसाए तावत्तीसगाणं चउण्हं लोणपालाणं अट्टण्हं अग्गमहिसीणं
 सपरिचाराणं तिण्हं परिसाणं सत्तण्हं अणियाणं सत्तण्हं अणियाहिवईणं चउण्हं चउरासीणं
 आयरक्खदेवसाहस्सीमं अण्णेसिं च वहूणं सोहम्मकप्पवासीणवेमाणियाणं देवाण य देवीण य अण्णे
 पटंति अण्णेसिं च वहूणं देवाणं य देवीण य आभिओगउववण्णगाणं आहेवच्चं पोरेवच्चं सामित्तं
 भट्ठित्तं महत्तरगतं आणा-ईसर-सेणावच्चं कारेमाणे पालेमाणे महयाहयनइ-जाव दिव्वाइं भोगभो-
 गाइं भुंजमाणे विहरइ तए णं तस्स सकृकस्स देविंदस्स देवरण्णे आसणं चलइ ते णं से सकृके [देविंदे
 देवराया] आसणं चलियं पासइ पासित्ता ओहिं पउंजइ पउंजित्ता भगवं तित्थयरं ओहिणा आभोएइ
 आभोएत्ता हृदुतुडुचित्ते जाव हियए धाराहयनीवसुराभिकुसुम-चंचुमालइय-ऊत्तयिय-रोमकूवे विय-
 सियवरकमल-नयणवयणे पयलियवरकडग-तुडिय-केऊर-मउड-कुडल-हारविरायंतक्खे पालं-
 बपलंबमाणघोलंतभूसणधरे ससंभमं तुरियं चवलं सुरिंदे सीहासणाओ अब्भुड्डेइं अब्भुड्डेत्ता
 वेरुलिय-वरिद्ध-रिट्ठु-अंजण-निउणोविय-मिसिमिसित्तमणिरयणमंडियाओ पाउयाओ ओमुयइ
 ओमुइत्ता एगसाडियं उत्तरासंगं करेइ करेत्ता अंजलि-मउलियग्गहत्थे तित्थयराभिमुहे सत्तइ पयाइं
 अनुगच्छइ अनुगच्छित्ता वामं जाणुं अंचेइ अंचेत्ता दाहिणं जाणुं धरणीतलंसि निहट्टु तिककुत्तो
 मुद्दाणं धरणिगतलंसि निवाडेइ निवेसेत्ता ईसिं पच्चुण्णमइ पच्चुण्णमित्ता कडग-तुडिय-थंभियाओ
 भयाओ साहरइ साहरित्ता करयत्तपरिग्गहियं जाव एवं वयासी नमोत्तु णं अरहंताणं भगवंताणं
 आइगराणं तित्थयराणं सयंसंबुद्धानं पुरिसोत्तमाणं पुरिससीहाणं पुरिसवरपुंडरीयाणं पुरिस-
 वरगंधहत्थीणं लोणुत्तमाणं लोणनाहाणं लोणहियाणं लोणपईवाणं लोणपज्जोगराणं अभयदयाणं
 चक्खुदयाणं मग्गदयाणं सरणदयाणं जीवदयाणं बोहिदयाणं धम्मदयाणं धम्मदेसयाणं धम्मना-
 यगाणं धम्मसारहीणं धम्मवरचाउरंतचक्कवट्टीणं दीवो ताणं सरणं गइं पइइ अप्पडिहयवरनाण-

दंसणधराणं वियट्टछउमाणं जिणाणं जावयाणं तिण्णाणं तारायाणं बुद्धाणं बोहयाणं मुताणं मोय-
गाणं सव्वन्नूणं सव्वदरिसीणं सिवमचलमरुयमणं तमक्खय-मव्वाबाहमपुणरावित्ति सिदिग्गिनाम-
पेयं ठाणं संपत्ताणं नमोत्थु णं भगवओ तित्थगरस्स आइगरस्स जाव संपाविउकामस्स वंदामि णं
भगवंतं तत्थगयं इहगए पासउ मे भयवं तत्थगए इहगयंतिकट्ट वंदइ नमंसइ वंदित्ता नमंसित्ता
सीहासणवरंसि पुरत्थाभिमुहे सण्णिसण्णे तए णं तस्स एककस्स देविंदस्स देवरण्णो अयमेयास्वे
अज्झत्थिए चित्तिए पत्थिए मणोगए संकप्पे समुप्पज्जित्था-उप्पण्णे खलु भो जंबुद्वीवे दीवे भगवं
तित्थयरे तं जीयमेयं तीयपट्टुप्पणमणागयाणं सक्काणं देविंदाणं देचराइणं तित्थयरायणं
जम्मणमहिमं करेत्तए तं गच्छामि णं अहंपि भगवओ तित्थगरस्स जम्मणमहिमं करेमि तिकट्ट एवं
संपेहेइं संपेहेत्ता हरि-नेगमेसिं पायत्ताणीयाहिवइ देवं सद्दावेइ सद्दायेत्ता एवं वयासी-खिप्पामेव भो
देवाणुप्पिया सभाए सुहम्माए मेघोघरसियगंभीरमहुरयसइं जोयण-परिमंडलं सुघोसं सूसरं घंटं
तिक्खुत्तो उल्लालेमाणे-उल्लालेमाणे-महया-महया सद्देणं उग्घोसेमाणे-उग्घोसेमाणे एवं वयाहिं-
आणवेइ णं भो सक्के देविंदे देवराया गच्छइ जंबुद्वीवे दीवे भगवओ तित्थयरस्स जम्मणमहिमं
करित्ताए तं तुब्भेवि णं देवाणुप्पिया णं भो सक्के देविंदे देवराया सव्विइदीए सव्वजुइए सव्ववलेणं
सव्वसमुदएणं सव्वायरेणं सव्वविभूइए सव्वविभूसाए सव्वसंभमेणं सव्वाणाडएहिं सव्वोरेहेहिं
सव्वपुप्फगंधमल्लालंकारविभूसाए सव्वदिव्व तुडियसइसण्णिणाएणं महया इइदीए जाव दुंदुहि-
निग्घोसनाइयरवेणं निययपरियालसंपरिवुडा सयाइंसायाइं जाणविमाणवाहणाइं दुरुढा समाणा
अकालपरिहीणं चेव सक्कस्स देविंदस्स देवरण्णो अंतियं पाउब्भवह तए णं हरिनेगमेसी देवे
पायत्ताणीयाहिवइ सक्केणं देविंदेणं देवरण्णा एवं वुत्ते समाणे हइतुइ-चित्तमाणंदिए जाव एवं दे-
योत्ति आणाए विणएणं वयणं पडियुणेइ पडियुणेत्ता सक्कस्स देविंदस्स देवरण्णो अंतियाओ
पडिणिक्खमइ पडिणिक्खमिन्ना जेणेव सभाए सुहम्माए मेघोघरसियगंभीरमहुरयसइं जोयण-
परिमंडला सुघोसा घंटा तेणेव उवागच्छइ उवागच्छित्ता तं मेघोघरसियगंभीरमहुरयसइं जोयण-
परिमंडलं सुघोसं घंटं तिक्खुत्तो उल्लालेइ तए णं तीसे मेघोघरसियगंभीरमहुरयसद्दाए जोयण-
परिमंडलाए सुघोसाए घंटाए तिक्खुत्तो उल्लालियाए समाणीए सोहम्मे कप्पे अण्णेहिं एगूणेहिं
बत्तीसाए विमाणावाससयसहस्सेहिं अण्णाइं एगूणाइं बत्तीसं घंटासयसहस्साइं जमगसमगं
कणकणरवं काउं पयत्ताइं चावि हुत्था तए णं सोहम्मे कप्पे पासायविमाणणिक्खुडावडियसइ-
घंटापडेसुयासयसहस्ससंकुले जाए यावि होत्था तए णं तेसिं सोहम्मकप्पवासीणं बहूणं वेमाणियाणं
देवाण च देवीण य एणंतरइपसत्त-निच्चम्मत्त-विसय- सुहमुच्छियाणं सूसरघंटारसिययिउलबोल-
तुरियववलपडिबोहणे कए समाणे घोसणकोऊहलदिण्णकण्ण-एगण्णचित्तउवत्तमाणसाणं से
पायत्ताणीयाहिवइ देवे तंसि घंटारवंसि निसंत-पसंतंसि समाणंसि तत्थ-त्तय तहिं-तहिं देसे महया-
महया सद्देणं उग्घोसेमाणे-उग्घोसेमाणे एवं वयासी-हंदि सुणंतु भवंतो बहवे सोम्मकप्पवासी
वेमाणिया देवा य देवीओ य सोहम्मकप्पवेइणो इणनो वयणं हियसुहस्यं-आणवेइ णं भो सक्के तं
चेव जाव अंतियं पाउब्भवह तए णं ते देवा य देवीओ य एयमइं सोच्चा हइतुइ जाव हियया
अप्पेगइया वंदणवत्तियं एवं पूयणवत्तियं सक्कारवत्तियं सम्माणवत्तियं दंसणवत्तियं कोऊहल-
वत्तियं अप्पेगइया सक्कस्स वयणमणुवत्तमाणा अप्पेगइया अण्णमण्णमणुवत्तमाणा अप्पेगइया
जीयमेयं एवमाइतिकट्ट सव्विइदीए जाव अकालपरिहीणं चेव सक्कस्स देविंदस्स देवरण्णो अंतियं

पाउब्भवंति तए णं से सक्के देविंदे देवराया ते वेमाणिए देवे य देवीओ य अकालपरिहीणं चेव अंतियं पाउब्भवमाणे पासइ पासिता हट्टुट्ट-चित्तमाणंदिए पालयं नामं आभियोगियं देवं सहावेइं सहावेत्ता एवं वयासी-खिप्पामेव भो देवाणुप्पिया अणेगखंभसयसण्णिविट्ठं लीलड्डियसालभंजि-याकलियं ईहामिय-उसभ-नुरग-नर-मगर-विहग-धालग-किण्णर-रुह सरभ-चनर-कुंजर-बणलय-पउमलयभत्तिचित्तं खंमुंगयवइरवेइयापरिगयाभिरामं विआहरजमलजुयलजंतजुत्तपिव अच्ची-सहस्समालणीयं रुवगसहस्सकलियं भिसमाणं भिच्चिसमाणं चक्खुल्लोयणलेसं सुहफासं सस्सिरीयरुवं पंटावलिचलिय-महुर-मनहरसरं सुहं कंतं दरिसण्णिज्जं निउणोविय-मिसिमिसेंत-भणिरयणघंटियाजाल-परिक्खित्तं जोयणसयसहस्सविच्छिण्णं पंचजोयणसयमुच्चिद्धं सिग्घ-तुरिय-जइण-निव्वाहिं दिव्वं जाणविमाणं विउव्वाहि विउव्वित्ता एवमाणत्तियं पच्चप्पिणाहिं । ११६।-११५

(२२८) तए णं से पालए देवे सक्केणं देविदेणं देवरण्णा एवं वुत्ते समाणे हट्टुट्ट-चित्तमाणंदिए जाव वेउव्वियसमुग्घाएणं समोहणित्ता तहेव ऋइ तस्स णं दिवस्स जाणविमाणस्स तिदिसिं तओ तिसोवाणपडिरुवगा वण्णओ तेसिं णं पडिरुवगाणं पुरओ पत्तेयं-पत्तेयं तोरणे वण्णओ जाव पडिरुवा तस्स णं जाणविमाणस्स अंतो बहुसमरमणिज्जे भूमिभागे से जहाणामए-आलिंगपुकखरेइ वा जाव दीवियचम्पेइ वा अणेगसंकुकीलगसहस्सवितते आवड-पच्चावड-सेट्ठी-प्पसेट्ठी-सोत्थिय-सोवत्थिय-पूसमाणव-धद्धमाणग-मच्छंडग-मगरंडग-जार-मार-फुल्लावलि-पउम-पत्त-सागरतरंग-वसंतलय-पउमलयभत्तिचित्तेहिं सच्छाएहिं सण्णभेहिं समरीइएहिं सउज्जोएहिं नाणाविहंपंचवण्णेहिं मणीहिं उवसोभिए तेसिं णं मणीणं वण्णे गंधे फासे य भाणियव्वे जहा रायप्पसेणइज्जे तस्स णं भूमिभागस्स मज्झदेसभाए पेच्छाघरमंडवे-अणेगखंभसयसण्णिविट्ठे वण्णओ जाव पडिरुवे तस्स उज्जोए पउमलयभत्तिचित्ते जाव सब्बतवणिज्जमाए जाव पडिरुवे तस्स णं मंडवस्स बहुसमरमणिज्जस्स भूमिभागस्स मज्झदेसभागंसि महेगा मणिपेडिवा-अट्ट जोयणाइं आयाम-विक्खभेणं चत्तारि जोयणाइं बाहल्लेणं सव्वमणिमई वण्णओ तीए उवरिं महेगे सीहासणे वण्णओ तस्सुवरिं महेगे विजयदूसे सव्वरयणामए वण्णओ तस्स मज्झदेसभाए एगे वइरामए अंकुसे एत्थ णं महेगे कुंभिक्के मुत्तादामे से णं अण्णेहिं तद्धुच्चत्तप्पमाणमित्तेहिं चउहिं अट्टकुंभिक्केहिं मुत्तादामेहिं सव्वओ समंता संपरिक्खित्ते ते णं दामा तवणिज्जलंबूसगा सुवण्णपरयरमंडिया नानामणिरयणविहहहारद्धहारउवसोभियसमुदया ईसिं अण्णमण्णसंपत्ता पुव्वाइएहिं वाएहिं मंदं-मंदं एज्रमाण-एज्रमाणा जाव निव्वुइकरेणं सट्ठेणं ते पएसे सव्वओ समंता आपूरेमाणा-आपूरेमाणा सिरिए अतीव-अतीव उवसोभेमाणा-उवसोभेमाणा चिट्ठंति तस्स णं सीहासणस्स अबरुत्तरेणं उत्तरेणं उत्तरपुरत्थिमेणं एत्थ णं सक्कस्स देयिंदस्स देवरण्णो चउरासीए साभाणि- यसाहस्सीणं चउरासीइं भद्दासणसाहस्सीओ पुरत्थिमेणं अट्टण्हं अगमत्तिसीणं एवं दाहिणपुरत्थिमेणं अब्भितरपरिसाए दुवालसण्हं देवसाहस्सीणं दाहिणेणं मज्झिमपरिसाए चउद-सण्हं देवसाहस्सीणं दाहिणपच्चत्थिमेणं बाहिरपरिसाए सोलसण्हं देवसाहस्सीणं पच्चत्थिमेणं सत्तण्हं अणियाहिबईणं तए णं तस्स सीहासणस्स चउदिसिं चउण्हं चउरासीणं अण्यरक्खदेवसाहस्सीणं एवमाइ विभासियव्वं सूरियाभगमेणं जाव पच्चप्पिणत्ति । ११७।-११६

(२२९) तए णं से सक्के देविंदे देवराया हट्टुट्ट-चित्तमाणंदिए जाव हरिसवसविसण्ण-माणहियए दिव्वं जिण्णिदाभिगमणजोगं सव्वालंकारविभूसियं उत्तरवेउव्वियं रुवं विउव्वइ

विउच्चिता अट्टहिं अगमहिंसीहिं सपरिवाराहिं नट्टाणीएणं गंधव्याणीएणं य सद्धिं तं विमाणं अनुप्ययाहिणीकरेमाणे-अनुप्ययाहिणीकरेमाणे पुव्विल्लेणं तिसोमाण-पडिरूवएणं दुरुहइ दुरुहिता जाव सीहासणंसि पुरत्याभिमुहे सण्णिसण्णे एवं चेव सामाणियावि उत्तरेणं तिसोमाणपडिरूवाणं दुरुहिता जाव निसीयंति अवसेसा देवा य देवीओ य दाहिणिल्लेणं तिसोमाण-पडिरूवएणं दुरुहिता पत्तेयं-पत्तेयं पुव्वण्णत्थेसु भद्दासगेसु निसीयंति तए णं तस्स सक्कस्स देविंदस्स देवरण्णो तंसि दुरुढस्स समाणस्स इमे अट्टमंगलगा पुरओ अहाणुपुव्वीए संपट्टिया तयणंतरं च णं पुत्रकल-सभिंजारं दिव्वा य छत्तपडागा सचामरा य दंसणरइयआलोयदरिसण्णिजा वाउद्धुयविजयवेजयंति य समूसिया गगणतलमणुलिहंति पुरओ अहाणुपुव्वीए संपट्टिया तयणंतरं छत्तभिंजारं तयणंतरं च णं वइरामयवइलइसंठिय सुसिलिइपरिइमइसुपइइए विसिइए अणेगवरपंचवण्णकुडभीसहस्सपरि-मंडियाभिरामे वाउद्धुयविजयवेजयंतीपडागा-छत्ताइच्छत्तकलिए तुंगे गयणतलमणुलिहंतिसि-हरे जोयणसहस्समूसिए पहइमहालए महिंदज्जाए पुरओ अहाणुपुव्वीए संपट्टिए तयणंतरं च णं सरूवणेवत्थपरिच्छिया सुसज्जा सव्वालंकारविभूसिया पंच अणिया पंच अणिया- हिवइणो पुरओ अहाणुपुव्वीए संपट्टिया तयणंतरं च णं बहवे आभिओगिया देवा य देवीओ य सएहिं-सएहिं रूवेहिं जाव निओगेहिं सक्कं देविंदं देवरायं पुरओ य मग्गओ य पासओ य अहाणुपुव्वीए संपट्टिया तयणंतरं च णं बहवे सोहम्मकप्पयासी देवा य देवीओ य सव्विइदीए जाव दुरुढा समाणा पुरओ य मग्गओ य पासओ य अहाणुपुव्वीए संपट्टिया तए णं से सक्के देविंदे देवराया तेणं पंचाणिय-परिक्खितेणं जाव महिंदज्जाएणं पुरओ पकडिइज्जमाणेणं चउरासीए सामाणियसाहस्सीहिं जाव परिवुडे सव्विइदीए जाव नाइयरवेणं सोहम्मस्स कप्पस्स मज्झमज्जेणं तं दिव्वं देविइंढ जाव उवदंसेमाणे-उवदंसेमाणे जेणेव सोहम्मस्स कप्पस्स उत्तरिल्ले निज्जाणमग्गे तेणेव उवागच्छइ उवाग-च्छिता जोयणसयसाहस्सिएहिं विग्गेहिं ओवयमाणे वीतियवयमाणे ताए उक्किइए जाव देवगईए वीईवयमाणे-वीईवयमाणे तिरियमसंखेज्जाणं दीवसमुद्दाणं मज्झमज्जेणं जेणेव नंदीसरवरे दीवे जेणेव दाहिणपुरत्थिमिल्ले रइकरगपव्वए तेणेव उवागच्छइ उवागच्छिता तं दिव्वं देविइंढ जाव दिव्वं जाणविमाणं पडिसाहरेमाणे-पडिसाहरेमाणे जेणेव भगवओ तित्थयरस्स जम्मणनगरे जेणेव भगवओ तित्थगरस्स जम्मणभवणे तेणेव उवागच्छइ उवागच्छिता भगवओ तित्थगरस्स जम्मणभवणं तेणं दिव्वेणं जाणविमाणेणं तिक्खुतो आयाहिणपयाहिणं करेइ करेत्ता भगवओ तित्थयरस्स जम्मणभवणस्स उत्तरपुरत्थिमे दिसीमाणे चउरंगुलमसंपत्तं धरणियले तं दिव्वं जाणविमाणं टवेइ ठवेत्ता अट्टहिं अगमहिंसीहिं दोहिं अणीएहिं-गंधव्याणीएण य नट्टा-णीएण य सद्धिं ताओ दिव्वाओ जाणविमाणाओ पुरत्थिमिल्लेणं तिसोमाणपडिरूवएणं पच्चोरुएइ तए णं सक्कस्स देविंदस्स देवरण्णो चउरासीइ सामाणियसाहस्सीओ ताओ दिव्वाओ जाणविमाणाओ उत्तरिल्लेणं तिसोमाणपडिरूवेणं पच्चोरुहंति अवसेसा देवा य देवीओ य ताओ दिव्वाओ जाणविमाणाओ दाहिणिल्लेणं तिसोमाणपडिरूवएणं पच्चोरुहंति तए णं से सक्के देविंदे देवराया चउरासीए सामाणियसाहस्सीहिं जाव सद्धिं संपरिवुडे सव्विइदीए जाव दुंदुहिणिणधोसणाइयरवेणं जेणेव भगवं तित्थरं तित्थयरमाया य तेणेव उवागच्छइ उवागच्छिता आलोए चेव पणामं करेइ करेत्ता भगवं तित्थरं तित्थयरमायरं च तिक्खुतो आयाहिणपयाहिणं करेइ करेत्ता जाव एवं वयासी-नमोत्तु ते रयणकुच्छिधारिए एवं जहा दिसाकुमारीओ जाव धण्णासि पुत्रासि तं कयत्थासि

अहण्णं देवाणुप्पिए सक्के नामं देविंदे देवराया भगवओ तित्थयरस्स जम्मणमहिंमं करिस्सापि त्णणं तुब्भाहिं न भाइव्वंतिकट्टु ओसोवणिं दलयइ दलइत्ता तित्थयरपडिसुवणं विउव्वइ विउव्वित्ता तित्थयरमाउयाए पासे ठवेइ ठवेत्ता पंच सक्के विउव्वइ विउव्वित्ता एगे सक्के भगवं तित्थयरं करयलपुडेणं गिण्हइ एगे सक्के पिट्ठुओ जायवत्तं धरेइ दुवे सक्काओ उभओ पांसि चामरुक्खेवं करोति एगे सक्के पुरओ वज्रपाणी पगइइइ तए णं से सक्के देविंदे देवराया अण्णेहिं बहूहिं भवणवइ-वाणमंतर-जोइसवेमाणिएहिं देवेहिं देवीहि य सद्धिं संपरिवुडे सव्विइदीए जाय दुंदुहि-णिण्धोसणाइयरवेणं तए उक्किक्काए जाव देवगईए धीईयमाणे-धीईयमाणे जेणेव मंदरे पव्वए जेणेव पंडगवने जेणेव अभिसेयसित्ता जेणेव अभिसेयसीहासणे तेणेव उवागच्छइ उवागच्छित्ता सीहासणवरगए पुरत्थाभिमुहे सण्णिसण्णे 199८-117

(२३०) तेणं कालेणं तेणं समएणं ईसाणे देविंदे देवराया सूलपाणी वसभवाहणे सुरिदे उत्तरइदुल्लोगाहिवई अट्टवीसविमाणवावाससयसहस्साहिवई अरयंबरवत्थधरे एवं जहा सक्के इमं नाणत्तं-महाघोसा घंटा लहुपरक्कमो पायत्ताणियाहिवई पुप्फओ विमाणकारी दक्खिणा निजाणभूमी उत्तरपुरत्थिमिल्लो इकरगपव्वओ मंदरे समोसरिओ जाव यावत्पदात् भगवंतं तित्थयरं तिक्वुत्तो आयाहिणपयाहिणं करेइ करित्ता बंदइ नमंसइ वंदित्ता नमंसित्ता नट्टासण्णे नाइदूरे सुसूसमाणे नमंसमाणे अभिमुहे विणएणं पंजलिउडे इति पञ्जुवासइ एयं अवसिद्धावि इंदा भाणि-यव्वा जाव अट्टुओ इमं नाणत्तं-199९-91-118-1

(२३१) चउरासीइ असीई बावत्तरि सत्तरी य सट्ठी य

पत्रा चत्तालीसा तीसा वीसा दस सहस्सा

11७६11-1

(२३२) बत्तीसट्ठावीसा बारस अट्टु चउरो सयसहस्सा

पत्रा चत्तालीसा छच्च सहस्सा सहस्सारे

11७७11-2

(२३३) आणयपाणयकथे चत्तारि सयारणहुए तिण्णि एए विमाण णं इमे जाण-विमाणकारी देवा [तं जहा]-199९-२1-118-2

(२३४) पालय पुप्फय सोमनसे सिरिवच्चे य नंदियावते

कामगमे पीइगमे मनोरमे विमल सव्वओभदे

11७८11-1

(२३५) सोहम्मगाणं सणंकुमारगाणं बंभलोयगाणं महासुक्कगाणं पाणयगाणं इंदाणं सुधोसा घंटा हरिनेगमेसी पायत्तणीयाहिवई उत्तरिक्का निजाणभूमी दाहिणपुरत्थिमिल्ले इकरगपव्वए ईसाणगाणं माहिंद-लंतग-सहस्सार-अट्टुयगाणं य इंदाणं महाघोसा घंटा लहुपरक्कमो पायत्तणीयाहिवई दक्खिणिण्णे निजाणभग्गे उत्तरपुरत्थिमिल्ले इकरगपव्वए परिसाओ णं जहा जीवाभिगमे आयरक्खा सामाणियचउग्गुणा सव्वेसिं जाणविमाण्णा सव्वेसिं जोयणसयसहस्सविच्छिण्णा उच्चतेणं सविमाणप्यमाण्णा महिंदज्जया सव्वेसिं जोयणसाहस्सिया सक्कयज्जा मंदरे समोसरंति जाव पञ्जुवासंति 199९1-118

(२३६) तेणं कालेणं तेणं समएणं चमरे असुरिदे असुरराया चमरचंचाए रायहाणीए सभाए पुह्माए चमरंसि सीहासणंसि चउसट्ठीए सामाणियसाहस्सीहिं तायत्तीसाए तावत्तीसेहिं चउहिं लोगपालेहिं पंचहिं अग्गमहिंसीहिं सपरिवाराहिं तायत्तीसाए तावत्तीसेहिं चउहिं लोगपालेहिं पंचहिं अग्गमहिंसीहिं सपरिवाराहिं तिहिं परिसाहिं सत्ताहिं अणिएहिं सत्ताहिं अणियाहिवईहिं चउहिं चउसट्ठीहिं आयरक्खदेवसाहस्सीहिं अण्णेहिं य जहा सक्के नवरं-इमं नाणत्तं-दुमो पायत्तणीया-

हिवई ओघस्सरा घंटा विमाणं पत्रासं जोयणसहस्साइं महिंदज्झओ पंचजोयणसयाइं विमाणकारी
आभिओगिओ देवो अवसिद्धं तं चेव जाव मंदरे समोसरइ पञ्जुवासइ तेणं कालेणं तेणं समएणं बली
असुरिदि असुरराया एवमेव नवरं-सद्वी सामाणियसाहस्सीओ घउगुणा आयरक्खा महादुमो
पायत्ताणीयाहिवई महाओहस्सरा घंटा सेसं तं चेव परिसाओ जहा जीवाभियमे तेणं कालेणं तेणं
समएणं धरणे तहेव नाणत्तं-छ सामाणियसाहस्सीओ छ अग्गमहिसीओ चउग्गुणा आयरक्खा
मेघस्सरा घंटा भद्दसेणो पायत्ताणीयाहिवई विमाणं पणवीसं जोयणसहस्साइं महिंदज्झओ
अइडाइज्झाईं जोयणसयाइं एवमसुरिंदवज्जियाणं भवणवासिइंदाणं नवरं-असुराणं ओघस्सरा घंटा
नागाणं मेघस्सरा सुवण्णाणं हंसस्सरा विज्जुणं कौचस्सरा अग्गीणं मंजुस्सरा दिसाणं मंजुघोसा
उदहीणं सुस्सरा दीवाणं महुरस्सरा वाऊणं नंदिस्सरा धणियाणं नंदिधोसा ।१२०-१।-११९-१

(२३७) चउसद्वी सद्वी खलु छच्च सहस्सा उ असुरवज्जाणं

सामाणिया उ एए चउग्गुणा आयरक्खा उ

॥७९॥-१

(२३८) दाहिणिल्लणं पायत्ताणीयाहिवई भद्दसेणो उत्तरिल्लणं दक्खो, वाणमंतरजोइसिया
नेयव्वा एवं चेव नवरं-चत्तारि सामाणियसाहस्सीओ चत्तारि अग्गमहिसीओ सोलस आयरक्ख-
सहस्सा विमाणा सहस्सं महिंदज्झया पणवीसं जोयणसवं घंटा दाहिणणं मंजुस्सरा उत्तराणं
मंजुघोसा पायत्ताणीयाहिवई विमाणकारी य आभिओगा देवा जोइसियाणं सुस्सरा सुस्सरणिंघोसा
घंटाओ मंदरे समोसरणं जाव पञ्जुवासंति ।१२०-११९

(२३९) तेणं से अद्युए देविंदे देवराया महं देवाहिवे आभिओग्गे देवे सद्दावेइ सद्दावेत्ता एवं
वयासी-खिप्पामेव भो देवाणुप्पिया महत्थं महग्धं महरिहं विउलं तित्थयराभिसेयं उवट्टवेह तए णं ते
आभिओग्गा देवां हट्टुट्टु-चित्तमाणंदिद्या जाव पडिसुणिता उत्तरपुरत्थिमं दिसीमाणं अवक्कमंति
अवक्कमिता वेउव्वियसमुग्धाएणं जाव समोहणित्ता अट्टसहस्सं सोवणियकलसाणं एवं रूपम-
याणं मणिमयाणं सुवण्णरूपमयाणं सुवण्णमणिमयाणं रूपमणिमयाणं सुवण्णरूपमणिमयाणं
अट्टसहस्सं भोमेज्जाणं अट्टसहस्सं यंदणकलसाणं एवं भिगाराणं आयंसाणं थालाणं पातीणं सुपइज्जाणं
चित्ताणं रयणकरंडगाणं वायकराणं पुप्फचंगेरीणं जहा सूरियाभस्स सव्वचंगेरीओ सव्वपडलगाइं
विसेसियतराईं भाणियव्वाइं विउव्वंति विउव्वित्ता सीहासण-छत्त-चामर-त्तेल्लसमुग्गा जाव सरिस-
वसमुग्गा तालियंटा जाव अट्टसहस्सं कडुच्चुयाणं विउव्वंति विउव्वित्ता साहाविए वेउव्विए य
कलसे जाव कडुच्चुए य गिण्हित्ता जेणेव खीरोदए समुद्दे तेणेव आगम्म कीरोदं गिण्हंति जाइं तत्थ
उप्पलाइं पउमाइं जाव सहस्सपत्ताइं ताइं गिण्हंति एवं पुक्खरोदाओ जाव भरहेरययाणं
मागहाइतित्थाणं उदगं मट्ठियं च गिण्हंति एवं गंगाईणं महामनईणं जाव चुल्लहिमवंताओ सव्वतुवरे
सव्वपुप्फे सव्वगंधे सव्वमद्धे जाव सव्वोसहीओ सिद्धत्थए य गिण्हंति गिण्हित्ता पउमद्दहाओ
उदोहणं उप्पलाइंणि य एयं सव्वकुलपव्वएसु वट्टवेयइंढेसु सव्वमहद्दहेसु सव्ववासेसु सव्वतचक्क-
वट्टिविजएसु वक्खारपव्वएसु अंतरनईसु थिमासिज्जा जाव उत्तरकुरुसु जाव सुदंसणभद्दसालवने
सव्वतुवरे जाव सिद्धत्थए य गिण्हंति एवं नंदनवनाओ सव्वतुवरे जाव सिद्धत्थए य सरसं च गोसी-
सचंदणं दिव्वं च सुमणदामं गेण्हंति एवं सोमनस्पंडगणवाओ य सव्वतुवरे जाव सुभणदामं
दद्दमलयसुगंधे य गिण्हंति गिण्हित्ता एगओ मिलायंति मिलाइत्ता जेणेव सामी तेणेव उवागच्छंति
उवागच्छित्ता तं महत्थं जाव तित्थयराभिसेयं उवट्टवेत्ति ।१२१।-१२०

(२४०) तए णं से अद्युए देविदे देवराया दसहिं सामाणियसाहस्सीहिं तायत्तीसाए तावत्तीसाएहिं चउहिं लोगपालेहिं तिहिं परिसाहिं सत्तहिं अणिएहिं सत्तहिं अणियाहिंवेईहिं चत्तालीसाए आयरक्खदेसाहस्सीहिं सद्धिं संपरिवुडे तेहिं सामाविएहिं वेउब्बिएहिं य वरकमल-पइडुणेहिं सुरभिवरवारिपडिपुत्रेहिं चंदणकयचच्चाएहिं आविद्धकंठेगुणेहिं पउमुप्पवपिहाणेहिं करयलपइडुणेहिं करयलसुमालपरिग्गहिएहिं अड्डसहसेणं सोवण्णियाणं कलसाणं जाव अड्डस-हसेणं भोमेज्जाणं जाव सव्वोदएहिं सव्वमड्डियाहिं सव्वतुवरेहिं जाव सव्वोसहिसिद्धत्यएहिं सव्विड्ढीए जाव दुंदुहिण्णिधोसनाइयरवेणं महया-महया तित्थयरा भिसेणं अभिसिंचइ तए णं सामिस्स महया-महया अभिसेयंसि वड्डमाणंसि इंदाइया देवा छत्तचामरकलसधूवकडुच्चुय-पुप्फगंध जाव हत्यगया हड्डुतुट्ट-चित्तमाणंदिया जाव वज्रसूलपाणी पुरओ चिट्ठंति पंजलिउडा एवं विजयाणुसारेणं जाव अप्पेगइया देवा आसिस-संमज्जिओवलितं सित्तसुइसम्मट्टरत्थरचणवीहियं करेति जाव गंधयट्टेभूयं अप्पेगइया हिरण्णवासं यासंति एवं सुवण्ण-रयण-वड्ड-आभरण-पत्त-पुप्फ-फल-धीय-मल्ल-गंध-यण्ण जाव चुण्णायासं दासंति अप्पेगइया हिरण्णविहिं माएंति एवं जाव चुण्णविहिं माएंति अप्पेगइया चउब्बिहं वज्रं वाएंति तं जहा-ततं विततं धणं झुसिरं अप्पेगइया चउब्बिहं गेयं गायंति तं जहा-उक्खित्तं पयत्तं मंदं रोइंदगं अप्पेगइया चउब्बिहं नट्टं नट्टंति तं जहा-अंचियं दुयं आरभडं भसोलं अप्पेगइया चउब्बिहं अभिनयं अभिणांति तं जहा-दिट्ठंतियं पाडियंतियं सामण्णओविणिशइयं लोगमज्जावसाणियं अप्पेगइया बत्तीसइविहं दिव्वं नट्टविहिं उवदंसेति अप्पेगइया उप्पनिवयं निवयउप्पयं संकुचियपसारियं जाव भंतसंभंतं नामं दिव्वं नट्टविहिं उवदंसेति अप्पेगइया पीणेति एवं बुक्कारेति तंडवेति लासेति अप्फोडेति वगंति सीहणायं नदंति अप्पेगइया सव्वाइं करेति अप्पेगइया हयहेसियं एवं हत्थिगुलगुलाइं रहथणधणाइयं अप्पेगइया तिण्णिवि अप्पे-गइया उच्छोलेति अप्पेगइया पच्छोलेति अप्पेगइया तिवइं छिंदंति अप्पेगइया तिण्णिवि अप्पेगइया पायदद्वरयं करेति अप्पेगइया हक्कारेति एवं पुक्कारेति थक्कारेति ओवयंति उप्पयंति परिवयंति जलंति तवंति पतवंति गज्जंति विज्जुयार्यंति यासंति अप्पेगइया देवुककलियं करेति एवं देवकहकरगं करेति अप्पेगइया दुहुदुहगं करेति अप्पेगइया विकियभूयाइं रुवाइं विउब्बिता पण्णंति एवमाइ विभासेज्जा जहा विजयस्स जाव सव्वओ सभंता आधावेति परिधावेति 19221-121

(२४१) तए णं से अद्युइंदे सपरिवारे सामिं तेणं महया-महया अभिसेएणं अभिसिंचइ अभिसिंचिता करयलपरिग्गहियं सिरसावत्तं मत्थए अंजलि कट्टएणं विजएणं बद्धावेइ वद्धावेत्ता ताहिं इट्ठाहिं जाव जयजयसदं पउंजइ पउंजिता जाव पन्तलसुमालाए सुरभीए गंधकासाईए गायाइं लूहेइ लूहेत्ता एवं जाव कप्परुक्खगं पिव अलंकिय-विभूसियं करेइ करेत्ता नट्टविहिं उवदंसेइ उवदंसेत्ता अच्छेहिं सण्णेहिं रययामएहिं अच्छरसातंडुलेहिं भगवओ सामिस्स पुरओ अड्डमंगलगे आलिहइ [तं जहा]- 1923-91-122-1

(२४२) दप्पण महासण बद्धमाण वरकलस मच्छ सिरिवच्छा

सोत्थिय नंदावत्ता लिहित्ता अड्ड मंगलगा

116011-1

(२४३) [काऊण] लिहिऊण करेइ उयचारं किं ते पाडल-मच्चिय-चंपग-असोग-पुण्णाग-चूयमंजरि-नव-मालिय-बकुल-तिलग-कणवीर-कुंद-कोज्जय-कोरंट-पत्त-दमणग-वरसुरभिगंधगं-थियस्स कयगहिय-करयलपम्भइविप्पमुक्कस्स दसद्धवण्णस्स कुसुमणिगरस्स तत्थ चित्तं जण्ण-

स्सेहम्पमाणमेतं औहिनिगरं करेता चंदम्पभ-रयण-वहर-वेरुलियविमलदंडं कंतणमणि-रयणभ-
 त्तिचित्तं कालागह-पबरकुंदुरुक्क-तुरुक्क-धूवगंधुत्तमाणुविद्धं च धूमवट्टिं विणिम्मुयंतं वेरुलि-
 यमयं कडुचुयुं पग्गहेतु पयते धूवं दाऊण जिणवरिंदस्स सत्तद्धपयाइं ओसरिता दसंगुलियं अंजलिं
 करिय मत्ययसि पयओ अट्टसयलिसुद्धगंधजुतेहिं महावितेहिं अपुणरुतेहिं अत्यजुत्तेहिं संयुणइ
 संयुणित्ता वामं जाणुं अंवेइ अंचेत्ता जाव एवं वयासी-नमोत्तु ते सिद्ध बुद्ध नीरय समण समाहिय
 समत्त समजोगि सल्लगतण निम्भय नीरागदोस निम्मम निस्संग नीसल्ल माणमूरण गुणरयण
 सीलसागरमणंतमप्पमेय भविय धम्मवरचाउरंतचक्कवट्टी नमोत्तु ते अरहओत्तिकट्ट वंदइ नमंसइ
 वंदिता नर्मसित्ता नच्चासण्णे नाइदूरे सुस्सुसमाणे जाव पजुवासइ एवं जहा अद्युयस्स तहा जाव
 ईसाणस्स भाणियव्वं एवं भवणइ-वाणमंतर-जोइसिया य सूरपज्जवसाणा सएणं-साएणं परिवारेणं
 पतेयं-पतेयं अभिसिंचंति ते णं से ईसाणे देविंदे देवराया पंच ईसाणे विउव्विइ विउव्वित्ता एगे ईसाणे
 भगवं तित्थयरं करयलपुडेणं गिण्हइ गिण्हित्ता सीहासणवरगए पुरत्थाभिमुहे सण्णिसण्णे एगे ईसा-
 णे पिड्डओ आयवत्तं धरेइ दुवे ईसाणा उभओ पासिं चामरुक्खेवं करेति एगे ईसाणे पुरओ सुलपाणी
 चिड्डइ तए णं से सक्के देविंदे देवराया आभिओगे देवे सद्दावेइ सद्दावेत्ता एसीवि तह चेव
 अभिसेयाणत्ति देइ तेवि तए चेव उवणेति तए णं से सक्के देविंदेदेवराया भगवओ तित्थयरस्स
 चउद्विसि घत्तारि धवलवसभे विउव्वेइ-सेए संखतल-विमल-निम्मल-धधिघण-गोखीर-फेण-रयय-
 निगरप्पगासे पासाईए दरिसणिअे अभिरूवे पडिरूवे तए णं तेसिं चउण्हं धवलवसभाणं अट्टहिं
 सिंगेहितो अट्ट तोयधाराओ निग्गच्छंति तए णं ताओ अट्ट तोयधाराओ उइढं वेहासं उप्पयंति
 उप्पइत्ता एगओ मिलायंति मिलाइत्ता भगवओ तित्थयरस्स मुद्धाणंसि निवयंति तए णं से सक्के
 देविंदे देवराया चउरासीईए सामाणियसाहस्सीहिं एयस्सवि तहेव अभिसेओ माणियव्वो जाव
 नमोत्तु ते अरहओत्तिकट्ट वंदइ नमंसइ जाव पजुवासइ ।१२३-122

(२४४) तए णं से सक्के देविंदे देवराया पंच सक्के विउव्विइ विउव्वित्ता एगे सक्के भयवं
 तित्थयरं करयलपुडेणं गिण्हइ एगे सक्के पिड्डओ आयवत्तं धरेइ दुवे सक्का उभओ पासिं
 चामरुक्खेवं करेति एगे सक्के वज्जपाणी पुरओ पकड्डइ तए णं से सक्के देविंदे देवराया चउरा-
 सीईए सामाणियसाहस्सीहिं जाव अण्णेहिं य बहूहिं भवणवइ-वाणमंतर-जोइस-वेमाणिएहिं देवेहिं
 देवीहिं य सद्धिं संपरिवुडे सव्विइटीए जाव हुंदुहिण्णधोसणाइयरवेणं ताए उक्किट्टाए जाव देव-
 गईए वीईवयवमाणे जेणेव भगवओ तित्थयरस्स जम्पणनयरे जेणेव भगवओ तित्थयरस्स
 जम्पणभवणे जेणेव तित्थयरमाया तेणेव उवागच्छइ उवागच्छित्ता भगवं तित्थयरं माऊए पासे ठवेइ
 ठवेत्ता तित्थयरपडिरूवगं पडिसाहइ पडिसाहरित्ता ओसोवणिं पडिसाहइ पडिसाहरित्ता एगं महं
 खोमजुयलं कुंडलजुयलं च भगवओ तित्थयरस्स उस्सीसगमूले ठवेइ ठवेत्ता एगं महं सिरिदामगंडं
 तवणिज्रलंबूसगं सुवण्णपयरगमडियं नानामणिरयणविविहहारद्धहारउवसोहियसमुदयं भगवओ
 तित्थयरस्स उल्लोयंसि निक्रुखवइ तण्णं भगवं तित्थयरे अणिमिसाए दिट्ठीए देहमाणे-देहमाणे
 सुहंसुहेणं अभिरममाणे-अभिरममाणे चिड्डइ तए णं से सक्के देविंदे देवराया वेसमणं देवं सद्दावेइ
 सद्दावेत्ता एवं वयासी-खिप्पामेव भो देवापुप्पिया बत्तीसं हिरण्णकोडीओ बत्तीसं सुवण्णकोडीओ
 बत्तीसं नंदाइ बत्तीसं भद्दाइ सुमगे सोभग्ग-रूव-जोव्वण-गुण-लावण्णे य भगवओ तित्थयरस्स
 जम्पणभवणंसि साहराहिं साहरित्ता एयमाणत्तियं पच्चप्पिणाहिं तए णं से वेसमणे देवे सक्केणं जाव

विणएणं वयणं पडिसुणेइ पडिसुणेत्ता जंमए देवे सद्दावेइ सद्दावेत्ता एवं वयासी-खिप्पामेव भो देवाणुप्पिया बत्तीसं हिरण्णकोडीओ जाव भगवओ तित्थयरस्स जम्भणभवणंसि साहरह साहरिता एयमाणत्तियं पच्चप्पिणह तए णं ते जंमगा देवा वेसमणेणं देवेणं एवं वुत्ता समाणा हट्टुड्ढ-चित्तमाणंदिया जाव खिप्पामेव बत्तीसं हिरण्णकोडीओ जाव सोभग्ग-सुव-जोव्वण-गुण-त्तावण्णे य भगवओ तित्थयरस्स जम्भणभवणंसि साहरंति साहरिता जेणेव वेसमणे देवे जाव तमाणत्तियं पच्चप्पिणति तए णं से वेसमणे देवे जेणेव सक्के देविंदे देवराया जाव तए णं से सक्के देविंदे देवराया आभिओगे देवे सद्दावेइ सद्दावेत्ता एवं वयासी-खिप्पामेव भो देवाणुप्पिया भगवओ तित्थयरस्स जम्भणनयरंसि सिंघाडग-जाव पहेसु महया-महया सद्देणं उग्घोसेमाणा-उग्घोसेमाणा एवं वदह-हंदि सुणंतु भवंतो भहवे भवणवइ-वाणमंतर-जोइस-वेमाणिया देश य देवीओ य जे णं देवाणुप्पिया तित्थयरस्स तित्थयरमारुए वा असुभं मणं पधारेइ तस्स णं अज्जगमंजरिका इव सतहा मुद्धाणं फुट्टउत्ति कट्टु घोसणं घोसेह घोसेता एयमाणत्तियं पच्चप्पिणह तए णं ते आभिओगा देवा जाव एवं देवोत्ति आणाए विणएणं वयणं पडिसुणांति पडिसुणिता सक्कस्स देविंदस्स देवरण्णो अंतियाओ पडिणिक्खमंति पडिणिक्खमिन्ता खिप्पामेव भगवओ तित्थयरस्स जम्भणनगरंसि सिंघाडग-जाव सुणंतु भवंतो बहवे भवणवइ-जाव जे णं देवाणुप्पिया तित्थयरस्स जाव फुट्टिहीतिकट्टु घोसणं घोसेंति घोसेत्ता एयमाणत्तियं पच्चप्पिणति तए णं ते बहवे भवणवइ-वाणमंतर-जोइस-वेमाणिया देवा भगवओ तित्थयरस्स जम्भणमहिमं करंति करेत्ता जेणेव नंदिस्सरे दीवे तेणेव उवागच्छंति उवागच्छिन्ता अद्दाहियाओ महामहिमाओ करंति करेत्ता जामेव दिसिं पाउब्भूया तामेव दिसिं पडिगया ।१२४।-१२३

● पंचमो बन्धुवारो समत्तो ●

छट्टो-बन्धुवारो

(२४५) जंबुद्दीवस्स णं भंते दीवस्स पएसा लवणं समुद्दं पुट्टा हंता पुट्टा ते णं भंते किं जंबुद्दीवे दीवे लवणे समुद्दे ते णं जंबुद्दीवे दीवे नो खलु लवणे समुद्दे एवं लवणसमुद्दस्सवि पएसा जंबुद्दीवे दीवे पुट्टा भाणियव्वा जंबुद्दीवे णं भंते दीवे जीवा उद्दाइत्ता-उद्दाइत्ता लवणे समुद्दे पच्चार्यंति अत्येगइया पच्चार्यंति अत्येगइया नो पच्चार्यंति एवं लवणसमुद्दस्सवि जंबुद्दीवे दीवे नेयव्वं ।१२५।-१२४

(२४६) खंडा जोयण वासा पव्वय कूडा य तित्थ सेदीओ

विजय इह सलिलाओ य पिंडए होइ संगहणी

॥८१॥-१

(२४७) जंबुद्दीवे णं भंते दीवे भरहप्पमाणमेत्तेहिं खंडेहिं केवइयं खंडगणिएणं० नउयं खंडसयं खंडगणिएणं पत्रत्ते, जंबुद्दीवे णं भंते दीवे केवइयं जोयणगणिएणं० ।१२६-१।-१२५-१

(२४८) सत्तेव य कोडिसया नउया छण्णत्र सयसहस्साइं

घउणयइं च सहस्सा सयं दिवइं च गणियपयं

॥८२॥-१

(२४९) जंबुद्दीवे णं भंते दीवे कइ वासा पत्रत्ता गोयमा सत्त वासा पत्रत्ता तं जहा-भरहे एरवए हेमवए हेरणयए हरिवासे रम्मगवासे महाविदेहे जंबुद्दीवे णं भंते दीवे केवइया वासहरा पत्रत्ता केवइया मंदरा पव्वया केवइया चित्तकूडा विचित्तकूडा केवइया जमगपव्वया केवइया कंचणगपव्वया केवइया बन्धुवारा केवइया दीहवेयइत्ता केवइया वट्टवेयइत्ता पत्रत्ता गोयमा जंबुद्दीवे दीवे छ

वासहरपव्वया एगे मंदरे पव्वए एगे चित्तकूडे एगे विचित्तकूडे दो जमगपव्वया दो कंचणगपव्वयसया वीसं यक्खारपव्वया चोत्तीसं दीहवेयइद्धा चत्तारि वट्टवेयइद्धा-एयामेव सपुव्वावरेणं जंबुद्वीवे दीवे दुण्णि अउणत्तरा पव्वयसया भवंतीतिमक्खायं जंबुद्वीवे णं भंते दीवे केवइया यासहरकूडा केवइया यक्खारकूडा केवइया वेयइद्धकूडा केवइया मंदरकूडा पन्नत्ता गोयमा छप्पत्रं वासहरकूडा छण्णउइं यक्खारकूडा तिण्णि छलुत्तरा वेयइद्धकूडसया नव मंदरकूडा पन्नत्ता-एवमेव सपुव्वावरेणं जंबुद्वीवे दीवे चत्तारि सत्तद्वा कूडसया भवंतीतिमक्खायं जंबुद्वीवे णं भंते दीवे भरहे वासे कइ तित्था पन्नत्ता गोयमा तओ तित्था पन्नत्ता तं जहा-मागहे वरदामे पभासे जंबुद्वीवे णं भंते दीवे एरवए वासे कइ तित्था पन्नत्ता गोयमा तओ तित्था पन्नत्ता तं जहा-मागहे वरदामे पभासे जंबुद्वीवे णं भंते दीवे महाविदेहे वासे एगमेगे चक्कवट्टिविजए कइ तित्था पन्नत्ता गोयमा तओ तित्था पन्नत्ता तं जहा-मागहे वरदामे पभासे-एयामेव सपुव्वावरेणं जंबुद्वीवे दीवे एगे बिउत्तरे तित्थसए भवतीतिमक्खायं जंबुद्वीवे णं भंते दीवे केवइयाओ विज्जाहरसेढीओ केवइयाओ आभिओगसेढीओ पन्नत्ताओ गोयमा जंबुद्वीवे दीवे अट्टसट्ठी विज्जाहरसेढीओ अट्टसट्ठी आभिओगसेढीओ पन्नत्ताओ एवामेव सपुव्वावरेणं जंबुद्वीवे दीवे छत्तीसे सेढीसए भवतीतिमक्खायं जंबुद्वीवे णं भंते दीवे केवइया चक्कवट्टिविजया केवइयाओ रायहाणीओ केवइयाओ तिमिसगुहाओ केवइयाओ खंडप्पवाय-गुहाओ केवइया कयमालया देवा केवइया नट्टमालया देवा केवइया उसभकूडा पव्वया पन्नत्ता गोयमा जंबुद्वीवे दीवे चोत्तीसं चक्कवट्टिविजया चोत्तीसं रायहाणीओ चोत्तीसं तिमिसगुहाओ चोत्तीसं खंडप्पवायगुहाओ चोत्तीसं कयमालया देवा चोत्तीसं नट्टमालया देवा चोत्तीसं उसभकूडा पव्वया पन्नत्ता जंबुद्वीवे णं भंते दीवे केवइया महदहा पन्नत्ता गोयमा सोलस महदहा पन्नत्ता जंबुद्वीवे णं भंते दीवे केवइयाओ महानईओ वासहरपव्वहाओ केवइयाओ महानईओ कुंडप्पवहाओ पन्नत्ताओ गोयमा जंबुद्वीवे दीवे चोदस महानईओ वासहरपव्वहाओ छावत्तारि महानईओ कुंडप्पवहओ-एयामेव सपुव्वावरेणं जंबुद्वीवे दीवे नउइं महानईओ भवंतीतिमक्खायं जंबुद्वीवे णं भंते दीवे भरहेरवएसु वासेसु कइ महानईओ पन्नत्ताओ गोयमा चत्तारि महानईओ पन्नत्ताओ तं जहा-गंगा सिंधु रत्ता रत्तवई तत्थ णं एगमेगा महानई चउइसहिं सलिलासहस्तेहिं समग्गा पुरत्थिमपच्चत्थिमेणं लवणसमुदं समप्पेइ-एवामेव सपुव्वावरेणं जंबुद्वीवे दीवे भरहेरवएसु वासेसु छप्पण्णं सलिलासहस्सा भवंतीतिमक्खायं जंबुद्वीवे णं भंते दीवे हेमवय-हेरणवएसु वासेसु कइ महानईओ पन्नत्ताओ गोयमा चत्तारि महानईओ पन्नत्ताओ तं जहा-रोहिया रोहियंसा सुवण्णकूला ठप्पकूला तत्थ णं एगमेगा महानई अट्टावीसाए-अट्टावीसाए सलिलासहस्तेहिं समग्गा पुरत्थि-मपच्चत्थिमेणं लवणसमुदं समप्पेइ-एवामेव सपुव्वावरेणं जंबुद्वीवे दीवे हेमवय-हेरणवएसु वासेसु बारसुत्तरे सलिलासयसहस्से भवंतीतिमक्खायं जंबुद्वीवे णं भंते दीवे हरिवास-रम्मगवासेसु कइ महानईओ पन्नत्ताओ गोयमा चत्तारि महानईओ पन्नत्ताओ तं जहा-हरी हरिकंता नरकंता नरिंकंता तत्थ णं एगमेगा महानई छप्पत्राए-छप्पत्राए सलिलासहस्तेहिं समग्गा पुरत्थिमपच्चत्थिमेणं लवण-समुदं समप्पेइ-एवामेव सपुव्वावरेणं जंबुद्वीवे दीवे हरिवास-रम्मगवासेसु दो चउवीसा सलिला-सयसहस्सा भवंतीतिमक्खायं जंबुद्वीवे णं भंते दीवे महाविदेहे वासे कइ महानईओ पन्नत्ताओ गोयमा दो महानईओ पन्नत्ताओ तं जहा-सीया य सीतोदा य तत्थ णं एगमेगा महानई पंचहिं-पंचहिं सलिलासयसहस्तेहिं बत्तीसाए य सलिलासहस्तेहिं समग्गा पुरत्थिमपच्चत्थिमेणं लवणसमुदं

समप्येइ-एवामेव सपुव्यावरेणं जंबुद्वीवे दीवे महाविदेहे वासे दस सलिलासयसहस्सा घउसट्टिं च सलिलासहस्सा भवतीतिमक्खायं जंबुद्वीवे णं भंते दीवे मंदरस्स पव्वयस्स दक्खिणेणं केवइया सलिलासयसहस्सा पुरत्थिमपच्चत्थिमाभिमुहा लवणसमुद्धं समप्येति गोयमा एगे छण्णउए सलिलासयसहस्से पुरत्थिमाभिमुहा लवणसमुद्धं समप्येति गोयमा एगे छण्णउए सलिलासयसहस्से पुरत्थिमपच्चत्थिमाभिमुहे लवणसमुद्धं समप्येइ जंबुद्वीवे णं भंते दीवे मंदरस्स पव्वयस्स उत्तरेणं केवइया सलिलासयसहस्सा पुरत्थिमपच्चत्थिमाभिमुहा लवणसमुद्धं समप्येति गोयमा एगे छण्णउए सलिलासयसहस्से पुरत्थिमपच्चत्थिमाभिमुहे लवणसमुद्धं समप्येइ जंबुद्वीवे णं भंते दीवे केवइया सलिलासयसहस्सा पुरत्थिमाभिमुहा लवणसमुद्धं समप्येति गोयमा सत्त सलिलासयसहस्सा अट्ठवीसं च सहस्सा पुरत्थिमाभिमुहा लवणसमुद्धं समप्येति जंबुद्वीवे णं भंते दीवे केवइया सलिलासयसहस्सा पच्चत्थिमाभिमुहा लवणसमुद्धं समप्येति गोयमा सत्त सलिलासयसहस्सा अट्ठवीसं च सहस्सा पच्चत्थिमाभिमुहा लवणसमुद्धं समप्येति-एवामेव सपुव्यावरेणं जंबुद्वीवे दीवे चोदस सलिलासयसहस्सा छप्पणं च सहस्सा भवतीतिमक्खायं । १२६१-१२६५

● छन्दो वक्खारो सक्खतो ●

सत्तमो-वक्खारो

(२५०) जंबुद्वीवे णं भंते दीवे कइ चंदा पभासिसु पभासंति पभासिस्संति कइ सूरिया तवइंसु तवेति तविस्संति केवइया नक्खत्ता जोगं जोएसु जोएंति जोएस्संति केवइया महग्गहा चारं चरिसु चरंति चरिस्संति केवइयाओ तारागणकोडाकोडीओ सोभं सोभिंसु सोभंति सोभिस्संति गोयमा दो चंदा पभासिसु पभासंति पभासिस्संति दो सूरिया तवइंसु तवेति तविस्संति छप्पन्नं नक्खत्ता जोगं जोइंसु जोएंति जोएस्संति छावत्तरं महग्गहसयं चारं चरिसु चरंति चरिस्संति । १२७१-१२७६

(२५१) एगं च सयसहस्सं तेतीसं खलु भवे सहस्साइ

नव य सया पत्रासा तारागणकोडिकोडिणं

॥८३॥-१

(२५२) कइ णं भंते सूरमंडला० एगे चउरासीए मंडलसए पत्रते जंबुद्वीवे णं भंते दीवे केवइयं ओगाहिता केवइया सूरमंडला० जंबुद्वीवे दीवे असीयं जोयणसयं ओगाहिता एत्थ णं पत्रद्वी सूरमंडला पत्रत्ता, लवणे णं भंते समुद्धे केवइयं ओगाहिता केवइया सूरमंडला० लवणे णं समुद्धे तिग्णि तीसे जोयणसए ओगाहिता एत्थ णं एणुणवीसे सूरमंडलसए पत्रते-एवामेव सपुव्यावरेणं जंबुद्वीवे दीवे लवणे य समुद्धे एगे चुलसीए सूरमंडलसए भवतीतिमक्खायं । १२८१-१२८७

(२५३) सव्वब्भंतरोओ णं भंते सूरमंडलाओ केवइयं अबाहाए सव्वबाहिरए सूरमंडले पत्रते गोयमा पंचदसुत्तरे जोयणसए अबाहाए सव्वबाहिरए सूरमंडले पत्रते । १२९१-१२९८

(२५४) सूरमंडलस्स णं भंते सूरमंडलस्स य केवइयं अबाहाए अंतरे पत्रते गोयमा दो-दो जोयणाइ अबाहाए अंतरे पत्रते । १३०१-१३०७

(२५५) सूरमंडले णं भंते केवइयं आयाम-विक्खंभेणं केवइयं परिक्खेवेणं केवइयं बाहल्लेणं पत्रते गोयमा अडयालीसं एगसट्ठिभाए जोयणस्स आयाम-विक्खंभेणं तं तिगुणं सविसेसं परिक्खेवेणं चउवीसं एगसट्ठियाए जोयणस्स बाहल्लेणं पत्रते । १३११-१३१७

(२५६) जंबुद्वीवे णं भंते दीवे मंदरस्स पव्वयस्स केवइयं अबाहाए सव्वब्भंतरे सूरमंडले पत्रते गोयमा चोयालीसं जोयणसहस्साइ अट्ठ य वीसे जोयणसए अबाहाए सव्वब्भंतरे सूरमंडले

पत्रते जंबुद्वीवे णं भंते दीवे मंदरस्स पव्वयस्स केवइयं अबाहाए अब्भंतराणंतरे सूरमंडले पत्रते गोयमा चोयालीसं जोयणसहस्साइं अट्ट य बावीसे जोयणसए अडयालीसं च एगसट्ठिभागे जोयणस्स अबाहाए अब्भंतराणंतरे सूरमंडले पत्रते जंबुद्वीवे णं भंते दीवे मंदरस्स पव्वयस्स केवइयं अबाहाए अब्भंतरतच्चे सूरमंडले पत्रते गोयमा चोयालीसं जोयणसहस्साइं अट्ट य पणवीसे जोयणसए पणतीसं च एगसट्ठिभागे जोयणस्स अबाहाए अब्भंतरतच्चे सूरमंडले पत्रते एवं खलु एएणं उवाएणं निक्खममाणे सुरिए तयणंतराओ मंडलाओ तयणंतरं मंडलं संकममाणे-संकममाणे दो-दो जोयणाइं अडयालीसं च एगसट्ठिभाए जोयणस्स एगमेगे मंडले अबाहावुड्ढि अभिवड्ढेमाणे-अभिवड्ढेमाणे सव्वबाहिरं मंडलं उवसंकमिता चारं चरइ जंबुद्वीवे णं भंते दीवे मंदरस्स पव्वयस्स केवइयं अबाहाए सव्वबाहिरं सूरमंडले पत्रते गोयमा पणयालीसं जोयणसहस्साइं तिण्णि य तीसे जोयणसए अबाहाए सव्वबाहिरं सूरमंडले पत्रते जंबुद्वीवे णं भंते दीवे मंदरस्स पव्वयस्स केवइयं अबाहाए बाहिराणंतरे सूरमंडले पत्रते गोयमा पणयालीसं जोयणसहस्साइं तिण्णि य सत्तावीसे जोयणसए तेरस य एगसट्ठिभाए जोयणस्स अबाहाए बाहिराणंतरे सूरमंडले पत्रते जंबुद्वीवे णं भंते दीवे मंदरस्स पव्वयस्स केवइयं अबाहाए बाहिरतच्चे सूरमंडले पत्रते गोयमा पणयालीसं जोयणसहस्साइं तिण्णि य चउवीसे जोयणसए छव्वीसं च एगसट्ठिभाए जोयणस्स अबाहाए बाहिरतच्चे सूरमंडले पत्रते एवं खलु एएणं उवाएणं पविसमाणे सुरिए तयणंतराओ मंडलाओ तयणंतरं मंडलं संकममाणे-संकममाणे दो-दो जोयणाइं अडयालीसं च एगसट्ठिभाए जोयणस्स एगमेगे मंडले अबाहावुड्ढि नियड्ढेमाणे-नियड्ढेमाणे सव्वब्भंतरे मंडलं उवसंकमिता चारं चरइ 19३२1-131

(२५७) जंबुद्वीवे दीवे सव्वब्भंतरे णं भंते सूरमंडले केवइयं आयाम-विक्खंभेणं केवइयं परिक्खेवेणं पत्रते गोयमा नवणउइं जोयणसहस्साइं छच्च चत्ताले जोयणसए आयाम-विक्खंभेणं तिण्णि य जोयणसयसहस्साइं पत्ररस य जोयणसहस्साइं एगुणउइं च जोयणाइं किंचिविसेसा - हियाइं परिक्खेवेणं अब्भंतराणंतरे णं भंते सूरमंडले केवइयं आयाम-विक्खंभेणं केवइयं परिक्खेवेणं पत्रते गोयमा नवणउइं जोयणसहस्साइं छच्च पणयाले जोयणसए पणतीसं च एगसट्ठिभाए जोयणस्स आयाम-विक्खंभेणं तिण्णि य जोयणसयसहस्साइं पत्ररस य जोयणसहस्साइं एगं च सत्तुत्तरं जोयणसयं परिक्खेवेणं पत्रते अब्भंतरतच्चे णं भंते सूरमंडले केवइयं आयाम-विक्खंभेणं केवइयं परिक्खेवेणं पत्रते गोयमा नवणउइं जोयणसहस्साइं तिण्णि य जोयणसयसहस्साइं पत्ररस जोयणसहस्साइं एगं च पणवीसं जोयणसयं परिक्खेवेणं एवं खलु एएणं उवाएणं निक्खममाणे सुरिए तयणंतराओ मंडलाओ तयणंतरं मंडलं संकममाणे-संकममाणे पंच-पंच जोयणाइं पणतीसं च एगसट्ठिभाए जोयणस्स एगमेगे मंडले विक्खंभवुड्ढि अभिवड्ढेमाणे-अभिवड्ढेमाणे अट्टारस-अट्टारस जोयणाइं परिरयवुड्ढि अभिवड्ढेमाणे-अभिवड्ढेमाणे सव्वबाहिरं मंडलं उवसंकमिता चारं चरइ सव्वाबाहिरं णं भंते सूरमंडले केवइयं आयाम-विक्खंभेणं केवइयं परिक्खेवेणं पत्रते गोयमा एगं जोयणसयसहस्सं छच्च सट्ठे जोयणसए आयामविक्खंभेणं तिण्णि य जोयणसयसहस्साइं अट्टारस य सहस्साइं तिण्णि य पत्ररसुत्तरे जोयणसए परिक्खेवेणं बाहिराणंतरे णं भंते सूरमंडले केवइयं आयाम-विक्खंभेणं केवइयं परिक्खेवेणं पत्रते गोयमा एगं जोयणसयसहस्सं छच्च चउप्पत्रे जोयणसए छव्वीसं च एगसट्ठिभागे जोयणस्स आयाम-विक्खंभेणं तिण्णि य जोयणसयसहस्साइं अट्टारस य सहस्साइं दोण्णि य सत्ताणउए जोयणसए परिक्खेवेणं बाहिरतच्चे णं भंते

सूरमंडले केवइयं आयाम-विक्खंभेणं केवइयं परिकखेवेणं पत्रते गोयमा एगं जोयणसयसहस्सं छच्च अडयाले जोयणसए बावण्णं च एगसद्धिभाए जोयणस्स आयाम-विक्खंभेणं तिण्णि जोयणसयस-हस्साइं अट्टारस य सहस्साइं दोण्णि य अउणासीए जोयणसए किंचिविसेसाहिए परिकखेवेणं एवं खलु एएणं उयाएणं पविसमाणे सूरिए तयणंतराओ मंडलाओ तयणंतरं मंडलं संकममाणे-संकममाणे पंच-पंच जोयणाइं पणतीसं च एगसद्धिभाए जोयणस्स एगमेगे मंडले विक्खंभवुड्डिं निवड्डेमाणे-निवड्डेमाणे अट्टारस-अट्टारस जोयणाइं परिणयवुड्डिं निवड्डेमाणे-निवड्डेमाणे सव्वब्भंतरं मंडलं उवसंकमिता चारं चरइ १९३१-१९३२

(२५८) जया णं भंते सूरिए सव्वब्भंतरं मंडलं उवसंकमिता चारं चरइ तथा णं एगमेगेणं मुहुत्तेणं केवइयं खेतं गच्छइ गोयमा पंच-पंच जोयणसहस्साइं दोण्णि य एगावण्णे जोयणसए एगूणतीसं च सद्धिभाए जोयणस्स एगमेगेणं मुहुत्तेणं गच्छइ तथा णं इहगयस्स मणूसस्स सीयाली-साए जोयणसहस्सेहिं दोहि य तेवड्डेहिं जोयणसएहिं एगवीसाए य जोयणस्स सद्धिभाएहिं सूरिए चक्खुप्फासं हव्वमागच्छइ से निक्खममाणे सूरिए नवं संवच्छरं अयमाणे पढमंसि अहोरत्तंसि अब्भंतराणंतरं मंडलं उवसंकमिता चारं चरइ जया णं भंते सूरिए अब्भंतराणंतरं मंडलं उवसंक-मिता चारं चरइ तथा णं एगमेगेणं मुहुत्तेणं केवइयं खेतं गच्छइ गोयमा पंच-पंच जोयणसहस्साइं दोण्णि य एगावण्णे जोयणसए सीयालीसं च सद्धिभागे जोयणस्स एगमेगेणं मुहुत्तेणं गच्छइ तथा णं इहगयस्स मणूसस्स सीयालीसाए जोयणसहस्सेहिं एगूणासीए जोयणसए सत्तावण्णाए य सद्धिभाएहिं जोयणस्स सद्धिभाणं च एगसद्धिहा छेत्ता एगूणवीसाए चुण्णियाभागेहिं सूरिए चक्खुप्फासं हव्वमागच्छइ से निक्खममाणे सूरिए दोहंसि अहोरत्तंसि अब्भंतरतच्चं मंडलं उवसंकमिता चारं चरइ जया णं भंते सूरिए अब्भंतरतच्चं मंडलं उवसंकमिता चारं चरइ तथा णं एगमेगेणं मुहुत्तेणं केवइयं खेतं गच्छइ गोयमा पंच-पंच जोयणसहस्साइं दोण्णि य बावण्णे जोयण-सए पंच य सद्धिभाए जोयणस्स एगमेगेणं मुहुत्तेणं गच्छइ तथा णं इहगयस्स मणूसस्स सीयालीसाए जोयणसहस्सेहिं छण्णउईए जोयणेहिं तेत्तीसाए सद्धिभागेहिं जोयणस्स सद्धिभाणं च एगसद्धिहा छेत्ता दोहिं चुण्णियाभागेहिं सूरिए चक्खुप्फासं हव्वमागच्छइ एवं खलु एएणं उवाएणं निक्खममाणे सूरिए तयणंतराओ मंडलाओ तयणंतरं मंडलं संकममाणे-संकममाणे अट्टारस-अट्टारस सद्धिभागे जोयणस्स एगमेगे मंडले मुहुत्तगइ अभियड्डेमाणे-अभिवड्डेमाणे चुलसीइ-चुलसीइ सीयाइं जोयणाइं पुरिसच्छअं निवड्डेमाणे-निवड्डेमाणे सव्वबाहिरं मंडलं उवसंकमिता चारं चरइ जया णं भंते सूरिए सव्वाबाहिरमंडलं उवसंकमिता चारं चरइ तथा णं एगमेगेणं मुहुत्तेणं केवइयं खेतं गच्छइ गोयमा पंच-पंच जोयणसहस्साइं तिण्णि य पंचुत्तरे जोयणसए पत्ररस य सद्धिभाए जोयणस्स एगमे-गेणं मुहुत्तेणं गच्छइ तथा णं इहगयस्स मणूसस्स एगतीसाए जोयणसहस्सेहिं अट्टहिं य एगतीसेहिं जोयणसएहिं तीसाए य सद्धिभाएहिं जोयणस्स सूरिए चक्खुप्फासं हव्वमागच्छइ एस णं पढमे छम्मा-से एस णं पढमस्स छम्मास्स पत्रवसाणे से पविसमाणे सूरिए दोह्णे छम्मासे अयमाणे पढमंसि अहोरत्तंसि बाहिराणंतरं मंडलं उवसंकमिता चारं चरइ जया णं भंते सूरिए बाहिराणंतरं मंडलं उवसंकमिता चारं चरइ तथा णं एगमेगेणं मुहुत्तेणं केवइयं खेतं गच्छइ गोयमा पंच-पंच जोयणसहस्साइं तिण्णि य चउरुत्तरे जोयणसए सत्तावण्णं च सद्धिभाए जोयणस्स एगमेगेणं मुहुत्तेणं गच्छइ तथा णं इहगयस्स मणूसस्स एगतीसाए जोयणसहस्सेहिं नवहिं य सोलसुत्तरेहिं जोयणसएहिं

इगुणालीसाए य सड्डिभाएहिं जोयणस्स सड्डिभागं च एगसड्डिहा छेत्ता सड्डीए चुण्णियाभागेहिं सूरिए चक्खुप्फासं हव्वमागच्छइ से पविसमाणे सूरिए दोच्चंसि अहोरत्तंसि बाहिरतच्चं मंडलं उवसंकमिता चारं चरइ जया णं भंते सूरिए बाहिरतच्चं मंडलं उवसंकमिता चारं चरइ तथा णं एगमेगेणं मुहुत्तेणं केवइयं खेत्तं गच्छइ गोयमा पंच-पंच जोयणसहस्साइ तिण्णि य चउरुत्तरे जोयणसए इगुणालीसं च सड्डिभाए जोयणस्स एगमेगेणं मुहुत्तेणं गच्छइ तथा णं इहगयस्स मणुसस्स एगाहिएहिं बतीसाए जोयणसहस्सेहिं एगुणपत्राए य सड्डिभाएहिं जोयणस्स सड्डिभागं च एगसड्डिहा छेत्ता तैवीसाए चुण्णियाभाएहिं सूरिए चक्खुप्फासं हव्वमागच्छइ एवं खलु एएणं उवाएणं पविसमाणे सूरिए तयणंतराओ मंडलाओ तयणंतरं मंडलं संकममाणे-संकममाणे अट्टारस-अट्टारस सड्डिभाए जोयणस्स एगमेगे मंडले मुहुत्तागइ निवइडेमाणे-निवइडेमाणे सव्वब्भंतरं मंडलं उवसंकमिता चारं चरइ एस णं दोच्चे छम्मासे एस णं दोच्चस्स छम्मासस्स पञ्जवसाणे एस णं आइच्चे संवच्छरे एस णं आइच्चस्स संवच्छरस्स पञ्जवसाणे पत्रत्ते । १३४-133

(२५९) जया णं भंते सूरिए सव्वब्भंतरं मंडलं उवसंकमिता चारं चरइ तथा णं केमहालए दिवसे केमहालया राई भवइ गोयमा तथा णं उत्तमकट्टपत्ते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राई भवइ से निक्खममाणे सूरिए नवं संवच्छरं अयमाणे पढमंसि अहोरत्तंसि अब्भंतराणंतरं मंडलं उवसंकमिता चारं चरइ जया णं भंते सूरिए अब्भंतराणंतरं मंडलं उवसंकमिता चारं चरइ तथा णं केमहालए दिवसे केमहालया राई भवइ गोयमा तथा णं अट्टारसमुहुत्ते दिवसे भवइ दोहिं एगसड्डिभागमुहुत्तेहिं ऊणे दुवालसमुहुत्ता राई भवइ दोहि य एगसड्डिभागमुहुत्तेहिं अहिया से निक्खममाणे सूरिए दोच्चंसि अहोरत्तंसि जाव चारं चरइ तथा णं केमहालए दिवसे केमहालया राई भवइ गोयमा तथा णं अट्टारसमुहुत्ते दिवसे भवइ चउहिं एगसड्डिभागमुहुत्तेहिं ऊणे दुवालसमुहुत्ता राई भवइ चउहिं एगसड्डिभागमुहुत्तेहिं अहिया एवं खलु एएणं उवाएणं निक्खममाणे सूरिए तयणंतराओ मंडलाओ तयणंतरं मंडलं संकममाणे-संकममाणे दो-दो एगसड्डिभागमुहुत्ते मंडले दिवसखेत्तस्स निवइडेमाणे-निवइडेमाणे रयणिखेत्तस्स अभिवइडे-माणे-अभिवइडेमाणे सव्वबाहिरं मंडलं उवसंकमिता चारं चरइ जया णं सूरिए सव्वब्भंतराओ मंडलाओ सव्वबाहिरं मंडलं उवसंकमिता चारं चरइ तथा णं सव्वब्भंतरं मंडलं पणिहायं एणेणं तेसीएणं राइंदियसएणं तिण्णि छावट्ठे एगसड्डिभागमुहुत्तसए दिवसखेत्तस्स निवइडेत्ता रयणिखे-त्तस्स अभिवइडेत्ता चारं चरइ जया णं भंते सूरिए सव्वबाहिरं मंडलं उवसंकमिता चारं चरइ तथा णं केमहालए दिवसे केमहालया राई भवइ गोयमा तथा णं उत्तमकट्टपत्ता उक्कोसिया अट्टारसमुहुत्ता राई भवइ जहण्णए दुवालसमुहुत्ते दिवसे भवइ एस णं पढमे छम्मासे एस णं पढमस्स छम्मासस्स पञ्जवसाणे से पविसमाणे सूरिए दोच्चं छम्मासे अयमाणे पढमंसि अहोरत्तंसि बाहिराणंतरं मंडलं उवसंकमिता चारं चरइ जया णं भंते सूरिए बाहिराणंतरं मंडलं उवसंकमिता चारं चरइ तथा णं केमहालए दिवसे केमहालया राई भवइ गोयमा अट्टारसमुहुत्ता राई भवइ दोहिं एगसड्डिभागमुहु-त्तेहिं ऊणा दुवालसमुहुत्ते दिवसे भवइ दोहिं एगसड्डिभागमुहुत्तेहिं अहिए से पविसमाणे सूरिए दोच्चंसि अहोरत्तंसि बाहिरतच्चं मंडलं उवसंकमिता चारं चरइ जया णं भंते सूरिए बाहिरतच्चं मंडलं उवसंकमिता चारं चरइ तथा णं केमहालए दिवसे केमहालया राई भवइ गोयमा तथा णं अट्टार-समुहुत्ता राई भवइ चउहिं एगसड्डिभागमुहुत्तेहिं ऊणा दुवालस मुहुत्ते दिवसे भवइ चउहिं एगसड्डि-

भागमुहुतेहिं अहिए एवं खलु एएणं उवाएणं पविसमाणे सूरिए तयणंतराओ तयणंतरं मंडलं संकममाणे-संकममाणे दो-दो एगसद्धिभागमुहुते एगमेगे मंडले रयणिखेतस्स निवड्ढेमाणेनिवड्ढे-माणे दिवसखेतस्स अभिवड्ढेमाणे-अभिवड्ढेमाणे सव्वब्भंतरं मंडलं उवसंकमिता चारं चरइ जया णं सूरिए सव्वाबाहिराओ मंडलाओ सव्वब्भंतरं मंडलं उवसंकमिता चारं चरइ तथा णं सव्वबाहिरं मंडलं पणिहायं एगेणं तेसीएणं राइदियसएणं तिण्णि छावट्टे एगसद्धिभागमुहुत्तसए रयणिखेतस्स निवड्ढेता दिवसखेतस्स अभिवड्ढेता चारं चरइ एस णं दोस्से छम्मासे एस णं दोघस्स छम्मासस्स पञ्चवसाणे एस णं आइस्से संवच्छरे एस णं आइस्स संवच्छरस्स पञ्चवसाणे पत्रत्ते। १३५।-१३४

(२६०) जया णं भंते सूरिए सव्वब्भंतरं मंडलं उवसंकमिता चारं चरइ तथा णं किसंठिया तावखेतसंठिई० उड्ढीमुहकलंबुयापुप्फसंठाणसंठिया तावखेतसंठिई पत्रत्ता-अंतो संकुया बाहिं वित्थडा अंतो यट्टा बाहिं पिहुला अंतो अंकमुहसंठिया बाहिं सगडुद्धीमुहसंठिया उभओ पासेणं तीसे दो बाहाओ अवट्टियाओ हवति-पणयालीसं-पणयालीसं जोयणसहस्साइं आयामेणं दुवे य णं तीसे बाहाओ अणवट्टियाओ हवति तं जहा-सव्वब्भंतरिया घेव बाहा सव्वबाहिरिया घेव बाहा तीसे णं सव्वब्भंतरिया बाहा मंदरपव्यंतेणं नव जोयणसहस्साइं घत्तारि छलसीए जोयणसए नव य दंस-भाए जोयणस्स परिकखेवेंणं एस णं भंते परिकखेवविसेसे कओ आहिएति० जे णं मंदरस्स पव्वयस्स परिकखेवे तं परिकखेवं तिहिं गुणेत्ता दसहिं छेत्ता दसहिं भागे हीरमाणे एस णं परिकखेवविसेसे आहिएति वएज्जा तीसे णं सव्वाहिरिया बाहा लवणसमुद्धंतेणं चउणवइं जोयणसहस्साइं अट्ट य अट्ट-सट्टे जोयणसए चत्तारि य दसभाए जोयणस्स परिकखेवेंणं से णं भंते परिकखेवविसेसे कओ आहि-एति० जे णं जंबुद्धीवस्स दीवस्स परिकखेवे तं परिकखेवं तिहिं गुणेत्ता दसहिं छेत्ता दसहिं भागे हीर-माणे एस परिकखेवविसेसे आहिएति वएज्जा तथा णं भंते तावखेत्ते केवइयं आयामेणं० अट्टहत्तारिं जोयणसहस्साइं तिण्णि य तेतीसे जोयणसए जोयणतिभागं च आयामेणं पत्रत्ते। १३५-१।-१३४-१

(२६१) मेरुस्स मज्झयारे जाव य लवणस्स रुंदछम्मागे

तावायामो एसो सगडुद्धीसंठिओ नियमा

॥८४॥-१

(२६२) तथा णं भंते किसंठिया अंधयारसंठिई पत्रत्ता गोयमा उड्ढीमुहकलंबुया-पुप्फ-संठाणसंठिया अंधयारसंठिई पत्रत्ता-अंतो संकुया बाहिं वित्थडा तं वेव जाव तीसे णं सव्वब्भंतरिया बाहा मंदरप- ध्वयंतेणं छज्जोयणसहस्साइं तिण्णि य चउवीसे जोयणसए छच्च दसभाए जोयणस्स परिकखेवेंणं से णं भंते परिकखेवविसेसे कओ आहिएति वएज्जा गोयमा जे णं मंदरस्स पव्वयस्स परिकखेवे तं परिकखेवं दोहिं गुणेत्ता दसहिं छेत्ता दसहिं भागे हीरमाणे एस णं परिकखेवविसेसे आहिएति वएज्जा तीसे णं सव्वबाहिरिया बाहा लवणसमुद्धंतेणं तेसट्टी जोयणसहस्साइं दोण्णि य पणयाले जोयणसए छच्च दसभाए जोयणस्स परिकखेवेंणं से णं भंते परिकखेवविसेसे कओ आहिएति वएज्जा गोयमा जे णं जंबुद्धीवस्स दीवस्स परिकखेवे तं परिकखेवं दोहिं गुणेत्ता जाव तं वेव तथा णं भंते अंधयारे केवइए आयामेणं पत्रत्ते गोयमा अट्टहत्तारिं जोयणसहस्साइं तिण्णि य तेतीसे जोयणसए जोयणतिभागं च आयामेणं पत्रत्ते जया णं भंते सूरिए सव्वबाहिरंमंडलं उवसंकमिता चारं चरइ तथा णं किसंठिया तावखेतसंठिई पत्रत्ता गोयमा उड्ढीमुहकलंबुयापुप्फसंठाणसंठिया पत्रत्ता तं घेव सव्वं नेयव्वं नवरं नाणत्तं-जं अंधयारसंठिईए पुव्ववणिण्यं पमाणं तं तावखेतसंठिईए नेयव्वं जं तावखेतसंठिईए पुव्ववणिण्यं पमाणं तं अंधयारसंठिईए नेयव्वं। १३६।-१३५

(२६३) जंबुद्वीवे णं भंते दीवे सूरिया उग्गमणमुहुत्तंसि दूरे य मूले य दीसंति मज्झंति-यमुहुत्तंसि मूले य दूरे य दीसंति अत्यमणमुहुत्तंसि दूरे य मूले य दीसंति हंता गोयमा तं चेव जाव दीसंति जंबुद्वीवे णं भंते दीवे सूरिया उग्गमणमुहुत्तंसि या मज्झंति यमुहुत्तंसि या अत्यमणमुहुत्तंसि या सव्वत्य समा उच्चत्तेणं हंता तं चेव जाव उच्चत्तेणं जइ णं भंते जंबुद्वीवे दीवे सूरिया उग्गमणमुहुत्तंसि जाव या अत्यमणमुहुत्तंसि या सव्वत्य समा उच्चत्तेणं कम्हा णं भंते जंबुद्वीवे दीवे सूरिया उग्गमणमुहुत्तंसि दूरे य मूले य दीसंति जाव अत्यमणमुहुत्तंसि दूरे य मूले य दीसंति गोयमा लेसापडिघाए णं उग्गमणमुहुत्तंसि दूरे य मूले य दीसंति लेसाहितायेणं मज्झंति यमुहुत्तंसि मूले य दूरे य दीसंति लेसापडिघाएणं अत्यमणमुहुत्तंसि दूरे य मूले य दीसंति एवं खलु तं चेव जाव दीसंति । १३७१-१३७३

(२६४) जंबुद्वीवे णं भंते दीवे सूरिया किं तीतं खेतं गच्छंति पडुप्पणं खेतं गच्छंति अणागयं खेतं गच्छंति गोयमा नो तीतं खेतं गच्छंति पडुप्पणं खेतं गच्छंति नो अणागयं खेतं गच्छंति तं भंते किं पुट्टं गच्छंति जाव नियमा छद्दिसि एवं ओमासेति तं भंते किं पुट्टं ओमासेति एवं आहारपयाइं नेयव्वाइं पुट्टोगाढमणंतर-अणु-मह-आइ-विसयाणुपुव्वी य जाव नियमा छद्दिसि एवं उज्जोवेति तवेति पमासेति । १३८१-१३८७

(२६५) जंबुद्वीवे णं भंते दीवे सूरियाणं किं तीए खेते किरिया कज्जइ पडुप्पणे खेते किरिया कज्जइ अणागए खेते किरिया कज्जइ गोयमा नो तीए खेते किरिया कज्जइ पडुप्पणे खेते किरिया कज्जइ नो अणागए खेते किरिया कज्जइ सा भंते किं पुट्टा कज्जइ अपुट्टा कज्जइ गोयमा पुट्टा कज्जइ नो अपुट्टा कज्जइ जाव नियमा छद्दिसि । १३९१-१३९७

(२६६) जंबुद्वीवे णं भंते दीवे सूरिया केवइयं खेतं उड्ढं तवयंति अहे तिरियं च गोयमा एणं जोयणसयं उड्ढं तवयंति अट्टारस जोयणसयाइं अहे तवयंति सीयालीसं जोयणसहस्साइं दोण्णि य तेवट्ठे जोयणसए एगवीसं च सट्ठिभाए जोयणस्स तिरियं तवयंति । १४०१-१४०७

(२६७) अंतो णं भंते मानुसुत्तरस्स पव्वयस्स जे चंदिम-सूरिय-गहगण-नक्खत्त-तारा-रूया ते णं भंते देवा किं उड्ढोववण्णा कप्पोववण्णा विमाणोववण्णा चारोववण्णा चारट्ठिइया गइ-रइया गइसमावण्णा गोयमा अंतो णं माणुसुत्तरस्स पव्वयस्स जे चंदिम-सूरिय जाव तारारूवा ते णं देवा नो उड्ढोववण्णा नो कप्पोववण्णा विमाणोववण्णा चारोववण्णा नो चारट्ठिइया गइ-रइया गइसमावण्णा उड्ढीमुहकलंभुयापुप्फसंठाणसंठिएहिं जोयणसाहस्सिएहिं तावखेतेहिं साहस्सियाहिं वेउव्वियाहिं बाहिराहिं परिसाहिं महयाहय-नट्ट जाव दिव्वाइं भोगभोगाइं भुंजमाणा महया उक्किइसीहनायबोलकलकरवेणं अच्छं पव्वयरायं पयाहिणवत्तमंडलचारं मेरुं अनुप-रियट्ठंति । १४११-१४१७

(२६८) तेसि णं भंते देवाणं जाहे इंदे वुए भवइ से कहमियाणिं पकरेति गोयमा ताहे चत्तारि पंच वा सामाणिया देवा तं ठाणं उवसंपअित्ताणं विहरंति जाव तत्तण्णे इंदे उववण्णे भवइ इंदइयाणे णं भंते केवइयं कालं उववाएणं विरहिए गोयमा जहण्णेणं एणं समयं उक्कोसेणं छम्मासे उववाएणं विरहिए बहिया णं भंते माणुसुत्तरस्स पव्वयस्स जे चंदिम-जाव तारारूवा तं चेव नेयव्वं नाणत्तं-विमाणोववण्णा नो चारोववण्णा चारट्ठिइया नो गइरइया नो गइसमावण्णा पक्किइसंठाण-संठिएहिं जोयणसयसाहस्सिएहिं तावखेतेहिं सयस्रहस्सियाहिं वेउव्वियाहिं बाहिराहिं परिसाहिं महयाहयणट्ट-गीय-जाव भुंजमाणा सुहलेसा मंदलेस्सा मंदयवलेसा चित्तंतरलेसा अण्णोण-

समोगादाहिं लेसाहिं कूडाविव ठाणठिया सब्बओ समंता ते पएसे ओभासेंति उज्जोवेति पभासेंति तेसि णं भंते देवाणं जाहे इदे चुए भवइ से कहमियाणि पकरेति जाव जहण्णेणं एककं समयं उक्कोसेणं छम्मासा ।१४२।-१४१

(२६९) कइ णं भंते चंदमंडला पत्रत्ता गोयमा पत्ररस चंदमंडला पत्रत्ता गोयमा जंबुद्दीवेणं भंते दीवे केवइयं ओगाहिता केवइया चंदमंडला पत्रत्ता गोयमा जंबुद्दीवे दीवे असीयं जोयणसयं ओगाहिता पंच चंदमंडला पत्रत्ता लवणे णं भंते पुच्छा गोयमा लवणे णं समुद्दे तिण्णि तीसे जोयणसए ओगाहिता एत्थ णं दस चंदमंडला पत्रत्ता एवामेव सपुच्चावरेणं जंबुद्दीवे दीवे लवणे य समुद्दे पत्ररस चंदमंडला भवंतीतिमक्खायं ।१४३।-१४२

(२७०) सब्बम्भंतराओ णं भंते चंदमंडलाओ केवइयं अबाहाए सब्बबाहिरए चंदमंडले पत्रत्ते गोयमा पंचदसुत्तरे जोयणसए अबाहाए सब्बबाहिरए चंदमंडले पत्रत्ते ।१४४।-१४३

(२७१) चंदमंडलस्स णं भंते चंदमंडलस्स य एस णं केवइयं अबाहाए अंतरे पत्रत्ते गोयमा पणतीसं-पणतीसं जोयणाइं तीसं च एगसद्धिभाए जोयणस्स एगसद्धिभागं च सत्ताहा छेत्ता चत्तारि चुण्णियाभाए चंदमंडलस्स-चंदमंडलस्स अबाहाए अंतरे पत्रत्ते ।१४५।-१४४

(२७२) चंदमंडले णं भंते केवइयं आयाम-विकखंभेणं केवइयं परिकखेवेणं केवइयं बाहल्लेणं पत्रत्ते गोयमा छप्पन्नं एगसद्धिभाए जोयणस्स आयाम-विकखंभेणं तं तिगुणं सविसेसं परिकखेवेणं अट्टावीसं च एगसद्धिभाए जोयणस्स बाहल्लेणं ।१४६।-१४५

(२७३) जंबुद्दीवे णं भंते दीवे मंदरस्स पव्वयस्स केवइयं अबाहाए सब्बम्भंतरए चंदमंडले पत्रत्ते गोयमा चोयालीसं जोयणसहस्साइं अट्ट य वीसे जोयणसए अबाहाए सब्बम्भंतरे चंदमंडले पत्रत्ते जंबुद्दीवे णं भंते दीवे मंदरस्स पव्वयस्स केवइयं अबाहाए अम्भंतराणंतरे चंदमंडले पत्रत्ते गोयमा चोयालीसं जोयणसहस्साइं अट्ट य छप्पन्ने जोयणसए पणवीसं च एगसद्धिभाए जोयणस्स एगसद्धिभागं च सत्ताहा छेत्ता चत्तारि चुण्णियाभाए अबाहाए अम्भंतराणंतरे चंदमंडले पत्रत्ते जंबुद्दीवे णं भंते दीवे मंदरस्स पव्वयस्स केवइयं अबाहाए अम्भंतरतस्से चंदमंडले पत्रत्ते गोयमा चोयालीसं जोयणसहस्साइं अट्ट य बाणउए जोयणसए एगायण्णं च एगसद्धिभाए जोयणस्स एगसद्धिभागं च सत्ताहा छेत्ता एणं चुण्णियाभागं अबाहाए अम्भंतरतस्से चंदमंडले पत्रत्ते एवं खलु एएणं उवाएणं निक्खममाणे चंदे तयणंतराओ मंडलाओ तयणंतरं मंडलं संकममाणे-संकममाणे छत्तीसं-छत्तीसं जोयणाइं पणवीसं च एगसद्धिभाए जोयणस्स एगसद्धिभागं च सत्ताहा छेत्ता चत्तारि चुण्णियाभाए एगमेगे मंडले अबाहाए बुद्धिं अभिवड्ढेमाणे-अभिवड्ढेमाणे सब्बबाहिरं मंडलं उयसंक्रमिता चारं घरइ जंबुद्दीवे णं भंते दीवे मंदरस्स पव्वयस्स केवइयं अबाहाए सब्बबाहिरे चंदमंडले पत्रत्ते गोयमा पणयालीसं जोयणसहस्साइं तिण्णि य तीसे जोयणसए अबाहाए सब्बबाहिरए चंदमंडले पत्रत्ते जंबुद्दीवे णं भंते दीवे मंदरस्स पव्वयस्स केवइयं अबाहाए बाहिराणंतरे चंदमंडले पत्रत्ते गोयमा पणयालीसं जोयणसहस्साइं दोण्णि य तेणउए जोयणसए पणतीसं च एगसद्धियाए जोयणस्स एगसद्धिभागं च सत्ताहा छेत्ता तिण्णि चुण्णियाभाए अबाहाए बाहिराणंतरे चंदमंडले पत्रत्ते जंबुद्दीवे णं भंते दीवे मंदरस्स पव्वयस्स केवइयं अबाहाए बाहिरतस्से चंदमंडले पत्रत्ते गोयमा पणयालीसं जोयणसहस्साइं दोण्णि य सत्तावण्णे जोयणसए नव य एगसद्धिभाए जोयणस्स एगसद्धिभागं च सत्ताहा छेत्ता छ चुण्णियाभाए अबाहाए बाहिरतस्से चंदमंडले पत्रत्ते एवं खलु एएणं

उवाएणं पविसमाणे चंदे तयणंतराओ मंडलाओ तयणंतरं मंडलं संकममाणे-संकममाणे छत्तीसं-
छत्तीसं जोयणाइं पणवीसं घ एगसद्धिभाए जोयणस एगसद्धिभागं च सत्तहा छेत्ता चत्तारि
चुण्णियाए एगमेगे मंडले अवाहाए बुद्धिं न्यइडेमाणे-न्यइडेमाणे सव्वब्भंतरं मंडलं उवसं-
कमिता चारं चरइ १९४१-१४६

(२७४) सव्वब्भंतरं णं भंते चंदमंडले केवइयं आयाम-विकखंभेणं केवइयं परिकखेवणं०
नउणाउइं जोयणसहस्साइं छच्चत्ताले जोयणसए आयाम-विकखंभेणं तिण्णि य जोयणसहस्साइं
पन्नरस जोयणसयसहस्साइं अउणाणउइं च जोयणाइं किंचिविसेसाहिए परिकखेवणं पन्नते
अब्भंतराणंतरे सा चेव पुच्छा गोयमा नवणउइं जोयणसहस्साइं सत्त य बारसुत्तरे जोयणसए
एगावण्णं च एगसद्धिभागे जोयणस एगसद्धिभागं च सत्तहा छेत्ता एणं चुण्णियाभागं आयाम-
विकखंभेणं तिण्णि य जोयणसयसहस्साइं पन्नरस सहस्साइं तिण्णि य एगुणवीसे जोयणसए
किंचिविसेसाहिए परिकखेवणं अब्भंतरतच्चे णं जाव पन्नते गोयमा नवणउइं जोयणसहस्साइं सत्त य
पंचासीए जोयणसए इगतालीसं च एगसद्धिभाए जोयणस एगसद्धिभागं च सत्तहा छेत्ता दोण्णि य
चुण्णियाभाए आयाम-विकखंभेणं तिण्णि य जोयणसयसहस्साइं पन्नरस जोयण-सहस्साइं पंच य
इगुणापन्ने जोयणसए किंचिविसेसाहिए परिकखेवणं एवं खलु एएणं उवाएणं निकखमाणे चंदे जाव
संकममाणे-संकममाणे बावत्तरि-बावत्तरिं जोयणाइं एगावण्णं च एगसद्धिभाए जोयणस
एगसद्धिभागं च सत्तहा छेत्ता एणं च चुण्णियाभागं एगमेगे मंडले विकखंभवुद्धिं अभावइडेमाणे-
अभावइडेमाणे दो-दो तीसाइं जोयणसयाइं परिरयवुद्धिं अभावइडेमाणे-अभावइडेमाणे सव्व-
बाहिरं मंडलं उवसंकमिता चारं चरइ, सव्वबाहिरए णं भंते चंदमंडले केवइयं आयाम-विकखंभेणं
केवइयं परिकखेवणं० एणं जोयणसयसहस्सं छच्चसद्धे जोयणसए आयाम-विकखंभेणं तिण्णि य
जोयणसयसहस्साइं अद्वारस सहस्साइं तिण्णि य पन्नरसुत्तरे जोयणसए परिकखेवणं, बाहिराणंतरे णं
पुच्छा गोयमा एणं जोयणसयसहस्सं पंच सत्तासीए जोयणसए नव य एगसद्धिभाए जोयणस
एगसद्धिभागं घ सत्तहा छेत्ता छ चुण्णियाभाए आयामविकखंभेणं तिण्णि य जोयणसयसहस्साइं
अद्वारस सहस्साइं पंचासीइं च जोयणाइं परिकखेवणं, बाहिरतच्चे णं भंते चंदमंडले जाव पन्नते
गोयमा एणं जोयणसयसहस्सं पंच य चउदसुत्तरे जोयणसए एगुणवीसं च एगसद्धिभाए जोयणस
एगसद्धिभागं घ सत्तहा छेत्ता पंच चुण्णियाभाए आयाम-विकखंभेणं तिण्णि य जोयणसयसहस्साइं
सत्तरस सहस्साइं अट्ट य पणपन्ने जोयणसए परिकखेवणं एवं खलु एएणं उवाएणं पविसमाणे चंदे
जाव संकममाणे-संकममाणे बावत्तरि-बावत्तरिं जोयणाइं एगावण्णं च एगसद्धिभाए जोयणस
एगसद्धिभागं च सत्तहा छेत्ता एणं चुण्णियाभागं एगमेगे मंडले विकखंभवुद्धिं न्यइडेमाणे-
न्यइडेमाणे दो-दो तीसाइं जोयणसयाइं परिरयवुद्धिं न्यइडेमाणे-न्यइडेमाणे सव्वब्भंतरं मंडलं
उवसंकमिता चारं चरइ १९४१-१४७

(२७५) जया णं भंते चंदे सव्वब्भंतरमंडलं उवसंकमिता चारं चरइ तथा णं एगभेणेणं
मुहुत्तेणं केवइयं खेतं गच्छइ गोयमा पंच जोयणसहस्साइं तेवत्तरिं च जोयणाइं सत्तत्तरिं च चोयाले
भागसए गच्छइ मंडलं तेरसहिं सहस्सेहिं सत्तहिं य पणवीसेहिं सएहिं छेत्ता तथा णं इहगयस
मणूसस सीयालीसाए जोयणसहस्सेहिं दोहि य तेवट्ठेहिं जोयणसएहिं एगवीसाए य सट्टमाएहिं
जोयणस चंदे चक्खुप्फासं हव्वमागच्छइ जया णं भंते चंदे अब्भंतराणंतरे मंडलं उवसंकमिता चारं

घरइ जाव केवइयं खेतं गच्छइ गौयमा पंच जोयणसहस्साइं सत्तत्तिरिं च जोयणाइं छत्तीसं च चौवतरे भागसए गच्छइ मंडलं तेरसहिं जाव छेत्ता जया णं भंते चंदे अब्भंतरतच्चं मंडलं उवसंकमिता चारं चरइ तथा णं एगमेगेणं मुहुत्तेणं केवइयं खेतं गच्छइ गौयमा पंच जोयणसहस्साइं असीइं च जोयणाइं तेरस य भागसहस्साइं तिण्णि य एगूणतीसे भागसए गच्छइ मंडलं तेरसहिं जाव छेत्ता एवं खलु एएणं उवाएणं निक्खममाणे चंदे तयणंतराओ जाव संकममाणे तिण्णि-तिण्णि जोयणाइं छण्णउइं च पंचावण्णे भागसए एगमेगे मंडले मुहुत्तगइं अभिवइडेमाणे-अभिवइडेमाणे सव्वबाहिरं मंडलं उवसंकमिता चारं चरइ जया णं भंते सव्वबाहिरं मंडलं उवसंकमिता चारं चरइ तथा णं एगमेगेणं मुहुत्तेणं केवइयं खेतं गच्छइ गौयमा पंच जोयणसहस्साइं एणं च पणवीसं जोयणसयं अउणत्तिरिं च नउए भागसए गच्छइ मंडलं तेरसहिं भागसहस्सेहिं सत्तहिं य जाव छेत्ता तथा णं इइगयस्स मणूसस्स एककीसाए जोयणसहस्सेहिं अइहिं य एगतीसेहिं जोयणसएहिं चंदे चक्खुष्फासं हव्वमागच्छइ जया णं भंते बाहिराणंतरं पुच्छा गौयमा पंचजोयणसहस्साइं एककं च एककीसुत्तरं जोयणसयं एककारसयं य सट्ठे भागसहस्से गच्छइ मंडलं तेरसहिं जाव छेत्ता जया णं भंते बाहिरतच्चं पुच्छा गौयमा पंचजोयणसहस्साइं एणं च अट्ठारसुत्तरं जोयणसयं चोइस य पंतुत्तरे भागसए गच्छइ मंडलं तेरसहिं सहस्सेहिं सत्तहिं पणवीसेहिं सएहिं छेत्ता एवे खलु एएणं उवाएणं जाव संकममाणे-संकममाणे तिण्णि-तिण्णि जोयणाइं छण्णउइं च पंचावण्णे भागसए एगमेगे मंडले मुहुत्तगइं निवइडेमाणे-निवइडेमाणे सव्वब्भंतरं मंडलं उवसंकमिता चारं चरइ 1989-148

(२७६) कइ णं भंते नक्खत्तमंडला पत्रत्ता गौयमा अट्ठ नक्खत्तमंडला पत्रत्ता जंबुद्दीवे णं भंते दीवे केवइयं ओगाहिता केवइया नक्खत्तमंडला पत्रत्ता गौयमा जंबुद्दीवे दीवे असीयं जोयणसयं ओगाहेत्ता एत्थ णं दो नक्खत्तमंडला पत्रत्ता लवणे णं भंते समुद्दे केवइयं ओगाहेत्ता केवइयं नक्खत्तमंडला पत्रत्ता गौयमा लवणे णं समुद्दे तिण्णि तीसे जोयणसए ओगाहिता एत्थ णं छ नक्खत्तमंडला पत्रत्ता एवामेव सपुब्बावरेणं जंबुद्दीवे दीवे लवणसमुद्दे अट्ठ नक्खत्तमंडला पवती-त्तिमक्खायं सव्वब्भंतराओ णं भंते नक्खत्तमंडलाओ केवइयं अबाहाए सव्वबाहिरए नक्खत्तमंडले पत्रत्ते गौयमा पंचदसुत्तरे जोयणसए अबाहाए सव्वबाहिरए नक्खत्तमंडले पत्रत्ते नक्खत्तमंडलस्स णं भंते नक्खत्तमंडलस्स य एस णं केवइयं अबाहाए अंतरे पत्रत्ते गौयमा दो जोयणाइं नक्खत्तमंडलस्स नक्खत्तमंडलस्स य अबाहाए अंतरे पत्रत्ते नक्खत्तमंडले णं भंते केवइयं आयाम-विकखंभेणं केवइयं परिकखेवेणं केवइयं बाहलेणं पत्रत्ते गौयमा गाउयं आयाम-विकखंभेणं तं तिगुणं सविसेसं परिकखेवेणं अट्ठगाउयं बाहलेणं पत्रत्ते जंबुद्दीवे णं भंते दीवे मंदरस्स पव्वयस्स केवइयं अबाहाए सव्वब्भंतरे नक्खत्तमंडले पत्रत्ते गौयमा चोयालीसं जोयणसहस्साइं अट्ठ य बीसे जोयणसए अबाहाए सव्वब्भंतरे नक्खत्तमंडले पत्रत्ते जंबुद्दीवे णं भंते दीवे मंदरस्स पव्वयस्स केवइयं अबाहाए सव्वबाहिरए नक्खत्तमंडले पत्रत्ते गौयमा पणयालीसं जोयणसहस्साइं तिण्णि य तीसे जोयणसए अबाहाए सव्वबाहिरए नक्खत्तमंडले पत्रत्ते सव्वब्भंतरे णं भंते नक्खत्तमंडले केवइयं आयाम-विकखंभेणं केवइयं परिकखेवेणं पत्रत्ते गौयमा नवणउइं जोयणहस्साइं छच्चत्ताले जोयणसए आयाम-विकखंभेणं तिण्णि य जोयणसयसहस्साइं पत्ररस जोयणसहस्साइं एगूणगवईं च जोयणाइं किंचिविसेसाहिए परिकखेवेणं पत्रत्ते सव्वबाहिरिए णं भंते नक्खत्तमंडले केवइयं आयाम-विकखंभेणं केवइयं परिकखेवेणं पत्रत्ते गौयमा एणं जोयणसयसहस्सं छच्च सट्ठे जोयणसए

आयामविक्रंभेणं तिण्णि जोयणसयसहस्साइं अट्टारस य जोयणसहस्साइं तिण्णि य पत्ररसुत्ते जोयणसए परिकखेवैणं पत्रत्ते जया णं भंते नक्खत्ते सव्वब्भंतरमंडलं उवसंकमित्ता चारं चरइ तथा णं एगमेगेणं मुहुत्तेणं केवइयं खेतं गच्छइ गोयमा पंच पंच जोयणसहस्साइं दोण्णि य पत्रट्टे जोयणसए अट्टारस य भागसहस्से दोण्णि य तेवट्टे भागसए गच्छइ मंडलं एकक्कीसाए भागसहस्सेहिं नवहिं य सट्टेहिं सएहिं छेत्ता जया णं भंते नक्खत्ते सव्वबाहिरं मंडलं उवसंकमित्ता चारं चरइ तथा णं एगमेगेणं मुहुत्तेणं केवइयं खेतं गच्छइ गोयमा पंच जोयणसहस्साइं तिण्णि य एगुणवीसे जोयणसए सोलस य भागसहस्सेहिं तिण्णि य पत्रट्टे भागसए गच्छइ मंडलं एगवीसाए भागसहस्सेहिं नवहिं य सट्टेहिं सएहिं छेत्ता एए णं भंते अट्ट नक्खत्तमंडला कइहिं चंदमंडलेहिं समयोरंति गोयमा अट्टेहिं चंदमंडलेहिं समयोरंति तं जहा-पढमे चंदमंडले तइए छट्टे सत्तमे अट्टमे दसमे एककारसमे पत्ररसमे चंदमंडले एगेमेगेणं भंते मुहुत्तेणं चंदे केवइयाइं भागसयाइं गच्छइ गोयमा जं-जं मंडलं उवसंकमित्ता चारं चरइ तस्स-तस्स मंडलपरिकखेवस्स सत्तरस अट्टे भागसए गच्छइ मंडलं सयसहस्सेणं अट्टाणउईए य सएहिं छेत्ता एगमेगेणं भंते मुहुत्तेणं सूरिए केवइयाइं भागसयाइं गच्छइ गोयमा जं-जं मंडलं उवसंकमित्ता चारं चरइ तस्स-तस्स मंडलपरिकखेवस्स अट्टारसतीसे भागसए गच्छइ मंडलं सयसहस्सेहिं अट्टाणउईए य सएहिं छेत्ता एगमेगेणं भंते मुहुत्तेणं नक्खत्ते केवइयाइं भागसयाइं गच्छइ गोयमा जं-जं मंडलं उवसंकमित्ता चारं चरइ तस्स-तस्स मंडलपरिकखेवस्स अट्टारस पणतीसे भागसए गच्छइ मंडलं सयसहस्सेणं अट्टाणउईए य सएहिं छेत्ता 1९५०1-149

(२७७) जंबुद्वीव णं भंते दीवे सूरिया उदीण-पाईणमुगच्छ पाईण-दाहिण मामच्छंति पाईण-दाहिणमुगच्छ दाहिण-पडीणमागच्छंति दाहिणपडीणमुगच्छ पडीण-उदीणमागच्छंति पडिणउ-दीणमुगच्छ उदीण-पाईणमागच्छंति हंता गोयमा जहा पंचमसए पढमे उद्देसे जाव नेवत्थि उस्सप्पिणी अवड्डिएणं तत्थ काले पत्रत्ते समणाउसो इच्चेसा जंबुद्वीवपत्रती सूरपत्रती वत्थुसमासेणं समत्ता भवइ जंबुद्वीव णं भंते दीवे चंदिमा उदीण-पाईणमुगच्छइ पाईण-दाहिणमागच्छंति जहा सूरवत्तव्वया जहा पंचमसयस्स दसमे उद्देसे जाव अवड्डिए णं तत्थ काले पत्रत्ते समणाउसो इच्चेसा जंबुद्वीवपत्रती चंदपन्नती वत्थुसमासेणं समत्ता भवइ 1९५१-1६०

(२७८) कइ णं भंते संवच्छरा पत्रत्ता गोयमा पंच संवच्छरा पत्रत्ता तं जहा-नक्खत्तसंवच्छरे जुगसंवच्छरे पमाणसंवच्छरे लक्खणसंवच्छरे सणिच्छरसंवच्छरे, नक्खत्तसंवच्छरे णं भंते कइविहे पत्रत्ते गोयमा दुवालसविहे पत्रत्ते तं जहा-सावणे मइवए आसोए जाव आसाढे जं वा विहप्फइ मइगहे दुवालसेहिं संवच्छरेहिं सव्वनक्खत्तमंडलं समाणेइ सेतं नक्खत्तसंवच्छरे जुगसंवच्छरे णं भंते पुच्छा पंचविहे पन्नत्ते तं जहा-चंदे चंदे अभिवड्डिए चंदे अभिवड्डिए चैव पढमस्स णं भंते चंदसंवच्छरस्स कइ पव्वा० चउब्बीसं पव्वा पत्रत्ता विइयस्स णं भंते चंदसंवच्छरस्स कइ पव्वा० चउब्बीसं पव्वा पत्रत्ता एयं पुच्छा तइयस्स गोयमा छब्बीसं पव्वा पत्रत्ता चउत्थस्स चंदसंवच्छरस्स चोब्बीसं पव्वा पत्रत्ता पंचमस्स णं अभिवड्डियस्स छब्बीसं पव्वा पत्रत्ता एवामेव सपुव्वावरेणं पंचसंवच्छरिए जुए एगे चउब्बीसे पव्वासए पत्रत्ते सेतं जुगसंवच्छरे, पमाणसंवच्छरे णं भंते कइ-विहे० पंचविहे पत्रत्ते तं जहा-नक्खत्ते चंदे उऊ आइच्चे अभिवड्डिए सेतं पमाणसंवच्छरे, लक्खणसंवच्छरे णं भंते कइविहे पत्रत्ते गोयमा पंचविहे पत्रत्ते [तं जहा] 1९५२-१1-1६1-1

(२७९) समयं नक्खत्ता जोगं जोयंति समयं उदू परिणमंति

नद्युण्ह नाइसीओ बहूदओ होइ नक्खत्ते

11८५11-1

- (२८०) ससि समगं पुत्रनासिं जोएति विसमचारिनकखत्ता
कडुओ बहूदओ वा तमाहु संवच्छरं चंदं ॥८६॥२
- (२८१) विसमं पयालिणो परिणमति अणुदुसुं देतिं पुष्फफलं
वासं न सम्म वासइ तमाहु संवच्छरं कम्मं ॥८७॥३
- (२८२) पुढविदगाणं तु रसं पुष्फफलाणं च देइ आइच्चो
अप्पेणवि दासेणं सम्मं निष्फज्जए सासं ॥८८॥४
- (२८३) आइच्चतेयतविया खणलवदिवसा उऊ परिणमति
पूरेइ य निष्णयले तमाहु अभिवद्धियं जाण ॥८९॥५
- (२८४) सणिच्छरसंवच्छरे णं भंते कइविहे पन्नते गोयमा अट्टावीसइविहे पन्नते जाव
उत्तराओ आसाढाओ जं वा सणिच्चरे महग्गए तीसाए संवच्छरेहिं सव्वं नकखत्तमंडलं समाणेइ सेतं
सणिच्चरसंवच्छरे १९५२-१-१५१
- (२८५) अभिई सवणे धणिट्ठा सयभिसया दो य होंति भइवया
रेवइ अस्सिणि भरणी कत्तिय तह रोहिणी चेव ॥९०॥१
- (२८६) एगमेगस्स णं भंते संवच्छरस्स कइ मासा पन्नत्ता गोयमा दुवालस मासा पन्नत्ता तेसि
णं दुविहा नामधेज्जा पन्नत्ता तं जहा-लोइया लोउत्तरिया य तत्थ लोइया नामा इमे तं जहा-सावणे
भइवए जाव आसाढे लोउत्तरिया ना मा इमे तं जहा १९५३-१-१५२-१
- (२८७) अभिणांदिए पइट्ठे य विजए पीइवद्धणे
सेयंसे य सिवे चेव सिसिरे य सहमयं ॥९१॥१
- (२८८) नवमे वसंतमासे दसमे कुसुमसंभवे
एक्कारसे निदाहे य वणविरोहे य बारसे ॥९२॥२
- (२८९) एगमेगस्स णं भंते मासस्स कइ पक्खा पन्नत्ता गोयमा दो पक्खा पन्नत्ता तं जहा-
बहुलपक्खे य सुक्कपक्खे य एगमेगस्स णं भंते पक्खस्स कइ दिवसा पन्नत्ता गोयमा पन्नरस दिवसा
पन्नत्ता तं जहा-पडिवादिवसे बिइयादिवसे जाव पन्नरसीदिवसे, एएसि णं भंते पन्नरसण्हं दिवसाणं
कइ नामधेज्जा पन्नत्ता गोयमा पन्नरस नामधेज्जा पन्नत्ता [तं जहा]- १९५३-१-१५२-२
- (२९०) पुव्वंगे सिद्धमनोरमे य तत्तो मनोहरे चेव
जसभदे य जसधरे छट्ठे सव्वकामसमिद्धे य ॥९३॥१
- (२९१) इंदमुद्धाभिसित्ते य सोमणस धणंजए य बोद्धव्ये
अह्यसिद्धे अभिजाए अच्चसणे सर्यंजए चेव ॥९४॥२
- (२९२) अग्गिवेसे उवसमे दिवसाणं होंति नामधेज्जाइं, एएसि णं भंते पन्नरसण्हं दिवसाणं
कइ तिही पन्नत्ता गोयमा पन्नरस तिही पन्नत्ता तं जहा नंदे भइ जए तुच्छे पुत्रे पक्खस्स पंचमी पुणरवि
नंदे भइ जए तुच्छे पुत्रे पक्खस्स दसमी पुणरवि-नंदे भइ जए तुच्छे पुत्रे पक्खस्स पन्नरसी एवं एते
तिगुणा तिहीओ सव्वेसिं दिवसाणं एगमेगस्स णं भंते पक्खस्स कइ राईओ पन्नत्ताओ गोयमा पन्नरस
राईओ पन्नत्ताओ तं जहा-पडिवारई जाव पन्नरसीराई एयासि णं भंते पन्नरसण्हं राईणं कइ नामधेज्जा
पन्नत्ता गोयमा पन्नरस नामधेज्जा पन्नत्ता [तं जहा]- १९५३-३-१५३-३
- (२९३) उत्तमा य सुनकखत्ता एलावद्धा जसोहारा
सोमणासा चेव तहा सिरिसंभूया य बोद्धव्या ॥९५॥१

(२१४) विजया य वेजयंति जयंति अपराजिया य इच्छा य
समाहारा चैव तथा तेया य तहेव अइतेया

॥१६॥-२

(२१५) देवानंदा निरई रयणीणं नामधेज्जाइं, एयासि णं भंते पन्नरसण्हं राईणं कइ तिही
पन्नता गोयमा पन्नरस तिही पन्नता तं जहा-उग्गवई भोगवई जसवई सब्बसिद्धा सुहाणामा पुणरवि-
उग्गवई भोगवई जसवई सब्बसिद्धा सुहाणामा पुणरवि-उग्गवई भोगवई जसवई सब्बसिद्धा
सुहाणामा एवं एए तिगुणा तिहीओ सब्बेसिं राईणं एगमेगस्स णं भंते अहोरत्तस्स कइ मुहुत्ता पन्नता
गोयमा तीसं मुहुत्ता पन्नता [तं जहा]- 19५३1-152

(२१६) रोह्णे सेए मित्ते वाउ सुपीए तहेव अभिचंदे

माहिंद बलव बंभे बहुसच्चे चैव ईसाणे

॥१७॥-१

(२१७) तट्टे य भावियप्पा वैसमणे वारुणे य आणंदे

विजए य वीससेणे पायायद्ये उवसमे य

॥१८॥-२

(२१८) गंधवा अग्गिवेसे सयवसहे आयवं य अममे य,

अणवं मोमे च रिसेहे सब्बट्टे रक्खसे चैव

॥१९॥-३

(२१९) कइ णं भंते करणा पन्नता गोयमा एक्कारस करणा पन्नता तं जहा-बवं बालवं

कोलवं धीविलोयणं गराइ वणिजं विट्ठी सउणी चउप्पयं नागं किंथुग्धं एएसि णं भंते एक्कारसण्हं
करणाणं कइ करणा चरा कइ करणा थिरा० सत्त करणा चरा चत्तारि करणा थिरा पन्नता तं जहा-
बवं बालवं कोलवं धीविलोयणं गराइ वणिजं विट्ठी-एए णं सत्त करणा चरा चत्तारि करणा थिरा०
सउणी चउप्पयं नागं किंथुग्धं-एए णं चत्तारि करणा थिरा, एए णं भंते चरा थिरा वा कया भवंति
गोयमा सुक्कपक्खस्स पडिवाए राओ बवे करणे भवइ बिइयाए दिवा द्वालवे करणे भवइ राओ
कोलवे करणे भवइ तइयाए दिवा धीविलोयणं करणं भवइ राओ गराइ करणं भवइ चउत्थीए दिवा
वणिजं राओ विट्ठी पंचमीए दिवा बवं राओ बालवं छट्ठीए दिवा कोलवं राओ धीविलोयणं सत्तमीए
दिवा गराइ राओ वणिजं अट्ठमीए दिवा विट्ठी राओ बवं नवमीए दिवा बालवं राओ कोलवं दसमीए
दिवा धीविलोयणं राओ गराइ एक्कारसीए दिवा वणिजं राओ विट्ठी बारसीए दिवा बवं राओ
द्वालवं तेरसीए दिवा कोलवं राओ धीविलोयणं चउइसीए दिवा गराइ करणं राओ वणिजं पुण्णिमाए
दिवा विट्ठी करणं राओ बवं करणं भवइ बहुलपक्खस्स पडिवाए दिवा बालवं राओ कोलवं बिइयाए
दिवा धीविलोयणं राओ गराइ तइयाए दिवा वणिजं राओ विट्ठी चउत्थीए दिवा बवं राओ बालवं
पंचमीए दिवा कोलवं राओ धीविलोयणं छट्ठीए दिवा गराइ राओ वणिजं सत्तमीए दिवा विट्ठी राओ
बवं अट्ठमीए दिवा द्वालवं राओ कोलवं नवमीए दिवा धीविलोयणं राओ गराइ दसमीए दिवा वणिजं
राओ विट्ठी एक्कारसीए दिवा बवं राओ द्वालवं बारसीए दिवा कोलवं राओ धीविलोयणं तेरसीए
दिवा गराइ राओ वणिजं चउइसीए दिवा विट्ठी राओ सउणी अमावसाए दिवा चउप्पयं राओ नागं
सुककपक्खस्स पडिवाए दिवा किंथुग्धं करणं भवइ 19५४+153

(३००) किमाइया णं भंते संवच्छरा किमाइया अयणा विमाइया उऊ किमाइया मासा

किमाइया पक्खा किमाइया अहोरत्ता किमाइया मुहुत्ता किमाइया करणा किमाइया नक्खत्ता पन्नता
गोयमा चंदाइया संवच्छरा दक्खिणाइया अयणा पाउसाइया उऊ सावणाइया मासा बहुलाइया
पक्खा दिवसाइया अहोरत्ता रोदाइया मुहुत्ता बालवाइया करणा अभिजियाइया नक्खत्ता पन्नता

समणाउसो पंचसंवच्छरिए णं भंते जुगे केवइया अयणा केवइया उऊ एवं मासा पक्खा अहोरत्ता केवइया मुहुत्ता पत्रत्ता गोयमा पंचसवच्छरिए णं जुगे दस अयणा तीसं उऊ सट्ठीमासा एगे वीसुत्ते पक्खसए अट्टारसतीसा अहोरत्तसया चउप्पत्रं मुहुत्तसहस्सा नव य सया पत्रत्ता १९५१-१५४

(३०१) जोगो देवय तारगं गोत्त संठाण चंदरविजोगो

कुल पुण्णिम अवमंसा य सण्णिवाह य नेया य

॥१००॥१

(३०२) कइ णं भंते नक्खत्ता पत्रत्ता गोयमा अट्टावीसं नक्खत्ता पत्रत्ता तं जहा-अभिई सवणे धणिट्ठा सयभिसया पुव्वभइवया उत्तरभइवया रेवई अस्सिणी भरणी कत्तिया रोहिणी मियसिरं अट्टा पुणव्वसू पूसो अस्सेसा मघा पुव्वफग्गुणी उत्तरफग्गुणी इत्थो चित्ता साइ विसाहा अनुराहा जेट्ठा मूलं पुव्वासादा उत्तरासादा १९५१-१५५

(३०३) एएसिं णं भंते अट्टावीसाए नक्खत्ताणं कयरे नक्खत्ता जे णं सया चंदस्स दाहिणेणं जोयं जोएंति कयरे नक्खत्ता जे णं सया चंदस्स उत्तरेणजोयं जोएंति कयरे नक्खत्ता जे णं चंदस्स दाहिणेणवि उत्तरेणवि पमहंपि जोगं जोएंति कयरे नक्खत्ता जे णं चंदस्स दाहिणेणवि पमहंपि जोयं जोएंति कयरे नक्खत्ता जे णं सया चंदस्स पमहं जोयं जोएंति गोयमा एएसिं णं अट्टावीसाए नक्खत्ताणं तत्थ णं जेते नक्खत्ता जे णं सया चंदस्स दाहिणेणं जोयं जोएंति ते णं १९५७-११-१५७-१

(३०४) संठाण अह पुसो सिलेस इत्थो तहेव भूलो य

बाहिरओ बाहिरमंडलस्स छप्पेते नक्खत्ता

॥१०१॥१

(३०५) तत्थ णं जेते नक्खत्ता जे णं सया चंदस्स उत्तरेणं जोगं जोएंति ते णं बारस तं जहा-अभिई सवणे धणिट्ठा सयभिसया पुव्वभइवया उत्तरभइवया रेवई अस्सिणी भरणी पुव्वफग्गुणी उत्तरफग्गुणी साई तत्थ णं जेते नक्खत्ता जे णं सया चंदस्स दाहिणेणवि च उत्तरेणवि पमहंपि जोगं जोएंति ते णं सत्त तं जहा-कत्तिया रोहिणी पुणव्वसू मघा चित्ता विसाहा अनुराहा तत्थ णं जेते नक्खत्ता जे णं सया चंदस्स दाहिणओवि पमहंपि जोगं जोएंति ताजो णं दुवे आसादाओ सव्वबाहिए मंडले जोगं जोइंसु वा जोइंति वा जोइंस्संति वा तत्थ णं जेसे नक्खत्ते जे णं सया चंदस्स पमहं जोगं जोएइ सा णं एगा जेट्ठा १९५७-१५७

(३०६) एएसिं णं भंते अट्टावीसाए नक्खत्ताणं अभिई नक्खत्ते किंदेवयाए पत्रत्ते गोयमा

बन्हेदेवयाए पत्रत्ते सवणे नक्खत्ते विण्हुदेवयाए पत्रत्ते धणिट्ठा नक्खत्ते बसुदेवयाए पत्रत्ते एएणं कमेणं नेयव्वा अनुपरिवाडीए इमाओ देवयाओ बन्हा विण्हू बसु वरुणे अए अभिवइदी पूसे आसे जमे अग्गी पयावई सोमे रुहे अदिती बहस्सई सप्पे पिऊ भगे अज्जम सविया तट्ठा वाऊ इंदग्गी भित्तो इंदे निरई आऊ विस्सा य एवं नक्खत्ताणं एताव परिवाडीए नेयव्वा जाव उत्तरासादा किंदेवया पत्रत्ता गोयमा विस्सदेवया पत्रत्ता १९५८-१५७

(३०७) एएसिं णं भंते अट्टावीसाए नक्खत्ताणं अभिई नक्खत्ते कइतारे पत्रत्ते गोयमा तितारे

पत्रत्ते एवं नेयव्वा जस्स जइयाओ ताराओ इमं च तं तारगं १९५१-१५४

(३०८) तिग-तिग पंचेगसयं दुग-दुग बत्तीसगं तिग-तिगं च

छप्पंचग-चिग-एक्कग-पंचग-तिग-छक्कगं चैव

॥१०२॥१

(३०९) सत्ताग-दुग-दुग-पंचग एक्केक्कग-पंच-चउ-तिगं चैव

एक्कारसग-खउक्कं चउक्कगं चैव तारगं

॥१०३॥२

(३१०) एएसिं णं भंते अट्टावीसाए नक्खत्ताणं अभिई नक्खत्ते किंगोत्ते पत्रत्ते गोयमा

मोगलायणसगोते 19६०-११-15७-१

(३११) मोगलायण संखायणे य तह अग्गभाव कण्णिळे
ततो य जाउकण्णे धणंजए चेव बोद्धव्वे 119०४11-1

(३१२) पुस्तायणे य अस्तायणे य भग्गवेसे य अग्गिवेसे य
गोयम भारद्वाए लोहिस्से चेव यासिद्धे 119०५11-2

(३१३) ओमल्लयाण मंडव्वायणे य पिंगायणे य गोवल्ले
कासव कोसिय दब्बा य चामरच्छाय सुंगा य 119०६11-3

(३१४) गोलव्वायण तैगिच्छायणे य कधायणे हवइ मूल
ततो य वज्जियायण वग्घावच्चे य गोत्ताइं 119०७11-4

(३१५) एएसि पं भंते अट्ठावीसाए नक्खत्ताणं अभिईनक्खत्ते किसिंठिए पत्रत्ते गोयमा गो-
सीसावलिसिंठिए पत्रत्ते 19६०-1१-1६७

(३१६) गोसीसावलि काहार सउणि पुष्फोवयार वावी य
नावा आसक्खंधग भग छुरघरए य सगडुद्धी 119०८11-1

(३१७) मिगसीसावलि रुहिरिंदि तुल वद्धमाणग पडागा
पागारे पलियंके हत्ये मुहफुल्लए चेव 119०९11-2

(३१८) खीलग दामणि एगावली य गयदंत विच्छुयअले य
गयविक्रमे य ततो सीहणिसाई य संठाणा 119१०11-3

(३१९) एएसि पं भंते अट्ठावीसाए नक्खत्ताणं अभिईनक्खत्ते कइमुहुत्ते चंदेणं सद्धि जोगं
जोएइ गोयमा नव मुहुत्ते सत्तावीसं च सत्तडिभाए मुहुत्तस्स चंदेण सद्धि जोगं जोएइ एवं इमाहिं
गाहाहिं अनुगंतव्वं 19६१-११-160-1

(३२०) अभिइस्स चंदजोगो सत्तडिखंडिओ अहोरत्तो
ते हुंति नव मुहुत्ता सत्तावीसं कलाओ य 119११11-1

(३२१) सयभिसया भरणीओ अट्ठा अस्सेस साइ जेट्ठा य
एए छन्नक्खत्ता पत्ररसमुहुत्तसंजोगा 119१२11-2

(३२२) तिण्णेव उत्तराई पुणव्वसू रोहिणी विसाहा य
एए छन्नक्खत्ता पणयालमुहुत्तसंजोगा 119१३11-3

(३२३) अवसेसा नक्खत्ता पत्ररसवि हुंति तीसइमुहुत्ता
चंदंमि एस जोगो नक्खत्ताणं मुण्यव्वी 119१४11-4

(३२४) एएसि पं भंते अट्ठावीसाए नक्खत्ताणं अभिईणक्खत्ते कइ अहोरत्ते सूरें सद्धि
जोगं जोएइ गोयमा चत्तारि अहोरत्ते छच्च मुहुत्ते० एवं इमाहिं गाहाहिं नेयव्वं 19६१-1१-160

(३२५) अभिई छच्च मुहुत्ते चत्तारि य केवले अहोरत्ते
सूरें समं गच्छइ एत्तो सेसाण वोच्छामि 119१५11-1

(३२६) सयभिसया भरणीओ अट्ठा असेस साइ जेट्ठा य
वच्चंति मुहुत्ते इक्कवीस छच्चवहोरत्ते 119१६11-2

(३२७) तिण्णेव उत्तराई पुणव्वसू रोहिणी विसाहा य
वच्चंति मुहुत्ते तिण्णि चेव वीसं अहोरत्ते 119१७11-3

(१२८) अवसेसा नक्खत्ता पन्नरसवि सूरसहगया जंति

बारस चव मुहुते तेरस य समे अहोरस्ते

॥११८॥-४

(३२९) कइ णं भंते कुला कइ उवकुला कइ कुलोवकुला पन्नता गोयमा बारस कुला बारस

उवकुला चत्तारि कुलोवकुला पन्नता बारस कुला तं जहा-धणिडा कुलं उत्तरभद्वया कुलं अस्सिणी कुलं कत्तिया कुलं मिगसिर कुलं पुस्सो कुलं मघा कुलं उत्तरफग्गुणी कुलं चित्ता कुलं विसाहा कुलं मूलो कुलं उत्तरासादा कुलं ॥१६२-१-१६१-१

(३३०) मासाणं परिणामा होंति कुला उवकुला उ हेइमगा

होंति पुण कुलोवकुला अभीइसय अइ अनुराहा

॥११९॥-१

(३३१) बारस उवकुला तं जहा-सवणो उवकुलं पुव्वभद्वया उवकुलं रेवई उवकुलं भरणी

उवकुलं रोहिणी उवकुलं पुणव्वसू उवकुलं अस्सेसा उवकुलं पुव्वफग्गुणी उवकुलं हत्थो उवकुलं साई उवकुलं जेडा उवकुलं पुव्वासादा उवकुलं चत्तारि कुलोवकुला तं जहा-अभिई कुलोवकुला सयभिसयाकुलोवकुला अहा कुलोवकुला अनुराहा कुलोवकुला कइ णं भंते पुत्रिमाओ कइ अमावसाओ पन्नताओ गोयमा बारस पुत्रिमाओ बारस अमावसाओ पन्नताओ तं जहा-साविट्ठी पोड्ववई आसोई कत्तिगी मग्गसिरी पोसी माठी फग्गुणी चेत्ती वइसही जेडामूली आसाढी, साविट्ठिणं भंते पुत्रिमासि कइ नक्खत्ता जोगं जोएंति गोयमा तिण्णि नक्खत्ता जोगं जोएंति तं जहा-अभिइ सवणो धणिडा पोड्ववइणं भंते पुत्रिमं कइ नक्खत्ता जोगं जोएंति गोयमा तिण्णि नक्खत्ता जोगं जोएति तं जहा-सयभिसया पुव्वभद्वया उत्तरभद्वया अस्सोइणं भंते पुण्णिमं कइ नक्खत्ता जोगं जोएति गोयमा दो नक्खत्ता जोगं जोएति तं जहा-रेवई अस्सिणी य कत्तिइणं दो-भरणी कत्तिया मग्गसिरिणं दो-रोहिणी मग्गसिरं च पोसिणं तिण्णि-अहा पुणव्वसू पुस्सो मायिणं दो-अस्सेसा मघा य फग्गुणिणं दो-पुव्वाफग्गुणी उत्तराफग्गुणी य वेत्तिणं दो-हत्थो चित्ता य विसाहिणं दो-साई विसाहा य जेडामूलिणं तिण्णि-अनुराहा जेडा मूलो आसादिणं दो-पुव्वासादा उत्तरासादा साविट्ठिणं भंते पुत्रिमं किं कुलं जोएइ उवकुलं जोएइ कुलोवकुलं जोएइ गोयमा कुलं वा जोएइ उवकुलं वा जोएइ कुलोवकुलं वा जोएइ कुलं जोएमाणे धणिडा नक्खते जोएइ उवकुलं जोएमाणे सवणे नक्खते जोएइ कुलोकुलं जोएमाणे अभिई नक्खते जोएइ साविट्ठिणं पुत्रिमासि कुलं वा जोएइ उवकुलं वा जोएइ कुलोवकुलं वा जोएइ कुलेणं वा जुत्ता उवकुलेणं वा जुत्ता कुलोवकुलेणं वा जुत्ता साविट्ठी पुत्रिमा जुत्तति वत्तव्वं सिया पोड्ववइणं भंते पुत्रिमं किं कुलं जोएइ पुच्छा गोयमा कुलं वा उवकुलं वा कुलोवकुलं वा जोएइ कुलं जोएमाणे उत्तरभद्वया नक्खते जोएइ उवकुलं जोएमाणे पुव्वभद्वया नक्खते जोएइ कुलोवकुलं जोएमाणे सयभिसया नक्खते जोएइ पोड्ववइणं पुत्रिमं कुलं वा जोएइ जाव कुलोवकुलं वा जोएइ कुलेणं वा जुत्ता जाव कुलोवकुलेणं वा जुत्ता पोड्ववई पुत्रिमासी जुत्तति वत्तव्वं सिया अस्सोइणं भंते पुच्छा गोयमा कुलं वा जोएइ उवकुलं वा जोएइ नो लब्भइ कुलोवकुलं कुलं जोएमाणे अस्सिणी नक्खते जोएइ उवकुलं जोएमाणे रेवई नक्खते जोएइ अस्सोइणं पुत्रिमं कुलं वा जोएइ उवकुलं वा जोएइ कुलेणं वा जुत्ता उवकुलेणं वा जुत्ता अस्सोइ पुत्रिमा जुत्तति वत्तव्वं सिया कत्तिइणं भंते पुत्रियं किं कुलं पुच्छा गोयमा कुलं वा जोएइ उवकुलं वा जोएइ नो कुलोवकुलं जोएइ कुलं जोएमाणे कत्तिया नक्खते जोएइ उवकुलं जोएमाणे भरणी नक्खते जोएइ कत्तिइणं पुत्रिमं कुलं वा जोएइ उवकुलं वा जोएइ कुलेणं वा जुत्ता

उयकुलेणं वा जुत्ता कत्तिई पुत्रिमा जुत्तति वत्तव्वं सिया मग्गसिरिण्णं भंते पुत्रिमं किं कुलं तं चेव दो जोएइ नो भवइ कुलोवकुलं कुलं जोएमाणे मग्गसिरि नक्खत्ते जोएइ उवकुलं जोएमाणे रोहिणी नक्खत्ते जोएइ मग्गसिरिण्णं पुत्रिमं जाव वत्तव्वं सिया, एवं सेसियाओवि जाव आसाढिं पोसिं जेद्दामूलिं च कुलं वा उवकुलं वा कुलोवकुलं वा सेसियाणं कुलं वा उवकुलं वा कुलोवकुलं न मण्णइ साविट्ठिण्णं भंते अमावसं कइ नक्खत्ता जोएंति गोयमा दो नक्खत्ता जोएंति तं जहा-अस्सेसा य महा य पोड्वइण्णं भंते अमावसं कइ नक्खत्ता जोएंति गोयमा दो नक्खत्ता जोएंति तं जहा-पुव्वा-फग्गुणी उत्तराफग्गुणी य अस्सोइण्णं भंते दो-इत्थे चित्ता य कत्तिइण्णं दो-साई विसाहा थ मग्गसिरिण्णं तिण्णि-अनुराहा जेद्दा मूलो य पोसिण्णं दो-पुव्वासादा उत्तरासादा माहिण्णं तिण्णि-अभिई सवणो धणिद्दा फग्गुणिण्णं तिण्णि-सयभिसया पुव्वाभइवया उत्तराभइवया चेत्तिण्णं दो-रेवई अस्सिणी य वइसाहिण्णं दो भरणी कत्तिया य जेद्दामूलिण्णं दो-रोहिणी मग्गसिरिं च आसाढिण्णं-अद्दा पुणव्वसू पुस्सो, साविट्ठिण्णं भंते अमावसं किं कुलं जोएइ उवकुलं जोएइ कुलोवकुलं जोएइ गोयमा कुलं वा जोएइ उवकुलं वा जोएइ नो लब्भइ कुलोवकुलं कुलं जोएमाणे महा नक्खत्ते जोएइ उवकुलं जोएमाणे अस्सेसा नक्खत्ते जोएइ साविट्ठिण्णं अमावसं कुलं वा जोएइ उवकुलं वा जोएइ कुलेण वा जुत्ता उयकुलेणं वा जुत्ता साविट्ठी अमावसा जुत्तति वत्तव्वं सिया पोड्वइण्णं भंते अमावसं तं चेव दो जोएइ नो लब्भइ कुलोवकुलं कुलं जोएमाणे उत्तराफग्गुणी नक्खत्ते जोएइ उवकुलं जोएमाणे पुव्वाफग्गुणी नक्खत्ते जोएइ पोड्वइण्णं अमावसं जाव जुत्तति वत्तव्वं सिया एवं माहीए फग्गुणीए आसाढीए कुलं वा उवकुलं वा कुलोवकुलं वा अवसेसियाणं कुलं वा उवकुलं वा जोएइ जया णं भंते साविट्ठी पुत्रिमा भवइ तया णं माही अमावसा भवइ जया णं माही पुत्रिमा भवइ तया णं साविट्ठी अमावसा भवइ हंता गोयमा जया णं साविट्ठी तं चेव वत्तव्वं जया णं भंते पोड्वइ पुत्रिमा भवइ तया णं फग्गुणी अमावसा भवइ जया णं फग्गुणी पुत्रिमा भवइ तया णं पोड्वइ अमावसा भवइ हंता गोयमा तं चेव एवं एएणं अभिलावेणं इमाओ पुत्रिमाओ अमावसाओ नेयव्वाओ-अस्सिणी पुत्रिमा चेत्ती अमावसा कत्तिगी पुत्रिमा वइसाही अमावसा मग्गसिरी पुत्रिमा जेद्दामूली अमावसा पोसी पुत्रिमा आसाढी अमावसा । १६२१-१६२१

(३३२) वासाणं भंते पढमं मासं कइ नक्खत्ता णेति गोयमा चत्तारि नक्खत्ता णेति तं जहा-उत्तरासादा अभिई सवणो धणिद्दा उत्तरासादा चउइस अहोरत्ते नेइ अभिई सत्त अहोरत्ते नेई सवणो अद्द अहोरत्ते नेई धणिद्दा एणं अहोरत्तं नेइ तंसि च णं मासंसि चउरंगुलपोरिसीए छायाए सूरिए अनुपरियइइ तस्स णं मासस्स चरिमे दिवसे दो पया चत्तारि य अंगुला पोरिसी भवइ वासाणं भंते दोइ मासं कइ नक्खत्ता नेति गोयमा चत्तारि तं जहाधणिद्दा सयभिसया पुव्वाभइवया उत्तराभइवया धणिद्दा णं चउइस अहोरत्ते नेइ सयभिसया सत्त पुव्वाभइवया अद्द उत्तराभइवया एणं तंसि च णं मासंसि अद्दंगुलपोरिसीए छायाए सूरिए अनुपरियइइ तस्स णं मासस्स चरिमे दो पया अद्द य अंगुला पोरिसी भवइ वासाणं भंते तइयं मासं कइ नक्खत्ता णेति गोयमा तिण्णि नक्खत्ता णेति तं जहा-उत्तराभइवया रेवई अस्सिणी उत्तराभइवया चउइस राईदिए नेइ रेवई पन्नरस अस्सिणी एणं तंसि णं मासंसि दुवालसंगुलपोरिसीए छायाए सूरिए अनुपरियइइ तस्स णं मासस्स चरिमे दिवसे लेहइइ तिण्णि पयाई पोरिसी भवइ वासाणं भंते घउत्थं मासं कइ नक्खत्ता णेति गोयमा तिण्णि तं जहा-अस्सिणी भरणी कत्तिया अस्सिणी चउइस भरणी पन्नरस कत्तियएणं तंसि च णं मासंसि

सोलसंगुलपोरिसीए छायाए सूरिए अनुपरियट्टइ तस्स णं मासस्स चरिमे दिवसे तिण्णि पयाइं चत्तारि य अंगुलाइं पोरिसी भवइ हेमंताणं भंते पढमं मासं कइ नक्खत्ता णेति गोयमा तिण्णि तं जहा-कत्तिया रोहिणी मिगसिरं कत्तिया चउहस रोहिणी पन्नरस मिगसिरं एगं अहोरत्तं नेइ तंसि च णं मासंसि वीसंगुलपोरिसीए छायाए सूरिए अनुपरियट्टइ तस्स णं मासस्स जेसे चरिमे दिवसे तंसि च णं दिवसंसि तिण्णि पयाइं अट्ट य अंगुलाइं पोरिसी भवइ हेमंताणं भंते दोछं मासं कइ नक्खत्ता णेति गोयमा चत्तारि नक्खत्ता णेति तं जहा-मिगसिरं अट्टा पुणव्वसू पुस्सो मिगसिरं चउहस्स राइंदियाइं नेइ अट्टा अट्ट नेइ पुणव्वसू सत्त राइंदियाइं पुस्सो एगं राइंदियं नेइ तथा णं चउव्वीसंगुलपोरिसीए छायाए सूरिए अनुपरियट्टइ तस्स णं मासस्स जेसे चरिमे दिवसे तंसि च णं दिवसंसि लेहट्टाइं चत्तारि पयाइं पोरिसी भवइ हेमंताणं भंते तच्चं मासं कइ नक्खत्ता णेति गोयमा तिण्णि तं जहा-पुस्सो असिलेसा महा पुस्सो चोहस राइंदियाइं नेइ असिलेसा पन्नरस महा एककं तथा णं वीसंगुलपोरिसीए छायाए सूरिए अनुपरियट्टइ तस्स णं मासस्स जेसे चरिमे दिवसे तंसि च णं दिवसंसि तिण्णि पयाइं अट्टंगुलाइं पोरिसी भवइ हेमंताणं भंते चउत्थं मासं कइ नक्खत्ता णेति गोयमा तिण्णि नक्खत्ता तं जहा-महा पुव्वाफग्गुणी उत्तराफग्गुणी महा चउहस राइंदियाइं नेइ पुव्वाफग्गुणी पन्नरस राइंदियाइं नेइ उत्तराफग्गुणी एगं राइंदियं नेइ तथा णं सोलसंगुलपोरिसीए छायाए सूरिए अनुपरियट्टइ तस्स णं मासस्स जेसे चरिमे दिवसे तंसि च णं दिवसंसि तिण्णि पयाइं चत्तारि य अंगुलाइं पोरिसी भवइ गिम्हाणं भंते पढमं मासं कइ नक्खत्ता णेति गोयमा तिण्णि नक्खत्ता णेति तं जहा-उत्तराफग्गुणी इत्थो चित्ता उत्तराफग्गुणी चउहस राइंदियाइं नेइ इत्थो पन्नरस राइंदियाइं नेइ चित्ता एगं राइंदियं नेइ तथा णं दुवालसंगुलपोरिसीए छायाए सूरिए अनुपरियट्टइ तस्स णं मासस्स जेसे चरिमे दिवसे तंसि च णं दिवसंसि लेहट्टाइं तिण्णि पयाइं पोरिसी भवइ गिम्हाणं भंते दोछं मासं कइ नक्खत्ता णेति गोयमा तिण्णि नक्खत्ता णेति तं जहा-चित्ता साई विसाहा चत्ता चउहस राइंदियाइं नेइ साई पन्नरस राइंदियाइं नेइ विसाहा एगं राइंदियं नेइ तथा णं अट्टंगुलपोरिसीए छायाए सूरिए अनुपरियट्टइ तस्स णं मासस्स जेसे चरिमे दिवसे तंसि च णं दिवसंसि दो पयाइं अट्टंगुलाइं पोरिसी भवइ गिम्हाणं भंते तच्चं मासं कइ नक्खत्ता णेति गोयमा चत्तारि नक्खत्ता णेति तं जहा-विसाहा अनुराहा जेट्ठा मूलो विसाहा चउहस राइंदियाइं नेइ अनुराहा अट्ट राइंदियाइं नेइ जेट्ठा सत्त राइंदियाइं नेइ मूलो एककं राइंदियं नेइ तथा णं चउरंगुलपोरिसीए छायाए सूरिए अनुपरियट्टइ तस्स णं मासस्स जेसे चरिमे दिवसे तंसि च णं दिवसंसि दो पयाइं चत्तारि य अंगुलाइं पोरिसी भवइ गिम्हाणं भंते चउत्थं मासं कइ नक्खत्ता णेति गोयमा तिण्णि नक्खत्ता णेति तं जहा-मूलो पुव्वासाढा उत्तरासाढा मूलो चउहस राइंदियाइं नेइ पुव्वासाढा पन्नरस राइंदियाइं नेइ उत्तरासाढा एगं राइंदियं नेइ तथा णं वट्ठाए समचउरंससंठाणसंठिए नग्गोहपरिमंडलाए सकायमणुरंगियाए छायाए सूरिए अनुपरियट्टइ तस्स णं मासस्स जेसे चरिमे दिवसे तंसि च णं दिवसंसि लेहट्टाइं दो पयाइं पोरिसी भवइ एएसि णं पुव्वचण्णियाणं पयाणं इमा संगहणी [तं जहा]- ।१६३।-१८२

(३३३) जोगो देवय त्तरग्ग गोत्त संठाण चंदरविजोगो

कुल पुत्रिम अवमंसा नेया छाया य बोद्धवा

॥१२०॥-१

(३३४) हिट्ठि ससिपरिवारो मंदरबाहा तहेव लोगतंते

धरणितलाउ अबाहा अंतो याहि च उड्ढमहे

॥१२१॥-२

(३३५) संठाणं च पमाणं वहति सीहगई इद्धिमंता य

तारंतरग्गमहिंसी तुडिय पभु ठिई य अप्पबहु

॥१२२॥-३

(३३६) अत्थि णं मंते चंदिमसूरियामं हिडिपि तारारूवा अनुंपि तुल्लावि समंपि तारारूवा अनुंपि तुल्लावि उरुंपि तारारूवा अनुंपि तुल्लावि हंता गोयमा तं चैव उच्चारेयव्वं ॥१६४-११-१६२-१ R

(३३७) से केणट्टेणं मंते एवं युच्चइ-अत्थि णं जहा-जहा णं तेसिं देवाणं तवणियम-बंमचेराइं ऊसियाइं भवतिं तहा-तहा णं तेसिं णं देवाणं एवं पत्रायए तं जहा-अनुत्ते वा तुल्लत्ते वा जहा-जहा णं तेसिं देवाणं तव-नियम-बंमचेराइं नो ऊसियाइं भवतिं तहा-तहा णं तेसिं देवाणं एवं नो पत्रायए तं जहा-अनुत्ते वा तुल्लत्ते वा ॥१६४-११-१६२- R

(३३८) एगमेगस्स णं मंते चंदस्स केवइया महग्गहा परिवारो केवइया नक्खत्ता परिवारो केवइया तारागणकोडाकोडीओ पत्रत्ताओ गोयमा अट्टासीइमहग्गहा परिवारो अट्टवीसं नक्खत्ता परिवारो छावट्टिसस्साइं नव सया पत्रत्तरा तारागणकोडाकोडीणं पत्रत्ता ॥१६५॥-१६३

(३३९) भंदरस्स णं मंते पव्वयस्स केवइयाए अबाहाए जोइसं चारं चरइ गोयमा एक्कार-सहिं एक्कवीसेहिं जोयणसएहिं अबाहाए जोइसं चारं चरइ लोगंताओ णं मंते केवइयाए अबाहाए जोइसे पत्रत्ते गोयमा एक्कारस एक्कारसेहिं जोयणसएहिं अबाहाए जोइसे पत्रत्ते धरणिताओ णं मंते सत्तहिं नउएहिं जोयणसएहिं जोइसे चारं चरइ एवं सूरविमाणे अट्टहिं सएहिं चंदविमाणे अट्टहिं असीएहिं उवरिल्ले तारारूवे नवहिं जोयण सएहिं चारं चरइ जोयसस्स णं मंते हेड्डिल्लाओ तत्ताओ केवइयं अबाहाए सूरविमाणे चारं चरइ गोयमा जसहिं जोयणेहिं अबाहाए चारं चरइ एवं चंदविमाणे नउईए जोयणेहिं चारं चरइ उवरिल्ले तारारूवे दसुत्तरे जोयणसए चारं चरइ सूरविमाणाओ चंदविमाणे असीईए जोयणेहिं चारं चरइ सूरविमाणाओ जोयणसए उवरिल्ले तारारूवे चारं चरइ चंदविमाणाओ वीसाए जोयणेहिं उवरिल्ले तारारूवे चारं चरइ ॥१६६॥-१६४

(३४०) जंबुदीवे णं मंते दीवे अट्टावीसाए नक्खत्ताणं कयरे नक्खत्ते सव्वब्भंतरिल्लं चारं चरइ कयरे नक्खत्ते सव्वबाहिरं चारं चरइ कयरे नक्खत्ते सव्वहिंडिल्लं चारं चरइ कयरे नक्खत्ते सव्वउवरिल्लं चारं चरइ गोयमा अभिई नक्खत्ते सव्वभंतरं चारं चरइ मूलो सव्वबाहिरं चारं चरइ भरणी सव्वहिंडिल्लं चारं चरइ साई सव्वुवरिल्लं चारं चरइ, चंदविमाणे णं मंते किसंठिए पत्रत्ते गोयमा अट्टकविट्टिसंठाणसंठिए सव्वफालियामए अट्टुगयमूसियपहसिए एवं सव्वाइं नेयव्वाइं चंदविमाणे णं मंते केवइयं आयाम-विकखंभेणं केवइयं बाहल्लेणं गोयमा ॥१६७॥-१६५

(३४१) छप्पत्रं खलु भाए विच्छिण्णं चंदमंडलं होइ

अट्टावीसं भाए बाहल्लं तस्स बोद्धव्वं

॥१२३॥-१

(३४२) अडयालीसं भाए विच्छिण्णं सूरमंडलं होइ

घउवीसं खलु भाए बाहल्लं तस्स बोद्धव्वं

॥१२४॥-२

(३४३) दो कोसे य गहाणं नक्खत्ताणं तु हवइ तस्सद्धं

तस्सद्धं ताराणं तस्सद्धं चैव बाहल्लं

॥१२५॥-३

(३४४) चंदविमाणं मंते कइ देवसाहस्सीओ परिवहंति गोयमा सोलस देवसाहस्सीओ परिवहंति-चंदविमाणस्स णं पुरत्थिभेणं सेयाणं सुमगाणं सुप्पमाणं संखत्तलविमलणिम्मलदधिघण-गोखीर-फेण-रययणिगरप्पगासाणं थिरलट्टपउट्ट-यट्ट-पीवरसुसिलिद्धविसिद्धतिक्खदाढाविडंविद्यमु-हाणं रत्तुप्पलपत्तमहुयसूमात्तालुजीहाणं महगुलियपिंगलक्खाणं पीवरवरोरुपडिपुत्रविलखंथाणं

मिउविसयसुहुमलकखणपसत्थवरवण्णकेसरसडोवसोहियाणं ऊसिय-सुणमिय-सुजाय-अप्फो-
 डिय-यंगुलाणं वइरामयणकखाणं वइरामयदाढाणं वइरामयदंताणं तवणिज्जजीहाणं तवणिज्ज-
 तालुयाणं तवणिज्जोत्तगसुजोड्याणं कामगमाणं पीडगमाणं मणोरमाणं मणोरमाणं अमियगईणं
 अमियबलवीरियपुरिसक्कारपरक्कमाणं महया अप्पोडियसीहणायबोलकलकलरवेणं महुरेणं
 मणहरेणं पूरंता अंबर दिसाओ य सोभयंता चत्तारि देवसाहस्सीओ सीहरूवधारीणं पुरत्थिमिळ्ळं बाहं
 परिवहंति चंदविमाणस्स णं दाहिणेणं सेयाणं सुभगाणं सुप्पभाणं संखतल-विमल जाव गासाणं
 वइरामयकुंभजुयल-सुद्धियपीवरवरवइरसोडवट्टियदित्त-सुरत्तपउमपगासाणंअम्भुण्णयमुहाणंतव-
 णिज्जविसालकण्णचंचलचलंतविमलज्जलाणं महुवण्णभिसंतगिद्धपत्तलनिम्मलतिवण्णमणिरयण-
 लोयणाणं अम्भुगयमउलमल्लियाधवलसरिससंठिय - निवण्ण - दढ - कसिणफालियामय-सुजाय-
 दंतमुसलोवसोभियाणं कंचणकोसी-पविट्टदंतग-विमलमणिरयणरुइलपेरंतचित्तरूवगविराड्याणं
 तवणिज्जविसालतिलगम्भुहपरिमंडियाणं नाणामणिरयणमुद्ध-गेवेज्जबद्धगलयवरभूसणाणं वेरु-
 लियविचित्तदंडिनिम्मलवइरामयतिकखलट्टअंकुस- कुंभजुयलयंतरोडियाणं तवणिज्जसुबद्धकच्छ-
 दप्पियबलुद्धुराणं विमलघणमंडलवइरामय- लालालियतालण-नाणामणिरयणघंटपासगरय-
 यामयबद्धरज्जुलंबियघंटाजुयलमहुरसरमणहराणं अल्लीणपमाणजुत्तवट्टियसुजायलकखणपसत्थर-
 मणिज्जबालगपत्तरिपुंछणाणं उवचियपडिपुत्रकुम्भचलणलहुविक्रमाणं अंकमयणकखाणं तव-
 णिज्जजीहाणं जाव कमाणं महया गंभीरगुलुगुलाइयरवेणं महुरेणं मणहरेणं पूरंता अंबर दिसाओ य
 सोभयंता चत्तारि देवसाहस्सीओ गयरूवधारीणं देवाणं दक्खिणिळ्ळं बाहं परिवहंति चंदविमाणस्स
 णं पच्चत्थिमेणं सेयाणं सुभगाणं सुप्पभाणं चलचवलककुहसालीणं घण्णिणियसुबद्धलकखण्णुण्ण-
 यईसिआयवसमोद्घाणं चंकमियललियपुलियचलचवलगव्विधगईणं सण्णयपासाणं संगपासाणं
 सुजायपासाणं पीवरवट्टियसुसंठियकडीणं ओलंबपलंबलकखणपमाणजुत्तरमणिज्जवालगंडाणं
 समखुरवालिधाणाणं समलिहियसिगतिकखणसंगयाणं तणुसुहुमसुजायणिद्धोमच्छविधराणं उव-
 चियमंसलविसालपडिपुत्रखंधपएससुंदराणं वेरुलियभिसंतकडकखसुणिरिक्खाणाणं जुत्तपमाण-
 पहाणलकखणपसत्थरमणिज्जगगरगलसोभियाणं घरघरगसुसद्दबद्धकंठपरिमंडियाणं नाणामणि-
 क्कणगरयणघंटियावेगच्छिगसुकयमालियाणं वरघंटागलयमालुज्जलसिरिधराणं पउमुप्पलसगल-
 सुरभिमालाविभूसियाणं वइरुुराणं विविहविकुराणं फालियामयदंताणं तवणिज्जजीहाणं जाव
 परक्कमाणं महया गज्जियगंभीररवेणं महुरेणं मणहरेणं पूरंता अंबर दिसाओ य सोभयंता चत्तारि
 देवसाहस्सीओ वसहरूवधारणीं देवाणं पच्चत्थिमिळ्ळं बाहं परिवहंति चंदविमाणस्स णं उत्तरेणं सेयाणं
 सुभगाणं सुप्पभाणं तरमल्लिहायणाणं हरिमेलामउल-मल्लियच्छाणं चंचुच्चियललियपुलियचलचवल-
 चंचलगईणं लंघणवग्गणधावणधोरणतिवड्-जइण- सिक्खियगईणं ललंत-ल्लाम-गललाय-धरभू-
 सणाणं सण्णयपासाणं संगयपासाणं सुजाय-पासाणं पीवरवट्टियसुसंठियकडीणं ओलंबपलंब-
 लकखणपमाणजुत्तरमणिज्जवालपुच्छाणं तणुसुहुमसुजायणिद्धलोमच्छविहहराणं मिउविसयसु-
 हुमलकखणपसत्थविकिण्णकेसरवालिहराअणं ललंतथासगललाडवरभूसणाणं मुहमंडग-ओच्-
 ल्लग-धामर-धासग-परिमंडियकडीणं तवणिज्जसुराणं तवणिज्जजीहाणं जाव परक्कमाणं महया
 हयहेसियाकिलकिलाइयरवेणं मणहरेणं पूरंता अंबर दिसाओ य सोभयंता चत्तारि देवसाहस्सीओ
 हयरूवधारीं देवाणं उत्तरिळ्ळं बाहं परिवहंति।१६८-१।-१७८-१

(३४५) सोलसदेवसहस्सा हयंति घंदेसु घेव सुरेसु
अट्टेव सहस्साइं एककेकंमी गहविमाणे ॥१२६॥-१

(३४६) चत्तारि सहस्साइं नकखत्तंमि य हवंति इक्किक्के
दो चेव सहस्साइं तारारूवेक्कमेक्कंमि ॥१२७॥-२

(३४७) एवं सूरविमाणणं जाव तारारूवविमाणणं नवरं-एस देवसंघाए १९६८-१६८

(३४८) एएसि षं भंते चंदिम-सूरियगहगण-नकखत्त-तारारूवाणं कयरे सव्वसिग्घईं कयरे
सव्वसिग्घईतराए घेव गोयमा चंदेहिंतो सूर सव्वसिग्घईं सुरेहिंतो गहा सिग्घईं गहेहिंतो
नकखत्ता सिग्घईं नकखत्तेहिंतो तारारूवा सिग्घईं सव्वप्पगईं चंदा सव्वसिग्घईं तारारूवा
१९६९-१६७

(३४९) एएसि षं भंते चंदिम-सूरिय-गहगण-नकखत्त-तारारूवाणं कयरे सव्वमहिड्डिया
कयरे सव्वप्पिड्डिया गोयमा तारारूवैहिंतो नकखत्ता महिड्डिया नकखत्तेहिंतो गहा महिड्डिया
गहेहिंतो सूरिया महिड्डिया सुरेहिंतो चंदा महिड्डिया सव्वप्पिड्डिया तारारूवा सव्वमहिड्डिया
चंदा १९७०-१६८

(३५०) जंबुद्वीवे षं भंते दीवे ताराए य ताराए य केवइए अबाहए अंतरे पत्रते गोयमा दुविहे
पत्रते तं जहा-वाघाइए य निव्वाघाइए य निव्वाघाइए जहण्णेणं पंचघणुसयाइं उक्कोसेणं दो
गाउयाइं वाघाइए जहण्णेणं दोष्णि छायट्टे जोयणसए उक्कोसेणं बारस जोयणसहस्साइं दोष्णि य
बायाले जोयणसए तारारूवस्स य तारारूवस्स य अबाहाए अंतरे पत्रते १९७१-१६९

(३५१) चंदस्स षं भंते जोइसिंदस्स जोइसरण्णो कइ अग्गमहिसीओ पत्रताओ गोयमा
चत्तारि अग्गमहिसीओ पत्रत्ताओ तं जहा-चंदप्पमा दोसिणांमा अच्चिमाली पभंकरा तओ षं
एगमेगाए देवीए चत्तारि-चत्तारि देवीसहस्साइं परिवारो पत्रतो पभू षं ताओ एगमेगा देवी अण्णं
देवीसहस्सं परिवारो विउव्वित्तए एवामेव सपुव्वावरेणं सोलस देवी सहस्सा सेत्तं तुडिए पभू षं भंते
चंदे जोइसिंदे जोइसरया चंदवडेंसए विमाणे चंदाए रायहाणीए सभाए सुहम्माए तुडिएणं सद्धिं
महयाहयण्ह-गीय-दिव्वाइं जाव भोगभोगाईं भुंजमाणे विहरित्तए गोयमा नो इण्हट्टे समट्टे से केण-
ट्टेणं भंते एवं बुद्धइ-नो पभू जाव विहरित्तए गोयमा चंदस्स जोइसिंदस्स जोइसरण्णो चंदवडेंसए
विमाणे चंदाए रायहाणीए सभाए सुहम्माए माणवए चेइयखंभे वइरामएसु भोलवइसमुग्गाएसु बहु-
ओ जिण-सकहाओ सण्णिक्खित्ताओ चिट्ठति ताओ षं चंदस्स जोइसिंदस्स जोइसरण्णो अण्णेसिं च
बहूणं जोइसियाणं देवाणं य देयीण य अच्चणिज्जाओ जाव पज्जुवासणिज्जाओ से तेणट्टेणं गोयमा नो
पभू पभूणं चंदे सभाए सुहम्माए चउहं सामाणियसाहस्सीहिं एवं जाव दिव्वाइं भोगभोगाईं भुंजमाणे
विहरित्तए केवलं परियारिड्डीए नो घेव षं मेहुणवत्तियं विजया वेजयंति जयंति अपराजिया-
सव्वेसिं गहाईणं एयाओ अग्गमहिसीओ वत्तव्वाओ इमाहि गाहाहिं- १९७२-११-१६८-१-२

(३५२) इंगालए वियालए लोहितक्खे सणिच्छरे चेव
आहुणिए पाहुणिए कणागसणामा य पंचेव ॥१२८॥-१

(३५३) सोमे सरिए आसासणे य कज्जोवए य कब्बडए
अयकरए दुंदुमए संखसणामेवि तिण्णेव ॥१२९॥-२

(३५४) एवं भाणियव्वं जाव भावकेउस्स अग्गमहिसीओ १९७२-१६८-२

(३५५) चंदविमाणे षं भंते देवाणं केयइयं कालं ठिईं पत्रत्ता गोयमा जहण्णेणं चउभागप-

लिओवमं उक्कोसेणं पलिओवमं वाससयसहस्समब्भहियं चंदविमाणे णं देवीणं जहण्णेणं घउ-
भागपलिओवमं उक्कोसेणं अद्धपलिओवमं पत्रासाए वाससहस्सेहिमब्भहियं सूरविमाणे देवाणं
जहण्णेणं चउब्भागपलिओवमं उक्कोसेणं पलिओवमं वाससहस्समब्भहियं सूरविमाणे देवीणं
जहण्णेणं चउब्भागपलिओवमं उक्कोसेणं अद्धपलिओवमं पंचहिं वाससएहिं अब्भहियं गहविमाणे
देवाणं जहण्णेणं चउब्भागपलिओवमं उक्कोसेणं पलिओवमं गहविमाणे देवीणं जहण्णेणं
चउब्भागपलिओवमं उक्कोसेणं अद्धपलिओवमं नक्खत्तविमाणे देवाणं जहण्णेणं घउब्भागप-
लिओवमं उक्कोसेणं साहियं चउब्भागपलिओवमं ताराविमाणे देवाणं जहण्णेणं अट्टभाग- पलि-
ओवमं उक्कोसेणं चउब्भागपलिओवमं ताराविमाणे देवीणं जहण्णेणं अट्टभागपलिओवमं
उक्कोसेणं साइरेणं अट्टभागं पलिओवमं १७३१-१७०

(३५६) बन्हा विण्हू य वसू वरुणे य अय विच्छी पूस आस जमे

अग्नि पयावइ सोमे रुद्रे अदिई वहस्सई सप्ये ॥१३०॥-१

(३५७) पिउ मग अज्जम सविया तट्ठा वा तहेव इंदगी

मित्ते इंदे निरई आऊ विस्सा य बोद्धव्वे ॥१३१॥-२

(३५८) इमा संगहणी गाहा १७४११७१

(३५९) एसि णं भंते चंदिम-सूरिय-गहगण-नक्खत्त-तारारूवाणं कयरे-कयरेहिंतो अप्पा

वा बहुया वा तुल्ला वा विसेसाहिया वा गोयमा चंदिम-सूरिया दुवे तुल्ला सव्वय्योवा नक्खत्ता
संखेज्जगुणा गहा संखेज्जगुणा तारारूवा संखेज्जगुणा १७५५-१७२

(३६०) जंबुद्दीवे णं भंते दीवे जहण्णपए वा उक्कोसेपए वा केवइया तित्थयरा सव्वग्गेणं

पत्रत्ता गोयमा जहण्णपए चत्तारि उक्कोसपए चोत्तीसं तित्थयरा सव्वग्गेणं पत्रत्ता जंबुद्दीवे णं भंते
दीवे जहण्णपए वा उक्कोसपए वा केवइया चक्कवट्ठी सव्वग्गेणं० जहण्णपए चत्तारि उक्कोस-
पए तीसं चक्कवट्ठी सव्वग्गेणं पत्रत्ता बलदेवा तत्तिया चेव जत्तिया चक्कवट्ठी वासुदेवावि तत्तिया
चेव जंबुद्दीवे णं भंते दीवे केवइया निहिरयणा सव्वग्गेणं पत्रत्ता गोयमा तिण्णि छलुत्तरा निहिरय-
णसया सव्वग्गेणं पत्रत्ता जंबुद्दीवे णं भंते दीवे केवइया निहिरयणसया परिभोगत्ताए० जहण्णपए
छत्तीसं उक्कोसपए दोण्णि सत्तरा निहिरयणसया परिभोगत्ताए हव्वमागच्छंति १७६१-१७३

(३६१) जंबुद्दीवे णं भंते दीवे केवइया पंचिदियरणसया सव्वग्गेणं पत्रत्ता गोयमा दो

दसुत्तरा पंचिदियरणसया सव्वग्गेणं पत्रत्ता जंबुद्दीवे णं भंते दीवे जहण्णपए वा उक्कोसपए वा
केवइया पंचिदियरणसया परिभोगत्ताए हव्वमागच्छंति गोयमा जहण्णपए अट्टावीसं उक्कोसपए
दोण्णि दसुत्तरा पंचिदियरणसया परिभोगत्ताए हव्वमागच्छंति जंबुद्दीवे णं भंते दीवे केवइया
एगिंदियरणसया० दोदसुत्तरा एगिंदियरणसया सव्वग्गेणं पत्रत्ता १७७१-१७४

(३६२) जंबुद्दीवे णं भंते दीवे केवइया एगिंदियरणसया परिभोगत्ताए हव्वमागच्छंति

गोयमा जहण्णपए अट्टावीसं उक्कोसेणं दोण्णि दसुत्तरा एगिंदियरणसया परिभोगत्ताए
हव्वमागच्छंति जंबुद्दीवे णं भंते दीवे केवइयं आयाम-विक्खंमेणं केवइयं परिक्खेवेणं केवइयं
उव्वेहेणं केवइयं उड्ढं उच्चतेणं केवइयं सव्वग्गेणं पत्रत्ते गोयमा जंबुद्दीवे दीवे एणं जोयणसयसहस्सं
आयाम-विक्खंमेणं तिण्णि जोयणसयसहस्साइं सोलस य सहस्साइं दोण्णि य सत्तावीसे जोयणसए
तिण्णि य कोसे अट्टावीसं च धणुस्सं तेरस य अंगुलाइं अट्ठंगुलं च किंचिविसेसाहियं परिक्खेवेणं एणं
जोयणसहस्सं उव्वेहेणं नवणउइं जोयणसहस्साइं साइरेगाइं उड्ढं उच्चतेणं साइरेणं

जोयणासयसहस्रं सव्वग्गेणं पन्नते जंबुद्दीवे णं भंते दीवे, गोयमा सिय सासए सिय असासए से केणट्ठेणं भंते एवं बुद्धइ० गोयमा दव्वड्डयाए सासए वण्णपज्जवेहि मंध-रस-फास-पज्जवेहि असासए से तेणट्ठेणं गोयमा एवं बुद्धइ-सिय सासए सिय असासए जंबुद्दीवे णं भंते दीवे कालओ केवच्चिरं होइ गोयमा न कयावि नासि न कयावि नत्थि न कयावि न भविस्सइ भुवि च भवइ य भविस्सइ य धुवे निइए सासए अक्खए अव्यए अवट्ठिए निच्चे जंबुद्दीवे दीवे पन्नते 19७८-17७

(१६३) जंबुद्दीवे णं भंते दीवे किं पुढविपरिणामे आउपरिणामे जीवपरिणामे पोग्गलपरिणामे गोयमा पुढविपरिणामेवि आउपरिणामेवि जीवपरिणामेवि पोग्गलपरिणामेवि जंबुद्दीवे णं भंते दीवे सव्वपाणा सव्वभूया सव्वजीवा सव्वसत्ता पुढविकाइयत्ताए ओउकाइयत्ताए जाव वणस्सइकाइयत्ताए उववण्णपुव्वा हंता गोयमा असई अदुवा अनंतबुत्तो 19७९-17७

(२६४) से केणट्ठेणं भंते एवं बुद्धइ-जंबुद्दीवे दीवे जंबुद्दीवे दीवे गोयमा जंबुद्दीवे णं दीवे तत्थ-तत्थ देसे तहिं-तहिं बहवे जंबूरुक्खा जंबूवणा जंबूवणसंडा निच्चं कुसुमिया जाव पडिमंजरि-वडेंसगधरा सिरीए अईव-अईव उवसोभेमाणा-उवसोभेमाणा चिद्धंति जंबूए सुदंसणाए अणादिए नामं देवे महिद्धिणए जाव पलिओवमट्ठिईए परिवसइ से तेणट्ठेणं गोयमा एवं बुद्धइ-जंबुद्दीवे दीवे जंबुद्दीवे दीवे 19८०-177

(३६५) तए णं समणे भगवं महावीरे मिहिलाए नयरीए माणिमद्दे चेइए बहूणं समणाणं बहूणं समणीणं बहूणं सावयाणं बहूणं सावियाणं बहूणं देवाणं बहूणं देवीणं मज्झगए एवमाइक्खइ एवं पासइ एवं पन्नवेइ एवं परूवेइ जंबूद्दीवपन्नती नामं अज्जो अज्जयणे अट्ठं य हेउं च पसिणं च कारणं च चागरणं च भुज्जो-भुज्जो उयदंसेइ-त्ति वेमि 19८१-17७

● सत्तमो यक्खारो सत्ततो ●

१८ जंबुद्दीवपन्नती समत्ता

सत्तमं उवंगं समत्तं

४५-आगमना प्रधान आर्थिक अनुदाता

स.म्य.इ श्रु.ता.नु.रा.गी श्र.म.झो.पा.सि.का

श्रीमती नयनाजनेन रमेशचंद्र शाह - परिवार, वडोदरा

प्रस्तुत आगमनां मुख्य द्वय सहचक्र

१८ श्री कारेकी भाग चैताम्बर मूर्तिपूजक जैनसंघ, वडोदरा-४. शांतिवार्ड